



Ermita Camaridulen
Insula Bigrensis +





PABULUM ANIMÆ
CHRISTIANÆ,

S E U

MEDITATIONES

triplici perfectionis viæ servientes.

à R. P. CHRYSOSTOMO ADAMOVIĆ

Sacri Ordinis S. PAULI Primi Ætæ Asceta conscriptæ.
auctæ verò, & in singulos totius anni dies

DISPOSITÆ

à F. BARTHOLOMÆO SOTAREVIO

eiusdem Sacri Ordinis Presbytero, atq; ab eo
dem in gratiam omnium, sive per lectionem Sa-
cræ, ac Meditationem, sive per exhortationem &
predicationem, sive per conferentias & discursus
spirituales, perfectionem Christianam, cum
sibi tum alijs procurantem.

publicæ luci datæ.

ANNO DOMINI

1 7 0 6.

Impressæ in Privilegiatâ à S. R. M. Clari-Montis
Typographia.

Bf Biew. B. II, 15

Approbatio Ordinaria.

EGO Magister FRANCISCUS PRZEWOSKI
S. Th. Doctor & in Vniuersitate Cracouiensi
Professor, Ecclesiæ Collegiæ S. FLORIANI Præ-
positus S. R. M. Secretarius, Ordinarius Librorum
Censor, Librum cui Titulus PAVLVM ANIMÆ CHRIS-
TIANÆ. seu MEDITATIONES. &c &c. dispositæ à R. P.
Notario Ord: S. PAULI Primi Eremitæ S. T. Do-
ctore, Vicario Provinciæ Poloniæ vidi & diligen-
tissimè legi. Qui cum nihil Orthodoxæ Fidei & bo-
nis moribus dissonum in se contineat, ideo illum in
publicam lucem edi, & prælo imprimi do & conce-
do facultatem. Datum in Præpositura S. FLORIA-
NI ad Crac: Die 27. Aprilis. Anno Dñi 1697.

*M. Franciscus Przewoski, S. Th. Doctor & Pro-
fessor. Præpositus S. Floriani ad Crac: S. R. M. Se-
cretarius Ordinarius Librorum Censor. m.p.*

F A C V L T A S

Reverendissimi Patris Generalis.

OPUS quod intitulatur: PAVLVM ANIMÆ CHRIS-
TIANÆ, seu MEDITATIONES triplici viæ per-
fectionis seruientes, olim à R. P. Chrysostomo Ada-
movio Ordinis Nostri asceta conscriptæ, nunc verò
per Rndum Patrem Fr. BARTHOLOMÆVM SORATIVIL-
IUM, eiusdem Ord: S. Th. Doctorem, vtriusq; Polo-
niæ Silesiæ & Pomeraniæ Provinciæ Definitorem,
auctæ & in singulos totius Anni dies dispositæ à duo-
bus Theologis Ordinis nostri perfectum & dignum
prelo iudicatum, vt typis mandari possit, facultatē
conce-

concedo per presentes. In Monasterio Clari-Mon-
tis Czesztochoviensis. Die 4. Maij. Año. Dñi 1697.

*Fr. Gasparus Mallechich Ord: S. Pauli Primi Ere-
mitæ Prior Generalis S. Th: D. mp. (L.S.)*


Secunda Ordinarij Censoris

APPROBATIO.

Sufficienti licet examine, Opus hoc, cuius Titu-
lus PAVLUM ANIMÆ CHRISTIANÆ, Sacris Me-
ditationibus ad triplicem perfectionis viam redu-
ctis, constans, labore exemplari admodum Rñdi
Patris Chrysostomi Adamovj, in sacro Ordine D.
PAULI primi Eremitæ Asceræ conscriptum, ac ite-
rum per ADMODVM REVERENDVM PATREM SOTARE-
VIVM in eodem ordine S. Theologiæ Doctorem ac
Provinciae Polonæ Definitorum auctum, & sua di-
spositione diebus totius anni applicatum: olim à
Perillustri & Admodum Rñdo Domino Francisco
Przewoski, S. Th: Doctore & Professore Ecclesiæ
Colleg: S. FLORIANI ad Crac: Præposito ac per Di-
ocesim Cracoviensem Librorum Censore lectum
& approbatum, quia tamen, iterum Autori opus hoc
ad ordinem suum reducenti placuit multis præcla-
ris eandem dispositionem augere & illustrare doctri-
nis, ideo ne quid eius plenæ desit Censuræ, testor
illud à me esse relectum, & uti dignum, ut impri-
matur approbatum. Datum in Collegio Maiori,
Academiae Cracoviensis Die 10. Mensis Septembris.
Anno Domini. 1703.

*M. Petrus Praclewic, S. Th: Doctor, & Professor,
Ecclesiæ Colleg: S. Floriani ad Crac. in Diocesi Crac:
Librorum Censor.*

ORDI-



ORDINATIO MEDITATIONUM

Pro Exercitijs Spiritualibus.

PRIMA DIE.

Pæliminares Meditationes,

Pro	De præsentia Dei per tres modos.	Fol. 224.
dua	De fine ad quem homo creatus.	530.
bus	De fine creationis nostræ duplici.	534.
ho-	De varijs medijs ad finem nostrum.	535.
ris.	De fine ingressus in Religionem.	536.

SECUNDA DIE.

De Peccato.

Pro	De gravitate peccati ex natura sua.	549.
dua	De gravitate peccati ex parte maculæ.	552.
bus	De gravitate peccati ex parte pænarum.	554.
ho-	Et ex parte Christi pro eis passi.	560.
ris.	De peccato veniali.	562.

TERTIA DIE.

De Novissimis.

Pro	De proprietatibus mortis.	607.
dua	Et quomodo te ad mortem disponere debeat.	708.
bus	De rigore iudicii divini Et de modis evasionis.	648.
ho-	Christus ad iudicium particulare sicut sur-	
ris.	venit.	652.
	De natura Et igne inferni: Et de utraq; pæna	
	damni. 654. Et sequent. 66r.	

QUARTA DIE.

In ordine ad fervorem Spiritus.

Pro	De tempore transacto.	110.
dua	De tepiditate.	102.
bus	De fer-	

OCTAVA DIE.

De mysterijs gloriosis.

Pro	De resurrectione Domini.	333.
vna	De apparitione Christi in monte Galilee.	344.
hora.	De Ascensione Domini.	407.
	De emolumentis Ascensionis Dominice.	418.
Pro	De circumstantijs adventus spiritus S.	434.
altera	De nominibus spiritus sancti.	436.
hora.	De donis & fructibus spiritus sancti.	442.
	De Imagine SS. Trinitatis in nobis.	453.

NONA DIE.

De attributis & beneficijs divinis.

Pro	De immensitate & presentia divina cum respe-	
vna	ctu duplicis bonitatis.	486. & 402.
hora.	De potentia, sapientia, bonitate, charitate, &	
	Sanctitate Dei.	474. & seq.
Pro	De beneficio creationis in illud: Manu tua. &c.	518.
altera	De beneficio justificationis.	519.
hora.	De beneficio vocationis ad statum sacerdotij: ve-	
	ad Communionem Sacram.	521.
	De beneficio predestinationis; duplex.	523.

DECIMA DIE.

De amore Dei & gloria celesti.

Pro.	Amor Dei & erga nos qualis. Et qualiter Deu.	
vna	diligendus?	392. & seq.
hora.	Causa amoris amor & de alijs causis	385. & seq.
	De actibus amoris internis.	388.
Pro	De natura & loco celestis glorie.	422.
altera	De Societate SS.	424.

hora.	De fervore, dua.	103.
ra.	De virtute fidelitatis.	144.
	De novem bonis religiosorum.	138.

QVINTA DIE.

De Vita Christi Domini vsq; ad passionem.

Pro	De convenientia & utilitatibus Incarnationis.	31.
vna	De Nativitate Christi Domini.	79.
hora.	De vita privata.	119.
Pro	De Baptismo.	121.
altera	De testimonio Ioannis.	129.
hora.	De excellentia Christi.	146.

SEXTA DIE.

De qualitate & initio Passionis Dominice.

Pro	De generalitate passionis Christi.	248.
vna	Quod dolor passionis maior fuerit omnibus do-	
hora.	loribus.	249.
	Quomodo passus?	252.
Pro	De tristitia & oratione in horto.	267.
altera	De toleratis in domo Caiphae.	281.
hora.	De dolore B. V. audita Filij captivitate.	283.

SEPTIMA DIE.

De Passione & morte Domini.

Pro	De gestis apud Pilatum vi examine, flagellatio-	
vna	ne, coronatione, productione ad plebē.	295. & seq.
hora.	De condemnatione.	301.
Pro	De crucis baiulatione & occurſu mulierū.	302.
altera	De crucifixione.	310.
	De verbis Christi in Cruce & de morte eiusdem.	(316.
	hora	

hora De' animæ & corporis gloria. 426. & seq.
 De gaudio quod quivis Electus habebit ex alijs 430.
 De eternitate gloriæ cælestis. 432.

Pro mensuris recollectionibus valebunt sequentes
 Meditationes.

- | | | |
|-------|---|-------------|
| 1ma. | De fine creatianis nostræ duplici. | 534. |
| 2da. | De fine ingressus in Religionem. | 536. |
| 3tia. | De præsentia Dei per versiculam. Quis, &c. | 488. |
| 4ta. | De exercitio præsentia divina. | 489. |
| 5ta. | De transactio tempore. | 110. |
| 6ta. | De fervore Spiritus. | 103. |
| 7ma. | De morte triplici & quod semper ad mortem præparati esse debemus. | 614. & 615. |



Lectori Amico.

QUæ sit Meditationis utilitas, jam dudum non calamus tantum, sed & ipsa docuit Magistra experientia. Illi, quod scio, Religio

Meditationis utilitas.

nostra colorem, succum, speciemq; omnem refert in acceprum. Illi, alij Sacri Ordines debent, quod floreat & proficiant. E regione, cur nonnulli regularium consensu superbiæ præruptis, præcipientes labantur in profundum, non alia causa est, quam defectus Meditationis.

Præbuerat aliquando mihi confabulationis cum quodam instituti nostri Prælati materiam, licentia alicujus. Vtrò citroq; dum discurremus, ego, (*inquit ille,*) Spiritum Sanctum per os David de Regularibus discipulis, & disciplinæ osoribus pronuntiasse reor: *In labore hominum non sunt, & cum hominibus non flagellabuntur: ideo tenet eos superbia: prodiit quasi ex adipe iniquitas eorum.* quod sic interpretatus est. *In labore hominum non sunt:* Non sudant circa culturam agrorum: non mercatorum insomniis curisq; tabescunt: non in pistrinis officinisq; opificum fatigantur: non tædis in toga, sagoq; officiis exercentur. Peregisse Sacrificium Missæ (quo accessu & recessu,

Otiū.

Impunitas

cessu, quâ devotione, quo conscientiae tenore, ille novit, cui nihil absconditum) & unam vel aliam precum Canoniarum partem non orasse, at perfunctorie percurrisse, tota illis actionum moles: jam se dignos mercede caelesti, insuper & regum honoribus ac convivij arbitrantur. Et cum hominibus non flagellabuntur; si saeculares delinquant, vel in furcam aguntur, vel gladio subijciuntur, vel rotarum radiis implectuntur, vel in rogo cremantur, vel demum alio supplicij genere contra ipsos animadvertitur: ast spirituales impune peccant, & ideo efferuntur in superbiam, ideo quasi ex aruina pingui, & quodam adipe eructant verba mortifera: nec his contenti, lethalia exercent opera, & quod deterrimum est, ita indurantur, ut superbam cervicem ad paenitentiam inclinare nolint; monitoresq; suos instar phreneticorum, morsu lacerent. Mirifice delectatus sum expositione: praecipue cum scirem eam consonare D. Hieronymo, qui eundem versiculum, imò totum illum Psalmum, ferme contra Sabirianum Diaconum, sibiq; similes compositum esse arbitratur.

Mater flagitiorum.

Ad rem. Quia ergo licentiosiores labore non franguntur, quia timore suppliciorum non frænantur, vacent iniquitati.

tioni : hæc sola & unica eos frugificare po- *Nisi Medi-*
 test : hæc accedente respicient, tangentq; *tationi va-*
 cicatrices suas, plangent admissos errores: *cent, actū*
 hæc deficiente, imitabuntur eorum vitam, *de Religio-*
 quorum tormenta non metuunt. *sis.*

Sunt & delicatuli, qui nihil sibi pri-
 vatim, multo-minus publicè dici patiun-
 tur : vix monentur, illicò ducunt vultum,
 & in magistrum suum salutaria exhorta- *Delicatu-*
 tionis promentem verba, maledicta re- *lis Medita-*
 torquent, etiam generalem contra vitia *tio perquā*
 disputationem, in suam trahentes contu- *necessaria.*
 meliam, & contra quodecunq; crimen acro-
 ris sermonis mucro dirigatur se peti cla-
 mitantes. Hi quoniam à Medicis spiritua-
 libus sua secari vulnera, & quod putri-
 dum est, clementi correptionis amputa-
 ri ferro non sustinent; saltem sibi ipsis
 Medici fiant : seipsos per sacras curent Mé-
 titationes, aliàs de eorum salute actum,

Nec hoc ideò dico quòd sanctum Reli-
 giosorum carpam nomen, & Venerabili
 Monastico detraham Schemati; sed quòd *sunt ma-*
 ut ait Hieronymus ad Nepot: In omni pro- *la mixta*
 posito & in omni gradu & sexu boni & ma- *bonis.*
 li reperiantur, malorumq; condemnatio, laus
 bonorum fit. Videas in tritico zizania, in
 medio Lædeorum olorum corvos, in ar-
 bustis utilibus stolones, in palmarum or-
 dine amaras myrrh s. Civitatem nunquid

soli probi & honorati incolæ constituunt?
 imò verò etiam mimi, scurræ, circulator-
 res, scrutarij, laverniones, lænæ læno-
 nesq; , danistæ, aliæq; hujus commatis ho-
 minum fæces, urbem omnem quò hæc
 nobilior est, eò frequentiore numero in-
 habitant. Ipsa natura non in solis pul-
 chris, sed in deformibus quoq; suum re-
 poluit decorem. Unguenta non fiunt absq;
 magmatibus, purgatissimæ farinæ miscen-
 tur furfures. Ferro, alijsve metallis ad-
 hæret scoria. Frumentum absq; acere quis
 reperiat? Olivæ habent suas flaces. Vi-
 num absq; fæcibus non erit. Inter plane-
 tas nonne sunt etiam naturæ malignantis?
 Ignis serenus, absq; fumo & fuligine nul-
 lus. Mel, sive illud cæli sudorem, sive si-
 derum salivam, sive purgantis se àëris suc-
 cum voces; absq; retrimento non est. De-
 niq; in toto naturæ ordine nihil invenies,
 quod in classe & specie sua non habeat
 purgamenta, & aliqua pulchritudinis di-
 spendia. Ars paritèr serenis & nitidis co-
 loribus, nigricantes admiscet umbras, gra-
 tiæ majoris in imagine authrices. Sed &
 Deus naturæ artiq; faber, in pulcherri-
 ma hac universi machina, perfectis im-
 perfecta & defectuosa permiscuit opera.
 Innumeri namq; sunt in mundo homines
 (ut de brutis & inanimatis taceam) si non

monstrosi, certè aliquo nàvo & defectu
scatentes. Cilonēs, Strabonēs, pati, flacci,
simi, compernes, balbi atq; atypi; omnes
hī, imò quod in stuporem vertit, pecca-
tores juxta divinæ leges providentiæ, ad
pulchritudinem spectant universi. Ad il-
lud ista tendunt, ne quis offendatur sty-
lo meo, meq; satyricum in prosa arguat
scriptorem, dum infirmiores Regulares, &
in ijs meipsum noto; ne item offendatur
quis adversum Religiones, si particularia
in ipsis interdum advertit desipere no-
mina.

Redeo ad Meditationem malorum cu-
ratricem. Vbinam verò isthæc Philoso-
phia discitur, in quo gymnasio præcepta
traduntur Meditandi? Princeps Romanæ
eloquentiæ, cui illud datum encomium:
*Demosthenes tibi præripuit ne esses primus
Orator; tu illi, ne solus;* reprehendendum
putat nescio quem, quòd literas Græcas Ad Mar-
non Athenis, sed Lilibæi: Latinas non cellam.
Romæ, sed in Sicilia didicerit. Christia-
nus Tullius absq; Athenis nostris, hoc est,
absq; Hierosolyma perveniri posse ad fa-
stigia studiorum spiritualium negare vi-
detur. Ego censeo asceteria Religiosa Aca-
demias esse, in quibus Meditationis Sacræ sunt pale-
stræ Meditatorum spiritualium occurrit copia: hic tationis.

variæ meditandi proponuntur materiæ :
 hîc ipsa solitudinis & silentij commoditas,
 apprimè spirituali speculationi suffragatur.
 Quodsi desideras, commendem tibi
 aliquem ex professoribus doctrinæ istius,
 præstò est Chrysostomus Adamovius Primus
 hic fuit, qui in Asceterio S. Barbaræ
 Magistrû & Catechistam egit tyronum
 vitæ Regularis. In solitudine hac, crebrò
 ad similitudinem Ioannis in pectore Christi
 quiescebat, & de eodem arcana bibe-
 bat cælestia, postmodum ea in salutem
 populi ructaturus. Locus meherclè is,
 contemplationi, orationibus, studijs sacris
 aptissimus. Eremum Thebaidis repræsen-
 tat, in qua solus cum solo Deo agere pos-
 sis, & instar Pauli, præter Deum ac cæ-
 lestia, nosse nihil. Bethleem figurat cun-
 nis Salvatoris celebrem, quam Ephrata &
 campos sylvæ, Propheta nominat. Licet
 hîc cum Ioseph & Maria cunas Iesu agita-
 re: licet cum Pastoribus stupere super In-
 fante, eumq; arridentibus spectare oculis,
 ac dulcibus basiare osculis: libet cum Re-
 gibus lachrymis gaudij præsepe consper-
 gere.

*Nicopolis
 postea di-
 cta Em-
 maus.*

Refert speciem Nicopoleos, quæ pri-
 us Emmaus vocabatur. Aquas calidas
 prope Emmauntem fuisse Iosephus Iudæo-
 rum Scriptor vernaculus notat. In soli-
 tudine Emmauntis nostræ, aquas repe-
 es

calidas. Nec de earum salubri virtute ambige. Innumeri enim sunt, qui vitia animi, vix eas attigerunt, felicius quàm Naaman lepram deterferunt: multiplices pravitatis rugas efficacius quàm Iason deposuerunt: veterem hominem cum actibus suis in novum velut in quodam Iordane regenerati, demerserunt. Profluit fons in Emmauntis agro: ubi dum Salvator ex itinere pedes lavat, virtutem medicam ad sanandos morbos concessit aquæ. Fontem habet & locus iste, cumq; crebro prodigio variorum medicatorem languorum: quam gratiam ex Salvatoris, suæq; Genitricis in tabula Nazarethana depictorum tactu, inter abluendi officia hausit. Sed & nomen ipsum optimè congruit. Emmaus enim vertitur *in consilium Matris*, vel *simavis, in timentem consilium*. Hic autem non pauci panico percussi timore ad Christi sequenda consilia, fidem suam renuunt obstringere: repetuntque inter ipsa Religiosæ vitæ incanabula seculum, non multò post pœnitentes facti, & ob amissum Monachum, & ob mundum haud æquiores inventum. Hem, quo meloci Sacra vis, & gratia rara abripuit. In hac ergo Thebaide meus Chrysostomus subsecivis ab oratione horis, non florebat, aut canistra ex lentis texebat viminibus,

Baron:
Tom: 4.

bus, sed præceptiones salutare meditationesq; compilabat & componebat.

In hac Carpophora Bethleemica regione uberrimam inhians animarum messem continuò in cultura animorum defudabat. In hac Emmaunte copiosius quot diebus in fractione panis cognoscebat Iesum; ipseque parvulis petentibus quotidianam sacre Meditationis dispensabat annonam: prius tamen à maculis naviq; mundanis in lavacro Penitentiae lotos volebat. Hic Directoria, hic Elementaria, seu Abecedaria Religiosæ perfectionis, veriùs absolutissimas Regularium institutiones, quæ in Tabulario Clari Montis asservantur, cõscripsit. Hic Meditationes hæc congeffit, & consignavit: totus semper in angello cum libello.

Accessit ad labores ejus opella mea in augendo, & pro singulis anni diebus, singulas assignando Meditationes. In qua auctione, non diserta, sed fortia curabam loqui, Rethoricas ambages, longaque exorsa amovendo; ut nequeas hîo invenire verborum lenocinia, sententiarum flosculos, & per fines periodorum acuta quædam, breviterque conclusa: hæc enim non Meditationi famulantur, sed admirationi; nec planctum & devotionem, sed plausum & clamorem excitant audientium.

*S: Thomæ
Doctrina
fax animo
tum.*

Sancti Thomæ Doctoris Angelici cõ-
brius

brius immiscui doctrinam, hæc enim non
 modò erudit intellectum, verùm etiam
 commovet, inflammâtq; voluntatem. Ex-
 perieris, si sedulò & cum masticatione S.
 Doctorem legas. Planè liquet, Aquina-
 tem quæ scripsit, Spiritu S. dictante scri-
 psisse: aliàs eximia vis & vita quædam li-
 teris ejus non inesset. Hinc est, quòd le-
 gendo articulos ejus, multi ad fidem con-
 versi, multi à peccatis ad Deum reversi.
 Hic ille est Angelus stans in sole Christo, &
 lumine cælestis sapientiæ circumfusus. Hic S. Thomas
 est oliva & candelabrum Ecclesiæ: pin-
 guedinem ex moribus, lucem ex doctrina
 ministrans. Credas Prophetam, cui datus
 calamus similis virgæ. Calamus contin-
 git multis, sed non solidus. Taceo de Pœ-
 tis, Rhetoribus, ac Philosophis gentilibus,
 quorum libri, quia fucato sermone ac ver-
 bis cavis, & in modum vesicarum tumen-
 tibus, ut plurimum mendacia, fabellas, ac
 ingeniosa commenta tegunt, inani pror-
 sus calamo conscripti sunt. Etiam Eccle-
 siasticorum Scriptorum non pauci sunt,
 quorum Tractatus inaniarum pleni, & præ-
 ter argutias, externiq; splendorem elo-
 quij; præter Euripos, Nilosq; excursio-
 num, nihil solidæ doctrinæ ac pietatis
 continent, Nihil in illis Dialecticum, ni-
 hil vtile, atq; districtum, quod lectorem
 vel

Apoç. II.

vel ingratum in assensum trahat : sed totum flaccidum , molle nitidum , atq; formosum , & exquisitis hinc inde odoribus pigmentatum : ut proinde calamus illorum , non virgæ , sed arundini foris viridanti , intus vacuæ similis sit. At verò Angelico Doctore datus calamus instar virgæ. Quid enim in operibus ejus inane , quid humidum ? quid quod jactantiam sapiat aut erroris vel fictionis suspicionem pariat ? omnem disputationem suam ad Scripturarum , & Sanctorum Patrum rectorum auctoritatem , ut hinc erubescant qui viribus ingenij sui nituntur : finguntq; opinioniones quas volunt , & quomodo volunt ad sensum suum Scripturam trahentes repugnantem. Discordantes Patrum Sententias ita conciliat , ut nihil à seipsis recessisse videantur : obscura testimonia elucidat , ut sole clariora appareant. Sic sua firmat probatq; , ut nemo possit infringere : sic aliena solvit , ut locus contradictioni non relinquatur. Paulini ingenium in rebus politicis luxurians , & necdum in Scripturis tritum diserto extollens præconio Hieronymus , Magistrum se eidem offerens ait : *O si mihi liceret istiusmodi ingenium non per Aonios montes & Heliconis vertices uti Poëta canunt , sed per Sion & Itabyrium , & sine excelsa lucere*
si en-

Ita congereret docere quæ didicimus, & quasi per manus mysteria tradere Scripturarum : nasceretur nobis aliquid, quod docta Græcia non haberet. Sub Magisterio ejusdem D. Hieronymi, aliorumq; SS. Patrum, imò sub disciplina & directione ipsius Spiritûs S. tantum profecit Thomas, ut eo non Græcia solum, sed Orbis universus doctius non habeat ingenium. Hunc ergo si quid in me consilij, cuius Catechistæ, Prædicatori, Expositori, Divinæ legis meditatori assiduè manibus tenendû suadeo. Pede curret inoffenso, quisquis hoc duce usus fuerit.

E regione qui se ad pulpitem sacrum literarum absq; Thoma collocaverit, data operâ hallucinari volet. Atq; inde est quod totam struem & materiam Meditationum fundamento doctrinæ ipsius stabilitam volui : non enim ignoro plures de divinis meditates in errorem lapsos esse, (ut in vitis Patrum videre est) qui proprio fidentes capiti, absq; ductore & magistro, viam meditandi ingressi sunt. Sacri nominis Doctor protestatur se in divinis voluminibus, proprijs viribus nunquam credidisse nec habuisse opinionem suam, sed ea etiam de quibus se scire arbitrabatur, interrogare solitum ; quanto magis de ijs, super quibus anceps erat. Hoc ideo adduxi, ut quicumq; divina meditat, & Sacras Scripturas retractat, San-

*In Præf.
ad lib. Paralipon.*

*Ejaculato-
ria orati-
ones.*

ſtorum Patrum inſiſtat tramiti, præcipue
 D. Thomæ, cujus doctrina, ore divini
 probata eſt. Ad intellectum in fide,
 inſtitutionibus Chriſtianis erudiendus
 firmandumq; pertinent dogmata: ad ac-
 cendendam voluntatem roborandam
 teſſeræ ordinantur, quas ſingulis hebdo-
 madis materiæ meditationum congruen-
 tes annexui. Earum ut apud priſcos Ec-
 nicolas, ita & nunc apud Religioſos fre-
 quentiſſimus uſus. Quot diebus, quot ho-
 ris, quot quadrantibus piæ & Deo plene
 animæ eas frequentant, ut earum uſu
 magis ac magis in ſpiritu proficiant, &
 cum Deo ſuo arctius atq; arctius conjun-
 gantur. Sunt hæ velut ſagittæ, quas è pla-
 retra cordis noſtri ad cælos mittimus, non
 injuriâ ſed religione. Sunt velut ſcintil-
 læ è pectore noſtro emicantes, & incendi-
 um amoris divini excitantes. Sunt velut
 pulſus cordis, vitam indicantes animæ
 Grana dixeris frumenti, ex quibus panis
 animæ conficitur. Dic rudes ac minutæ
 auri particulas, ex quibus, artifice Spiritu
 ſancto, monile myſticum ad ornatum no-
 ſtrum compingitur. Si prolixam oratio-
 nem, vel temporis anguſtia, vel corporis
 imbecillitas prohibet: has breviusculas
 nihil eſt quod impediât. Sive foris, ſive
 domi maneas: ſive ſolus, ſive conſitatus
 ſis: ſive in otio, ſive in negotio verſeris

nunquam deerit facultas ejaculatorios ad
Deum affectus evibrandi.

Conformitèr ad Ecclesiæ ordinem di-
stribuuntur hoc in opere meditationes tri-
plici perfectionis viæ servientes. Ecclesia
enim ab Adventu Domini illuminat nos ,
proponendo Mysteria Conceptionis , Na-
tivitatis , Vitæ & Passionis Domini : à Pa-
schate , viam Vnitivam exhibet , gloriam
Christi repræsentans , Deum & Dei bene-
ficia recolens : post Octavas SS. Corporis
Christi , purgat nos per lectiones Evange-
liorum de peccatis , de Novissimis , & quæ
istiusmodi sunt. Ergo age mi Lector , si
Author non displicet sectare docentem.
Torum quod legimus in scripturis , nitet qui-
dem & fulget etiam in cortice , sed dulcius Hieron:
in medulla est. Medullam tibi proponit
Chrysostomus , salivam para ; nucleum
offert , materiam nimirum meditandi pi-
is enucleatam considerationibus ; tuum
est non subtrahere gustum : nisi fortè pere-
grinas merces appetis , & extraneorum
te condimentorum allimenta magis de-
lectant. Sed crede mihi , si PABVLO hoc ,
quantumvis domestico crebrius animam
tuam saginaveris , sicut adipe & pinguedi-
ne replebitur. Ne verò nausea tibi contin-
gat , si non omnia nova reperis , præmoneo :
Nor leges quædam , sed limâ rarsa recenti Mart: l. 9
Irs nova maior erit ; Lector utriq; sære. Ep: 2.

Prolusio Authoris,

ANtequam ad ipsas accedamus Meditationes, oportet prius nonnulla De Natura, Divisione, Materia, Affectibus, Forma, Fine, Causa, Tempore, Loco, Situ corporis, Duratione, Partibus & Integritate Meditationis, demum de ijs quæ ante, intra, & post Meditationem servanda sunt præmittere.

Quantum igitur ad naturam Meditationis attinet:

Meditatio est affectuosa & pia divinarum rerum, quæ hominem ad laudandum Deum, & virtutes Christi, Sanctorumq; sectandas ad bonum amplectendum, & malum fugiendum provocet, consideratio.

Quantum ad Divisionem, dividitur tripliciter: in Piam cogitationem, Meditationem & Contemplationem.

Pia cogitatio, est momentanea mentis ad Deum ex aliqua creatura, vel loco Scripturæ Sacræ, vel factis aut dictis Sanctorum, vel obvijs alijs occasionibus cum pio affectu conversio. Meditatio est (si prior non placet descriptio) attenta & sollicita rei cuiusq; per causas, effectus, proprietates, aliasq; circumstantias in medi-

ne

ne ad æternam salutem consideratio.

Contemplatio est simplex Dei & rerum
divinarum finè discursibus inspectio.

Quantum ad Materiam: hæc juxta tres
perfectiōnis vias, est triplex. Via Purga-
tiva habet pro materia finem ultimum,
peccata, miseras humanas, quatuor novis-
sima, aliæq; motiva contritionis. Via Il-
luminativa, Vitam Christi, cujuslibet San-
cti, necnon virtutes. Via Unitiva, habet
gloriosæ Christi mysteria, & Beatissimæ
Virginis, attributa divina, beneficia in
præsenti nobis oblata, aut in futuro pro-
missa.

*Affectus
spectant*

Quantum ad affectus. Hi itidem juxta
tres vias sunt triplices. Viæ Purgativæ
sunt: displicentia, dolor, detestatio, hor-
ror peccati, timor justitiæ & judiciorum
Dei, inferni, purgatorij: confusio, con-
temptus, pudor sui & alij multi. Viæ Il-
luminativæ sunt: desiderium efficax vir-
tutum, gratiarum actio, oblatio, propo-
situm, imitatio, gratiæ petitio &c. Viæ
Unitivæ sunt: admiratio, laus, gratiarum
actio, amor, timor filialis, resignatio, &
alij plurimi, quos ipse Spiritus Sanctus
meditantes edocebit.

*ad mate-
riam me-
ditatio-
nis quia
complent
eandem
& perfici-
unt ideoq;
post descri-
ptam ma-
teriam
meditan-
di conve-*

Quantum ad Formam: Forma medita-
tionis est, ut sit attentæ, sollicitæ, cu-
stodiendæ cogitatio. Dicitur *Cunctabun-
da ad affectus.*

da ad differentiam piæ cogitationis quæ potest in momento fieri. Dicitur *solicita* ad differentiam contemplationis, quæ facile sit, quia sine magno labore & longo discursu. Dicitur *arrenta* ad indicandum quia meditatio debet diligenter cuiusq; naturam rei, causas, effectus, actionem & proprietates indagare.

Quantum ad Causam efficientem. Causa efficiens meditationis est Deus & homo: Deus gratiâ suâ præueniens & illuminans memoriam & intellectum voluntatemq; hominis: homo per eandem potencias diuino præsidio munitus, gratiæ cooperans.

Quoad Finem. Finis est triplex: immediatus, mediatuſ, & vltimus. Immediatus est clarior cognitio Dei, Christi Domini, & sui ipsius. Mediatuſ, sunt actus externi & interni virtutum juxta propositum & in meditatione concepta exercendi. Vltimus, est sublatio imperfectionum, reformatio sensuum, acquisitio solidarum virtutum, & vnio cum Domino DEO.

Quantum ad Tempus. Nocturnum tempus est aptissimum meditationi postquam tantum quis dormiuit quantum ad caput liberum sufficiat. Quanquam & in die possit fieri meditatio præcipuè vbi silentium observatur.

Quantum ad locum. Hic debet esse quietus. Unde excreationes violentæ, respirationes fortes, mullitationes, discursus, strepitus, & alia huiusmodi debent exesse in loco meditationis.

Quantum ad situm corporis. Situs debet esse reverentialiter compositus; ut nihil offendet, Deum quem præsentem habemus. unde oportet flectere poplites (nisi infirmitas vel debilitas excuset) caput quietum & apertum habere: manus vè plurimum iunctas: oculos demissos. Omnes irreverentiæ & commoditatis species: ut sedere, fulcire se cubitis, iacere in scamnis vitari debent. Constat namq; certissimâ experienciâ, eum, qui in meditatione non necessarias quærit commoditates, parvum aut nullum fructum ex ea reportare.

Quantum ad durationem. Illa erit Meditatio fructuosior quæ polior ordinariè una hora per diem meditationi assignanda.

Quantum ad partes. Istæ sunt tres: Prælia, Consideratio, seu trutinatio punctorum, & colloquium seu petitio.

Quantum ad integritatem. Totum Meditationis Corpus consistit in exercitatione trium animæ potentiarum: memoriæ, intellectûs & voluntatis. Memoria
B
mate-

materiam proponit: intellectus, materia à memoria subministratae causas. effectus proprietates aliasq; circumstantias disquirat: voluntas excitata & inflammata ex rationibus ab intellectu disquisitis affectus varios elicit. His itaq; præmissis ad observanda in ipsa praxi accedamus.

De observandis ante Meditationem.

Præparatio ad meditandum duplex.

Remota.

ANte meditationem hoc potissimum observandum est, ut mens ad tam Sanctum opus convenienter præparetur: quod dupliciter fieri potest: proxime & remote. Remota præparatio consistit in tribus. Primò in remotione impedimentorum quæ sunt: cor gravibus peccatis onuste: sollicitudo de futuris contingetibus evagatio mentis. Secundò inscientia eorum quæ ad meditandum requiruntur, uti sunt: praxis meditandi, notitia affectuum & aliorum superius recensitorum. Tertiò in procuranda corporis bona dispositione: hoc est ut vires corporis nec excessu intemperantiæ obruantur, nec nimis vigilijs, ieiunijs, laboribus debilitentur & enerventur. Propinquæ præparatio consistit item in tribus. Primò in materia attentè prævidenda, atq; in certa puncta distribuenda. Secundò, in recollectione in-

telle.

tellectus & phantasiæ immediatè ante meditationem procuranda. Tertiò, in voluntate & devotione excitanda.

De observandis in ipsa meditatione.

Habitâ præparatâ materiâ meditans sistat se in primis in viva fide cum magna humilitate, & devotione, atq; reverentia in conspectu Dei. Secundo, petat gratiam ritè meditandi recitando devotè vel collectâ: *Actiones nostras: vel: Veni Sancte Spiritus.* vel aliqua interna suspiria præmendo ex Psalmis aut Orationibus v. g. *Domine da mihi intellectum & scrutabor legem tuam, &c.* Domine qui es via veritas & vita; sinè quo nemo venit ad Patrem, eia illumina me, doce me iustificationes tuas. Non nulli laudabiliter factis consueverunt Beatissimam Virginem, Angelum Tutelarem, aliosq; Sanctos, adiutores meditationis adhibere. Tertiò, formet breviter præludia, circa quæ observa. præludia varia pro varietate meditationum solere formari. In meditationibus de materia historica vt plurimum *Præludia* tria adhibentur. In primo solet fieri commemoratio historix: in secundo imaginatio loci, personarum. in tertio petitio

gratiæ. In meditationibus de alijs materijs duo communiter adhibentur præludia. Unum quod accommodatam rei imaginationem continet: alterum quod petitionem gratiæ convenientis complectitur. Finitis sic præludijs incipiat meditando punctum unum accuratius expendere, & idoneas rationes inquirere, quibus voluntas ad pios affectus eliciendos, & proposita excitetur, quod ubi peregerit per reliqua puncta simili modo procedet.

Circumstantiæ iuvant meditationem. *Observa 1mo.* Ad facilius & vberius discurrendum plurimum prodesse examinare & expendere rem per circumstantias sequentes: Quis, quid cur, quomodo, quando: quis fructus, ubi, pro quibus, à quibus, &c. Non est autem necesse circumstantias istas omnes semper expendere: sufficit aliquas magis congruentes.

Observa 2do. Ad vitandam confusionem in discursu plurimum prodesse certum aliquem ordinem servare in disquirendis istis circumstantiis. v. g. expendere in primis personas ipsas, deinde verba si quæ se offerant. 3tio facta. 4to qua de causa. 5to quomodo, &c. referendo omnia ad primum voluntatis affectum excitandum.

Observa 3tio. Prodesse ad discursum formandum affectumq; continuandum habere in promptu Sententias Patrum, imi-

litudines, dissimilitudines comparationes à maiori, minori, pari. Item antecedentia, concomitantia, & subsequencia v. g. quæ incommoda peccatum mortale: vel contra quæ commoda virtutem præcedant, comitentur, subsequantur, aut quid boni vel mali ex his provenierit nobis olim, nunc proveniat: in vita reliqua in morte vel in altera vita proventurum sit. 5to. Formatis sic discursibus per intellectum conetur meditans ex ipsis non tam subtiles quàm pius in voluntate sua excitare affectus, illosq; tam diu prolonget, donec per ardentia desideria sibi satis fecerit.

*De Observandis circa affectus
& proposita.*

Observa 1mo. circa affectus. Quod licet certi certis vijs assignentur, uti supra vidimus, tamen sunt magis vsitati & penè omni materiæ conveniunt qui illo disticho exprimuntur.

*Crede Deo, spera, time, ama, mirator & esto
Gratus, gaudero, geme, luge imitator honestū.*

Observe 2do. Pro dilatione & continuatione horum affectuum: quod tribus modis secundum tres temporis differentias, nimirum præsens, præteritum & futurum

exerceri & dilatarì possunt. Quo ad præsens dilatarì possunt his quinque desiderijs, seu suspirijs. Primò, admirando, agnoscendo, & confitendo nostram in sufficientiam, quo ad intellectum & affectum in illis prout par est eliciendis. Secundò, exercendo tamen illos pro modulo nostro tenui, perfectissimòq; exercere desiderando, hoc est, pura intentione. Tertiò, desiderando eos exercere affectu omnium creaturarum si id fieri posset. Quartò, offerendo Deo simile actus excellentissimos Christi Domini, Beatissimæ, Angelorum & omnium Sanctorum. Quintò optando ut idem nobiscum omnes viatores pro mensura gratiæ præstent. Simili modo quo ad præteritum & futurum iidem affectus dilatarì possunt.

*Affectus
suaviter
exercendi.*

Observa 3tio. Affectus non coactè, nec extorsivè, sed discretè & suaviter, nec semper omnes, sed nunc hos, nunc illos, nunc quo ad præsens tempus, nunc quo ad præteritum, nunc quo ad futurum exercendos, idq; maximè ariditatis tempore.

Tempore consolationis sequendus. Nam tempore consolationis sequendus est ductus, & impulsus S. Spiritus. Excitationis scilicet sic in voluntate affectibus concipienda sunt proposita practica suo tempore & ductus S. modo ad opus deducenda. Et hæc proposita practica sunt præcipuus fructus ne-

ditionis finè quibus in vanum meditamur. Præstat enim leviter intellectu discurrere voluntateq; parùm affici, & multum proponere, executioniq; mandare, quàm superabundanti consolatione in meditatione deliniri, & post meditationem facere nihil.

Circa proposita observa. Proposita non circa res extraordinarias arduas & exoticas versari debere sed circa res quotidianas & obvias quæ facile in praxim redigi possunt; cuiusmodi sunt: extirpatio vitiatorum, mortificatio passionum, exacta functionum ordinariarum executio. Conceptis & formatis propositis practicis subiicienda sunt non solum in fine meditationis (vbi præcipuus eorum locus) sed si placet etiam post quodlibet punctum colloquia in quibus bona nostra desideria & proposita, vel Deo, vel Beatissimæ, vel Sanctis humiliter commédanda, gratiaq; necessaria illa exequèdi obnixè postulâda.

Colloquia.

Quæres 1mo. Quomodo se debet gerere is, qui in principio magnam sentit difficultatem in recollectione sui.

R. Humiliet se & Dominum Deum precetur, vt sibi gratiam juxta suum beneplacitum præstare dignetur.

Quæres 2do. Quid faciendum quando capitis dolore laboramus?

R. Suaviter tunc & breviter meditandum, nec tanta applicatione intendendum, quanta dum caput rectè sibi constat.

Quæres 3tio. Quid faciendum quando à semino meditans opprimitur?

R. Diversa posse adhiberi remedia: vel compungere carnem, vel nudis genibus flectere: vel aliquot cordis suspiria ad Deum elicere.

Quæres 4to. Quid faciendum tempore distractionis?

R. Vel distractiones proveniunt ex debilitate phantasie, vel debilitate nostra, vel ex tentatione dæmonis. Si ex infirmitate phantasie, procuranda est corporis bona dispositio: si ex negligentia nostra, fervor assumendus.

Quæres 5to. Quid faciendum tempore ariditatis?

R. Si ariditas oritur ex nostra superbia, humiliemus nos, & indignos omni consolatione reputemus: si ex immissione divina? resignemus nos ad ariditatem illam totâ etiam vitâ proferendam: si ex indispositione corporis, offeramus Divinæ Maiestati desideria, & actus Christi Domini, Beatissimæ & Omnium Sanctorum.

Quæres 6to. Quid faciendum quando voluntas ad nullum affectum excitatur?

R. Si post longum tempus non excitatur.

tur, tum aliud punctum erga quod magis anima afficitur assumendum: vel ad alios meditationis affectus progrediendum?

Quæres 7mo. Quid faciendum quando meditans tempus meditationis propè effluxisse animadvertit & nihil penitus, vel obnegligentiam, vel distractiones, vel ob aliam quamecunq; causam meditatus est?

R. Tunc aliquot intensos virtutum actus videlicet contritionis, humilitatis, amoris eum elicere debere, amissi temporis iacturam hoc pacto resarciendo.

Pro complemento prolegomenorum sit quod inferam.

VLtra praxim & materiam meditando in hoc opere comprehensam potest quis secundum beneplacitum suum assumere ad meditandum, vel Orationem Dominicam, articulos eius, diligentè & attentè discutiendo, & identidem in affectus, obvios prorumpendo: vel Salutationem Angelicam: vel Psalmum, aut Hymnū aliquem vel tesseram, aut sententiam, ex Evangelio, aut alia scriptura petitam sive ad laudem Dei, sive ad mores instituendos servientem. Et quia **IESUS** Christus Dominus noster, est fons vitæ æternæ, principium & finis noster: Cre-

ator, & restaurator, Redemptor, Salvator generis humani: circa ipsum omnes vires animæ & corporis occupare debemus, in idq; niti, ut nihil nos aliud scire arbitremur, nisi IESUM & hunc Crucifixum. Proinde ultra ordinarias meditationes, horis subsecivis, salutare erit & maximè meritorium meditari de Christo Crucifixo: vel membra eius contemplando adiectâ contemplationi gratiarum actione, oblatione, petitione, adiectis etiam actibus virtutum Theologicarum: vel 8. Beatitudines in Crucifixo expendendo: vel 4. Virtutes Cardinales, in 4. partibus Crucis: In summo iustitiam: in profundo fortitudinem: in dextra parte prudentiam: in sinistra temperantiam. In super cuiusvis Dominicæ diei Evangelium, per annum occurrens abundantem materiam ad meditandum de Christo Crucifixo suggerere valet. E. g: Evangelium Dominicæ sequentis recitat parabolam de rege, qui voluit rationem ponere cum servis suis, & oblatus est ei vnus debitor Decem Millium talentorum. Hinc forma meditationem: quis iste Rex? IESUS in Cruce velut in solio, aut throno iudicario recumbens. Verè Rex! ecce enim & causa ipsius scripta regem ipsum ostendit: JESUS NAZARENUS, REX

JUDÆORUM! Verè Rex Cæli & terræ! Adoro te regem meum, tibi servitutiq; tuæ me totum devoveo. Tu me rege, Tu animam, Tu corpus meum, &c. Iudicium facit in Cruce, ut principem mundi foras eijciat: ut Chirographum eius cruci affigat, & nos debitores absolvat. Quis verò iste vnus Decem Millium talentorum debitor? Ego ille præceptorum Dei transgressor, pro singulis præceptis singula mille talenta penarum infernalium teneor exolvere. Quid dabo? quomodò exolvam? O Christe JESU, o Rex gloriæ, tu ipse exolvas iustitiæ tuæ pro me. Unica gutta Sanguinis tui sufficit pro tot millibus talentorum. Offero: suscipe. In hunc modum formari possunt ex quocunq; Evangelio de JESU Crucifixo meditationes & contēplationes.

Et hæc quidem ego pro mea devotione & luci Spīritualis affectu proposui. Cæterum Spiritus S. Magister increatus, qui nos docet omnem veritatem, aderit invocatus vnicuiq; & vnum quemq; cœlestia meditari parantem instruet, illuminabit, accendet.

MEDITATIONES,

Pro via Illuminativa.

Meditationes quæ ad viam illuminativam pertinent, versantur circa vitæ Christi Domini nostri, mysteria ab Incarnatione usque ad mortem eius. Et quoniam Vita Christi eo motivo nobis ad meditandum proponitur, ut ex illa humilitatem, patientiam, aliasque eius heroicas Virtutes hauriamus; ideo curandum est, ut fini huic totis viribus & intimo charitatis affectu respondeamus. Sicut autem omnium mirabilium operum DEI mirabilissimum est Incarnati natiq; ex Virgine Æterni VERBI SACRAMENTUM; sic conveniens est, ut ab omnibus veris Ecclesiæ filiis & præcipuè Religiosis diligentè & devotè recolatur. Non erit absque remuneratione devotio. Nam quemadmodum ipse Filius DEI factus pro nobis infans accommodatum infantibus cibum lac, & mel, juxta Isaïæ vaticinium sumpsit: ita eius Incarnationis & infantie meditatores quam omnes, tyrones tamen præcipuè, & qui prætextam Religiosæ Vitæ necdum deposuerunt abundantius Divinarum consolationum lacte & melle satiantur, tali

dulcedine à terrenis ablaſtandi, & ad virtutum Chriſti imitationem excitandi. Ad quod utrumq; conferent multum ſequentes Meditationes, ſi attentè expendantur, affectus in illis inſinuatſ eliciantur, piſq; propoſita & formentur & in praxim reducantur.

MEDITATIONES.

DE INCARNATIONE VERBI,
*In ordine ad varias virtutes ad-
piſcendas.*

PRO DOMINICA I. AD-
VENTUS.

*De aeterno Decreto Incarnationis
Filij DEI.*

Preludium 1^{um}. Propone menti tuæ Deum Trinum & Unum ad reſtaurationem hominum perditorum opus Incarnationis decernentem.

Preludium 2^{dum}. Pete gratiam fruſtu-
oſè meditandi & affectus congruos circa
hanc materiam eliciendi.

Punctum 1^{um}. Reſpicite & levate capi-
ta veſtra quoniam appropinquat redemptio
veſtra. Appropinquavit primùm tunc re-
demptio noſtra quando Filius DEI pro
nobis Incarnatus eſt.

Luce 21.

Conſe-

DE INCARNATIONE DOMINI.

Considera 1mo. DEUS Vnus & Trinus, decrevit ab æterno duas Creaturas Angelicam & humanam, ad cælestem beatitudinem condere eisq; ad hunc finem consequendum suavia & efficacia & proportionata media præordinare.

Considera 2do. Prævidens DEUS veriusq; prædictæ Creaturæ ex propria liberi arbitrij electione lapsum, ab æterno constituit in Angelos suæ rigorem exercere justitiæ, erga homines verò ostendere superabundantiam misericordiæ, eosq; per Incarnationem Filij sui à peccato & servitute diabolica redimere. O bonitas ! O Charitas.

Punctum 2dum. DEUM incarnari non fuit absolutè necessarium ad reparationem generis humani. Deus enim per suam Omnipotentem virtutem poterat humanam naturam multis alijs modis reparare ; isto tamen modo reparationi nostræ convenientior alius dari non potuit. Non defuit Deo, cuius potestati omnia equaliter subiacent, alius modus possibilis, d sanandæ miseriæ nostræ alius convenientior modus non fuit. ait S. Augustinu li. de Trinitate cap. 10. Considera hîc apientiam, Potentiam, Bonitatem Dei, quòd tam admirabilem, tam excellentem, tam convenientem nobis assumpserit modum ad

nos redimendos. Gratiarum actio, Amor.
Virtus in qua te per Septimanam exerce-
as, Fides. Tessera aliqua ex sequentibus.

Domine Deus meus es tu exaltabo te & *Isaia 5. 1*
confitebor Nomini Tuo, quoniam fecisti mi-
rabilia, cogitationes antiquas fideles, Amen.

Credo quid quid dixisti DE I Filius :

S. Thomas

Verbo veritatis nihil veriùs.

Fac Domine, Domine virtus salutis meæ
ne sim de numero eorum, qui ad tempus cre-
dunt, & in tempore tentationis recedunt.

*S. Aug: in
Medit.*

PROFERIA II.

*De convenientia & utilitatibus
Incarnationis Divinae.*

Punctum imum. Cùm Deus ex natura
sua sit summa infinita & essentialis
bonitas, conveniens illi est vt se summo
modo creaturæ communicet; quia omne
bonum, est sui communicativum summa
verò communicatio Dei ad Creaturam
fit per hoc quòd Deus naturam creatam
sic sibi coniungit, ut vna Persona fiat ex
tribus. Scilicet, Ex Verbo, Anima & Car-
ne, sicut dicit Aug: lib: 13. de Trin.

Deinde nihil convenientius quàm ut
per visibilia monstrantur invisibilia Dei
per ea quæ facta sunt intellecta conspi-
cienter. Jàm verò sicut Damascenus di-
cit,

Lib: 3. Or. cit., per Incarnationis mysterium mon-
thodoxe stratur simul bonitas & sapientia & iu-
fidei c. 1. stitia & potentia Dei. Bonitas quidem,
 quoniam non despexit proprii plasmati
 infirmitatem. Iustitia verò quoniam ho-
 mine victo non alio quàm homine fecit
 vinci tyrannum, neq; vi eripuit ex morte
 hominem. Sapientia verò quoniam inve-
 nit difficilem pretij decentissimam solu-
 tionem. Potentia verò sive virtus infini-
 ta quia nihil est maius quàm Deum fieri
 hominem. Contēplare hoc in Christo.

Incarna- *Punctum 2dum.* Duplex est utilitas In-
tio Domi- carnationis Dominicæ respectu hominis
nica du- videlicet promotio hominis ad bonum &
pliciter u- remotio eiusdem à malo. Primam utilita-
tis ho- tem multimodè consequimur. *1mo.* Quia
mini, vi- per Incarnationem Domini, fides nostra
delicet pro roboratur & certificatur. Nam ipsi Deo
movendo loquenti firmitus & certius credimus,
ipsum in quàm hominibus Nomine DEI loquen-
bonum & tibus, *2do.* Quia per eam spes nostra eri-
removen- gitur. Quis enim non speret salutem? si
do à ma- consideret Deum factum esse Hominem
lo. ut homines salvos faceret. *3tio.* Caritas
 per eam in nobis excitatur. quis enim
 non redamabit tantopere nos amantem
 Deum? *4to.* Recte operationis nobis
 exemplum præbetur. *Quem sequeretur ho-*
mo, Deus factus est homo. S. Aug. 5to. Plena

Participatio Divinitatis, quæ est beatitudo nostra & finis ultimus, per eam nobis confertur. *Factus est homo DEUS, ut homo fieret DEUS.* Elice actus Fidei, Spei, & Charitatis, propone ferventer bona opera exercere.

S. August. in serm. de Nativitate Domini.

PROFERIA III.

Continuatio præcedentis meditationis.

Punctum unicum. Multifariam quoque removemur à malo per Incarnationem. imo. Quia per eam instruimur ne diabolum nobis præponamus & ne eum veneremur qui est auctor peccandi. Unde S. Aug: dicit. *Quandoquidem sic potuit Deo coniungi natura humana ut fieret una Persona: Superbi illi maligni Spiritus non audeant se homini præferre, ideo quia carnem non habent.* 2do. Cum tanta sit dignitas naturæ humanæ, monemur ne eam peccando inquinemus. *Agnosce ô Christiane dignitatem tuam, ait Leo Papa. Et Divinæ consors factus naturæ noli in veterem vilitatem degeneri conversatione redire.* 3tio. Præsumptio à nobis amputatur, quando benignitas DEI non ex operibus nostris, sed secundum misericordiam suam salvos nos per Christum fecit. 4to Superbia, quæ

Incarnatio removel à nobis cultum demonum.

de Trinitate lib. 13.

Peccatum quodvis.

Præsumptionem.

Superbiā.

*Servitu-
tem pec-
cati.*

maximo impedimento est ne Deo inheramus, per tantam Dei humilitatem redarguitur & sanatur in nobis. *sto.* A servitute peccati liberamur: sunt & aliae plurimae utilitates quae consecutae sunt Incarnationem supra apprehensionem sensus humani. Gratias age Beatissimae Trinitati pro hoc mysterio omnibusque utilitatibus eius: propone animam & corpus diligentè custodire, ne aliquo peccato ea inquines. Tessera, ut supra.

PROFERIA IV.

*De generali motivo Incarnationis
quod est Dei gloria.*

Punctum unicum. Generalis finis, ut aliarum rerum, ita & mysterij Incarnationis est gloria Dei, quae vel maxime ex opere Incarnationis resultat. *mo.* Quidem ideo, quia hoc mysterium est, quo maius aliquid à tota potentia Divina nec fieri potest, nec æquale unquam factum est aut fiet. In eo enim Natura humana in Christo ad naturalem Filiationem Dei evehitur, quo quid admirabilius? quid Divinius concipi potest? *2do.* Ideò quia cum Deus sit infinite laudabilis & honorabilis, debito & condigno honore à pura creatura coli nequit, sed solo Christo Deo simul & hominè con-
digne

dignè glorificari potest. 3tio. Idè quia in hoc mysterio elucet clarissimè perfectiones Dei, & Sapientia quæ admirabile medium genus humanum redimendi & liberandi adinvenit: Charitas quæ Filium Dei pro inimicis dedit: misericordia nobis indulgens: Iustitia Christo non parcens. Verè in hoc mysterio misericordia & veritas obviaverunt sibi: Iustitia & pax osculatæ sunt. Sit ergò Nomen Domini Benedictum, pro tali tantoq; beneficio. Tessera, vt supra.

P R O F E R I A V.

*De peculiari motivo Incarnationis,
quod est hominum redemptio &
à peccatis liberatio.*

Punctum 1mum. Peculiaris causa Incarnationis fuit peccatum. vnde Aug. ex illo Lucæ 19. Venit Filius hominis quærere & salvum facere quod perierat, insert. Ergo si homo non peccasset, Filius hominis non venisset. Et super illud r. ad Timotheum: Christus venit in hunc mundum, vt peccatores salvos faceret, dicit Glossa. Nulla causa veniendi fuit Christo Domino, nisi peccatores salvos facere: tolle morbos, tolle vulnera, & nulla est medicine causa.

Punctum 2dum. IESU: Erravi sicut ovè quæ periit: quære servum tuum. Adven-
tus.

*Pœnæ pec-
cati.*

tûs tui causa ego sum Domine. Expen-
de bonitatem Dei, qui nulla aliâ ex cau-
sa descendere de cælo, & incarnari vo-
luit, nisi ut te à peccato & à pœnis con-
sequentibus peccatum liberaret. Pœnæ
autem hæ sunt: Ignorantia in intellectu,
malitia in voluntate, variæ corporis mi-
seriæ & morbi, morsq; ipsa, demùm amif-
sio juris ad æternam gloriam, & incur-
sio reatûs ad supplicia æterna. Age gra-
tias Divinæ Maiestati, & propone pecca-
tum super omnia mala vitare. Tessera ut
supra.

PRO FERIA VI.

*De alijs motivis Incarnationis, quæ
sunt instructio hominum, & In-
stitutio Sacramentorum.*

Punctum unum. Multa alia cogitanda
sunt in Incarnatione Christi, præter ab-
solutionem à peccato: ut ait D. Aug. 13.
de Trinitate. Sed tamen omnes aliæ cau-
sæ Incarnationis reducuntur ad remedi-
um peccati. Causa ergo Incarnationis se-
cundaria, & remedium peccati, pertinens
fuit institutio hominum; ut nos verbo &
exemplo instrueret Salvator, quid agere,
quid fugere deberemus. Cæcum fuit ge-
nus humanum; necesse ergo fuit lucem
de cælo descendere ad nos illuminandos.

Er

DE INCARNATIONE DOMINI.

37

Et nemo poterat cæcitatem nostram abstergere, nisi Deus ipse. Age gratias, adora, ama Divinam bonitatem.

Punctum 2dum. Prævidens Deus maximam hominum fragilitatem ex peccato originali proveniente, decrevit etiam illi succurrere in virtute Sacramentorum, per Christum instituendorum, vi quorum lapsus homo posset resurgere à peccato, & reconciliari cum Deo. Omnia etiam in hoc Divinæ pietatis dignatio! quid enim profuisset nobis semel à peccatis absolvi? nisi relabentibus remedium fuisset provisum. Præter hæc, etiam humanæ naturæ exaltatio, & totius universi consummatio per Incarnationem facta est: atq; idcirco probabiliter propter has causas Incarnatio fuisset, etiam non existente peccato. Affectus ut supra.

*S. Thom.
in dist: 1.
l. 1. ar: 3.*

PRO DIE SABBATHI.

De Electione Matris VERBI Incarnandi.

Punctum 1um. In æterno illo Beatissimæ Trinitatis, consilio decretum est, ut Filius Dei non modo fieret homo, sed etiam Filius hominis; hoc est ut carnem ex sanguine humano assumeret, atq; adeo, Mulierem Matrem haberet in terris idq; varias obcausas: imo. Ut per o-

Cur Fili-
us Dei non
tantum
homo sed
etiam fi-
lius homi-
nis fieri,
& ex mu-
liere nasci
voluerit?

inania nobis assimilaretur præter peccatum.
2do. Ut uterq; sexus honore afficeretur.
3tio. Ut quemadmodum S. Epiphanius ait
lib: 3. Adversus hæreses, vnde illata est
mors illino procederet & vita, scilicet
per Mulierem. 4to. Ut per hoc veritas In-
carnationis adstrueretur. dicit enim Aug:
in Epist: ad Volusianum: Si Omnipotens
Deus hominem ubicunq; formatum non ex
utero materno crearet, sed repentinum in-
ferret aspectibus, nonne opinionem confirma-
ret erroris, ne hominem verum suscepisse ul-
lo modo crederemus. 5to. Ut compleretur
omnis diversitas generationis humanæ.
nam primus homo productus est ex limo
terræ, sine Viro & Fæmina: Eva produ-
cta ex Viro sine Fæmina: alij homines na-
scuntur ex viro & fæmina, restabat ergo
Christo, produci ex fæmina sine viro.
Gratitudo, Dilectio.

Punctum 2dum. In eodem illo Consilio,
inter innumeras fæminas & Virgines Vir-
ginem MARIAM gratuito & absq; præ-
visis meritis elegit Deus, ut fieret Ver-
bi Incarnandi Mater, & electæ decrevit
conferre ex meritis nascituri Christi se-
quentes prærogativas. 1mo. Immunita-
tem ab originali labe. 2do. Mali fomit-
& concupiscentiæ carentiam. 3tio. Innu-
meratam ab omni peccato mortali & ve-
niali

niali 4to. Plenitudinem gratiæ in ipsa statim conceptione. 5to. Usus rationis adhuc in utero Matris. Gratiarum Actio, congratulatio, Devotio.

PRO DOMINICA II. AD- VENTUS.

De Promissione Incarnationis, & desiderijs eiusdem.

Punctum 1mum. Tu es qui venturus es ananiam expectamus? Christum venturum omnia sæcula expectabant. Expende quomodo Dominus Deus ex infinita misericordia Divinissimum hoc mysterium Protoplastis nostris, ne omni spe remedij, animum omninò desponderent, statim post lapsum promisit inquit ad Serpentem: *Inimicitias ponam inter te & Mulierem, semen tuum & semen illius & ipsa conteret caput tuum.* Ubi per Mulierē MARIA Virgo Mater Dñi nostri JESU Christi, per semen illius JESUS Christus DEI & MARIE Filius intelligitur. Idem varijs Patriarchis ante & post diluviū in varijs figuris præcipuè verò Abrahamo referavit. In super tempore legis scriptæ Moyse, David, Isaïæ & alijs compluribus Prophetis.

Punctum 2dum. Expende quàm ardentè & frequentè Patriarchæ & justī homines non solum hic in vita, sed & post

DE INCARNATIONE DOMINI.

mortem in limbo tot centenīs, imò etiam millenis annis desiderarint adventum Messiae, qui eis remedium allaturus erat contra originalem corruptelam, & aīa peccata: quā constantē hēc sua desideria continuārint: quoties vota precesvē iteraverint, illud ingeminando: *Rorate celi desuper, & nubes pluant iustum.* Expende item, quòd eò ardentius repetebant vota sua, quò vīciniorē Salvatoris adventum ex revelatione præscebant. Imitare devotionem Patrum veterum: age gratias, quia tibi videre licet, quod multi Reges ac Prophetæ desiderārent videre, & non viderunt.

Virtus, in cuius actibus te per septimanam exerceas. spes. Tesserā crebrò per hebdomadam usurpanda aliqua ex his: In te Domine speravi non confundar in aeternum, Tu es spes mea portio mea in terra viventium. Desperare utiq̃ potuissem propter nimia peccata & negligentias meas, nisi Verbum tuum Deus meus Caro feret & habitaret in nobis. S. August:

Domine miserere nostri, te enim expectavimus; esto brachium nostrum in mane, & salus nostra in tempore tribulationis.

PRO FERIA II.

De tempore Incarnationis.

Punctum 1^{um}. Deus hoc maximum

Mysterium uti ab æterno decrevit, ita in tempore executioni mandare distulit usq; ad annum ab Orbe condito 5199.

idq; ex inscrutabili abyſſo sapientiæ suæ, ob has congruentes rationes. Imo. Ut in-

gravescente tot sæculis morbo magis appareret necessitas remedij & virtus Medi-

ci. 2do. Ut tantæ gratiæ exhibitio eò pluris æstimaretur, quò diutiùs differretur.

3tio. Ut Patrum desideria & Prophetarum vaticinia ac figuræ crescerent. Vnde

August: *Quantò maior iudex veniebat, tantò præconum series longior præcedere debe-*

bat. Admiratio Divinæ providentiæ, Gratitude, Amor.

Punctum 2^{dum}. Deus eo tempore vo-

luit Filium suū incarnari, quo mundus totus in maligno erat positus, tantq; gratiâ

indignissimus, quo Idololatria latissimè dominabatur: quo fidelium Israelitarum erat

caritas: quo populus dilectus in tot sæ-

culis divisus, pessum ibat; ut constaret, hoc inæstimabile beneficium mundo in-

merito, indignoq; ex gratuito divinæ pietatis beneplacito esse collatum. Affectus superiores.

Cur dilata per tantum tempus Incarnatio?

In Ioan: tract: 31. ante medium.

Cur peracta eo tempore quo mundus erat depravatus?

Cur non ad finem mundi dilata? *Punctum 3^{ium}.* Considera non esse ad finem mundi dilatatum Incarnationis remedium; quia aliàs totaliter Dei notitia reverentia, & morum honestas fuisset abolita in terris. Licet enim abolescentem cognitionem Dei renovaret Abraham, & licet eandem notitiam ac reverentiam Dei legibus inculcaret Moyses: tamen Gentiles, imò & Iudæi hanc notitiam leges spernebant. Oportebat ergo venire ipsum Filium Dei ad revelationem Gentium, & venire eo tempore, quando subveniri debere scivit, & gratum futurum beneficium. Tessera ut supra.

PRO FERIA III.

De Nativitate & Vita Beate Mariæ Virginis usq; ad Incarnationem.

Nominis Mariæ significatio- nes. *Punctum 1^{um}.* Appropinquante plenitudine temporis, mysterio Incarnationis destinati, nata est ex lectissimis & justissimis Coniugibus Ioachim & Annâ filia futura Filij Dei Mater, quam Parentes cælitus inspirati MARIAM, quod significat Stellam maris, seu mare amarum, seu illuminatricem vocavêre. Expende hanc nobilitatem & sanctitatem Parentum Mariæ: nobilitatem, quia è Regia & Sacerdotali stirpe descendebant: Sanctitatem, quia tunc conjugio eorum non inveniebatur

De INCARNATIONE DOMINI.

43

batur castius & sanctius. Si Parentes Sancti Ioannis Baptistæ fuerunt ambo iusti ante Deum, incedentes in omnibus mandatis & justificationibus Domini sine querela: multò magis Parentes Virginis Beatissimæ; quò enim aliquæ personæ fuerunt Christo propinquiores & coniunctiores secundum carnem, eò etiam fuerunt sanctiores.

Expende item ortum ex isto natali gaudium SSmæ TRINITATIS, Angelorum, Patrum in limbo, & iustorum in terris degentium, quibus Nativitas hæc divinitus manifestata fuit.

Supplica deinde huic Virgini, ut ea erga te præstet officia, quæ ipsius significantur nomine.

Punctum 2dum. Triennis ut fert traditio, à Parentibus in templo præsentata Maria, de ejus Nativitate, præsentatione, ac profectu S Damascenus: *In lucem editur in domo probatice Ioachim, atq; ad templum adducitur, ac deinde in domo Dei plantata, atq; per Spiritum saginata, instar olivæ frugiferæ virtutum omnium domicilium efficitur.*

Expende quàm prompta devotione iter ad templum peregerit, quindecim gradus Templi Salomonis superarit, seipsam ad perpetuum obsequium imò in perpetuum

Præsentatio Mariæ

DE INCARNATIONE DOMINI.
tuum holocaustum Divinae Maiestati ob-
tulerit.

*Vita eius-
dem in do-
mo tem-
pli ante
Annunti-
ationem:*

Punctum 3tium. Expende item vitam & occupationes Virginis in domo Templi per duodecim annos: qualiter Angelicam vitam studebat æmulari: qualiter maiorem diei partem in Oratione, meditatione, contemplatione infumebat: quid quid verò temporis ab Oratione supererat operibus manuum & ministerijs, mentis affectuq; interea Deo coniunctissima, tribuebat.

Expende demum, quàm purâ Intentione quàm strenuè & fervidè opera sua Beatissima Virgo peragebat. Et tu in Domo Dei es, & tu consecratus es Divino mysterio: Stude ergo Angelicam vitam æmulari: stude virtutum omnium fieri domicilium: Invoca ad hoc opem ipsius, commenda totam vitâ tuam patrocinio ipsius, & ora ut te post mortalem hanc vitam filio suo in Templo gloriæ æternæ præsentet.

PRO FERIA IV.

*De missione Gabrielis Archangeli,
Salutatione, Deliberatione &
consensu Beatissimæ Virginis.*

P*unctum 1mum.* Cum jam jamq; ad-
esset optatum illud momentum esse
etuan;

DE INCARNATIONE DOMINI.

45

Quandæ Incarnationis, misit Deus legatum Gabrielem ad Beatâ Virginem. Summa legationis erat, ut vellet esse Mater Verbi Incarnandi quod antequam proponeret Angelus, sic Virginem Salutavit: Ave gratia plena Dominus tecum, Benedicta tu in mulieribus. Expende dignitatem & Sapientiam Dei, creaturæ suæ liberum consensum in re tanta requirentis. Nec te cogit in vllâ re. Age gratias. Promitte eius instinctibus consentire. Noli cum tuis despoticè & per coactionem procedere. Nam & Deus & ratio nostra politicè præst voluntati nec frangit eius libertatem.

Punctum 2dum Humilis ac prudens Virgo ad laudes suas erubescens nihil respondet. quam Angelus suaviter his erigit verbis: Ne timeas MARIA invenisti gratiam apud Deum. Summâmq; legationis enarrat: Ecce concipies & paries Filium. quærit Beatissima Virgo: Quomodo fiet istud? non quasi incredula de mysterio, sed de modo eius complendi sollicita ob castitatis votum: cui Angelus modum exponit. dicens: Spiritus S. superveniet in Te, & Virtus Altissimi obumbrabit tibi. Expende quàm eximios interim Beata Virgo affectus Fidei, Spei, humilitatis, admirationis, gratitudinis, resignationis

Guberniū
rationis
supra voluntatem
politicum
non despoticum.

DE INCARNATIONE DOMINI.

tionis elicuerit. Congratulare ei tantam excellentiam, & æmulare in affectibus.

Punctum 3^{ium}. Deliberatione prudenti præmissâ consensit Beata Virgo divino placito, inquiens. *Ecce Ancilla Domini fiat mihi secundum Verbum tuum.* Ubi expende. *1^{mo}.* Eius humilitatem, dum Ancillam appellat, mox Mater Dei futura. *2^{do}.* Resignationem dum in omnibus divinæ se submittit voluntati. *3^{io}.* Fidem cum modestia coniunctam, dum & tantum arduo assentitur mysterio, & tanto honore se reputat indignissimam. Gratiarum Actio Divinæ Maiestati. Amor devotio ad Virginem Beatissimam. Angelicæ Salutationis frequens Oratio.

PROFERIA V.

De congruentijs Annuntiationis.

Causa Annuntiationis. **P***unctum 1^{um}.* Revolve mente congruum fuisse annuntiari Beatæ Virgini quod esset Christum conceptura. *1^{mo}.* Quidem ut prius mente de ipso instructeretur, quàm carnè eum conciperet. *2^{do}.* Ut foret certior testis huius Sacramenti, instructionem desuper accipiendo. *3^{io}.* Ut voluntaria sui obsequij munera Deo offeret, dicens: *Ecce Ancilla Domini, fiat mihi secundum verbum tuum.* *4^{to}.* Ut pariam fieret, quoddam iniri Matrimonium inter

DE INCARNATIONE DOMINI.

47

inter Filium Dei & humanam naturam, & ideo per annuntiationem expectari consensum Virginis loco totius naturæ humanæ. Adora & admirare Divinam Sapientiam. Age gratias quod consensum humanum ad tam divinum opus requisiverit. propone inspirationibus eius in omnibus parere.

Punctum 2dum: Revolve causas ob quas *Quare per*
conveniens fuit annunciari per Angelum *Angelum*
Incarnationis mysterium. *ima est.* Ut Di- *annuntia-*
vina Ordinatio servaretur, secundum *ta Incar-*
quam mediantibus Angelis cælestia arca- *natio?*
na ad homines in veteri Testamento per-
veniebant, & etiam nunc perveniunt. *2da.*
Quia sic restaurationi humanæ congrue-
bat: principium enim perditionis huma-
næ fuit per diabolum, oportebat proinde
humanæ restaurationis principium fieri per
Angelum bonum. *3tia.* Quia hoc congrue-
bat Virginitati *MARIÆ.* unde Hierony-
mus ait: *Benè Angelus ad Virginem mitti-*
tur, quia semper Angelis est cognata Virgi-
nitas. Gratias age Maiestati Divinæ pro
eiusmodi Annuntiatione: gratulare Bea-
tæ Virgini: propone castitatem summo
studio custodire: Invoca Angelum pa-
trocinium & tutelam: Actum ejaculato-
rium per diem repete.

In ferm: de
Assumpt.

PRO

PROFERIA VI.

De Visibili specie Angeli: ordine eiusdem in Annuntiatione.

*An & cur
visibiliter
apparuit
Angelus
Virg: Bea-
tiss: an-
nuntian-
do ei In-
carnatio-
nem.*

Punctum 1^{um}. Perpende Angelū apparuisse Virgini corporali Specie. 1^{mo}. Ideo quia sic congruebat mysterio quod annuntiabatur. Annuntiabatur enim Incarnatio per quam invisibilis Deus fieret Visibilis; consentaneum igitur erat, ut ad huius rei declarationem invisibilis Angelus formam assumeret visibilem, in qua mysterium tantum, & tale annuntiaret. 2^{do}. Ideo quia sic congruebat Virginis MARIE dignitati, quæ non tantum in mente sed etiam in corporeo ventre Deum erat conceptura; atq; idcirco non solum mens eius, sed etiam sensus corporei erant Angelica visione refoventi. 3^{io}. Ideo quia sic congruebat certitudini eius quod annuntiabatur: ea enim quæ sunt oculis subiecta, certius apprehendimus, quàm ea quæ imaginamur. Unde S. Chrysostomus supra Matthæum dixit: Angelus non insomnis sed visibiliter Virgini astitit. Nam quia magnam valde relationem accipiebat ab Angelo, egebat ante tantæ rei eventum visione solemnī. Affectus ut supra.

Punctum 2^{um}. Perpende Angelum aptissimo ordine annuntiationem perfecisse.

sc. Fe.

DE INCARNATIONE DOMINI.

49

sc. Tria enim intendebat circa Virginem. *Tria in-*
 imo. reddere eam attentam. ad tantæ rei *tendebat*
 considerationem; quod fecit salutando *Angelus*
 eam novâ quadam & insolitâ salutatione. *annunci-*
 ando. Intendebat eam docere de mysterio *ando In-*
 Incarnationis in ea implendo; quod fecit; *carnatio-*
 prænuntiando conceptum & partum eius. *nem Do-*
 Ecce Concipies in Utero, &c. Item ostendêdo *minicam.*
 dignitatem prolis: Hic erit magnus, &c.
 Insuper demonstrândo modum Conce-
 ptionis: Spiritus s. superveniet in Te, & Vir- *Obūbrā-*
 tus Altissimi obumbrabit Tibi; id est: Cor- *tio in E-*
 pus in Te humanitatis accipiet incorporeum *vangelio*
 lumen Divinitatis: umbra enim à lumine for- *quomodo*
 matur & à corpore. *grio.* Intendebat ani- *intelligi-*
 mum eius inducere ad consensum; quod *tur?*
 quidem fecit exemplo Elisabeth. & argu- *s. Thom:*
 mento ex Divina Omnipotentia sumpto. *& alij ss:*
 Adora Divinam Sapientiam, quæ omnia *pp:*
 suaviter fortiterq; disponit. Age gratiā
 pro modo & ordine Annuntiationis. A-
 ctum quoq; eiculatoriū in mente habeto.

PRO DIE SABBATHI.

De Executione Incarnationis.

Punctum iñum: In momento quo Be-
 ata Virgo consensit. statim Sanctissi-
 ma TRINITAS ex purissimo pectoris
 Virginei Sanguine ad locum formationis
 foetus deportato, corpus perfectum ani-

D

matum

matum anima rationali fecit, sic Personæ Verbi univit, ut idem suppositum esset DEUS & HOMO. Unde S. Damascenus lib: 3. ait *Simul Caro, simul Verbi Dei Caro simul caro animata anima rationali.* O ineffabile mysterium! Expende quomodo sibi complacuit Beatissima TRINITAS in hoc Divinorum operum divinissimo.

Punctum 2dum. Porro in eo magis ad huc commendavit nobis Filius Dei suum amorem, quia licet ei deberetur corpus impatibile ex redundantia beatitudinis animæ ad Corpus; nam secundum animam ab instanti Conceptionis fruiturus erat, estq; fructus Visione beatificâ: tamen patibile, mortale, & infantile assumpsit. imo. Ut ærumnas, opprobria, tormenta mortem tolerando, abundantius pro peccatis nostris satisfaceret. 2do. Ut nobis humilitatis, patientiæ, mortificationis aliarumq; Virtutum exemplum præberet. 3tio. Ut nobis per omnia similis factus, facilius & efficacius nos pelliceret ad suum amorem. Gratiarum actio. Amor. Imitatio

Cur Filius Dei assumpsit Corpus patibile & mortale.

Ultra has rationes additur. alia inferioris ex-veritate incarnat.

PRO DOMINICA III. ADVENTUS.

Christus Conceptus de Spiritu S.

Punctum unum. Ipse est qui antequam factus est. Ioan: 1. Factus Christus ante
Ioana

Ioannem Baptistam non per temporalem *Ante me*
 Conceptionem sed per æternam præfactus. id
 omnibus creaturis prælationē. Quomodo est ante
 non ante Ioannem factus Christus, quia *me positus*
 ab origine mundi iuxta Apocalypsim oc- *seu mihi*
 cūsus? Factus ante Ioannem, quia est pri- *prælati.*
 mogenitus omnis Creaturæ, & ipse est S. Greg:
 inter omnes, & in omnibus primatum ha- *Papa.*
 bens. ad Coloss. i. Primogenitus inquam, *Particulā*
 non tempore sed honore secundum assumptio- *ante, hoc*
 nis formam. Quare factus? factus est qui *in loco,*
 fecerat ut inveniretur qui perierat: factus *Ordinis*
 est Deus Homo, ut homo fieret Deus. Quo- *non tem-*
 modo factus? In virtute secundum spiritum *poris fi-*
 Sanctificationis, Verba sunt Apostoli di- *gnificati-*
 cendo in virtute, (ait S. Hieronymus) *onem ha-*
 ostendit non solum esse naturæ humanæ con- *bet. Euse:*
 ceptum, sed absq; virili semine ex Virgine *Emissenus.*
 procreatum: inferendo autem, secundum spi- *Hieron: in*
 ritum sanctificationis, ostendit Creatorem *Epist. ad*
 suum spiritum sanctum. Adora & profire- *Coloss.*
 re Christum Dominum esse caput, prin- *Aug: de*
 cipium exemplar omnium prædestinato- *tempore.*
 rum, habereq; primatum in omnibus cre-
 aturis. profite re eum Conceptum de Spi-
 ritu Sancto. Age gratias quod qui fuit ab
 æterno Filius Dei in virtute, factus sit
 in tempore Filius hominis in infirmitate.

Ponitum 2dum. Expende quod licet qui
 dem Conceptionem Christi tota Sancti-

Quare
Christus
factus?
Quomodo
factus?

Quare *fima* TRINITAS operata sit: attribuitur
Conceptio tamen Spiritui Sancto ex triplici ratione.
Christi *ima*. Est ex parte Dei: Nam Spiritus S.
Domini est amor Patris, & Filij; hoc autem quod
attribui- Filius Dei carnem assumpserit in vtero
tur Spiritu- Virginali, ex maximo & in comprehensibi-
litate S. bili amore provenit. *2da.* Ex parte natura-
 rae assumptae: per hoc enim quod Spiritui
 Sancto appropriatur opus Incarnationis,
 datur intelligi humanam Naturam assum-
 ptam esse à Filio Dei in vnitatem Per-
 sonae, non ex aliquibus hominum meri-
 tis, sed ex sola gratiâ Divina quæ Spiritui
 S. attribuitur iuxta illud 1. ad Co-
 rinth: 12. *Divisiones gratiarum sunt: idem*
autem Spiritus S. *3tio.* Ex scopo Incarna-
 tionis, ad hoc enim ordinata est Incarna-
 tio vt efficiamur Sancti; Sanctificatio au-
 tem deputatur Spiritui S. Ex amore tui
 Deus Incarnatus: cur non redamas aut
 quomodo redamabis? ex merâ gratiâ suâ
 incarnatus: cur non es gratus? cur fre-
 quentes non agis gratias? ad hoc Incar-
 natus vt sanctificeris: cur non custodis
 sanctificationem tuam? cur te inquinās
 peccatis? Elice actum amoris, age gratias,
 propone vitare omnia. Sanctitatem la-
 dentia.

Punctum 3tium. Expende in Spiritu S.
 duplicem esse habitudinem ad Christum.

Nam

DE INCARNATIONE DOMINI.

53

Nam ad ipsum ut Filium Dei habet respectum consubstantialitatis: ad corpus autem eius habet habitudinem causæ efficiētis. Expende item quod Christus Dominus quia Conceptus est de MARIA Virgine materiam ministrante in similitudinem speciei, dicitur, estq; verè Filius MARIE Virginis. At verò quia de Spiritu Sancto conceptus quidem est secundum humanitatem tanquam de activo principio non tamen in similitudinem speciei: ideo non est, nec debet dici Filius Spiritus Sancti. Elice actum Fidei, Spei, & Charitatis. Virtus in qua te exercites per Septimanam: *Charitas*. Tessera hebdomadales: O *Charitas!* ô *Pietas!* quis audivit talia? *missi in similitudinem carnis ne & be-* peccati Filium tuum: vt nos officeremur in- *nedictione* stitia tua in ipso *S. Aug. 3. med* Quis mihi conceptus der te fratrem meum fugentem vbera Ma- *est.* tris meæ vt deosculer te. *S. August.*

Ostende mihi faciem tuam. Sonet vox tua in Natali in auribus meis. vox enim tua dulcis & fa- *Dr̃i ser: 2.* cies tua decora.

PROFERIA II.

De plenitudine gratiæ in Christo.

Punctum unum. Plenitudo gratiæ dupliciter accipitur. imò. Secundum

D3

per

Christus summa & omni gratia plenus perfectionem seu intensiorem, deinde secundum divisionem & effectus gratiarum: utroque modo in Christo fuit. fuit namque ipso ab instanti Conceptionis gratia omnino, & quidem in summo, secundum perfectissimum modum. Quanto enim aliquod receptivum est propinquius cause influenti, tanto abundantius recipit: quia itaque animam Christi propinquius Deo qui est author gratiarum coniungebatur præ omnibus creaturis rationalibus; maximam & plenissimam recepit influentiam gratiarum eius. Fuerunt item in Christo omnes partes & effectus gratiarum: ut sunt Virtutes, donum Spiritus S. gratia gratis data & alia huiusmodi. Elice Actus Virtutum Theologicarum. Adora Christum in utero Matris Virginis plenum gratiarum & veritatis.

Punctum 2dum. Gratiâ Christi à puncto Conceptionis fuit infinita: non enim data est ei limitatè, neque in certa mensura; & habuit omne id quid quid pertinet ad rationem gratiarum. Nam Christus

Christus Dominus Universalis principium sanctificationis totius humanæ nature non tanquam singularis homo accepit gratiam à Deo in instanti cōceptionis; sed tanquam Universalis principium gratificationis seu Sāctificationis totius humanæ nature. Maxima ergo & plenissima in eo fuit gratia, quia causa gratiarum in omnibus hominibus reperibilis. sicut ignis maximè calidus

lidus est, quia est causa caloris in omnibus calidis. Affectus ut supra.

P R O F E R I A III.

Christus Dominus est Caput Ecclesie.

Punctum unum. Christus Dominus præter unionem personæ Divinæ cū natura humana habuit à momento conceptionis dignitatē capitis respectu totius corporis mystici. Porro Corpus Christi mysticum est multitudo Angelorum & hominum ordinata in unum secundum distinctos actus & officia. Unde corpus mysticum componitur & ex Angelis, & ex hominibus, quia & hi & illi ordinantur ad finem, unum qui est gloria æterna. Considera in capite tria esse, ordinem, perfectionem, & virtutem; his tribus præstat caput alijs membris; ordine quidem, quia est prima pars hominis; perfectione, quia in capite vigent omnes sensus interiores & exteriores cum in cæteris membris sit solus tactus; virtute: quia virtus & motus cæterorum membrorum, & gubernatio eorundem in suis actibus est à capite propter vim sensitivam & motivam ibi dominantem. Hæc autem tria competunt Christo spiritualiter. *uno.* Quidem est primus seu primatum habens

In capite

tria: ordo,

perfectio,

virtus.

in omnibus hominibus & Angelis. 2do. Omnes perfectiones omnesq; habet gratias. 3tio. Virtutem habet habuitq; in puncto conceptionis influendi in omnia membra iuxta illud: *De plenitudine eius accepimus omnes.*

Christus Punctum 2dum. Christus Dominus est caput omnium hominum, qui ab initio mundi ad finem usq; fuerunt sunt & erunt sed diversimodè. Nam primò & principaliter est caput eorum, qui actu uniantur ipsi per gloriam. 2do. Eorum, qui actu uniantur illi per charitatem. 3tio. Eorum, qui actu uniantur, ipsi per fidem. 4to. Eorum qui uniantur ipsi solùm in potentia nondum reducta ad actum, quæ tamen est reducenda ad actum, secundum Divinam providentiam. 5to. Eorum, qui in potentia sunt ei uniti, quæ nunquam reducetur ad actum: qui quidem ex hoc sæculo recedentes desinunt esse membra Christi: quia iam ampliùs non sunt in potentia ut ipsi uniantur. O quæ gloria talis capitis esse vitale membrum! Confiteri & adorare Christum Dominum caput hominum & Angelorum. Ora ut semper ei per charitatem adhæreas, & ut semper Spiritu eius vivificeris. Cave ne unquam fias membrum putridum, & succo gratiæ iustificantis carens. Tessera ex die Dominico accipe. PRO

PROFERIA IV.

De Scientia Christi.

Punctum unum. Anima Christi Domini præter scientiam divinam, habuit scientiam beatam, & scientiam infusam: nec non experimentalem: sed per In Christo hanc Christus non à principio scivit omnia sed entia beatam paulatim & post aliquod tempus scilicet in ata, scientiam perfectam. Per scientiam beatam cognoscebat Deum clarè, & in Deo omnia infusa, scientiam præterita, præsentia & futura, ipsos quoque entia experientiam hominum cogitatis. Si enim Beati cognoscunt vniversa, quæ ad ipsos pertinent, ad Christum verò ut potè iudicem acquisita. omnium à Deo constitutum spectant vniversa etiam arcana cordium; profectò Christo Domino conveniebat cognoscere cuncta non solum per scientiam divinam, sed etiam per beatam. Item per eandem cognoscebat omnia possibilia, non tamen ea quæ in sola sunt potentia divina, sed ea quæ etiam sunt in potentia creaturæ; quia comprehendebat in verbo omnis creaturæ essentiam & potentiam, atque adeò cognoscebat perfectissimè, quid posset ab vna quaque creatura fieri. Expende hinc vaticinium illud: *En ipse stat post parietem nostrum respiciens per cancellos impletam esse tunc, quando Christus fuit in*

DE INCARNATIONE DOMINI.

utero Virginali. Tunc enim latens post parietem humanæ naturæ respiciebat per cancellos uteri Virginalis, videbatq; omnia, etiam abditissima quæ fiebant in mundo. Elice actus Fidei, adorationis, gaudij de scientia Christi Domini.

Punctum 2dum. Per scientiam divinitus infusam cognoscebat quæcunq; ab homine cognosci possunt virtute luminis naturalis, uti sunt ea, quæ per quascunq; scientias humanas sciuntur: item per eandem cognoscebat omnia illa, quæ per revelationem divinam hominibus innotescunt. Omnia verò ista abundantius & plenius cognovit præ universis creaturis. Ipsam tamen Dei essentiã per hanc scientiam non cognovit, sed solum per beatam verumtamen non comprehendit divinam essentiã, nisi per solam divinam scientiam. Vides quoniam in Christo Domino à primo momento sui conceptus erat absconditi omnes thesauri sapientiæ & scientiæ Dei. Elice Actus supra speculatos. Tesseram frequentius per diem replica aliquam ex positis sub meditatione diei Dominicæ.

PROFERIA V.

De Potentia Christi Domini.

P*unctum 1mum.* Anima Christi duplicem

DE INCARNATIONE DOMINI.

59

plicem habuit potentiam vnā secundam propriam virtutem naturalem vel gratuitam; alteram prout fuit instrumentum Verbi personaliter sibi vniti. Per primam potentiam virtutis naturalis & gratuitae potuit omnes illos effectus facere, qui sunt animae convenientes puta, gubernare corpus, & disponere humanos actus, & etiam illuminare per gratiae & scientiae plenitudinem omnes creaturas rationales, eo modo qui est conueniens animae rationali. Per secundam potuit omnes immutationes creaturarum miraculosas facere ordinabiles ad incarnationis finem, qui est *instantare omnia sive quae in caelis, sive quae in terris sunt.* Per solam tamen virtutem diuinam Christus potuit creaturas in nihilum vertere, sicut per solam virtutem diuinam potuit easdem creare.

Anima Christi
Dñi prae-
ter poten-
tiam Di-
uinā ha-
buit po-
tentiam
natura-
lem gra-
tuitam &
instrumen-
talem.

Finis In-
carnatio-
nis.

Punctum 2dum. Expende quod Christus Dominus statim in momento conceptionis suae acceperit omnem potestatem in Caelo & in terra: & hoc ratione unionis hypostaticae. Unde S. Thomas dicit: *Data est ei potestas, in Caelo & in terra ratione unionis per quam factus est vt homo esset Omnipotens.* Quare id quod Christus dixit post resurrectionem suam: *Data est mihi omnis potestas, in Caelo & in terra.*
statim

statim factum est, in primo instanti conceptionis suæ: & quamvis Angelis hoc statim innotuerit, hominibus tamen innotu-
dò primum post Resurrectionem innotu-
it. Res autem tunc dicuntur fieri quando
innotescunt. Adora potentiam Christi Do-
mini. Dic: Domine si vis potest me saluare
& vis, & potes. Fac ergo secundum mi-
sericordiam & potentiam tuam. O verus
Beatus venter Beatae Virginis, qui Do-
minum omnipotentem gestavit. Gratulari
Matri Virgini. Invoca eius patrocinium

PROFERIA VI.

*Christus Dominus assumpsit Corpus
passibile.*

Punctum unum. Quanquam propter
naturalem coniunctionem animæ cum
corpore, ex anima clarè essentiam Dei
vidente redundare debuit gloria ad Cor-
pus Christi ab instanti conceptionis, ta-
men ex voluntate Divina Christi factum
est, ut beatitudo maneret in anima eius
& ad corpus non derivaretur, sed corpus
esset defectibus subiectum & passibile.
Unde S. Thomas ait: Delectatio Divina
3. p. 2. 15. Contemplationis, ita per moderationem di-
vine virtutis retinebatur in mente Christi,
quod non derivabatur ad vires sensitivas ut
per hoc dolor sensibilis excluderetur. O verus

magni-

DE INCARNATIONE DOMINI.

61

magnificavit Dominus facere nobiscum!
O verè mirificavit misericordiam suam
super nos!

punctum 2dum. Expende causas & congruentias, propter quas Christus Dominus voluit defectus & pœnalitates subire carnemq; passibilem assumere. *1ma est,* quia venit in mundum, vt pro peccatis nostris satisfaceret. Unus autem pro peccato alterius tunc satisfacit, quando pœnas peccato alterius debitas in se suscipit. Defectus porro corporales, vt famēs, sitis, mors, & huiusmodi, sunt pœnæ peccati, secundum illud Rom: 2. *Per unum hominem intravit peccatum in mundum, & per peccatum mors.* Et hos defectus vocat Isaias languores. *Verè languores nostros ipse tulit. 2da est.* Ut fidem incarnationis adstrueret. Cum enim natura nostra aliter nota non sit, nisi prout subiacet huiusmodi defectibus, si Filius Dei absq; illis humanam assumpsisset naturam videretur non fuisse verus homo, vt Manichæi asseruerunt. *3tia.* Ut nobis exemplum patientiæ præberet, passiones & defectus humanos fortiter tolerando, iuxta illud ad Heb: 12. *Sustinuit à peccatoribus adversum semetipsum contradictionem, vt ne fagemini animis vestris deficientes in adversitate.* Gratias age Christo Domi-

*Causæ ob-
quas Chri-
stus Dñus
assumpsit
pœnalitates
no-
stras.*

no,

DE INCARNATIONE DOMINI.

no, quod p̄nas tuas in se suscepit: crede, propone defectus & p̄nalitates omnes fortiter sustinere & aliorum onera charitative supportare. Tessera ut supra.

PRO DIE SABBATHI.

Christus Dominus assumpsit animam passibilem.

Duplex
passio A-
nimæ.

In anima
Christi fu-
it & bea-
tudo &
passio. Il-
la secundū
vires su-
periores,
rationem
& volun-
tem: hæc,
secundū
inferiores
imagina-
tivā, ir-
ascibilem,
concupi-

Punctum unum. Anima dupliciter dicitur pati: Uno modo passione corporali; alio modo passione animali. Passione corporali, patitur per corporis læsionem: cum enim sit forma corporis, ac proinde vnum esse habeat cum corpore, dum corpus patitur, necesse est etiam animam pati accidentariè. Passione animali dicitur pati, inquantum commoveatur affectionibus appetitūs sensitivi quas affectiones, passiones animæ vocamus. Utroq; modo Christus Dominus passibilem animam stante nihilominus beatitudine eiusdem suscepit. imo. quidem: quia enim corpus passibile assumpsit, necesse fuit & animam eius hoc priori modo esse passibilem. 2dò: Quia in Christo verè fuerunt passiones humanæ, timoris, mæroris & aliæ. Unde S. Aug: ait 14. de Civitate Dei. Neq; enim in Christo, in quo verum erat hominis corpus, & verus hominis animus, falsus erat humanus affectus.

Pū-

DE INCARNATIONE DOMINI.

63

Punctum 2dum. Expende quod diverso modo sunt in nobis passiones, & diverso in Christo fuerunt, quantum ad tria. *imo.* Quia in nobis plerumq; passiones feruntur ad illicita; at in Christo non ferebantur. *2do.* Quia in nobis frequenter praeveniunt iudicium rationis; in Christo autem semper oriebantur iuxta dispositionem rationis. *3tio.* Quia in nobis quandoq; non sistant in appetitu sensitivo, sed in super trahunt & non raro etiam occupant rationem; quod in Christo non fuit. Nam in Christo nullo modo ratio passionibus impediatur facere facienda. Unde S. Hieronymus non passiones perfectas, sed propassiones dicit in Christo fuisse. Passio autem secundum illum perfecta dicitur quando rationi dominatur; propassio, quando est inchoata in appetitu sensitivo sed ulterius se non extendit. Vide quomodo Christus Dominus factus sit nobis per omnia similis absq; peccato? Age gratias: ama tantam bonitatem: propone passiones in freno rationis tenere. Tessera ut supra.

scibilem.
Huc servit textus
S. Thomae
supra al-
latas.

Quae differentia
inter passiones
Christi &
nostras.

DE INCARNATIONE DOMINI.
PRO DOMINICA IV. AD-
VENTUS.

*De Perfectionibus Animæ Christi
universim acceptis: & de septem
ante-natalitj's Antiphonis.*

Lucæ 3.

Punctum unum. Videbit omnis caro Sa-
lutare Dei. Salutare Dei, Christus
Dominus est: quis eum videre non desi-
deret? si carne non videmus, mente con-
teplemur. In incarnationis momento fu-
erunt in Sanctissima anima Christi ea quæ
Christum decebant Charismata. 1mo. San-
ctitas supra omnes puras creaturas. 2do.
Clara Dei visio cum amore & gaudio be-
atifico. 3tio. Scientia excellentissima om-
nium præteritorum præsentium futuro-
rum & possibilium. 4to. Potestas remit-
tendi peccata, flectendi corda, largiendi
dona Spiritûs S. instituendi Sacramenta,
potestas deniq; patrandi miracula. 5to.
Plenitudo gratiæ omnis. 6to. Dignitas
capitis respectu Ecclesiæ militantis & tri-
umphantis. 7mo. Iudiciaria potestas, &
omnes aliæ excellentiæ Christo conveni-
entes. Ora vt Christus Dominus faciat
te prærogativarum suarum participem:
det tibi de sanctitate sua & visione bea-
tifica; det tibi de thesauris sapientiæ &
scientiæ suæ: remittat peccata tua; Re-
stat

Reflexio
supra præ-
rogativas
Christi, &
petitiones
singulis ac-
commoda-
tæ.

stat

DE INCARNATIONE DOMINI.

65

Et cor durum: dona Spiritus S. tibi largiatur: Sacramentorum fructum imperat: ex miraculis suis te in fide & charitate firmatum reddat: influat in te vitales gratiarum influxus tanquam caput in membrum suum: sit tibi olim in die iudicii propitius: demum qui est Filius Dei naturalis faciat te filium Dei adoptivum & coheredem Regni caelestis. Amor erga Christum Dominum gaudium de bonis ipsius, desiderium videndi eum in sua specie, actus contritionis.

Punctum 2dum. Ad excellentias Christi Domini pertinent encomia seu tituli, quos Ecclesia his diebus eidem decantat.

O Sapientia. Quæ ex ore Altissimi prodisti, fortiter suaviterq; disponens omnia: *O adonai & dux* domus Israel, qui Moyse in igne flammæ rubi apparuisti & ei in Sina legem dedisti: *O radix* Iesse, qui es in signum populorum. *O Clavis* David, & Sceptrum domus Israel, qui aperis, & nemo claudit; claudis & nemo aperit: *O Oriens splendor* lucis æternæ & Sol iustitiæ. *O Rex* gentium & desideratus earum lapisq; angularis, qui facis utraq; vnum. *O Emmanuel Rex & legislator*, expectatio gentium & Salvator earum. *Veni ad docendum nos, ad liberandum nos, ad illuminandum nos, ad*

E

sal-

salvandum nos. Rumina frequenter hos devotissimos actus, & Christo offer cum convenientibus affectibus in hunc e. g. modum: O Sapiaientia increata & incarnata! O via, veritas & vita! doce me viam prudentiæ, viam vitæ, viam salutis. O Adonai! O dux electorum! O qui Moyfi in igne apparuisti, eidemq; in monte Sinai legem dedisti: esto mihi dux ad salutem, accende me amore tui; legem pone mihi viam mandatorum tuorum. O Radix Iesse! qui stas in signum populorum: vivifica me semper vitalibus gratiæ tuæ succis, vt dignos fructus penitentia faciam; sin semper sub signo tuo: nunquam me ad diaboli signa transferam. Eodem modo procede in alijs. Virtus in qua te exerceas per septimanam, penitentia in Evangelio assignatur. Tessera cæbrò usurpandæ, sint:

Dominus Deus virtutum converte nos, & ostende faciem tuam & salvi erimus.

En Agnus ad nos mittitur laxare gratis debitum, omnes simul cum lachrymis precemur indulgentiam. Agnus Dei qui tollis, &c.

O Salutare vultus mei, & Deus meus! O desiderate cunctis gentibus! veni & relaxa facinora plebi tuæ.

DE INCARNATIONE DOMINI.

67

PROFERIA II.

De affectibus à Christo Domino in momento conceptionis elicitis.

Punctum 1^{um}. Quatuor præcipue virtutum actus Christus Dominus in instanti Conceptionis suæ erga Deum elicuit. 1^{us}. Fuit profundissimæ humilitatis quâ se quoad humanitatem tanquàm nihilum agnoscebat. 2^{us}. Summæ gratitudinis quâ sibi ac vniversis hominibus dona collata recognoscebat. 3^{ius}. Ardentissimi amoris quo divinam bonitatem flagrantissimè diligebat. 4^{us}. Promptissimæ obedientiæ, quâ ad omne Patris beneplacitum se offerebat. O si ex toto corde hos actus quatuor exemplo Christi frequentares, quàm gratus Deo fieres!

Punctum 2^{um}. Eodem instanti videns Christus clarè omnium hominum peccata quibus Deus offenderetur, in super & Patris beneplacitum volentis, vt illa per se expiaret, elicuit similiter intensissimos erga homines actus. 1^{mo}. Doloris de tanta eorum malitia & offensa Dei. 2^{do}. Amoris, quos à Patre tantum amari cernebat. 3^{io}. Desiderij volendo eos quam primum redimere. Quid retribues o homo tanto amorì?

Punctum 3^{ium}. Eodem instanti clarè vi-

DE INCARNATIONE DOMINI.

dit omnes ærumnas & tormenta, quæ tota vita sua pro salute hominum sibi erant perferenda: ad quæ omnia promptissimè se obtulit, eaq; tanquam ex præcepto amantissimi Patris pro salvandis hominibus non generatim tantum pro omnibus sed nominatim pro singulis, quos tunc præ oculis habuit, acceptavit; & fructum meritorum suorum cuiq; hominum speciatim destinavit. En qualis amor Christi à primo Incarnationis momento te præ oculis habentis, pro te se offerentis! Affectus & Tesseræ ut supra.

PROFERIA III.

De affectibus à Beata Virgine post conceptum filium Dei elicitis: & de plenitudine Spiritus Sancti in eadem.

Punctum unum. Expende quomodo Beata Virgo eodem Spiritu qui supra filium eius eminentissimè requievit repleta cum in comprehensibile Incarnationis Verbi mysterium in se divina virtute perfectum esse sentiret, eodem quatuor affectus humilitatis, gratitudinis, amoris, resignationis, quos totà vitâ familiarissimos sibi habuerat, eminentiori modo exercere cæpit & reliquo vitæ cur-
su con-

su continuavit. Quàm æquùm foret, si talis Matris Filius esse cupis, in his affectibus eam imitari! Expende item quomodo erga proximos exercuit affectus compassionis de tot eorum peccatis, doloris de offensa Dei, amoris, desiderando omnium penitentiam, perfectionem, ac salutem ardentissimè.

Punctum 2dum. Expende plenitudinem donorum ac fructuum Spiritûs S. in Virgine Beatissima post Conceptum Filium Dei: quale nimirum lumen Sapientiæ, Scientiæ, intellectûs, consilij qualem pietatem, timorem Dei, & fortitudinem adeptâ sit: qualem item charitatē lætitiâ, pacem, patientiam, modestiam, mansuetudinem, benignitatem, longanimitatem, fidem continentiam, castitatem habuerit. S. Hieronymus ait:

Totam repleverat Spiritûs S. gratia; totam incanduerat amor divinus: ita ut in ea nihil esset, quod mundanus violaret affectus, sed ardor continuus & ebrietas profusi amoris. Expende item quod Beatissima Virgo ante Conceptionem Filij Dei fuit gratiâ plena, adeoq; etiam donis & fructibus Spiritûs S. sed post Conceptionem fuit superplena, quantum scilicet ad refusionem gratiæ in omnes homines. Eva in tantum fuit plena maledictione, ut ex

DE INCARNATIONE DOMINI.

ea etiam in alios homines profluxerit.
MARIA in tantum plena benedictione
 & gratia, ut in omnes nos se se effundat.
 Ora suppliciter, ut de plenitudine sua te
 quoque participem faciat.

P R O F E R I A IV.

De Visitatione Elisabeth.

Punctum unum. Exurgens Maria abiit
 in montana cum festinatione: & salu-
 tavit Elisabeth, Luca 1. Expende 1mo
 quo ardore Beata Virgo montana tran-
 scendens familiares sibi humilitatis, gra-
 titudinis, amoris, affectus frequentavit.
 Expende 2do quomodo eminentius eos-
 dem benedictus eius filius continuavit.
 quam iustum est & te qui ad montem
 perfectionis conscendendum vocatus es,
 eosdem imitari! Expende 3tio quod duo
 Prophetæ sint in utero sanctificati, Iere-
 mias & Ioannes, ad hoc ut uterque esset spe-
 cialis præfigurator sanctificationis per
 Christum faciendæ: Ieremias quidem, ut
 sanctificationem virtutis passionis, Christi
 faciendam præfiguraret: Ioannes vero,
 ut præfiguraret sanctificationem per Ba-
 ptismum Christi futuram. Ora ut Chri-
 stus Dominus te per omnia sanctifi-
 cet & immaculatum conservet usque ad
 adventum suum, hoc est, ad diem mortis
 tuæ. Tu etiam cura & propone sanctifi-

Ieremias
 & Ioan-
 nes præfi-
 guratores
 Sanctifica-
 tionis per
 Christum
 faciendæ.

DE INCARNATIONE DOMINI.

71

ationem, quâ per passionem & baptismū sanctificatus es, exprimere vita moribus & operibus tuis.

Punctum 2dum. Elisabetha sentiens exultantem ad præsentiam & verba salutationis Marianæ infantem, Spiritu S. repleta prædicat benedictam Matrem Dei indignamq; se eius obsequio Visitationis dicit. Quam iustè & tu te humiliare debes, Deiq; dignationem deprædicare; qui ad te sanctificandum toties in Sacra Communione venit. Beata Virgo laudibus suis non reddit vicem more mundano, sed Deo omnia adscribens prorumpit in Canticum. *Magnificat.* miris affectibus & devotione plenissimum. Ora eandem ut tibi impetret Sanctificationem, à qua nunquam excidas. Canticum *Magnificat* devotè persolve. Cave ne id vnde laudaris, tibi adscribas, sed in Deum datorem omnium bonorum referas, ei; corde & ore pro omnibus gratias agas.

PROFERIA V.

De revelato S. Iosepho Incarnationismysterio: & de illibata Virginitate Sanctissimæ Matris.

Punctum 1mum. Ioseph Fili David (ait Angelus) noli timere accipere Mariam coniugem tuam. Considera imprimis mi-

E 4

ram

ram Dei in his duabus personis Maria & Ioseph probandis providentiam, dum Iosephum virum aliàs rectissimum quasi de gravi lapsu Sponsæ suæ angi; electissimam verò Matrem Filij sui in gravi suspitione esse permisit. Considera deinde quomodo S. Ioseph in casu hoc patientiam & prudentiâ adhibuerit, non exprobrando, dissimulando, maturè quid sit agendum deliberando; quomodo item Beata Virgo nullam sui defensionem attulerit, rem totam Deo committendo. Considera demum quàm humiliter Ioseph ab Angelo de mysterio instructus à B. M. Virgine veniam petierit; quàm item devotione & gratiarum actione B. Virgo dispositionem divinam circa se venerata sit. Age gratias & tu providentiæ Dei quam expertus es circa te, tam in prosperis, quàm in adversis.

*Causæ ob
quas con-
gruebat
Christum
Dñum
concipi &
nasci ex
Maria V.*

Punctum 2dum. Quod enim in ea natum est, de Spiritu S. est, non de homine. Expende, causas ob quas expediebat Christum Dominum concipi & nasci ex Virgine illibata. Conveniebat enim id primò ex parte eius qui nascebatur, qui est Verbum Dei. Nam si verbum nostrum non solum in corde sine corruptione concipitur, sed etiam ex corde & ore atq; corruptione procedit: quantò magis con-

gruum

gruum fuit Verbum Dei incarnatum de incorrupto Virginis utero nasci. 2do. Conveniebat id ex parte nostri. Christus enim venit corruptionem tollere non facere; non ergo decebat ut Matris Virginitatem Conceptione aut Nativitate corrumpere. Quare S. Aug: ait: *Fas non erat ut per eius adventum violaretur integritas qui venerat sanare corrupta.* 3tio. Ex parte Matris, ne scilicet Matris honorem minueret, qui parentes præceperat honorandos. Age gratias Christo Domino, quod Matris integritatem non minuit, sed sacrauit. Commenda Virgini Deiparæ & S. Iosepho castitatem tuam, & ora ut te custodiant ne unquam venias in corruptionem peccati sive mente, sive opere.

*Serm: 6.
de Nativ:
Domini.*

PROFERIA VI.

*De expectatione partus Virginis:
& de loco ac tempore alijsq;
circumstantijs eius.*

Punctum unum. Considera. imo Quàm ardenter Ioseph post revelationem tanti mysterij sibi factam desideravit videre Christum in lucem editum: quàm ardentius fuerit B. Virginis desiderium videndi, adorandi, amplexandi, lactandi suum

suam & Dei Filium: quanto demum ardentius ipsius divini infantis nascituri desiderium fuerit ad voluntatem Patris sui in omnibus implendam. Considera 2do. Quanto affectu devotionis varij SS. desiderabant videre infantem. Christum tam in statu naturæ ac legis Mosaicæ, ut Abraham, David, Isaias, Simcon iustus, Anna Prophetissa, & innumeri alij: quam in statu Novæ legis in qua plurimi eadem desideria habuerunt, & propensiore devotione ac cultu ferebantur ad cunas Salvatoris, ut S. Hieronymus, S. Franciscus, S. Paula, & alij multi. Imitare: ora flagra desiderio videndi salutare Dei: parare viam Domino per pœnitentiam: Elicere actum contritionis.

Punctum 2dum. Christus Dominus nasci voluit in Bethleem. 1mo. Ideo ut ex ipso loco Nativitatis pateret Christum ex semine David secundum carnem descendere, nam & David in Bethleem natus est. 2do. Quia Bethleem Domus panis interpretatur. Christus autem est panis vivus, qui de cælo descendit. Quantum autem ad tempus, voluit nasci in hyeme; ut ab ipsa statim Nativitate pateretur pro nobis. Voluit nasci sub tempore magnæ in mundo pacis; quia ipse est pax nostra faciens utraq; vnum. hoc est, ex

Cur Christus natus in Bethleem? Iudai-

Cur hyeme.

Cur mundo in pace constituto

DE INCARNATIONE DOMINI.

75

Iudaico & gentili populo vnā faciens Ecclesiam. Voluit nasci quando describebatur orbis vniversus; ipse enim erat, qui nos inscriberet in fastos æternitatis, & pro nobis censum æterno Patri suo exolveret. Voluit nasci, quando Herodes alienigena regnabat in Iudæa; vt imple-
*Cur sub
tempus de
scriptionis
Orbis!*
*Cur Hero-
de regnā-
te?*
 retur vaticinium Iacob dicentis: Non auferetur Sceptrum de Iuda & dux de femore eius donec veniat, qui mittendus est. Voluit nasci quando dies crescere incipiunt; ut ostenderetur, quod per ipsum homi-
*Cur post
solstitium
hyemale?*
 nes à tenebris errorum & peccatorum ad lucem agnitionis veri Dei gratiaq; diuinæ venturi, & in hac luce incrementum sumpturi essent. Gratias age Christo Domino quod & locum & tempus elegit Nativitati suæ, quæ sciebat oportuissimā esse salutis nostræ. Ora ut semper lumine suo te illustret & in eodem crescere faciat: neq; permittat te in tenebras erroris aut peccati gravioris labi. Tessera vt supra.

PRO VIGILIA,

NATIVITATIS DOMINI NOSTRE.
 De profectione B. V. & Iosephi in
 Bethleem ac dispositione Virginis
 ad Partum.

Punctum imū. Appropinquante Virgini

ginei partus tempore cum Augustus Cæsar Orbem describi iussisset ascendit Ioseph cum Beata Virgine prægnante in Bethleem edicto Cæsaris pariturus. Considera *imo*. Divinam providentiam quæ ambitione & cupiditate Domini temporalis vsa est ad executionem divini mysterij iuxta Prophetarum oracula in Bethleem perficiendi. Considera, *2do* Quàm promptè & gaudenter Beata Virgo cum S. Iosepho hoc asperum prolixum horridumq; brumale iter confecerit, non gravata sed sublevata sacro pondere: quàm attonita mente in Deum quem in utero gestabat defixa consuetos affectus eliquerit: quàm divina nunc cum illo, nunc cum Sponso miscuerit colloquia. Disce quàm devotione pergere debeas ad Ecclesiam quæ per Bethleem significatur: & ad quævis loca Sacra.

Punctum 2dum. Dum in Civitate hospitium Iosepho sollicitè quærenti negatur, subiit B. Virgo suburbanum tugurium. Exultavit tunc solitudo & floruit quasi lilium quando Sanctos illos hospites meruit salutare. O Ephrata! O campi sylvæ quam beati facti estis adventu eius, cuius egressus ab initio à diebus æternitatis. Expende dispositionem Beatissimæ Virginis ante partum. Fuit iuxta Apoca-

DE INCARNATIONE DOMINI.

77

Pocalypsim amicta Sole: quia luci increata quantum fas est creaturæ, immersa: atq; intuitivè Deum videns & plusquam Seraphicis ardoribus erga eum flagrans. Luna sub pedibus eius: quia mundi factum divitias & delicias, paupertate ac humilitate calcavit. Stellis 12. coronata: quia 12. fructibus Spiritûs S. & univ. virtutibus radians clamabat, non ore sed corde, non vocibus sed magnis affectibus ad Deum. Cruciabatur non parvis doloribus, sed frigore, vigilijs, genuflexionibus, jeunio, alijsq; voluntarijs mortificationibus, cruciabatur ingratitude hominum, quod Deus in propria veniens à suis non sit receptus cruciabatur autem non indignando, sed dolendo, de eorum cæcitate ei; compatiendo. Etiam tu quoties tibi Christus seu in Sacrificio, seu in Communione nasciturus est. totus in Deum absorbere: mundum cum suis concupiscentijs & peccatis detestare: Corona omnium virtutum ornari cura, clama in toto corde per affectuosas Orationes ad Deum: cruciare de peccatis tuis & alienis per contritionem, per mortificationes.

Punctum 3^{ium}. Expendes etiam per figuras Veteris Testamenti dispositionem Virginis Sacratissime. Ardebat charitate

tan-

tanquam rubus incombustus, Deum Orbi illico monstraturus. Florebat cum fragrantia puritatis, velut virga Aaron, collucebat lampadibus desideriorum celestium, utpote thalamus divinus, ex quo sponsus naturæ humanæ jam jamque processurus erat. Stipabatur Sanctorum spirituum choris instar ferculi Salomonis charitate constrati, ex quo verus Salomon post 9. Mensium quietem surgere parabat. Verè tunc Beatissima Virgo sicut cinnamomum & balsamum dedit odorem suavitatis, per devotionem, sicut aurore ante ortum solis ignescebat per dilectionem, sicut virgula fumi ex aromatibus extenuabat se per humilitatem. Ad cuius imitationem internos & externos actus humilitatis frequentabis, & mentem per octiduum, sequentibus orationunculis, aut earum aliquas elevabis. Tu lumen & spendor Patris, tu spes perennis omnium: intende quas fundunt preces, tui per Orbem servuli.

S. August. Memento rerum Conditor nostri quod olim corporis, Sacratâ ab alvo Virginis, nascendo formam sumpseris. Benignissime, suavissime, Serenissime, quando restaurabis mihi quia non vidi illam beatæ carnis infantiam, quia non fui deosculatus præseppe, quia non resperpsi lachrymis gaudij terram in qua vagisti.

DE INCARNATIONE DOMINI.

79

IN FESTO

NATIVITATIS DOMINI.

Preludium 1mum. Constitue te ante
cunas JESU.

Preludium 2dum. Pete gratiam devo-
tè ac fructuosè Meditandi.

P*unctum 1mum.* Cum Beatissima Vir-
go mediam noctem in Oratione &
contemplatione consumpsisset repente *Virgo quæ*
absq; omni dolore, salvâ Virginei pudor- *genuit &*
is integritate dilectum Infantulum fri- *doravit.*
gore tremulum è suis visceribus egressum
coram se iacentem vidit. Expende quo
pietatis sensu quo stupore & mentis gau-
dio, quâ fide reverentiâ, humilitate, a-
more, Salvatorem suum, sic exinanitum
prima aspexerit, adorarit, salutarit, ad-
impletum est in ea tunc vaticinium illud:
Germinans germinabit sicut lilium & exul-
tabit letabunda & gaudens. Germinavit *Germina-*
sicut lilium. quia permanens in flore Vir- *vit sicut*
ginitatis, florem Christum protulit. Ger- *lilium.*
minavit letabunda & gaudens: quia non
cum dolore vt aliæ omnes mulieres, sed
cum exultatione & gaudio ineffabili
peperit. Verè flos Campi Christus, quia
extra Civitatem in Campo Ephrata na- *S. Bonav:*
scitur quia hominibus patulus exponi- *in speculo*
tur: & quia sinè omni cultura humana *B. M. V.*

pro-

producitur. Confiteantur tibi Domine omnia opera tua & Sancti tui per Sanctum Sanctorum hodiè natum, benedicant tibi.

*Excepit si-
nu & Ma-
ternis of-
ficijs fo-
vit.*

Punctum 2dum. Cur reverentialis timor Beatam Matrem à contingendo infantulo quem verum Deum agnoscebat retraheret Maternus amor nihilominus ad eum elevandum, & Materna officia eide n exhibenda exstimulabat. Quare attenuato ex utroq, affectu obsequio non reverenter minus quàm amanter illum vlnis excipit, amplexatur, exosculatur, pectori apprimat linteolis involvit, lacte pascit, omniaq, materna munia amantissimè exhibet. O si devotione simili eundem Deum in Sacra Communione excipere possis, quàm in solito amoris & letitiæ affectu liquefceres. Gratulare Beatissimæ Virgini & cum ea salutè adora complectere exoscularè Christum infantem. Invoca SS. Angelos & creaturas omnes ad benedicendum Deum pro tanto reparationis nostræ mysterio & dic devotè Canticum. *Benedicite omnia*

Reclina- opera Domini Domino.

vit in præ *Punctum 3tium.* Et reclinavit eum in
seprio in *præseprio.* Lucæ 2. Inter iumenta Christus
ver iumē- nascitur; quia ut iumentum propter nos
ta. fieri voluit, nascendo ad labores, flagra,

& im-

DE INCARNATIONE DOMINI.

81

& immolationem. Impletum est, quod
 Isaias prædixit: Cognovit bos possessore-
 rem suum; & asinus præsepe Domini sui.
 Habacuc quoq; Cap: 3. iuxta 70. In medio
 duorum animalium cognosceris. Expende
 quam teneros affectus compassionis, ad-
 mirationis, amoris, tota illa nocte non
 absq; duloibus lacrymis B. Virgo cum lo-
 sepho frequentarit. Fac & tu similiter:
 & mentem tanto mysterio tota die ap-
 plicatam habe. Expende item gratum es-
 se Deo, si sis velut jumentum coram ipso.
 Iumenta domestica bos & asinus ad labo-
 res nascuntur, paleis contentantur, fla-
 gra suscipiunt, demum mactantur. Etiam
 tu ad ferenda patienter onera paratus
 esto: paleis, hoc est vilioribus esculentis
 contentus esto: ad verbera & lingvarum
 flagella tace: victima Dei fieri appetere;
 sic Christus libenter recumbet in medio
 tui.

*Vt iumen-
 ta esse de-
 bemus.*

Pro eadem Die.

De Nativitate Christi Domini; æterna & temporali.

PUNCTUM unum ET VERBUM CARO FA-
 CTUM EST. Joan: I. Confitemur duas
 Christi Nativitates, unam quæ est ex Patre
 æternam: alteram quæ est in ultimis tempo-
 ribus propter nos. Prima Christi Domini

*Damascene-
 nus lib: 3.
 Orthodo-
 xæ fidei
 cap. 7.*

F

Nati-

DE INCARNATIONE DOMINI.

Nativitas est illa, secundum quam ante
 Luciferum & ante sæcula genitus est
 & per totum *hodie* æternitatis nascitur
 ex utero Patris, hoc est, ex essentia Pa-
 tris, æqualis & consubstantialis Patri.
 Secunda, secundum quam tempore quo
 præfiniverat ab æterno, apparuit in car-
 ne per omnia nobis assimilatus excepto
 peccato. In Nativitate æterna, habet Pa-
 trem sine Matre; in temporali. Matrem
 sine Patre. In Nativitate æterna gigni-
 tur per cognitionem necessariam omni-
 um quæ in Deo sunt, omniumq; creatura-
 rum possibilium: in temporali genitus est
 per operationem Spiritûs Sancti, non ex
 seminali, sed ex purissimo pectoris Vir-
 ginei Sanguine. Utramq; & Divinam &
 humanam Christi generationem quis e-
 narrabit? Credo, adoro, benedico te o
VERBUM CARO FACTUM. In sinu
 Patris ante sæcula invisibilis recubuisse
 nunc in sinu Matris visibilis recumbis.
 Sis Benedictus.

*S. Leo de
 Nat. Dñi.*

*Quare
 Christus
 Natus, &
 quare ex
 Virgine?*

Punctum 2dum. Quare **VERBUM CARO FACTUM?** Finis ut Incarnationis
 ita & Nativitatis Dominicæ est; ut ho-
 mines renascantur in filios Dei, non ex
 voluntate carnis, neq; ex voluntate viri,
 sed ex Deo, id est, ex ipsa Dei Virtute.
 Et propterea de Virgine nasci voluit, quod
 signi-

significaret, membra sua de Virgine Ecclesia Aug: lib: 1
secundum Spiritum nascitura. Vide an re- de Sanct:
spondeas fini Nativitatis Dominicæ: an Virginita-
semel imò sæpius renatus per Sacramen- te.
ta in filium Dei, retineas dignitatem tu-
am? memorare quod sis Deo natus se-
cundum Spiritum ex Virgine Ecclesia.
Cave ne talem Nativitatem tuam mori-
bus inordinatis deturpes.

Punctum 3^{ium}. Tertia Nativitas Chri-
sti Domini, (secundum D. Bonaventura-
m) gratuita, quando Christus per gra-
tiam iustificantem nascitur in cordibus
nostris. Et hæc est quotidiana: quia tali
modo quotidie Christus Nascitur in fide-
libus. Ad hanc respexit ipse Salvator
quando discipulos monstrans dixit. Hæc
est Mater mea. Hæc ut nobis & ex nobis
perficiatur nativitas, quid opus sit discas
ex S. Bernardo qui sermone in Vigilia Na-
tivitatis Domini ait: si quæ anima profe-
cerit eo usq; ut (ad instar Deiparæ) sit se-
cunda Virgo, ut sit Stella maris, sit plena
gratia, & supervenientem in se habens Spi-
ritum sanctum, puto quod non modo in ea,
sed ex ea quoq; non dedignabitur nasci. O-
ra infantem Deum ut det animæ tuæ fe-
cunditatem virtutum, plenitudinem gra-
tiarum & donorum Spiritus Sancti, per
quæ Mater, JESU esse merearis.

in Comp:
Theologi-
cæ verita-
tis.

Ut in no-
bis nasca-
tur Chri-
stus simi-
les nos fi-
eri oport-
et Virgi-
ni Mariæ.

SECUNDA DIE.

De exultatione Angelorum, & apparitione Pastoribus.

Punctum 1^{um}. Et subito facta est cum Angelo multitudo militiæ Cælestis laudantium Deum, atq; dicentium: Gloria in excelsis DEO. Lucæ 2. Vide potentiam Christi infantis. In præsepio iacet: & in cælis imperat. Cui in terra fumenta assistant, huic in Cælo decies centena millia assistunt, & millia millium ministrant. Ecce Spiritus Cælestes facit Angelos, hoc est, Nuntios ad pastores: & ministros suos flammam ignis illustrantem & accendentes homines ad quærendum Messiam. Expende quanta devotione omnes Angelorum Chori Verbum in lucem editum, ex cælis conspexerint, adorarint: qua lætitia Divinæ Majestati & Humanitati Christi egerint gratias pro tanto erga genus humanum amore, cantando canticum istud. *Benedictio & claritas & gratiarum actio honor virtus & fortitudo Deo nostro sedenti super Thronum & Agro. Quæ promptitudine obtulerint se æterno Patri ad manifestandam mundo Filij sui Nativitatem in carne.*

Punctum 2^{dum}. Discurre sigillatim per omnes Angelorum ordines, & considera quomo-

quomodo singuli exultarint ex Christi Nativitate, per quam ruinæ cæli à prævaricatoribus Angelis factæ reparandæ essent. Expende quomodo gaudebant Cherubim & scientiam increatam velatam carne humana in mundo apparuisse: quomodo iubilabant Seraphim de tanto amore erga homines: quam gaudenter Throni stupebant videntes Regem gloriæ sic humiliatum: quomodo Dominationes Principatus Potestates, Virtutes laudabantur Dominum Deum Sabaoth ad conterendas tenebrarum potestates, ad virtutes in mundo seminandas, carnem mortalem assumpsisse: quomodo Angeli & Archangeli laudabant Deum eo quod ipse Rex Angelorum factus sit ad homines Magni Consilij Angelus & Nuntius Paternæ voluntatis. Etiam tu cum Angelis exulta, lauda, gratias age, adora Divinam Sapientiam, Bonitatem, Charitatem, in Nativitate Christi Domini relucentem.

Punctum 3tium. Destinatus de super cum certa multitudine Militiæ Cælestis Archangelus Nativitatem Salvatoris pauperulis Pastoribus gregem suum custodientibus circumfusus luce annuntiavit. *Hieron. in Epitaphio*
Pastores hi ad turrim Ader, id est gregis iuxta quam iacob pavit greges suos nocte vigilantes audire meruerunt. Gloria in excelsis Deo. *Paulæ.*

DE INCARNATIONE DOMINI.

sis Deo, & in terra pax hominibus. Dum
servant oves, invenerunt Agnum Dei. Ex-
pende felicitatem horum Pastorum præ
multis alijs. Quam vere dictum: Et cum
simplicibus sermocinatio eius: Expende item
quam placeat Incarnatæ DEI Sapientiæ
paupertas, simplicitas, humilitas, vigi-
lantia, labor: Expende in super quod An-
gelus in claritate apparuit pastoribus: vt
& Thom. 3. ostenderetur quod ille qui nascebatur erat
p. q. 36. Splendor Paternæ gloriæ. Stude æmulari si-
art. 5. ad 6 cupis Divinas consolationes experiri. Et,
si Pastor es, si Superior es, custodi gregem
tuum, pasce eum verbo & exemplo; sic
Agnum Dei invenies.

TERTIA DIE.

Pastores ex metu confirmati Natum
Salvatorem quesitum & inven-
tum adorant.

Punctum unum. Quare solis pastori-
bus leguntur visibiliter apparuisse
Angeli tempore Nativitatis Christi. non
item Simeoni, Annæ Prophetissæ & alijs
iustis? quia iusti non indigent visibili appa-
rit: Ange- ratione Angelorum sed eis sufficit interior in-
lorum. stinctus Spiritus Sancti, propter eorum per-
fectionem: pastores autem erant imperfe-
cti in moribus & fide. Labora quantum
potes vt iustus & perfectus sis: quò Spi-
ritus

ritus S. per interiores instinctus loquatur tibi. Cæterum quia imperfecti sumus, bonum nobis credamus dirigi per Angelos, hoc est, Superiores & Magistros Spirituales. Qui te monet, qui te instruit, qui te excitat ad bonum, aut arguit de malo: Angelus est; audi eum & tace habeto bonam voluntatem, id est obedientem ut pax interior sit tibi.

*Superior,
Angelus.*

Punctum 2dum. Timuerunt timore magno. Perturbamur & à nobis alienamur, quando perstringimur alicuius Superioris potestatis occurſu. Quando enim homo supra se ipsum viſione alicuius Cælicæ ſubſtantiæ elevatur, pars eius inferior debilitatur: ex quo provenit perturbatio prædicta. *Nolite timere* ait Angelus. Boni namq; Angeli ſcientes hanc eſſe naturam humanam ut turbemur ad viſiones inſolitas Angelorum, ſtatim huic turbationi medentur. Unde non eſt difficilis bonorum, malorumq; Spirituum discretio. Si enim poſt timorẽ ſucceſſerit gaudium, à Domino ſciamus veniſſe auxilium: quia ſecuritas animæ, præſentis Maiestatis indicium eſt. Si autem inculſa formido permanſerit, hoſtis eſt qui videtur.

*Unde Spiritus boni
& mali diſcernendi.*

Punctum 3tium. Animati alloquio paſtores ad Natum Meſſiam quarendum properarunt. Expende qua devotione in-

DE INCARNATIONE DOMINI.

ventum infantem in præsepio aspexerint
adorarint. Matrem salutarint ei; visio-
nem Angelicam retulerint: qua affabili-
tate eos Beatissima Mater exceperit, in
fide confirmarit: quomodo reversi visa
ruminarint, alijs narrarint, præsepe de-
inceps reviserint. Disce ab his pastori-
bus fervorem in Divinis: disce meditati
Nativitatem & vitam Christi: disce glo-
rificare & laudare Deum ex omnibus quæ
audisti & vidisti. Propositum & tessera
vt supra.

QUARTA DIE.

*De turbatione Herodis & cade
Innocentium.*

Punctum unum. Herodes Rex turbatus
est & omnis Hierosolyma cum illo. Tur-
batio hæc non obscurum fuit indicium
Divinæ in Christo Nato excellentiæ. Nam
secundum D. Gregorium terrena altitu-
do confunditur, cum Cælestis celsitudo
aperitur. Deinde signum fuit iudiciariæ
in Christo potestatis. Quid erit Tribunal
iudicantis si superbos Reges cunabula terre-
bant infantis? Insuper ruinam regni dia-
bolici portendebat; quia vt dicit S. Leo
Non tantum Herodes in semetipso turbaba-
tur quantum diabolus in Herode. Nec mi-
rum quod turbabatur vterq; & Herodes
& dia-

*Turb: He-
rod: indi-
cabat Di-
vinitatē
Christi.*

*judiciaria
potestatē
eiusdem.
Et ruinā
Regni di-
abolici.*

DE INCARNATIONE DOMINI.

89

& diabolus, quia parvulus iste & puer, citò
crescit in iuvenem, velociter hostes spoliatur,
Mature prædatur Damascum, & Regem vin-
cit Assyrium. ubi per Regem Assyrium tam
Herodes quàm diabolus intelligitur. Tu
noli turbari cum iniquis, sed gaude cum
iustis ex Nativitate Christi Dñi. Confi-
tere Divinam in ipso Excellentiam, iudi-
ciariam potestatem & imperium supra
Cælestia, terrestria & inferna. Subijce te
Sceptro ipsius & ora vt sit semper Rex
tuus & Deus tuus.

S. Hieron:
ad Pam-
machium.

Punctum 2dum. Herodes videns se il-
lulum à Magis, iratus occidit multos pu-
eros in Bethleem totoq; ipsius territorio
à bimatu & infra. Quare multos? vt in-
ter multos ille periret quem solum iugu-
lare cupiebat, & invenire desperabat.
Quare à bimatu? Pro abundantia canti-
onis maius tempus inclusit, ne quis vel
proximæ ætatis effugeret. ait S. Chryso-
stomus. Hom. 7. in Matth. Quare non à bi-
matu solum sed infra? Timebat ne puer cui
sidera famulantur, speciem suam paulò su-
pra ætatem vel infra transformaret. Con-
sidera imo. ambitiosi scelus Herodis, quid
non ausus fuerit propter dignitatem re-
giam conservandam. Considera 2do do-
lorem clamorem eiulatum & irremedia-
biles lachrymas Matrum. Considera 3tio

Aug: Ser-
de Innoc.

Bona quæ Divina providentia elicit ex hac tyrannide: Sanctificationem & Salvationem tot innocentum qui alias forsitan damnati fuissent: divulgationem Nati Messiae: Benedictionem Ægypto impertitam. Propositum & tessera vt in Vigilia Nativitatis.

QVINTA DIE.

*De actibus Charitatis Christi
Infantis.*

Ad He. 2.

Punctum unum. Apparuit benignitas & humanitas Salvatoris Nostri Dei. Apparuit potentia DEI in Creatione rerum: Sapientia in gubernatione earum: sed charitas apparuit in Humanitate Salvatoris Nostri Dei. Expende ergo quantum, te diligit. imo. Ideo quia pro te de Cælo descendit. videlicet, Incarnatus est. 2do. Quia tibi per omnia etiam quò ad infantiam similis fieri voluit. Amantes enim assimilant se per omnia dilectis suis. 3tio. Quia propter te officia onerosa suscepit: Sacerdotis, Doctoris, Mediatoris, Redemptoris, imò & formam atq; officium servi, nec tantum servi simpliciter, vt subesset: sed etiam Mali servi vt vapulareretur: & servi peccati, vt penam solveret cum culpam non haberet. O pietas, o Charitas, quis audivit talia?

S. Bernardus.

Pan-

DE INCARNATIONE DOMINI.

91

Punctum 2dum. Expende actus externos infantiae Christi quibus suam erga nos ineffabilem exprimit charitatem. *imo.* Flet vagitusque, quare? *Me Christi vagientis abluunt fletus: illae lachrymae delicta mea laverunt.* 2do. Dat se in amplexum & oscula non tantum Matri & Iosepho, sed & Pastoribus, & Magis, & Simeoni, & Annae & multis postea Sanctis dedit, ut Francisco, Gertrudi & alijs atque alijs. Beatae Idae IESUM parvulum porrexit Sanctissima Virgo MARIA dicens: *Accipe eum & colloca in gremio tuo: desideratis amplexibus & osculis diem festum age cum eo.* Quis det mihi agere festum eiusmodi! Denique nobis datus, nobis Natus: nobis ridet, nobis plorat: nobis friget, nobis ficit, nobis alitur, nobis fasciatur. Sit Nomen eius Benedictum in saecula.

Punctum 3tium. Maximopere Christus propterea advenit ut cognosceret homo quantum Deus ipsum diligat: & ut eius dilectione, a quo prior dilectus est inardesceret. Aug: de Catechizandis rudibus. Vides infantem Christum totum tui amore ardere! Vides totam formam ad tui amorem compositam! Vides arridere tibi, manus parvulas ad te extendere, gestire in sinum tuum, ocellos blandulos in te defigere. Si ergo amare pigeat, saltem re-

*Causa adventus
Christi ostensio
Charitatis.*

dama-

damare non pigeat : Age gratias & totum quo ad animū & corpus offer Christo.

S E X T A D I E.

De actibus Humilitatis.

Punctum unum. Humiliauit semetipsum. ad Philip: 2. Expende quemadmodum VERBUM CARO FACTUM post Nativitatem suam internos actus humilitatis exercere perrexerit. imo. Gaudebat de sua exinanitione, quæ non in eo fuit quasi suam plenitudinem amiserit, sed in eo quod nostram parvitatem & formam servilem assumpserit. 2do. Divinam eminentiam amplius quàm omnes alij homines reverebatur. 3tio. Omnibus hominibus se in corde suo substernebat. Unde S. Grego: lib: 18. Moral. cap. 27. ait: In altitudine sua Divinitas a nobis ut pote parvulis apprehendi non potuit: sed stravit se hominibus per humanitatem: & quasi in jacentem ascendimus: surrexit, & levati sumus. 4to. Vitam pauperem, asperitates, contemptus, impropria, tormenta, mortemq; ipsam infamem ardore ineffabili expectabat, iuxta illud: Etenim Christus non sibi placuit, sed sicut scriptum est, improprium cor eius expectavit & miseriam. Age gratias, propone imitari.

*In Christo
fuit timor Dñi
quatenus
in eo fuit
affectus reverentia
ad Deum.*

modo

Punctum 2dum. Expende deinceps quomodo actus externos humilitatis exercuerit infans Deus; domum propriam non habendo, in stabulo nasci volendo. in præsepio iacendo; vilibus pannis se ligari permittendo inter iumenta reclinari non dedignando, idq; ob hos potissimum fines: *imo.* Ut nostram Superbiam confunderet & expiaret. *2do.* Ut ad sui imitationem provocaret. Unde S. Gregor: lib: 34. Mor: c: 18. ait: *Ad hoc vngentus Dei Filius formam infirmitatis nostræ suscepit: ad hoc invisibilis non solum visibilis sed & despectus apparuit: ut superbum non esse hominem humilis doceret Deus.*

Punctum 3tium. Reflece oculos in te, & vide qualiter humilem Christum imiteris: Christus Dominus cum esset Filius Dei, factus est filius hominis, & mira humilitate se filium hominis appellabat: tu generis jactas nobilitatem; aut de ignobili erubescis orgo! Christus Dominus paupertatem, ignominiam, contemptum elegit: tu pecunias & honores quæris. ille dura & aspera amplexus: tu mollia appetis: ille omnia Patri suo æterno referebat: *Omnia mea tua sunt.* tu de donis Divinis quasi de proprijs gloriaris. dole, *scenda ut* & disce. *imo.* Quod patritium genus, & *his humi-* primatus inter Monachos non debent esse tu-
lis.

se tumoris, sed humilitatis occasio, sci-
Hieron: ad enti Filium Dei factum esse filium homi-
Pamma- nis. Disce 2do. Quantumcunq; te deje-
chum. ceris Christo, humilior non eris. Disce
 3tio. Ut necdum quidquam fecisse tibi vi-
 dearis, donec ad hunc gradum perveni-
Bonavent: as, quod nolis aliquid reputari, sed sper-
in Medit: ni, ut vilis & abjectus; qui enim existi-
Vitæ Xsti. mat se aliquid esse, cum nihil sit: ipse
 se seducit. *Galar: 6.*

SEPTIMA DIE.

*De actibus Obedientie Christi
 Domini.*

Punctum 1mum. Salvator noster, sicut
 à principio vitæ suæ accepit manda-
 tum Patris circa salutem generis humani
 ita à principio ejusdem factus obediens usq;
 ad mortem. ad Philipp: 2. Expende quali-
 ter infans Christus obedientiæ actus in-
 ternos persecutus sit. imo ad omnia quæ
 sibi à Patre in juncta sunt agenda se offe-
 rendo. 2do. ad omnia quantumvis in-
 digna & atrocia, tam quo ad animam,
 quam quo ad corpus sustinenda sese resi-
 gnando. 3tio. Omne Patris sui benepla-
 citum tam circa se, quàm circa alios ho-
 mines complendum, intellectu reveren-
 ter probando, & voluntate amplecten-
 do. 4to. unicuiq; homini propter glori-
 am Pa-

am Patris sui ministrare & obedire desiderando. Et tu te ipsum offer ad omnia quæ Deus mandat agenda ac sustinenda.

Punctum 2dum. Expende quomodo procedente ætate, non suam, sed Patris voluntatem tam internè, quàm externè faciebat: quomodo Parentibus, atq; alijs hominibus obtemperabat, iussa eorum & nuntus observando, atq; humiliter exequendo: quomodo demum tota vita Christi Domini nil aliud fuit nisi mera obedientia; ita quidem, ut etiam suis tormentoribus fuerit in passione obedientissimus.

Quare autem? imo. ideo, ut sicut per unius hominis inobedientiam peccatores constituti sunt multi; ita per unius hominis obedientiam iusti fierent multi, ut dicitur ad Rom: 5. 2do quia obedientia melior est quàm victimæ, & magis Deo placet, quàm Sacrificia & holocausta. Unde Christus Dominus ad Patrem æternum dicit: Sacrificium & oblationem noluisti: aures autem perfecisti mihi. scilicet ad obediendum tibi. 3tio ut per obedientiam, victoriam de hoste nostro, nimirum morte, & mortis autore obtineret. Miles enim vincere non potest, nisi duci obediat. Et vir obediens loquetur victorias. Vide quantum Deo placet obedientia. Propone Christum imitari in obediendo.

Cause obedientiæ Christi.

Prov: 1.

Pun-

Punctum 3^{ium}. Nec mirum quod à momento conceptionis actus obedientiæ (ut & alios internos, qui semper fuere perfectissimi) eliciebat Salvator noster: quia statim fuit perfectus homo. *Mox ut Verbum venit in uterum servata virtute propriæ naturæ factum est Caro & perfectus homo.* ait S. August. lib: 13. de Trinitate: ideoq; statim habuit usum rationis, & liberi arbitrij exercendo operationes intellectus & voluntatis: perfectio enim ultima sita est non in potentia vel habitu, sed in operatione. Et idcirco statim nobis ab initio conceptus sui cepit mereri meruitq; salutem æternam: nec plus nobis per sequentia vitæ & passionis merita obtinuit, quàm per unicum actum id primo instanti conceptionis elicium: ex pluribus tamen causis, & pluribus titulis eandem salutem nobis successivè promeruit. Quare S. August. super Exodum dicit: *Non habuit omnino Christus, juxta animæ meritum quo potuisset proficere. Age gratias. Propone gratificari per vitam rectam.* Nullum instans fuit quo tibi Christus non vixerit, non meruerit: nec tibi vllum labatur tempus quo eum non audias, non ames.

MEDITATIONES

Ad fervorem Spiritus permoventes.

IN OCTAVA NATIVITATIS.

De Circumcisione Pueri IESU.

Punctum unum. Ut circumcideretur
Puer Luc. 2. IESUM in spelunca Na-
tivitatis suæ circumcisum esse testatur S.
Epiphanius. Voluit autem circumcidi.
1mo. Ideo ut ostenderet veritatem carnis
humane à se assumptæ. Futuri enim erant
hæresarchæ qui eam negarent ut Mani-
chæus & Apollinarius. 2do. Ut approba-
ret circumcisionem: quam tanquam dia-
bolicum sacrilegium & idololatriam esse à
quibusdam abominandam prævidebat. 3tio
Ut comprobaret se esse de genere Abra-
hæ qui mandatum circumcisionis accepe-
rat. 4to. ne Judæi excusationem haberent
si eum non reciperent, tanquam incircum-
cisum. 5to. Ut obediendi virtutem nobis
suo commédaret exemplo. 6to. Ut quia in
similitudinem carnis peccati advenerat,
remedium quo caro peccati mundari con-
sueverat non respueret. 7mo. Ut legis
onus in se suscipiens, alios à legis onere
liberaret. Age gratias quod ex his alijsq;
tibi notis causis circumcisionem pro te
susceperit. Ora dari tibi virtutes: obedi-
entiam, Humilitatem, Patientiam, Cha-

*Apud Ba-
ron tom: 1.*

*Causæ
Circumci-
sionis.*

*August: in
Epist: ad
Hieronym.*

ritatem: quarum specimen in Circumcisione Christi habes. Adora Sanguinem pretiosum infantis, Dei pro te effusum, eumq; Patri æterno pro tuis offer delictis & per eundem precare ut in sanctitate & iustitia annum inchoatum transigas.

Punctum 2dum. Vocatum est Nomen eius IESUS. Convenientissimè hoc Nomen Christo Domino impositum. *1mo.* Ideo quia Nomina quæ imponuntur Divinitus, significant semper aliquod gratuitum donum Divinitus datum illis quibus imponuntur. Quia igitur Christo Domino hoc munus gratiæ collatum erat, ut per ipsum omnes salvarenrur; ideo convenienter vocatum est Nomen eius IESUS id est Salvator. *2do.* Ideo quia in hoc Namine continentur omnia Nomina Christi, prænuntiata à Prophetis ut Nomen Emmanuel nobiscum Deus, quod significat causam salutis nostræ, nimirum unionem Filij Dei cum natura humana uti illa Nomina: Accelera, spolia detrahe, festinus prædari, quæ significant victoriam ex diabolo hoste nostro uti & illa, Admirabilis, Consiliarius, Deus fortis, quæ significant modum ineffabilem & admirabilem salvationis nostræ. uti demum illa: Pater futuri sæculi, Princeps pacis, quæ significant finem ultimum Salvationis Nostræ.

DE INCARNATIONE DOMINI.

99

3tio. Ideo quia hoc Nomen omnia officia Christi exprimit vt Redemptoris, Doctoris, Ducis, Advocati, Pastoris, Medici, & alia. Esto mihi o IESU Emmanuel: esto mihi Consiliarius, Accelera: festina prædari hostes meos. Sis mihi Pater futuri sæculi Princeps pacis.

Punctum 3tium. Expende nominis huius dignitatem. Nam in Nomine IESU omne genu flectitur, Cælestium, terrestrium & infernorum. 2do. Novitatem de eo Isaïæ 62. dicitur: Et vocabitur tibi Nomen novum quod Os Domini nominavit. Quam vis enim antea habuerint aliqui Nomen hoc non tamen ita sicut Christus; quia illi solum tanquam particularis alicuius & temporalis salutis dæmonstratores, hoc nomine vocati sunt: at Christus tanquam universalis & Spiritualis salutis Auctor. *Ipse enim salvum faciet populum à peccatis eorum.* Quis hoc vnquam fecit? Verè Nomen novum, saluare à peccatis! 3tio Efficaciam & virtutem, *Omnis qui invocaverit Nomen Domini, salvus erit.* Et non est aliud sub Cælo nomen, quo oporteat nos salvos fieri. 4to. Suavitatem: ait enim Bernardus: Nomen IESU mel in ore, melos in aure, iubilus in corde. O Nomen dulce, Nomen delectabile, sis semper in ore meo: in corde

Matth. 1.

De INCARNATIONE DOMINI.

meo. Non vivam finè te: non moriar finè te! Sanctifica omnes dies, omnia momenta, anni quem ingredior.

Propositum fervoris Novi. Virtus Religio seu devotio.

Tesseræ: Sit Nomen Domini benedictum in sæcula, ante Solem permanet Nomen eius. Benedictus es Domine in firmamento Cæli, & laudabilis & gloriosus & superexaltatus in sæcula.

O IESU Noverim me, noverim te: nec aliquid cupiam nisi te. Esto mihi IESUS & salva me.

PRO DIE II. JANUARIÏ.

De transacto tempore.

Præludium imum. Statue te vivâ fide coram DEO omnium bonorum atq; etiam temporis largitore.

Præludium zdum. Pete gratiam ut cognoscere possis quomodo anni elapsi tempus traduxeris quantumve profeceris.

P*unctum imum.* Considera quàm variè Dominus Deus sui dona atq; adeo & tempus distribuit: vni longius, alteri brevius: vni lætius, alteri mæstius. Et tu quòd hucusq; vivas, quod anno præterito morte naturali aut fortuitâ non sis oppressus, ab eodem omnium bonorum datore habes. Percurre mente exempla
eorum

De INCARNATIONE DOMINI.

III

forum qui anno præterito vario mortis genere decesserunt. Age gratias quod tibi penitendi & amplius merendi causâ, longioris vitæ spatium concesserit Deus.

Punctum 2dum. Considera quâ variè homines tempus à Deo sibi datum consumant: aliqui in pietatis, aliqui in nequitiae operibus. Examina & tu te ipsum quomodo tempus anni præcedentis expendideris: qualiter *Menses*, *Hebdomadas*, *Anno 12.* dies, horas insumpseris: quot ex ipsis *Hebdom:* devotioni, vigilijs, orationi, meditationi, *52. & di-* pio labori, choro, Obedientiæ; & quot *es vnus.* otio verbis inutilibus, commoditatibus *dies 365.* corporis, somno, deambulationibus *& 6. fer-* deris? Discute postea quantum profeceris in vitijs extirpandis, vel virtutibus *me horæ.* acquirendis: & affectus congruentes elice. *Horæ 8766.*

Punctum 3tium. Considera excellentiam & pretium temporis: imo quia per *Excellen-* illud plurima illaq; æterna bona homo *tia &* lucrari potest. O si vel vnica ex eo *pretium* gula damnatis vel in purgatorio detentis *temporis.* concederetur: quantum gauderent, quantum in operando feruerent. 2do. quia semel elapsum, nunquam amplius revertitur: pecunia amissa semel, potest recuperari vel inveniri; tempus semel perditum, æternum perditum est. 3tio. quia singula eius momenta non possunt emi, vel auro æstimari,

ri. Quanti ergo faciendum, quàm bene expendendum, quàm amare vel minima eius iactura deſtenda! quanto ſtudio reſarcienda! Teſſera aliqua ex poſitis in ſine meditationis heſternæ frequentetur.

PRO DIE III. JANUARI.

De Tepiditate.

Præſudia vt immediatè ſupra.

Punctum unum. DEUS tepidos deſtatur & naſcat. Quia tepidus incipiam te evomere ex ore meo. Apoc: tepidus & quo loco negligentibus comminatur ſubtractionem gratiæ, quæ eſt pænarum maxima. Et Sancti inquit Hieron: ad Iulianum lapſum, corruunt ſi negligentes fuerint. Permittit eos ſcrupulis & perplexitatibus anguſtiari: mæore, ariditate, turbâ paſſionum & tentationum premi. Examina te quoties fueris aedioſus & tepidus in rebus & tentationibus Divinis. Dole, propone ferventer Deo ſervire & omnia tui officiij alacriter peragere, ac quotidie te ad novum fervorem ſtimulare juxta conſilium Thomæ à Kempis: Omni die renovare debemus propoſitum noſtrum & ad fervorem nos excitare, quaſi hodie primum ad converſionem revolvendum niſſemus atq; dicere. Aſſiſta me Domine Deſpirum: ut in bono propoſito & Sancto ſervitio tuo

& da

DE INCARNATIONE DOMINI.

103

& da mihi nunc hodie perfecte incipere; quia nihil est quod hactenus feci. l. i. c. 29.

Punctum 2dum. Expende damna, quæ homini ex tepore advenire solent in vita, in morte, post mortem. in vita multis gradibus gratiæ privatur tepidus, item multis solatijs & meritis; è contra multis maculis inquinatur, periculis lapsuum exponitur, amaritudinibus repletur: in morte tepiditas minuit filialem fiduciam, alacritatem resignationis obtundit; è contra horrorem mortis incutit, & in periculum desperationis inducit: post mortem impedit celerem fruitionem Dei, privat multis gradibus gloriæ. Fuga & detestatio tepiditatis omnisq; acediæ.

Mala tepiditatis in vita, in morte, post mortem.

Propositum, Tesseræ, Virtus vt in die Circumcisionis Domini.

PRO DIE IV. JANUARIÆ.

Meditatio ad fervorem pietatis alliciens per exempla.

Punctum 1mum. Considera exemplum Christi, qui ferventissimè & intensissimè operabatur salutem nostram statim à Conceptione sua per actus internos, postea etiam per externos, qui in infanti ævo fuerunt: Nativitas in stabulo, frigoris & nuditatis tolerantia, effusio sanguinis cum circumcideretur, fuga in Ægyptum.

Torporem excutiant exempla Christi.

*Deipara.**S. Pauli i.**Eremita**& aliorū**Eremita-**rum.*

ptum; crescente ætate crescebant in im-
mensum labores vsq; ad ipsam ignomi-
niosissimam mortem. Propone item tibi
ob oculos exemplum Virginis Beatissimæ
cum summo fervore orantis, meditantis,
laborantis, ad auxilium proximorum cum
festinatione currentis. Expende quoq;
fervorem variorum Sanctorum, vt S. Pa-
tris Pauli Primi Eremitæ, qui nisi fervi-
dè vixisset rigorem illum & tantā solitudi-
nem non valuisset sustinere: aliorum quoq;
Eremitarum ac Sanctorū quorumvis, quo-
rum vitam exploratam habes. Prisci San-
cti Patres qui in Eremo vixerunt dati sunt
in exemplum omnibus religiosi: & plus pro-
vocare nos debent ad proficiendum quam re-
pidorum numerus ad relaxandum. ait Tho-
mas à Kempis l. i. de Imitatione.

*[Fratrum
viventiu.*

Punctum 2dum. Considera exempla vi-
ventium Fratrum, quomodo alacriter ad
matutinas surgunt, ad diurnas festinant;
quomodo devotè & ferventer celebrant;
proximorum saluti student, orationes vo-
cales prolongant, vivunt Sanctè & com-
positè. Vide & fac similiter. Quod si re-
pidum ac negligentē vides, noli æmulari
in malè agentibus, sed condole & excita.

*Scala Ia-
cob Quæ?*

Status vitæ Religiosæ est Scala Iacob
in qua alij ascendunt, alij descendunt:
hoc est, alij proficiunt, alij deficiunt:

Non

Non te terreant descendentes monet S. Hieronymus sed provocent ascendentes. Nunquam à malis exemplum sumitur: etiam in sæculi rebus à meliori parte incitamenta virtutum sunt. Videlicet Iacob innitentem scilicet Dominum; ut lassas manum porrigeret. Et ascendentes suo ad laborem provocaret aspectu. Ora Christum Dominum ut tibi quoties lassatis manum porrigat, teque ad finalem ascensum animet.

Punctum 3^{ium}. Perpende insuper exempla hominum sæcularium. Hi sime-
 gators sunt, die noctuque per mare, per terras currunt lucelli gratiâ: agricolæ manè surgunt, portant pondus diei & æstus, ut victum quærant: similiter Oeconomi & opifices. Ergo ne prudentiores & ferventiores erunt filij sæculi huius filijs Dei? ergo lucellum vnum meretur tantos labores & sudores? Regnum Cælorum non meretur? Quod si hæc non movent, vade piger ad formicam, vade ad apes variaque irrationalia, & vide quomodo omnia officio suo fervidè funguntur ad quod creata à Deo: tu ratione præditus nihil minus curabis quàm fini ad quem conditus es satisfacere? Propositum ut supra. Tessera ejaculatoria aliqua ex positis in fine meditationis de Circumcisione Domini.

Ad Iulianum.

Sæculariū

Irrationalium.

PRO DIE V. JANUARIJ

Meditatio ad fervorem & devotionem invitans, nostri ipsorum, & Virginis Beatissima consideratione.

Punctum unum: Vos estis templum Dei vivi ait Apost. Templum est domus orationis; unde & oratorium dicitur. Quis itaq; homo, & præcipue cultui Divino a singulari ratione mancipatus, orationis domus esse debet. In templo quid aliud fieri vides, nisi Sacrificia, Meditationes, Lectiones spirituales, cantus & id genus cultus Divinos: ita pariter in nobis eadem exercitia semper fervere debent; & eò magis quòd sumus templum Dei vivi, vivum & animatum.

Punctum 2dum. Beatissima Virgo à Sanctis Patribus appellatur *Thuribulum aureum*, eò quod ex ejus corde, continuò suavissimus odor incensorum, hoc est affectuum piorum, & orationum ascendebat ad Dominum: ob eandem rationem Templum & Sacrarium SSmæ Trinitatis appellatur. Si filij veri sumus, imitemur. Propositum, tessera ut supra. Oratio fiat ad Virginem Beatam, ut à te torporem omnem amoveat. *Vitæ forma, morum norma, plenitudo gratiæ, Dei templum & exemplum, totius justitiæ, tuæ dulci prece salu-*
suppli-

supplices & refove; quidquid gravat vel depravat mentes nostras, remove.

MEDITATIONES

Fidem in nobis aucturæ.

PRO FESTO EPIPHANIÆ DOMINI.

Meditatio de tribus Regibus Magis.

Punctum 1^{um}. Tres Magi ab Oriente, stellâ duce, Hierosolymam venerunt. Considera imo mirabilem DEI providentiam; qui sicut supra per Angelum Filij sui nativitatem pastoribus manifestavit, ita nunc gentibus per novam stellam. 2^{do}. Charitatem pueri IESU, qui omnes homines ad se trahit, è vicino pastores, è longinquo Reges. 3^{tio}. Fidem & fortitudinem Magorum, qui constanter Regem natum coram Rege Iudeorum confitentur, & quærunt. Vide quanto gaudio & alacritate iter peragunt. Propone fervorem eorum imitari in rebus Divinis. Ora ut quod proponis exequaris.

Punctum 2^{dum}. Ubi est qui natus est Rex Iudeorum? Nullum alium Regem Iudeorum adorandum quæsierunt Magi: neq; alteri cuiquam hunc tam magnum honorem longinqui alienigenæ, & ab eodem regno prorsus extranei à se deberi arbi-

arbitrabantur, sed soli illi quem Regem
S. August. Cæli agnoscerent, Deumq; simul & ho-
serm. de minem crederent, & à quo salutem ani-
Epiphani. mæ consecuturos se, minimè dubitarent.
 Hoc idem crede & tu. *In Bethleem Iudæ.*
 Iudæi indicantes Magis locum Nativita-
 tis Christi, similes facti sunt fabris Arcæ
 Noe, qui alijs vbi evaderent præstiterunt,
 & ipsi diluvio perierunt. Audierunt &
S. Thomas abierunt inquisitores: dixerunt & reman-
 serunt doctores, similes lapidibus milli-
 arijs qui viam ostendunt neo ambulant.
 Cave ne sis de numero eiusmodi docto-
 rum. Sapient prædicatores. Docere &
 non facere Pharisaicum est.

Punctum 3tium. Intrantes domum inve-
 nerunt puerum, &c. Contemplare Magos
 supplices in terra prostratos cum summa
 exultatione Spiritûs Christum salutantes:
 Divinam Maiestatem in infantilibus mem-
 bris consistentes: se ipsos prius, mox &
 munera offerentes. Contemplare dulcem
 Iesum Regibus arridentem B. Virginem
 & Iosephum munera humiliter recipien-
 tes. Expende etiam mysterium munerum
 oblatozum. Per aurum Regia dignitas,
 per Thus Divinitas, per Myrrham hu-
 manitas & amarissima passio Christi desi-
 gnatur. Moraliter per aurum charitas,
 per thus oratio seu devotio, per myrrham
 morti-

mortificatio intelligitur. S. Epiphanius S. Epipha-
 observat munera hæc fuisse spolia ex vi- ni9 scribit
 ctoria illa celebri Abrahæ. Offer tu quoq; quod Abra-
 IESULO animam tuam cum tribus poten- ham rele-
 tijs intellectu, voluntate, memoriâ. Con- gando a se
 fiteri ipsum esse Deum, hominem, Re- filios suos
 gem Cæli & terræ, Age gratias pro im- ex Ceru-
 mensa charitate erga nos. Age gratias, ra in Ma-
 pro omni oratione & mortificatione ipsi- godiâ Re-
 us propter nos facta. Statue per charita- gione Ara-
 tem devotionem & mortificationem gra- bicam cū
 tificari; omnem victoriam tuam, ex carne, pecunijs &
 mundo & diabolo, Christo adscribe & varijs opi-
 offer. Insuper qui Christum agnovisti & bus, dedit
 ab eo receptus es in gratiam, noli redire ipsis etiam
 ad Herodem diabolum: & disce, quoti- ex illa ce-
 es per Sacramenta Deo reconciliaris, a- lebrī victo-
 liam tibi conversationis viam ineundam ria dona
 esse. Placebit Deo tuo, loco muneris Sacra,thy
 pretiosi. myrhā &

Propositum aliquoties per diem ado- aurum Re-
 randi Christum in Eucharistia, eiq; actus gū Sodomo
 Fidei, Spei, & Charitatis offerendi, & rū & Go-
 pro beneficio vocationis ad fidem grati- morrha in
 as agendi. peris con-
 clusa pro-

Exercitium Virtutis fidei.

Acculatoria oratio aliqua ex sequentibus: pter Messi-

Dominus illuminatio mea & salus mea: a servāda,
 quem timebo? quæ succes-

O lux quæ illuminas omnem hominem su tēporis
 veni- Magi eorū

posteri ob. venientem in hunc mundum: illumina me
tuleram accende me!

Christo. Ostende te mihi consolator meus vi-
Apud Ba- deam te lumen oculorum meorum: vide-
ron: tom: am te lætitia cordis mei! *S. Aug.!*

Pro die II. infra Octavam Epi-
 phaniæ.

Meditatio de oblatione Pueri IESU
in Templo.

Luc. 2.

*Turturū
 & colūba
 proprieta.
 tes & my-
 steria.*

*Oblatio
 hæc vitā
 contempla-
 tivam &
 activam*

Punctum unum. Tulerunt Iesum in Hie-
 rusalem ut sisterent eum Domino: &
 ut darent hostiam secundum quod dictum est
 in lege Domini par turturum aut duos pul-
 los columbarum. Considera 1mo humilita-
 tem IESU: Natus est ut pauper, Circum-
 cisus ut peccator, redemptus legali ho-
 stiā quasi servus. Considera 2do Myste-
 rium avium pro Christo oblatarum. Nam
 turtur quia est avis loquax, significat præ-
 dicationem & confessionem fidei: quia
 verò est animal castum, significat castita-
 tem: quia insuper est animal solitarium
 significat contemplationem; columba ve-
 ro est animal mansuetum & simplex, ideo
 mansuetudinem & simplicitatem signifi-
 cat; est etiam animal gregale, unde vi-
 tam activam denotat: & ideo huiusmo-
 di hostia figurabat Christi & membrorum
 eius in utraq; vitā scilicet activā & con-
 tem-

DE EPIPHANIA DOMINI.

III

templativâ perfectionem. Virtutes has Christi ac
& utramq; vitam perface in me Domi- Sanctorum
ne ut tibi oblatio fiam acceptabilis. ejus præfi-
gurat.

Punctum idem. Aviculæ istæ propter
consuetudinem gemendi, designant etiam
præsentēs Sanctorum luctus: turtur quidē
ut potē solitaria secretas, orationum la-
chrymas columba verò quæ est gregalis,
designat publicas, Ecclesiæ orationes. *Gemitus
turturis
& colubæ
quid signi-
ficat?*
Utrumq; verò animal duplicatum offere-
batur, ad demonstrandum, Sanctitatem
debere esse, & in anima & in corpore. *Quare par
turturum
aut colum-
barum of-
ferebatur?*
Vide an sint proprietates harum in te a-
vium nec ne! si sunt, pertines ad Corpus
Christi; si non sunt, cura & ora ut sint.

Pro die III. infra Octavam Epi-
phanix.

*Quibus, quando, qualiter manife-
stata Nativitas IESU Christi: &
unde meruit Simeon videre ac
gestare eundem?*

Punctum unum. Venit Simeon in Spiri-
tu in templum. Luc: 2. Vide quomo-
do Nativitas Christi varijs, vario tempo-
re manifestata est. Nam imo manifestata
est pastoribus ipsâ illâ nocte, qua Chri-
stus natus. 2do. Manifestata est Magis
tertio-decimo die à Nativitate: quo die
Festum

*Manifest.
Christi
Nativit.
v. trijs sa-
ta.*

Festum Epiphaniæ celebratur. Pervenerunt autem Magi à longè ad cunas Christi in tam brevi tempore, tum virtute Divina, tum velocitate dromedariorum. 3tio. Manifestata est iustis in Templo, hoc est, Simeoni & Annæ, quadragesimo die à Nativitate ipsa. Per pastores designantur Apostoli quibus primò innotuit fides Christi: per Magos plenitudo gentium: per iustos plenitudo Iudeorum, qui novissimè ad fidem convertentur. Age gratias quod & tibi in persona Magorum sit monstrata Nativitas Salvatoris & gratia fidei donata. Propone opera fidei conformia exercere.

Punctum 2dum. Expènde convenientiam signorum, quibus Christi Nativitas manifestata: pastoribus facta manifestatio per Angelum, Magis per stellam, iustis per instinctum Spiritus Sancti. Pastores enim Iudæi erant: Iudæis autem consuetum fuit responsa Divina per Angelos accipere: gentilibus porro consuetum maxime verò Astrologis, quales hi Magi erant, stellarum cursus inspicere; iustis demum familiare per interiorem instinctum Spiritus S. edoceri absq; visibilium signorum demonstratione. Adora & admire Divinam Providentiâ hominibus se accommodantem; & per signa visitata eos vocantem

DE FUGA IN ÆGYPTUM.

114

Punctum 3^{ium}. Expende causas ob quas meruit Simeon videre & gestare Salvatorem. 1^{mo}. Quia in eo erat Spiritus Sanctus. 2^{do}. quia erat iustus, hoc est à peccatis immunis. 3^{tio}. quia timoratus timore filiali. 4^{to}. quia expectans redemptionem Israel. Has virtutes & tu curare habere, ut Christum Dominum in sacra Communionem merearis, cum spiritus exultatione recipere.

Pro Die IV. infra Octavam Epiphaniæ.

Meditatio de fuga Christi in Ægyptum.

Punctum 1^{um}. Herode ex auditis quæ in templo facta fuerant turbatus se illusum à Magis indignante, monitus est Ioseph in somnis per Angelum, ut in Ægyptum fugeret cum Puer & Matre ejus. Quare Christus Dominus fugit, cum potuerit furorem Herodis infinitis modis compescere, vel declinare. Fugit 1^{mo} ideo & in Ægyptum fugit: ut imitaretur Abraham & Iacob & filios Israel, qui peregrinati sunt in Ægypto: & ut compleret in se secundum veritatem Scripturam illam: *Ex Ægypto vocavi Filium meum*, quæ secundum figuram in Israele verificata fuit. 2^{do}. Ut ostenderet se esse

Baronius
tom. I.

H

verum

*Christus
similis
Moyſi.*

verum Ioseph, verum Salvatorem mundi
qui Ægyptum & totum mundum inopiet
panis cælestis laborantem ipse Panis cæde
lestis reficeret. 3tio. Ut ostenderet se ſibi, q
mitem Moyſi: qui populum electum daret c
servitute Pharaonis diaboli liberaretus &
Promiserat Dominus, *Deutoron 18.* Promis.
phetam similem Moyſi. Verè similis Moyſer
ſi Christus. Ille Pharaonis, hic Herodiscuri
persecutionem sustinuit. Moyſes dum cæ
teri parvuli necantur, mirabiliter serva
tus est: etiam Christus. Moyſes parvulus
ludens de capite Pharaonis coronam de
jecit: Christus Herodi & coronam, & vi
tam in brevi tempore ademit. Agnoſce
recapitulationem priorum temporum in
Christo factam: & quidquid antea per Pa
tres factum est, umbram fuisse, & præſe
gnationem futurorum Christi geſtorum
intellige.

*Ægyptio-
rum su-
perſtitio
non quie-
viſſet niſi
Dominus
omnium
in corpore
quaſi in
nube ve-
niſſet eo de-*

Punctum 2dum. Morales cauſæ hæ funt
Ut populum graviffimis erroribus idola
latriæ implicatum ad fidem & ſanctimo
niam initiaret. Ubi plures & monſtroſi
ores erant ſuperſtitiones quàm in Ægy
pto, quæ per adventum Christi cum ſa
nis & idolis corruerunt? Ut deſerta Æ
gypti in quibus olim ad iracundiam Do
minum provocaverant Iudæi immolantes & ſu
Beelphegor, ſanctificaret & habitationem
Eremiti-

DE FUGA IN ÆGYPTUM.

116

eremitarum præpararet. Ut nos doce- *scendisset*
 ret non resistere malis, sed furori eorum & idolorū
 cedere, & quidem magis timore peccan- *errores cō-*
 si, quā timore mortis. Ut item doce- *pescuisset.*
 det quò Herodem diabolum membraq; e- *Athan: de*
 ceus & oninem malorum societatem fugia- *Incarnat:*
 romis. Fugit autem de nocte, vt fuga quæ *Verbi.*
 per se difficilis est & molesta, noctis ob-
 scuritate fieret difficilior. Fugit ex Palæ-
 stina in Ægyptum. Palæstina religionem,
 Ægyptus sæculum notat. Non rarò enim
 sanctius vivunt sæculares quā regulares:
 ideo ab his ad illos se transfert Christus.
 Vide ne tibi hoc contingat.

Punctum 3^{ium}. Quare autem portatur
 Christus Dominus? Licet enim per in-
 fantilis corpusculi infirmitatem ambula-
 re nequiverit tamen id etiam non finè
 mysterio fuit quò gestari voluerit. Por-
 tatur itaq; ideo, vt ostendat quod si-
 ne ipse fugiens Herodem portatus est:
 ita filios Israel fugientes Pharaonem por-
 taverit: & portet semper electos suos.
Isa 49. Et ego quasi nutritius Ephraim
 portabam eos in brachijs meis. Et in De-
 uteron: *Portavit te Dominus Deus tuus, vt*
soler homo gestare parvulum filium. Porta-
 tur vt nos quoq; membra Christi, filios
 subditos nostros portemus in sinu no-
 stro, labores & fatigia ipsorum in nos as-
 sumen-

*Hermopo-
lis civitas
Thebaidis
habitatio
Christi,*

sumendo, & periculo mortis temporalis
ac multo magis æternæ eos subducendo
Expende hic qua charitate, patientia
résignatione fugam hanc Christus IESU
SUS cum Matre & Iosepho suscepit
& absolverit: qua cura & solitudine to-
to septennio B. Virgo Filium educavit
in civitate Hermopoleos: qua reveren-
tia contrectarit: qua lætitia exultarit
dum crescente ætate ambulanti oranti
temq; videret. Age gratias IESU Chri-
sto pro omnibus incommodis, quæ tu
causâ passus. Ora ut tam in prosperis
quàm in adversis portet te semper in bra-
chijs suis. Propositum, Exercitium, Te-
spera ut in Festo Epiphaniæ.

Pro Dominica infra Octavam Epi-
phanix.

*De ascensu Christi duodennis in
templum.*

Punctum unum. Post reditum ex Æ-
gypto IESUS duodennis è Nazareth
peregrinatus est Hierosolymam ad diem
festum. Considera imo quanta devotio-
ne Beatissima Virgo cum IESU & Iose-
pho ascenderit Hierosolymam licet ad id
non teneretur; & discere opera superero-
gationis facere. Considera 2do & mente

DE ASCENSU IN TEMPLUM.

118

contemplare puerum Iesum cum Mâtre ac Iosepho iunctis manibus ardentem orantem. O utinam ex illo ferventium precum igne vel vnica scintilla cadat supra frigidās orationes nostras!

Punctum 2dum. Remansit in templo IESUS nescijs Parentibus: & post triduum inventus inter Doctores interrogans & respondens. Expende imo. Christum inveni in templo, in orationibus, in Sacramentorum usu, in sacrificijs. Expende 2do interrogasse non ut aliquid (vt ait Origenes super Lucam) addisceret, sed vt interrogans erudiret. Ex vno quippe doctrinæ fonte manat, & interrogare & respondere sapienter. Expende 3tio. non fuisse conueniens dignitati Christi, vt à quocunq; homine doceretur. de eo enim dicitur Iſaiæ 55. *Ecce testem populis dedi eum Duce[m] ac præceptorem gentibus.* Præceptoris autem non est doceri sed docere. Disce frequens esse in oratione. Disce de diuinis rebus crebrò conferre.

Punctum 3tium. Duodecimo ætatis anno dignatus est Christus Dominus homines interrogare. quia, vt ait D. Thomas, nihil fecit quod non congrueret suæ ætati: & ideo audiendis doctrinæ sermonibus non accommodauit auditum nisi illo tempore quo poterat etiam per viam ex-

Christus interrogat vt erudiat.

Non conuenit ei doceri.

Docendæ auctoritas non conuenit nisi perfectæ ætati.

DE VITA PRIVATA

perientiae talem scientiae gradum attigisti.
 Et secundum S. Gregorium sermo doctri-
 nae non competit nisi perfectae aetati. Disce
 sanos maiorum discursus cum reveren-
 tia auscultare & de dubijs interrogare.
 Disce non sapere ultra aetatem, nec san-
 senes intelligere, sed humiliter iudicium
 tuum submittere senioribus.

Pro die VI. infra Octavam Epiphaniae.

De vita Christi privata usque ad annum trigesimum.

Punctum 1mum. Brevibus annos com-
 plures vitae Christi Domini composui.
 xus est S. Lucas dicens. Erat subditus
 lis: & proficiebat sapientia & gratia apud
 Deum & homines. Trutina inprimis ve-
 ba illa: erat subditus illis. Quis, cui, quomodo
 bus in rebus, & quomodo?

Qua sapientia Christus proficiebat.
 Punctum 2dum. Trutina postea verba
 illa: Proficiebat sapientia. Quis? ille,
 quo ab instanti conceptionis absconditi
 erant thesauri Sapientiae & Scientiae Divinae.
 Quomodo proficiebat? secundum humanam
 sapientiam. id est, experimentaliter
 quae nimirum humano modo scilicet
 sensum & experientiam acquiritur: at non
 proficiebat in scientia Divina, quia haec
 augeri non potest: neque in beata neque in
 i-fusa

Ambrosius
 super Lucam.

infusa, cum hæc utraq; à principio fuerit. Non au-
 ipsi plenariè indita videbatur tamen pro- gebatur
 ficere etiam in his, quia crescente ætate in Christo
 maiora & subtiliora opera faciebat quæ scientia
 maiorem sapientiam & gratiam eiusdem vlla quo
 demonstrabant. Quare proficiebat? ut e- ad habitũ
 xemplo suo doceret quàm ipsi sit gratum nisi sola
 si quotidie crescamus in virtutibus & do- experimẽ
 nis Spiritũs S. ut item nos doceret quòd talis.
 secundum incrementum ætatis maiora, sēper ta-
 hoc est, maioris prudentiæ & gratiæ ope men etiã
 ra exercere debeamus. hæc scien-

Punctum 3tium. Trutina demum soli- tia fuit
 tudinem: quia cum esset Rex gloriæ, in Christo
 tantopere latere voluit, idq; ideo, ut nos perfecta
 instrueret iactantiam fugere, & à tumultu secundum
 sibus causa orationis & contemplationis tempus:
 abscedere. Aliqui ex verbis S. Marci. quamvis
Non ne hic est faber, Mariæ Filius, conijci secundum
 unt Christum Dominum eo tempore quo naturam
 latuit, fabrilem artem exercuisse. Unde non sem-
 poteris considerare cum quo fervore fa- per erat
 brilia tractaverit: quomodo abiectiores perfecta,
 labores pro nobis ferre desiderarit: quo- ideoq; ca-
 modo Deo Patri opera manuum suarum pax au-
 obtulerit: quomodo Angeli obstupuerint gmenti.
 fabricatorem mundi, tam humilem artem
 exercere. Age gratias. Imitari labore ma-
 nuali propone.

Pro Die VII. infra Octavam
Epiphaniæ.

De excellentia virtutis Fidei.

*Verbum
Dñi fons
omnis re-
ctitudinis
ipsaq; in-
creata re-
ctitudo.*

Punctum imum. Rectum est Verbum Do-
mini, & omnia opera ejus in fide. **VERBUM** enim **CARO FACTUM** in quo est omnis rectitudo, omnia op-
era miraculosa quæcunq; fecit, fecit in
de credentium. Unde quia cæcus Marci
fidem valdè infirmam, & modicam habu-
it; ideo non subito, non statim ut alii
sed cum mora, & quasi per gradus quod-
dam (uti fit in curationibus humanis) sa-
navit eum. *Ut sanaretur oculus ad videndum
inungendus erat ad credendum.* S. Augustinus
in Matth. Ita author fidei, & consumma-
tor JESUS Christus diligit fidem nostram.
Ora ut adaugeat fidem tuam.

*Omnia o-
pera eius
in fide.*

Punctum 2dum. Tanta est dignitas vir-
tutis hujus, ut ejus merito omnia plac-
miracula sua Christus Dominus adscrip-
serit. Cæcis Matthæi 9. dixit: *Secundum
fidem vestram fiat vobis.* Pro fide illorum
(ait Aug.) fecit Dominus: instauravit oculos
eorum. Hemoroissæ: *Confide filia, fides
tua salvam te fecit.* Chananeæ Mat: 15. *Ma-
gna est fides tua: fiat tibi sicut vis.* Martini
Joannis 11. *Si credideris, videbis gloriam Dei.*
Marci 9. *Omnia possibilia sunt credenti.*
Petrus

Petrus in virtute fidei ambulavit supra aquas: quando cepit dubitare, cepit etiam mergi; unde ipsi dictum: *Modica fidei quare dubitasti. Fide valuit Petrus quod humana infirmitas non valeret*, ait S. August: in Matth: ser: 14. Age gratias pro beneficio vocationis ad fidem. Propone firmam fide deinceps orare.

Punctum 3tium. Et hoc est, propter quod toties illam vel illam virtutem, illud bonum spirituale (cum tamen ad spiritualia conferenda sit Deus promptissimus) aut corporale non impetras, quia sine fide viva oras, plerumq; dubitando aut magis propendendo in hanc partem, quod Deus non exaudiet petitiones tuas. *Cur quæ petimus, non accipimus?* Dic ergo: *Credo Domine, adiuva incredulitatem meam. Ambula per fidem, ut pervenias ad speciem. Species non latificabit in patria, quem fides non consolatur in via.* S. Aug: serm: 18. in Matth:.

Pro die VII. Epiphaniæ

De Baptismo Christi Domini.

P*unctum unum.* Cum iam tempus advenisset quo Christus Dominus sese mundo ut Doctor & salvator manifestare debebat: licet purissimus esset imò puritatis totius fons, petijt à Ioanne baptisari, propter has causas quæ sequuntur.

H;

imo

*Causæ ob-
quas Chri-
stus voluit
baptisari.*

imo. Ut iustitiam omnem impleret. 2do. Ut exemplum humilitatis Doctoribus exhiberet. 3tio. Ut prius faceret quàm doceret; decreverat enim novum ex aqua & Spiritu Sancto baptismum prædicare & instituere; voluit itaq; ipse prius aqua baptisari. Hæc etenim, juxta Ambrosium super Lucam, *Vera iustitia est vt quod aliterum facere velis, prior ipse incipias, & tuos alios horreris exempla.* 4to. Iuxta Chrysostomum super Matthæum, vt aquas sanctificaret, & sanctificatas relinqueret postmodum baptisandis: seu juxta Sanctum Thomam, vt suo baptismo consecraret nostrum baptismum. Age gratias Christo Domino.

Punctum 2dum. Spiritus sanctus revelavit Ioanni hominem illum petentem baptisari esse Messiam Dei filium. O quanto tunc gaudio fuit perfusus! o quomodo exultationem in utero materno factam renovavit! quantam reverentiam Christo exhibuit! id ex ipsis verbis beati Ioannis quæ de Christo & de se ipso ad discipulos suos protulit intelligere possumus: *Qui habet sponsam sponsus est.* (Ioann: 3.) *amicus autem sponsi qui stat & audit eum, gaudio gaudet propter vocem Sponsi.* O Sponsæ naturæ nostræ Christe IESU vtinam & ego sum semper amicus tuus per charitatem!

dili-

diligamq; te amore flagrantissimo: quia tu prior dilexisti me! utinam stem semper cum summa devotione & reverentia ante te præcipue cum altari tuo adsto vel cum oro! Utinam semper audiam te: audiam & impleam præcepta consilia & inspirationes tuas. Ergo fac me audire vocem tuam Sponse dilectissime: ut auditui meo des gaudium & lætitiā, & ut exultent in te omnia ossa mea, omnes potentia & vires animæ meæ: quò iugiter & ubiq; laudem & magnificem te, aliosq; ad agnitionem & amorem tui, imitando S. Præcursores tuum, verbo & exemplo traham: quod propono me cum adiutorio tuo facturum.

Pro diebus post Octavam Epiphaniæ.

MEDITATIO

pro die prima.

*De miraculis in baptismo Christi:
& de oratione ejusdem post baptismum.*

Punctum unum. Pater æternus Filium Tria miracula in baptismo Christi
suum sic humiliatum mundo manifestaturus tria miracula, ad honorem ipsi
staturus tria miracula, ad honorem ipsi
conciliandum fieri fecit. imo. Aperti & mysteria eorum
sunt tria eorum

sunt cæli; quo ostendebatur eum esse hominem cælestem non terrenum; quo item designabatur baptisatis patere viam in cælum. 2do. descendit Spiritus S. in ipsum in specie colubæ: quo significabatur plenitudo Spiritus Sancti intus latens in Christo ab initio Cōceptionis. quo item significabatur, quod sicut supra Christū baptisatum Spiritus S. visibiliter descendit, ita super omnes baptisatos, invisibiliter postmodum descensurus esset. 3tio. vox audita est de cælo dicens: *Hic est Filius meus dilectus*. quā voce declarabatur, nos quoque per baptismum in filios Dei adoptari. Expende in baptismo Christi, mysterium SS. Trinitatis. Dominus enim in natura humana baptisatur: Spiritus S. in columbæ specie apparet: Patris vox auditur; ut per hoc doceamur, baptismum nostrum invocatione, & virtute SS. Trinitatis consecrari. Affectus congruentes elice. Cave ne Spiritum S., quem in baptismo accepisti, amittas.

Quare. Jesus oravit post baptismum.

Necessitas gratiæ.

Punctum 2dum IESU baptisato & orante, apertum est cælum. Luc. 4. Post baptismum enim necessaria est homini oratio, ad hoc ut cælum introeat: quia licet per baptismum remittantur peccata, manet tamen fomes peccati nos interiorius impugnans; manet mundus & dæmon,

qui

qui nos exterius impugnant. Oportet proinde sine intermissione orare, ut non intremus in tentationem carnis mundi & dæmonis, hoc est, ne vincamur aliqua tentatione. Vide necessitatem orationis crebrae. Age gratias Christo Domino, pro exemplo tibi dato. Age item gratias quod te ad baptismum vocarit, quod pro te orarit, cælum tibi aperuerit. Propone vitare peccata, quibus velut pessulis, aut vestibulis, janua regni cælestis clauditur. Tesseram accipe ex festo Epiphaniæ.

Pro altera die post octavam Epiphaniæ.

De descensu Spiritus S. sub specie columbae in Christum

Punctum imum. Descendit Spiritus S. corporali specie sicut columba in ipsum. Luc. 4. Spiritus S. dicitur descendisse in Christum sub specie & similitudine columbae: non quod aliquâ fictione usus fuerit, non enim convenit Spiritui Sancto, qui est Spiritus veritatis fingere, sed quod veram columbam formaverit in qua appareret, non tamen assumendo ipsam in unitatem personæ, at significando tantum seipsum cum effectibus suis (quos proprietates columbae repræsentant) manere in Christo. Credo Domine JESU

Spiri-

*Quamdiu
Deus non
tollit à te
orationem
tuam, non
amovebit
a te mise-
ricordiam
suam. ait
S. August.
in Ps. 65ti
versic. ult.*

*Fictio non
cadit su-
pra Spiritum S.*

Spiritum Sanctum in te cum plenitudine donorum suorum habitare. Miserere mei, & qui me per baptismum adoptasti in filium Dei; & coheredem tuum; fac ut semper Spiritu Sancto vivificer, & regar, ne unquam adoptionem hanc amittam.

Punctum 2dum. Apparuit autem Spiritus S. in Specie columbæ. Imo. Ideo quia columba proprietatibus suis septem dona Spiritus S. figurat. Nam secus fluenta moratur, ut inde viso accipitre mergat se & evadat: per quod exprimitur donum sapientiæ, vi cuius Sancti penes fluentia Scripturæ divinæ morantur meditantes de Deo; ut rapacitatem diaboli effugiant. Item meliora grana eligit: sicut & Sancti saniores & sanctiores sententias quibus se & alios in fide instruant, per donum scientiæ eligunt. Item pullos alienos nutrit: quod pertinet ad donum Consilij, quo iusti homines alios juvant, & quodammodo nutriunt. Præterea non lacerat rostro: quod pertinet ad donum Intellectus: per quod Sancti Scripturas & sententias bonas non lacerant nec pervertunt hæreticorum more sed juxta Ecclesiæ sensum eas intelligunt & exponunt. Tandem felle caret: quod spectat ad significandum donum pietatis per quam iusti non effervescent in iram irrationabilem

Columba proprietatibus suis representat septem dona Spiritus S.

lem. Insuper in cavernis nidificat, donum fortitudinis hac ratione signando: in eo enim fortitudo Sanctorum est quod in plagis mortis Christi nidum suum hoc est refugium & spem suam collocent. Deum gemitum pro cantu habet: per gemitum exprimendo donum timoris; cuius effectus est homines ad gemitum pro peccatis inducere.

Punctum 2^{um}. 2do. Ideo Spiritus S. Representatus apparuit in specie columbæ super Christum baptisato, ut ostenderet effectum proprium baptismi qui est remissio peccatorum, & reconciliatio seu pacis restauratio cum Deo: columba enim est animal mansuetum & pacificum; propter quod etiam in diluvio apparuit ramum portans olivæ, hoc est, communem orbis terrarum tranquillitatem annuntians. 3tio Ideo ut ostenderet effectum communem baptismi, hoc est, coniunctionem fidelium in vinculo charitatis Christi: columba enim est animal amicabile & gregale; sicut autem remissionem peccatorum ita & unitatem ecclesiasticam operatur Spiritus S. in baptismo. 4to. Ideo, ut doceret quod illi qui accedunt seu ad baptismum, seu ad quodcunque aliud Sacramentum, sine fide & dolo accedere debeant: columba namque est animal simplex astutiâ & dolo

Nec non communem effectum. Ostendit denique donum ex se debere in Sacramente.

dolo carens: & similiter Spiritus S. ut dicitur Sap: 1. odit fictionem. Adora Christum Dominum: & pete ut Spiritus S. in te semper maneat cum suis donis & effectibus. Propone pacem cum Deo & unitatem cum Fratribus ac fidelibus omnibus inviolabiliter servare. Memento etiam ex aspectu columbæ glorificare Spiritum S. & implorare ipsius dona.

Pro die tertia.

De testimonio Ioannis quod Christum perhibuit.

*Quare
Christus
vocatur
in Script:
Agnus?*

Punctum unum. Vidit Ioannes Iesum venientem ad se & ait: Ecce Agnus Dei, ecce qui tollit peccata mundi. Ioan: 1. Agnus vocatur Christus: imo. Propter mansuetudinem & innocentiam suam. 2do. Quia pro nobis immolatus. 3tio. Quia ut ait S. Hieronymus super Isaïæ caput 53. Non solum sanguine suo nos redemit, sed etiam tantis operuit. Adam primus nudos nos fecit & iustitiâ originali privavit: Adam 2dus gratiâ sua nos cooperuit. O felices nos qui Agnum Dei, quem mundus per tot sæcula desiderabat: Emitte Agnum Domine Dominatorem terræ, habemus, videmus, atrectamus, in altari quotidie immolamus, Deo offerimus & sumimus. O Agnelle DEI immaculate, innocentissime

man-

mansuetissimè victima pro nobis facte!
 rogo te per bonitatem tuam, tolle peccata mea, per mansuetudinem tuam, aufer à me omnem animi rancorem. Nudus sum: operi nuditatem meam, ne in iudicio tuo appareat ignominia & turpitudine mea ex peccatis contracta. Frigidus sum; calefacias me sanis meritorum tuorum. Pauper & inops sum in virtutibus; dita me vellere tuo verè aureo. Et qui in medio throni es, rege me semper & deduc me ad vitæ fontes aquarum. Apoc. 7.

Punctum 2dum. Altera die iterum stabat Ioannes & ex discipulis eius duo. Et respiciens IESUM ambulantiem dicit: Ecce Agnus Dei. Ioan: 1. Ambulat IESUS ne ego sedeam, hoc est, ne torpeam; sed bona opera instanter & ferventer operer. Vide quam contraria vita Christi superbo Luciferi: hic sedere appetit: *Ambulatio Christi* sededo in latibus Aquilonis, ille humiliter ambulat & *Christi quid?* pro nobis misericulis fatigat. Ambulatio Christi significat quod quousque sumus in mundo, sumus in via ad Cælum, imò ad Deum omniaque nostra ad eum dirigere debeamus opera, verba, cogitata. Item significat vitam Christi temporalem: per quam nos instruxit, qualiter & nos ambulare, hoc est, vivere debeamus. *Ambulatio IESU*

dispensationem Incarnationis, qua ad nos venire ac nobis exempla vivendi præbere dignatus est, insinuat: sicut mansio eius, æternitatem Divinitatis in qua semper est Pater æqualis, aptissime designat. ait Beda. Dirige me o Christe IESU in semitis tuis! Fac cum servo tuo secundum misericordiam tuam, & iustificationes tuas doce me.

Pro die quarta.

De discipulorum Ioannis post Christum sequela.

Punctum imam. Et audierunt duo discipuli & secuti sunt eum. Ioan: 1. Discipuli Ioannis secuti sunt IESUM non quod ei tunc stabiliter & animo non redeundi ad propria adhæserint, sed quod voluerint mansionem eius scire, frequentaturi eandem, & dulcia verba, verba gratiæ ex ore eius audituri: quem tantopere Magister eorum honorabat & magnificabat. *Conversus IESUS quid quæritis?* ait. Convertitur IESUS ad eos qui ipsum quærent: quia diligit diligentes se. O vtinã sit ad me iugiter conversio tua! quod ut fiat, propono te semper sequi hoc est, mandata tua custodire: virtutes tuas imitari. *Quid quæritis* ait IESUS. Parce mihi benignissime IESU si ego te ipsum interrogavero: quid verò tu ipse quæris?
quid

Quid ambulando investigas? nunquid ali-
 Quid perdidisti? Hominem quæro respon-
 det: ovem errabundam quæ semetipsam
 perdidit, quæro; vt illam in humeris re-
 portem ad sinum Patris mei: ad pascua
 gloriæ cælestis. Ego sum illa ovis. Erravi:
 quære servum tuum.

Punctum 2dum. Rabbi vbi habitas! dicit
 eis: *Venite & videte. venerunt & viderunt*
vbi maneret. Et manserunt apud eum die
illâ. Hora autem erat quasi decima. Ioan: 1.
 Ioannis discipuli interrogati à Christo
 quid quærerent, rogant vbi habitet; qui-
 bus Christus: *venite & videte.* Non mon-
 strat locum mansionis suæ digito, non
 dicit: ibi vel ibi habito, sed humanissimè
 & suavissimè invitat. Quorsum? Tunc
 quidem, quantum ad rei gestæ veritatem
 invitavit illud par sanctum ad domuncu-
 lam in qua protunc hospitabatur; sed
 quantum ad mysticum sensum nbs omnes *Hora deci-*
 invitat ad Patris sui domum, in qua mansi- *mâ veni-*
 ones multæ sunt, scilicet ad regnū cæleste. *tur ad*
Christum.

Punctum 3tium. Hora autem erat quasi *Christum.*
decima. Non potes ad Christum perve-
 nire, & cum ipso manere in perpetuum, *Mysterium*
 nisi decima hora venias, hoc est: nisi per *horæ de-*
 fecte legem Dei serves. perfectio enim *cima.*
 legis Divinæ in denario numero videli-
 cet in decalogo consistit. *Qui luce divinâ*

contemplationis frui postmodum desiderat
prius adiuvante Domino decalogum legis per
opera lucis, quasi decem horas diei sole il-
lustrante compleat aut Beda. Quis non de-
sideret manere cum IESU vel vnico die
certè. melior est dies vna in atrijs tuis
IESU super millia annorum in mundo
hoc. O quando dies illa æternitatis illu-
cescet mihi qua tecum manebo: qua vi-
debo in specie propria humanitatem tu-
am: qua divinitatem tuam facie ad faci-
em contemplantur! O quid tunc audiam
quid videbo: quid gustabo: qua in dulce-
dine nabitur cor meum? Nota. Quando
plures dies supersunt post Octavam Epiph-
ania, tunc vel dividantur hæ meditationes
vel certè accipiantur ad meditandum puncta
de S. Paulo primo Eremita cuius festivitas in
hoc tempus cadere solet.

MEDITATIONES

*Fidelitatem erga DEUM: seu voto-
rum regularium observantiam
commendantes.*

PRO DOMINICA II. POST EPIPHANIAM.

De miraculo facto in Nuptijs.

Punctum unum. Nuptie factæ sunt in
Cana Galilee: Erat Mater IESU ibi.

Ioan:

Ioan: 2. Ubi Mater IESU est, aderit & IESUS. Si vis ut ad te veniat IESUS & in te maneat, atq; dulcedine Spiritus te inebriet: esto devotus Matri eius & oram ut tibi semper assistat, & pro te semper interveniat. *Vocatus est autem & Iesus.* O quanta dignatio Domini nostri, tenuiorum hominum nuptiis interesse non dedignatis! quanto maior eiusdem dignatio ad convivium cum anima nostra celebrandum toties in eucharistia vel contemplatione venientis! *Vocati & Discipuli IESU.* Præter Philippum neminem adhuc ad sequelam sui vocaverat Christus: habuit tamen iam aliquantos discipulos qui cum ultro sequebantur & audiebant: sed necdum ei stabiliter adherabant, & ad propria quoties libuit redibant. In Nuptiis cum Christo discipuli post nuptias, & maxime in passione dilabuntur. Nimirum prospera & iucunda sectamur: adversa & aspera horremus. Tu æquè in consolationibus ac in desolationibus Christo adherere firmiter statue.

Punctum 2dum. Deficiente vino. Defectum eiusmodi Beatissima Virgo Filio suinsinuavit. O quæ piissimæ Matris charitas! si tam sollicita fuit pro corporali inopia sponsorum à quibus non rogabatur: quid putas faciet pro Spirituali subsidio

*Vinū præ-
stantissi-
mū in Cana.*

*quale ve-
rò in con-
vivio cum
anima?*

*quale in
Cælo?*

*Sponsa re-
ligiosorū
Crux.*

& solatio fervorum suorum à quibus invocatur? O Mater misericordiæ nostras deprecationes ne despicias in necessitatibus! *Iussit Iesus impleri hydrias aqua, quam in vinum convertit.* Dei perfecta sunt opera, & quid quid se solo facit, est valde bonum. Et vinum ergo illud quod Christus miraculosè fecit, præstantissimum fuit ad stuporem architriclini & convivarum. Si tantam potentiam & liberalitatem monstravit Christus in nuptijs carnalibus: quantam monstrat animæ in nuptijs spiritualibus, hoc est, in coniunctione sui cum anima per gratiam: quantam item monstrabit in suis illis æternis nuptijs quas cum Ecclesia triumphante & singulis Sanctis celebrabit: quo & quali vino tunc nos tractabit? O nuptiæ agni quando venietis! quomodo me ad vos præparabo? Orna me dulcis IESU byssino iustificationum tuarum: vt dignus fiam ad nuptias venire, quas tibi Pater tuus faciet.

Punctum 3^{ium}. Impleverunt aqua ad summum hydrias. Cana Galilææ significat zelum transmigrationis. Qui zelo amoris divini transmigravimus è sæculo ad Monasterium: nuptias celebramus. Sponsa nostra, crux est: cruci copulati sumus cruci adhærere spondimus. In his nuptijs

ptijs multum est de aqua tribulationis : sed confide ; Dominus has aquas dulcorabit, & in consolationes convertet. Ad est Domina nostra in his nuptijs, & ut adsit roganda : aderit & IESUS. Illa interpellatricem : hic datorem gratiæ, & postmodum gloriæ se monstrabit. Ora MARIAM ut pro te intercedat, tuasq; necessitates Filio suo proponat. Ora Christum, ut quod Mater suggerit, præstare dignetur. Gratias age pro beneficio vocationis ad religionem. Vota renova, & diligentius observare propone. E Tesseris quæ magis placuerit ruminandū elige.

Ecce qui elongant se à te, peribunt : perdidisti omnes qui fornicantur abs te. Mihi autem adharere Deo bonum est.

Adjutor meus esto, ne derelinquas me : neq; despicias me Deus salutaris meus. Juravi & statui custodire iudicia justitiæ tuæ.

PRO FERIA II.

De Beneficio vocationis ad Religionem.

Punctum unum. Considera vocationem ad Religionem esse peculiare beneficium, & post prædestinationē omnium maximum, paucisq; concessum. Religio enim est status perfectionis, non quod omnes religiosi perfecti esse obligentur, sed

Religio
quid ?

DE VITA RELIGIOSA.

sed quòd quotidie ad vitæ Christianæ perfectionem tendere debeant. Hæc est dempto martyrio angustissima porta, & arctissima via, quæ ducit ad vitam æternam, & pauci sunt qui inveniunt eam. In hac si quis convenienter ad sua vota & regulam perseveraverit, probabilissimum argumentum habet se esse in numero prædestinatorum: hæc est schola imitationis Christi: locus meritorum.

Punctum 2dum. Considera causas, cur hoc beneficium magno sit in pretio habendum? Imo est, quia extraordinarium & gratuitum, & ex mille uni concessum. 2da. quia SS. Patres comparant illud baptismi, quod per ingressum religionis, & votorum emissionem percipiat homo plenariam remissionem omnium peccatorum in vita sæculari commissorum. 3ta. quia S. Gregorius dicit, quòd sicut holocaustum excedit alia sacrificia: sic ingressus religionis omne genus penitentiarum & satisfactionum. 4ta. quia S. Bernardus religiosam vitam comparat continuo martyrio. 5ta. quia Religio est quoddam admirandum pactum, quo homo offert se facturum quod potest propter Deum, Deus verò offert homini centuplum in hac vita, & regnum cælestes. Agnosce ergo & venerare Dei benignitatem

tatem. Virtus. Propositum. Tesserà ut
supra in dici Dominicæ Meditatione.

PROFERIA III.

*De novem bonis Religionis à S. Bernar-
nardo enumeratis.*

IN Religione homo vivit purius, cadit
rarius, surgit velocius, incedit cautiùs,
quiescit securius, irroratur crebriùs, pur-
gatur citius, moritur confidentius, remu-
neratur copiosius.

Punctum 1mum. Expende hæc singilla-
tim bona. *In religione vivit homo purius.*
quia bonus Religiosus & corpus habet pu-
rum ob castitatem, & animam ob fugam
peccati mortalis, imò & venialis, & opera
omnia ob intentionem rectam. 2do. *cadit*
rarius: quia in Religione desunt peccan-
di occasiones, desunt laquei opum, ho-
norum, voluptatum. 3tio. *surgit velocius*,
quia divina subsidia promptiora, & Supe-
riorum, Confessariorum, Fratrum, Magi-
strorum Spiritualium adminicula frequen-
tiora suppetunt.

Punctum 2dum. Expende bonum 4tum:
incedit cautiùs. quia multis regulis circum-
scribitur, & multos suorum morum ha-
bet inspectores. 5tum. *quiescit securius*:
quia expers est omnis curæ de victu &
amictu, & fruitur conscientiae pace. 6tum

irroratur sapius: quia in exercitijs spiritalibus, ut in orationibus, meditationibus, communionibus, jejunijs, disciplinis, ceteris licijs &c: particeps fit divinarum inspirationum, consolationum, & donorum Spiritus Sancti.

Punctum 3tium. Expende ulterius reliqua bona. 7mum. *purgatur citius*: quia in Religione quotidie conscientia examinatur. Confessio, communio, & mortificationes variae frequentantur. 8va. *moritur confidentius*: quia tenet infallibilem Dei promissionem dicentis: *Vende omnia, & habebis thesaurum in caelo.* quod si forte conscientius aliquarum culparum adhuc expiandarum, scit se habere in agone et privilegio Ordinis indulgentiam plenariam, ac post mortem plurima suffragia precum ac sacrificiorum. 9num. *remuneratur copiosius*, quia, qui relictis omnibus secuti sunt Christum, centuplum hinc accipient, & vitam aeternam possidebunt. Tesserat ut supra.

PROFERIA IV.

De voto Obedientiae Religiosae.

Obedientiae naturae. **P***unctum 1mum.* Considera in prima naturam religiosae obedientiae, quod sit inferioris ad superiorem voluntaria propter Deum subiectio. Deinde considera

dera excellentias ejus : quod sit signum *Excellentia*
 Filij Dei, nota veri religiosi, tutissima ad
 caelum via, pacis & securitatis internæ
 auctoritas. Demum considera actus ejus, hi *Actus.*
 autem sunt: 1mo. imperata, vel insinua-
 ta superioris exequi. 2do. cum executio-
 ne externa operis conjungere alacritatem
 animi. 3tio. Offerre se ultrò ad quævis a-
 biecta amore Christi cum gaudio.

Punctum 2dum. Recogita quàm perfe- *Exempla*
 ctum nobis exhibuerit exemplum obedi-
 entiae Christus Dominus, Beatissima Vir-
 go, & alij Sancti; quàm tu hætenus fri-
 gidè sis eos imitatus, non cavendo defe-
 ctus contra obedientiam. qui sunt 1mo. *Defectus.*
 non parere ad nutum. 2do. mandata exa-
 minare. 3tio. invitè obedire, contraq;
 murmurare. 4to. Differre imperatum,
 simulare se exequi, & non facere.

Punctum 3tium. Considera media obe- *Media.*
 dientiae, qualia sunt: 1mum. exemplum
 Christi intueri. 2dum. expendere sæpiùs
 voti obligationem: expendere item, ho-
 minem suo fidentem judicio facilè erra-
 re & labi; qui verò superioris dictum sim-
 pliciter sequitur, nunquam. Propositum
 seriò hæc media exequendi. Tessera ut
 supra.

*Caſtitatis
natura.**Excellentia**contra Io-
vinianũ.**Actus.**Exempla.*

Punctum 1^{um}. Considera naturam caſtitatis: quia eſt virtus, qua quis ad perfectius Dei obſequium promptè ab omnibus carnalibus voluptatibus abſtinet. Considera deinde excellentias eius quia Deo, Beatiffimæ, Angelis, Sanctiſq; omnibus grata: quia utilis ad familiaritatem cum Deo conſequendam, & dona cæleſtia impetranda: quia eximiæ mentis tranquillitatem parit: quia Angelis homines æquat: quia auro, & centefimo fructui in Scripturis comparatur: quia Virginibus & continentibus, ut ait S. Hieron: *quasi quibusdam pulcherrimis gemmis Eccleſiæ monile decoratur.*

Demum considera actus eius qui ſunt. 1^{mo}. custodire diligenter, manus, aures, oculos & linguam. 2^{do}. cogitationes immundas ſtatim reiſcere, aut potius mentem aliò avertere. 3^{io} abducere ſe longè ab occaſionibus & periculis impuritatis. 4^{to}. abſtinere à calidiori cibo & potu ex amore caſtitatis. 5^{to}. afflictiones corporis in eum finem aſſumere.

Punctum 2^{um}. Considera quàm perfectè Chriſtus Dominus, Beatiffima Virgo, cæteriſq; Sancti, ut in veteri teſtamento

Mel-

Melchisedech Ioseph, Iosua, Elias, Elisæus, Daniel cum tribus pueris: in novo, Apostoli, & post Apostolos innumeri castitatē coluerint; pēnsa quomodo tu eos hactenus imitatus sis: quomodo hactenus cautus & sollicitus fueris in cavendis defectibus contra castitatē, qui ex prædictis ejus actibus colliguntur. *Grandis fidei est, grandisq; virtutis ait Hier: contra Iovinianum; templum Dei esse purissimum, totum se hostio caustum offerre Domino, & juxta Apostolum, esse sanctum & corpore & spiritu.* Vide quomodo hucusq; puritatem & sanctitatem tam corporis quam animæ custodiveris. Ora, propone.

Punctum 3^{ium}. Post exempla, expende alia motiva castitatis. 1^{um}. quia hæc est voluntas Dei sanctificatio nostra, ut abstinemus nos ab omni specie luxuriæ: ut sciat unusquisq; vas suum possidere in sanctificatione & honore, non in passione desiderij. Corpora enim nostra, templum sunt Spiritus Sancti. & membra Christi. Honor est templo Dei, & membro Christi, si impollutum custodiatur: ignominia est, si inquinetur. 2^{dum}. quia non sumus nostri, sed ejus qui emit nos pretio magno sanguinis sui; ideoq; glorificare & portare debemus Deum in corpore no-

Motiva

*Hier: in 1.
ad Corint.*

stro, castum illud servando. Quodsi abutimur corpore nostro ad libidinem, injuriam gravissimam Christo facimus. *Quia enim non est suus, non sua debet servire voluntati, sed eius à quo emptus est.* 3^{um}. quia nihil damnationis est ijs, qui sunt in Christo IESU: qui non secundum carnem ambulant. 4^{um}. quia Apostolus (& in eo Spiritus S.) crebrò nos cum obtestationibus ad castitatem exhortatur. *Induimini Dominum nostrum IESUM Christum, & carnis curam ne feceritis in desideriis.* Obsecro vos per misericordiam Dei, ut exhibeatis corpora vestra hostiam viventem, sanctam, Deo placentem. Ora ut corpus tuum fiat talis hostia. Propone omne inquinamentum carnis & spiritus Deo displicens vitare.

PRO FERIA VI.

De voto Religiosa paupertatis.

Punctum inum. Paupertas est virtus per quam quis propter Deum privatur se dominio, ac possessione, imò & affectu pecuniae, & omnium facultatum temporalium. Considera excellentiam ejus, quia est grata Deo; quia compendiosè ad cælum ducit, quia ad humilitatem disponit, quia à cura temporalium liberat. Deinde considera actus ejus, qui sunt: imò nullâ re uti tanquam propriâ, sine expressa su-

Paupertas
tis natura.

Excellentia

Actus

sa su-

sa superioris licentiâ. 2do. omniem exue-
re affectum, etiam erga res minimas. 3tio
viliora cupere & amplecti. 4to. Oblata
ab externis agrè, & rarò acceptare, juxta
illud D. Hieronymi: *Nunquam petentes,*
rarò accipiatu rogati. 5to. penuriam in re-
bus necessariis, cibis, vestibus &c. liben-
ter & cum gaudio sufferre.

Punctum 2dum. Considera quàm perfe- *Defectus.*
ctè Christus Dominus, Beatissima Virgo,
ceteriq; Sancti paupertatem coluerint:
quomodo tu hactenus eos imitatus sis;
quod facilè ex contrarijs tuis actibus ad-
vertere potes: tum quia rebus tanquam
proprijs, cum affectu ad ipsas & sinè bene-
dictione uteris; tum quia de penuria con-
quereris, murmuras de victu, amictu &c.
Dolor, Propositum Christum imitandi.

Punctum 3tium. Considera media con- *Media.*
sequendi paupertatem, qualia sunt: imò
obligationem voti crebrò expendere. 2do
paupertatem Christi, Beatissimæ, & alioru
Sanctorum intueri. 3tio. licet res parvæ
sint, cor ad eas non apponere. 4to. omnia
conscribere, & Superiori manifestare.
Desiderium, Propositum: hæc omnia se-
riò seduloq; exequendi. Tesserà ut supra.

PRO DIE SABBATHI.

De virtute fidelitatis.

Punctum 1mum. Esto fidelis vsq; ad mor-
rem

tem, Apoc. 2. Fidelitas consistit in promissis adimplendis. dicit enim S. Thomas 2.2. q. 88. ar. 3. *Ad fidelitatem hominis pertinet, ut solvat id quod promissit. Maxime autem debet homo Deo fidelitatem: tum ratione domini; tum ratione beneficij suscepti. Et ideo maxime obligatur homo ad hoc, quod impleat Deo vota sua.* Iuxta eundem, fractio voti, est species infidelitatis. Graviter plectitur fides violata marito à consorte, duci à milite, domino à servo. Ah o quàm gravius plectitur violata Deo ab homine! Ergo quod egressum est de labiis tuis observabis, & facies sicut promissisti Domino Deo tuo. Deut. 23.

Punctum 2dum. Ruina est homini devorare Sanctos, & post vota retractare. Prov. verb: 20. Vide quàm grande sit piaculum non servare vota.

*Fractio
voti quàm
grave
peccatū.*

Quemadmodum gravissimè peccant, & certissimè ruinæ salutis æternæ ac temporalis involvuntur illi, qui devorant Sanctos, vel personas eorum persequendo, vel bona diripiendo; ita gravissimè peccant, & certissimam ruinam in corpore atq; anima subibunt, qui quod semel Deo voverunt, & divini juris effecerunt, Deo per retractionem, aut non adimplentionem auferunt, & abripiunt. Vovisti Deo

Deo obedientiam : jam illi , ejusq; Vi-
 carijs , Superioribus tuis voluntatem tu-
 am consecrasti. Vovisti paupertatem? bo-
 na omnia tēporalia quæ habuisti & ha-
 bere potuisti , tuæ jam non sunt proprie-
 tatis. Vovisti continentiam? jam mens ,
 corpusq; tuum , speciali quodam jure non
 tuum esse cæpit , sed Domini. Cave er-
 go ne quæ dedisti Deo , repetas ab eodem
 ad tuas delectationes. Time exemplum
 Ananiæ & Saphiræ.

MEDITATIONES

Ad resignationem voluntatis no-
 stræ permoventes.

PRO DOMINICA III. post Epiph:
*De celestis Regis IESV Christi ad se
 sequendum & imitandum invi-
 tantis excellentiâ.*

Præludium 1mum Pone tibi ob oculos
 Christum IESUM instar excellentis cujus-
 dam ducis milites conscribentem , subdi-
 tosq; suos ad se sequendum invitantem.

Præludium 2dum. Pete efficacem grati-
 am audiendi & obsequendi.

P*unctum 1mum.* *Secutæ sunt eum tur-
 bæ multæ Matthæi 8. Hujus Regis ,
 K seu*

Excellentia celestis Regis Iesu Christi.

ex origine

ad Rom. 1.

S. Thomas

3. p. 9. 24.

ar. 1. ad 2.

ex honore

ex officio.

seu ducis, quem vocantem & prædicantem secuti sunt discipuli & turbae multae, expende excellentiam ex origine alijs titulis. imo. quantum ad originem factus est Patri suo ex semine David secundum carnem: idemque prædestinatus Dei in virtute, ut ait Apostolus, dantes intelligere, secundum hoc, quod est factus ex semine David quo ad carnem, esse prædestinatum ut sit filius Dei in virtute. Quamvis enim naturale sit illi personae secundum se considerare quod sit Filius Dei in virtute: non est tamen hoc ei naturale secundum naturam humanam, secundum quod hoc sibi convenit, per gratiam unionis. ideo quantum ad naturam humanam credit sub prædestinationem hoc quod Christus sit Filius Dei. Est ergo etiam secundum humanitatem Filius Dei in virtute hoc est naturalis non adoptivus. quantum ad honorem est caput corporis Ecclesiae: est ante omnes, & in ipso omnes constant: in omnibus primatum tenent. In nomine ejus omne genu flectitur caelestium, terrestrium & infernorum. quantum ad officium: est Dux & præceptor gentium: est Rex constitutus à Patre supra Sion montem sanctum ejus, id est supra. Ecclesiam ex Angelis & hominibus constitutam: nec solum Rex, sed etiam Apostolus

solus

Solus & Pontifex confessionis nostræ : est
mediator DEI & hominum.

Punctum 2dum. 4to quantum ad divi-
tias : in ipso omnes thesauri sapientiæ &
scientiæ Dei : in ipso complacuit omnem
plenitudinem divinitatis inhabitare cor-
poraliter , quasi dicas *summaliter* ait Hie-
ronymus. 5to. quantum ad speciem : spe-
ciosus formâ præ filiis hominum. *Ut non*
ex æquo, ut alij, homo : sed cum homine Dei
filius intelligatur ; ideo pulchrior dicitur præ
alijs filijs hominum. 6to. quantum ad po-
tentiam. Accinctus gladio super femur
suum. Per gladium Verbum : per femur , In-
carnatio. Accinctus ergo gladio super femur
suum , hoc est verbo prædicationis super car-
nem assumptam. quo gladio & morbos, &
mortem ipsam ; & hominum superbiam ,
duritiam ac malitiam , & dæmonum po-
tentiam victam cadere necesse est.

ex divitijs

ex specie.

Hier:

*ex poten-
tia.*

Hieron:

Punctum 3tium. 7mo quantum ad mo-
res & virtutes ejus , descripserunt eum
Prophetæ : non erit tristis neq; turbulen-
tus, sed totus suavissimus , totus desiderabilis.
Diffusa gratia in labijs ejus : quidquid lo-
quitur gratia & amor est. Morbos ver-
bo sanat, mortem pellit, mare facit quie-
scere , ventis indicit silentium, dæmones
compefcit : deniq; quoties os aperit to-
ties gratia egreditur de labijs ejus. Regi-

*ex mori-
bus.*

ex doctrina.

men eius placidissimum & iustissimum non violentum non iniquum. Virga æquitatis, virga regni eius. Veritas mansuetudo & iustitia in omnibus verbis & operibus eius. 8vo. quantum ad doctrinam verba vitæ æternæ habet. Doctrina eius doctrina veritatis & salutis. Lex per Moysen data est: gratia & veritas per Iesum Christum facta est. Quis iam tali Domino servire nolit: quis abnuat sequi eius vestra & signa talis Ducis, talis Regis. Rex meus & Deus meus, intende propere in adiutorium meum: procede eruum me de potestate diaboli: regna me semper virga directionis tuæ, regna super me in perpetuum. O si Reges hunc in decore suo videbunt oculi mei: o si cernent terram de longè! Propositio Abnegatio voluntatis propriæ. Virtus, prompta obedientia, & conformitas cum voluntate Dei.

In suspirijs crebris sint sequentia:

Thomas a Kempis.

Benignissime Iesu fac mecum sicut scis. sicut tibi magis placuerit, & maior tuus honor fuerit.

O dulcis Iesu, tu es via veritas & vita per te, in te, ad te perveniam! non mea sed tua voluntas, sive in parvo, sive in magno fiat.

Sequar te quocumq; ieris: mihi tolli non poteris Iesu laus nostri generis.

PRO

PRO FERIA II.

De circumstantiis initij prædicationis Christi.

Punctum unum. Incæpit Christus Dominus prædicare in Galilæa: ubi terra Zabulon & Nephtali posita. Et hoc ideo, imo ut adimpleretur vaticinium Ilaiæ: *Primo tempore alleviata est terra Zabulon & terra Nephtali. Populus qui habitabat in tenebris, vidit lucem magnam.* 2do. Quia Ioannes in Galilæa positus fuit ad carcerem ab Herode: ubi ergo ille cessavit prædicare, inde sibi IESUS exordium decrevit. 3tio. iuxta S. Hieronymum ideo, ut ubi Israelis fuerat ab Assyrijs prima captivitas, ibi redæptionis præconium nasceretur. O requies nostra Christe IESU allevia me ab oneribus peccatorum! O lux nostra orire mihi in regione umbræ mortis sedenti! Cæpit autem prædicare ætatis suæ anno trigésimo iuxta illud Luc: 3. *Et erat Iesus incipiens quasi annorum triginta.* Ad docendum namq; requiritur perfecta ætas: qualis est triginta annorum. unde & Ezechiel trigésimo anno cæpit prophetare. Requiritur item vita perfecta: hanc autem numerus trigenarius designat; qui consurgit ex ductu ternarij in denarium: por-

Locus.

Tempus.

ro per ternarium intelligitur fides. SS
 TRINITATIS, per denarium impletio
 decalogi; & in his duobus perfectio vite
 Christianæ consistit. Utinam & ego cre
 scam in virum perfectum: quo siam aptus
 etiam alios viam mandatorum tuorum
 docere.

Occasio.

Punctum 2dum. Occasio ex qua publicè
 orsus est prædicationem suam IESUS
 fuit coniectio Ioannis in vincula. Ait e
 uim Evangelista: *Postquam autem traditus est Ioannes venit Iesus in Galileam prædicans Evangelium regni Dei.* Marci 1. Sc
 quare incarcerato Ioanne incepit Chri
 stus prædicare? Quia quousq; Ioannes of
 ficio suoungebatur manifestando IESUM
 & ad fidem in eum baptismo doctrina disponendo homines, noluit ab
 eo Christus abstrahere homines: ideoq;
 supersedebat à docendo publicè, & à per
 trandis miraculis; at postquam lucifer
 occidit, tota virtute sol mundo sese ma
 nifestare cepit. S. Chrysostomus hanc
 dat causam. *ut omnis, inquit, multitudinis affectio ad Christum transiret & non ultra
 his quæ de utroq; erant sententijs scinderetur.* Etiam enim de Ioanne fuit opinio
 quod Christus esset: quæ cessavit, post
 quam Ioannes è medio sublatus est. O
 Christe, da mihi nullam occasionem gloriæ
 riam

nam tuam propagandi, & salutem proximorum procurandi prætermittere: da mihi dum tempus tacendi tacere, dum tempus loquendi loqui salutaria: da non moveri zelo contra alios sive sermone, sive opere potentes; sed potius ex ipsis Deum glorificare.

Punctum 3^{ium}. Regressus est Iesus in Galileam in virtute Spiritus. Luc. 4. Qualiter regressus, taliter cepit annuntiare Evangelium. Quid autem est in virtute Spiritus ire: est in sermone & opere, virtutis suæ potentiam demonstrare. Prædicabat ergo in virtute Spiritus: quia & sermonibus omni gladio ancipiti penetrabilioribus, & miraculis, & ipsa quæ ex oculis & facie eius radiabat gratiosa maiestate commovebat homines ad penitentiam. Matthæus Evangelista ait: Erat docens eos, sicut potestatem habens, & non Thomas 3^o sicut scribæ eorum & Pharisei. Potestas autem Christi in docendo attenditur & quantum ad miracula per quæ doctrinam suam confirmabat: & quantum ad efficaciam persuadendi: & quantum ad auctoritatem loquentis, quia loquebatur quasi dominum habens supra legem, cum diceret: Dictum est antiquis &c. Ego autem dico vobis: & etiam quantum ad virtutem rectitudinis quam in sua conversatione monstrabat sine pecca-

Modus.

to videndo. Fac & me o bone IESU in virtute Spiritus S. quidquid operor operari vt ferventer & recta intentione omnia faciam. Reple me Spiritu tuo: illumina me accende me; vt totus ardens amore tuo & ipse magis ac magis trahar, & alios traham ad te.

PRO FERIA III.

De vocatione discipulorum.

Quadriga
Xri prædi-
cationem
inchoan-
tis.

Punctum unum. Ambulans IESUS iuxta mare Galilee vidit duos fratres Simónem & Andream: & procedens inde, vidit alios duos fratres, Iacobum Zebedæi & Ioannem: & vocavit eos. Matthæi Isti primi (intellige post conjectionem Ioannis in vincula: & cum Dominus cepit publicè prædicare) vocati sunt vt Dominum sequerentur. ait D. Hieronymus. *Hac quadriga (ait idem) vehimur ad æthera vt Elias: his quatuor angulis con-*
struitur Ecclesia prima: his quatuor literis
hebraicis, id est tetragrammaton Nomen Domini agnoscitur a nobis. Simon obediens:
Andreas virilis: Iacobus supplantans: Io-
annes gratia in latino sonat: vt si volumus coniungi cum Christo, ejusq; discipuli fieri; simus nos quoq; obediētes Dei & superiorum mandatis: simus viriles & fortes in tentationibus, ne ipsis succumbamus

Interpre-
tatio qua-
tuor nomi-
num Apo-
stolicorū.

bamus: caveamus ne nos supplantet inimicus, sed potius nos eum calcemus, & plantis nostris proteramus; quod faciemus perseverando in bono: demum gratiam Dei custodiamus sollicitè, ac virtutes cardinales, quæ his quatuor vocabulis signantur.

Punctum 2dum. Generaliter autem de *Quis vocavit?*
omnibus discipulis quos Christus vocavit, & quos postmodum elegit in Apostolos
Considera, quis, quos, unde & ad quid,
& quando vocaverit.

Quis? DEUS & Dominus cæli & terræ, homo pro nobis factus. *Quos?* Pisces, *Quos?*
telonarios, illiteratos, divitiarum & eloquentiæ facultatibus carentes,
& tam viles, ut eos Apostolus infirma, & contemptibilia mundi appellet. Patriam
fuere omnes Galilæi: stirpe aliqui ex tribu Iuda, ut fratres Domini: ex qua etiam & ipse Dominus ortum duxit: alij
ex tribubus Zabulon & Nephtali, in quarum tribuum terra habitabant. Unde
Psalmistæ de Apostolis canit: *Principes Iuda duces eorum: Principes Zabulon, Principes Nephtali.* Unde & ad quid vocavit eos?
Ad piscaturam piscium, ad piscaturam hominum. Quam mira dignatio Salvatoris
mundo despectos, in testes suos, in prædicatores & doctores, in columnas
Eccle-

Unde, & ad quid?

Ecclesiæ, in Principes Orbis, in affectores iudicii assumptis!

Quando? Punctum 3^{ium}. Quando? post missionem Ioannis in carcerem. Ante hoc enim tempus, & ante nuptias in Cana, solum Philippum vocavit Christus. *Quomodo?* suaviter, efficaciter, mirabiliter, suaviter. Verba enim vocantis Christi, melle dulciora fuerunt, & animas vocatorum mira dulcedine affecerunt. efficaciter: quia relictis rebus, relictis parentibus, relictis omnibus quæ habebant sive in re sive in spe, aut desiderio, sine ulla mora secuti sunt Christum. Mirabiliter: quia ad unam vocem ei adhæserunt. *Quo fructu?* Tu vocati? mundum totum fidei Christi subjugarunt. *Qua mercede?* centuplum consolationum internarum, & subsidiorum externorum: gloria iudiciariæ potestatis, & demum vita æterna ipsis appromissa. Quam mirabilis Divina potentia & sapientia in eligendo infima mundi ad confusionem fortium: in eligendo stulti mundi ad confusionem sapientum! Quam item misericordia Dei te indignum ad sequelam Christi vocare non dedignantis! Age gratias, voluntatem tuam abnega, & solam voluntatem divinam attendere & facere propone. Tesseram quæ exposita sub meditatione dei Dominiæ placet, in mente & ore versa.

PRO

PROFERIA IV.

*De initio prædicationis Christi
Domini.*

Punctum unum. JESUS relicta civitate Nazareth venit & habitavit in Civitate Capharnaum: & exinde cepit prædicare & dicere: Agite pænitentiam appropinquavit enim regnum Cælorum Matth. 4. Patriam deserit IESUS vt doceat, si velimus alios catechizare & Spiritualia docere, debere nos exuere omnem affectum ad patriam & cognatos: vt item ostendat neminem prophetam aut prædicatorem acceptum esse in patria sua. Capharnaum elegit habitationi suæ: quia erat propagationi & divulgationi Verbi Divini aptissima vt pote civitas maritima ad quam plurimi homines etiam è longinquo mercaturæ causa confluebant: quos Dominus spiritualiter negotiari docebat: & quibus pretiosissimum Evangelij margaritum vendebat gratis. Capharnaum interpretatur ager pænitentiae. In agro pænitentiae à pænitentia orsus est Christus Dominus Evangelium: vt ostenderet primam & auream clavem qua peccatoribus cælum aperitur esse pænitentiam. Orsus est autem, quemadmodum & Ioannes Baptista, à pænitentia

Cur patriam Christi prædicaturus deseruit?

Cur elegit Capharnaum?

Capharnaum quid?

Cur orsus à pænitentia?

tiae prædicatione & regni cælestis annuntiatione: vt indicaret Evangelium cum lege, novum testamentum cum veteri concordare: vt item demonstraret se eiusdem Dei esse filium, cuius propheta fuit Ioannes Baptista. Age gratias Christo Domino pro tam dulci exordio prædicationis, & pro tam bona annuntiatione. Confitere ipsum esse filium Dei. Pete contritionis gratiam & ex nunc contritionis actum elice.

*S. Hieron.
Evangelium
idem est
quod bona annun-
tiatio.*

Punctum 2dum. Et circuibat totam Galilæam docens in Synagogis eorum. Matt. 4. Galilæa latinè transmigratio. Ad hoc ergo in ea Salvator noster circuibat prædicando; vt à peccatis ad virtutes, à dæmonis servitio ad Dei obsequium & amorem nostra fieret transmigratio. Vide aliquemmodi transmigrationem feceris. Docens in Synagogis. Hoc ideo dicitur vt ostendatur, quod Christus publicè & palam docuerit: & in occulto, vt ipsemet de se ait, locutus sit nihil. Nunquid enim venit lucerna, id est vt explicat S. Thomas vera & honesta doctrina vt sub modio ponatur. Matt. 4. Ille solus in occulto loquitur, qui ex invidia non vult alijs communicare suam scientiam, quò cæteris excellat: vel qui falsa aut in honesta docet, vt faciunt hæretici: vel qui paucis loquitur:

*Doctrina
Christi
publica.*

*In occulto
quis lo-
quitur?*

venit lucerna, id est vt explicat S. Thomas vera & honesta doctrina vt sub modio ponatur. Matt. 4. Ille solus in occulto loquitur, qui ex invidia non vult alijs communicare suam scientiam, quò cæteris excellat: vel qui falsa aut in honesta docet, vt faciunt hæretici: vel qui paucis loquitur:

tur: quorum nihil Christo convenit; quia
& absq; invidia docebat: & doctrina eius
non fuit de errore aut immunditia: & o-
mnem doctrinam suam vel toti turbæ vel
omnibus discipulis proponebat. Si verò
aliquando locutus est paucis, per eos ser-
monem suum voluit innotescere multis.
Benedictus Deus & Pater Domini nostri
IESU Christi, qui multifariam multisq;
modis olim loquens Patribus in Prophe-
tis novissimè diebus istis locutus est no-
bis in Filio: & per eum revelavit nobis
abscondita à constitutione mundi.

Punctum 3tium. Quamvis autem semper palam loquebatur: non semper tamen apertis verbis: quia crebrò utebatur parabolis ad annuntianda caelestia mysteria. Quare verò id? imò ideo ut adimpleretur quod ex persona Christi in psalmo dicitur: *Aperiam in parabolis os meum.* 2do: quia hi qui audiebant non erant idonei vel digni ad capiendas sub verbis nudis & apertis spirituales doctrinas. 3tio quia sic loquendo servavit morem patriæ: familiare est enim Syris & maximè Palestinis ad omnem sermonem parabolas iungere. 4to. quia facilius capimus & firmius tenemus quod nobis per similitudines & exempla, quàm quod simplici discursu proponitur. Demum quia Deus?

vti

Colloquiũ.

vti in rebus ita & in verbis verè absconditus: & in vno eodemq; sermone aliter doctis, aliter loquitur indoctis. O illuminatio mea & salus mea, quando veniet tempus illud quo non iam sub parabolis loqueris nobis: quo nec facies tua nec verba tua velata nobis erunt? Revela interim Domine oculos meos, vt considerem mirabilia tua. Declaratio sermonum tuorum illuminat: & intellectum dat parvulis. Da vt sim parvulus; quò mihi declares sermones tuos & intellectum tribuas ad eos capiendos.

PROFERIA V.

De miraculis Christi Domini generatim.

*Singula
Christi mi-
racula e-
numerare
impossibi-
le.*

*In Matth.
hom: 28.*

Punctum unum. Et sanans omnem languorem & omnem infirmitatem in populo. Matth: 4. Quia impossibile fuit, omnes male habentes qui curati sunt à Christo Domino, specificè describere: hoc, quod præfertur, compendio vsus est Evangelista Matthæus. Nec solus ille, sed & alij Evangelistæ. vnde S. Chrysostomus ait: Intende quantam multitudinem hominum curatam transcurrunt Evangelistæ, non unumquemq; curatum enarrantes, sed vno verbo pelagus ineffabile miraculorum inducentes. Lucas duobus verbis exprimit & 12.

& MIRACULIS CHRISTI.

150

& sanantis potestatem & sanatorum multitudinem: *Virtus de illo exhibet & sanabat omnes.* Qualis virtus? divina: inferior enim virtus talia signa tali modo scilicet imperativè, & sola iussione, in tanta multitudine facere non posset: Vide quomodo IESUS Christus fini adventus sui satisfaciatur. Venit homines salvos facere; ecce salvos facit & in anima, docendo ac peccata dimittendo; & in corpore, languiores curando. Age gratias. Ora ut te salvum faciat in utroque homine.

Punctum 2dum. Circa miracula Christi Domini. Considera imo quod quemadmodum quævis miracula fiunt propter duo nimirum ad confirmandam veritatem quam quis docet: & ad manifestandam hominis sanctitatem; ita & miracula Redemptoris nostri ad hoc fiebant, ut per illa, doctrinam suam tam excessam & quam humanam rationem excedebat tanquam per argumenta omnipotentiae Divinae firmaret: & ut ostenderet quod Deus esset in ipso per unionem hypostaticam. Credo Domine IESU quidquid docuisti: credo te Sanctum Sanctorum esse quia filium DEI, in quo Pater manens cum Spiritu S. stupenda propter salutem nostram fecit opera. Miserere: fac ne fructu suo

Miraculorum Christi Domini finis.

mira-

*Principiū
seu causa.*

miracula tua in me careant, sed finalem salutem mihi operentur. Considera 2do quod aliquando sola potestate divina, & per modum imperij miracula faciebat Christus: aliquando aliquo suæ humanitatis adminiculo utebatur: ut spuendo supra oculos cæci: imponendo manus: dirigito in auriculas imittendo; ut ostenderet quod venit salvare mundum non solum virtute divina, sed etiam per mysterium Incarnationis: & ut ostenderet quod humanitas ipsius esset instrumentum divinitatis in operando mirabilia. O quam abundat erga nos gratia IESU Christi, dum & divinitatis & humanitatis suæ potestatem ad nostram utilitatem dirigit?

Potestas.

Punctum 3tium. Considera 3tio quod Christus Dominus neminem curavit eternè, quin simul internè curaverit in anima. Dei enim perfecta sunt opera. Non fuisset autem perfecta curatio respectiva ad Christum Dominum, si tantum quoad corpus facta fuisset, quia finem suum non fuisset consecuta: quod enim finem suum non consequitur, non est perfectum: porro finis externæ curationis per Christum factæ; fuit curatio animæ: ideo namq; curabat corpora, ut curaret animas, hoc est ut eas ad fidem & penitentiam

tiam induceret ; atq; idcirco paralitico dixit : *Dimittuntur tibi peccata tua*, vt indicaret principaliter ipsum in anima sanari. Considera 4to. quod ea quæ Christus Dominus miraculosè operatus est, perfectissima fuerunt ; vinum quod miraculosè fecit, optimum fuit : vilus quem cæcis dedit, clarissimus : sanitas quam ægris contulit, vivacissima. Vnde Chrysostomus in Matth: ait : *Talia sunt Christi miracula, vt multò his quæ per naturam sunt, speciosiora & utiliora fiant.* Considera 5to. quod miracula Salvatoris nostri non sint absq; mysterio : aliudq; nobis per potentiam ostendant, & aliud per mysterium loquantur. Quare & in veritate debent à nobis credi facta esse, prout narrantur : & simul quia per significationem aliquid nobis innuunt, fructum spirituum ex eorum consideratione colligere debemus.

Colloquium. O Christe IESU salus & vita nostra ecce ego malè habeo ; malè quò ad corpus, malè quò ad animam : miserere mei quoniam infirmus sum. Non est sanitas in carne mea : non est pax ossibus meis propter peccata quæ dire animam meam lacerant. Exe t virtus tua ex te ad sanandum me : vt expeditus à ma-

L

lis

Mysteriū

lis meis sequar te, & jugiter magnificentissimum bonum meum.

PROFERIA IV.

De leproso & servo centurionis.

Punctum unum. Et ecce leprosus venit adorabat eum &c. Post altissimas virtutis sanctæ præceptiones in monte traditas, descendit Christus: & obvium leprosum tactu & verbo sanavit. Quare idcirco imo ideò ut per virtutum miracula prædicationis apud audientes sermo firmaretur. Ostenderat se Christus Dominus in monte, Dei sapientiam aperiendo os suum docendo: reliquum fuit, ut se ostenderet Dei virtutem; quod fecit extendendo manum, & mundando leprosum. 2to. ideò, ut quæ verbis docuerat, opere pleret. Dixerat enim: *Beati misericordes quoniam ipsi misericordiam consequentur. Misericorditer & accipietis &c.* Descendit itaque; misericordias facere: petitiones aliorum implere. 3tio. ideò, ut doceret, de monte contemplationis & speculationis ad primum boni operis, ad opera misericordiarum ad servitium & auxilium proximorum descendendum nobis esse. 4to. ut humilitatis daret exemplum, doceretque quod nobis evecti sumus, eò humilius nos gerere debere, nec miserabiles & abjectos aspernari.

*S. Hieron:
in Marth.*

*Causæ mi-
raculi post
sermonem
in monte.*

O Dei

Ō Dei sapientia & virtus Christe IESU! da mihi non tantum verbo & exhortatione, sed etiam opere & exemplo alijs prælicere: & contemplativæ & activæ vitæ officijs insistere: in omnibus autem humilitatem tuam imitari.

Punctum 2dum. Expende modum leprosi in petenda sanitate, & modum Christi in danda. Leprosus genuflexus supplicat: Domine si vis potes me mundare. ubi advertis fidem leprosi, per quam credidit Christum sola voluntate omnia posse: advertis spem: quia cum magna fiducia obviavit Christo. religionem: quia Christum adoravit. resignationem: ait enim: si vis. Christus autem post hanc leprosi orationem extendit manum suam. O quoties nos illa & illa proponimus! illa & illa volumus! volumus esse humiles, devoti, patientes &c. sed manum non extendimus: & facto ipso nostram voluntatem non curamus implere. Deinde tetigit leprosum. Quare? ut ostenderet, ait Cyrillus super Luc. 4. propriam carnem efficacem ad præstanda remedia. Ob benignitatem & dulcedo Domini Iesu ad omnes! tangit manu sacratissimâ & mundissimâ leprosum: non exhorret ulcera: à sanie oculos non avertit. Tu qualis es erga miseros & moribundos? Demum dixit: volo

Modus leprosi in petenda sanitate: & Christi in danda.

Leprosus tria fecit, occurrit, adoravit, oravit.

Tria Christus fecit in curatione leprosi.

Ritus puri mundare. In veteri testamento, ad mundandum leprosum opus erat ligno cedrinum, hyssopo, sanguine passeris &c. hanc autem Christus nihil horum adhibet, sed solo tactu & imperio sanat leprosum, ut quod in monte verbis monstraverat, hic re ipsa monstraret, se nimirum Dominum legis & potestatem habere pra legem. Spiritualiter tamen omnia censita in lege, Christo conveniunt. lignum cedrinum, crux: per hyssopum, Christi valde humiliata & attrita, cocum, vermiculum & sanguinem passeris, sanguis ipsius: per passerem vivum divinitas ejusdem significatur. In virtute ergo crucis & passionis, quam subitus erat, ac sanguinis sui quem effusus erat, & hunc, & infinitos alios leprosus leprâ peccati fœdatus mundavit. Extende etiam ad me manum tuam. Dic verbum illud, verbum amoris & misericordiae: volo mundare. Asperge me hyssopo & sanguine tuo; ut munder, ut super me dealber.

Punctum 3tium. Ingressus Iesus pharnaum, Centurioni pro servo paralytico deprecanti ait: Ego veniam & curo eum. Qui Centurio. Domine non sum dignus &c. Expende virtutes huius Centurionis. imo charitatem, per quam licet

Centurio-
nis virtus.

licitus fuit de salute servi. 2do. humilitatem, per quam se indignum dixit Christi præsentiâ. 3tio. fidem, qua credidit absentem posse sanare verbo; quia item Deum agnovit, cui ad nutum omnes creature, & morbi ipsi obediant magis, quam famuli sui sibi. 4to. obedientiam: fateatur enim se sub potestate constitutum pendere à voluntate aliena. 5to. pietatem in Deum, & liberalitatem in Ecclesias; nam ædificavit Iudæis Synagogam. Proponere imitari. Ora ut tibi virtutes hæc, aut augmentum earum detur à Deo per Christum.

PRO DIE SABBATHI.

De eodem leproso.

Punctum imum. Domine si vis potes me mundare. Leprosi oratio ista est. Leprosus hic significat hominem in peccato existentem. Lepra coloris vitium est non valetudinis: ideoq; leprosus non curari, sed mundari dicitur. Quid immundius omni peccato mortali? nec immunditia lepræ, nec immunditia cadaveris, nec immunditia menstruorum, nec immunditia quarumcunq; rerum comparari potest cum immunditia peccati. Habet fædas maculas lepra: habet & peccatum; maculat corpus, maculat conscientiam, maculat famam.

Nihil immundius peccato.

Comparatio peccati cum lepra.

famam. Contagiosa lepra est: contagio-
sum & peccatum; ne associaris malis, qui-
te exemplo suo inficient. Cum perversus
perverteris. Exite de medio eorum & separa-
mini. & immundum ne tetigeritis. 2. ad Co-
rin: 6. Quatuor in lepra defectus: pu-
tredo, fætor, insensibilitas, turpitudine co-
loris. Contra 1um cedrus, contra 2dum
hyssopus, contra 3tium passer vivus, con-
tra 4tum Vermiculus offerebatur in pu-
rificatione leprosi. Etiam in peccato
defectus dantur. Fuge ergo peccatum
omne.

Punctum 2dum. Præter lepram corpo-
ris humani etiam in rebus inanimatis
in domibus & vestimentis ponebat lepram
vetus testamentum: hæc autem lepra ni-
hil fuit aliud nisi corruptio aut corrosio
aliqua in domo aut veste propter exco-
sum humiditatis vel siccitatis. Per lepram
domus significatur immunditia Congregati-
onis hæreticorum; per lepram in veste linea
vestiū quid significatur perversitas morum ex amaritu-
dine mentis: per lepram vestis laneæ signi-
ficatur perversitas adulatorum: per lepram
in stamine significantur animæ vitia: per le-
pram verò in subtegmine significantur peccata
carnalia. Sicut enim stamen est in subte-
gmine ita anima in corpore. Reflecte te
supra teipsum & vide ne forte aliquā ex
recensitis lepra infectus sis.

S. Thomas
p. 2. q. 6.
ii. art: 5.

Punctum 3tium. Qua ratione obtinuit leprosus ut mundaretur? adoravit Christum: oravit humiliter: potentiam & misericordiam eius confessus est: Sacerdoti se ostendit: munus obtulit. Sic & quicumque peccator humiliter suorum veniam orare debet peccatorum cum firma spe in omni potentia & misericordia Dei: postea confiteri coram sacerdote peccata sua: tandem sacrificium offerre vel communionem sacram suscipere. Dic tu etiam cum hoc leproso: *Domine si vis potes me mundare.* Si vis potes me de superbo humilem, de iracundo mansuetum, de gula abstinentem, de incontinente castum facere. Si vis, potes; non dubito de potentia, non dubito de misericordia. Et vis & potes. Ergo dic verbum illud: *uolo mundare*; ut protinus omne vitium fugiat à me. In te Domine speravi non confundar in æternum. *Propositum & Testes* ut in die Dominico proximo.

Opera leprosi que non tantum ante curationem sui, sed etiam post curationem fecit.

Colloquium.

MEDITATIONES

Ad studium perfectionis excitantes.

PRO DOMINICA IV. post Epiphaniam.

De 8. beatitudinibus seu perfecti-
onibus.

Punctum unum. Ascendente Iesu Mat. 8. Frequens est in sacris Evangelijs memoria ascensûs Christi: quare id? ut nos quoq; exemplo eius provocati ascensiones ponamus in corde nostro, & de virtute in virtutem proficiamus: nunquā descendamus sed semper ascendamus in via spirituali. Qualiter autem & per quos gradus ascendere debeamus docuit ipsemet in sermone illo quem postquam in mortem ascendisset sic orsus est: *Beati pauperes spiritu quoniam ipsorum est Regnum celorum?* Utinam crescamus in illo per omnia qui est caput Christus.

Punctum 2dum. Expende 8. beatitudines quasi 8. spirituales ascensus seu gradus. 1ma. beatitudo paupertas Spiritus. *Ad Eph: 4* quæ consistit in abdicatione omnis affectus ad divitias, & ad omne proprium. 2da. Mansuetudo; hæc consistit in repressione omnis iræ; in fuga omnis contentione & detractionis; in oblivione omnium injuriarum. 3tia. Luctus hæc consistit in dolore de peccatis, in mortificatione carnis, in fuga iocorum lusuorum, &c.

4^{ta}. Esuries iustitiæ; consistit indefectio adimpletionis divinæ voluntatis, in cura & cultu perfectionis, in custodia legum sui statûs.

Punctum 3^{teum}. Expende alias beatitudines quarum 5^{ta} misericordia, consistit in compassione & in reali adiutorio sive amici, sive inimici. 6^{ta}. munditia cordis, quæ consistit in fuga omnis peccati etiam venialis & in puritate cogitationum. 7^{ma} pacificatio, quæ consistit in pace carnis cum spiritu, passionum cum ratione, animæ cum Deo. Dicuntur autem beati non qui vnum actum ex prædictis fecerunt; sed qui plurimos, ubiq; semper data occasione. Propositum: *studium orationis & perfectionis.* Tessera: *Beatus vir cuius est auxilium abs te: ascensiones in corde suo disposuit.*

Utinam dirigantur via meæ ad custodiendas iustificationes tuas.

PROFERIA II.

De octava beatitudine.

P*unctum 1^{um}.* Octava beatitudo est tolerantia adversorum, quæ ut sit perfecta, quinque requirit. 1^{um}. Ut sit lata, hoc est, ut se extendat ad omnis generis iniurias sufferendas sive corporis, sive animæ, sive ab amicis, sive ab inimicis.

DE PERFECTIONE

cis. 2dum. Ut sit alta, hoc est, ut non solum patienter sed & gaudenter fiat. 3tium. Ut sit purissima quo ad intentionem, hoc est, ut merè propter Deum fiat. 4tum. ut sit fortis & constans ad mortem. 5tum. ut sit insatiabilis, plura & acerbiora semper desiderans pati. Desiderium & postulatio eiusmodi tolerantiae.

Punctum 2dum. Expende quàm absolutum huius tolerantiae exemplum nobis Christus reliquit in infantia fugiens Herodem; tempore praedicationis, sustinens tot persecutiones tot injurias, tempore passionis, sustinens tantos cruciatus. Expende item persecutionum praeium, in hac quidem vita inter ærumnas spirituale gaudium; in altera caeleste bravium. Utinam imitatores fiamus Domini nostri excipientes verbum in tribulatione multum cum gaudio Spiritus S. Benedictus Deus qui consolatur nos in omni tribulatione. Benedictus, qui per momentaneum & leve tribulationis, aeternum gloriae pondus operatur in nobis.

*1. ad Tes-
sal: 1.*

PRO FERIA III.

De perfectione Evangelica.

Matth: 5.

Punctum 1um. Dictum est antiquis: Non occides. Ego autem dico vobis non irasci, &c. Considera Evangelicam legem

legem non tollere quo ad moralia Mosay- Lex Ev an
cam, sed perficere, præcipiendo omne ge- gelica non
nus virtutum, tam theologiarum quam tollit Mo-
moralium, erga Deum, nos ipsos & pro- saycam
ximum. Considera deinde perfectionem quo ad
eiusdem legis Evangelicæ: quæ omnem moralia.

culpam sive parvam, sive magnam, non
tantum quo ad externa. opera sed & quo Prohibet
ad internas cogitationes & affectiones omne cul-
pravas prohibet. Considera item perfe- pam &
ctionem legis eiusdem ex eo, quod o- magnam
mnem non modo offensam Dei, sed eti- & parvā:
am injuriam proximi, sive opere, sive ore & inter-
faciendam arceat, dum & racha & fatue nam &
prohibet dici fratri: Frater enim nullus externam.
noster est, nisi qui eundem habet nobiscum
patrem. Cum ergo similiter credat in Deum Prohibet
& Christum Dei noverit sapientiam qua ra- omne in-
tione stultitiæ elogio denotari potest. iuriam
proximi,
etiam in
verbis.

Punctum 2dum. Estote ergo perfecti sicut
& Pater vester celestis perfectus est. Con- Hieron: in
sidera quàm absolutam idæam perfectio Matth: 5.
hæc Evangelica habeat infinitam scilicet Perfectio
perfectionem celestis Patris. O quanto æterni Pa-
zelo & sollicitudine in omni sanctitate & tris, idæa
justitia imitanda! O quanto conatu quo- nostra per-
tidie ad maiorem & maiorem oportet a- fectionis.)
spirare perfectionem! vide & examina te
an ad sanctitatem Patris celestis saltem
per recessum à malo tendas. Ora ut te

Chri-

Dignitas dare. Considera in super, quæsit dignitas
nostra ex nostra quod Patrē in cælis habeamus: quod
inde quia filij Dei nominemur & simus, sumus, autē
Patrē ha- si præcepta eius custodimus, si mundamus
bemus De- nos ab omni inquinamento carnis & spi-
um ipsum ritus, si perficimus omnem sanctificatio-
nem in timore Dei. O ergo Pater noster
qui es in cælis sanctificetur Nomen tuum
in nobis regula sanctificationis & perfe-
ctionis nostræ voluntas tua fiat semper in
terra sicut fiat in cælo: ut quemadmodum
Angeli in culpate tibi serviunt in Cælo,
ita & in terra nos homines serviamus tibi.

PROFERIA IV.

De recta Intentione.

Matth: 6. **P**unctum unum. Attendite ne iustitiam
vestram faciatis coram hominibus ut
videamini ab eis Considera quàm sollicitē
Christus inculcet, ex operibus bonis non
venari more Pharisæorum vanam glori-
am sed solum gloriam Dei scrutantis ima-
cordium quærere, ideoq; quantum fieri
potest, potius in occulto, quàm publico
exercenda velit, nisi aliud charitas & æ-
dificatio proximi exigit. Redi in te
ipsum, & vide qualiter opera tua faciebas:
qua intentione, an Deo, an hominibus
placendi? & propone in posterum in oc-
culto

culto tuam facere iustitiam. Quod si opus tuum sit in publico, intentio maneat in occulto: totusq; finis boni operis publici sit glorificatio æterni Patris, & proximi ædificatio.

Punctum 2dum. Considera Christum Dominum totâ vitâ suâ, id quod docuit, expressisse, cavendo plausum hominum dum miracula patraret quærendo secretum dum orationi vacaret; & in omnibus operibus alijs intentionem suam ad maximam æterni Patris gloriam dirigendo. Considera item mercedem bonæ intentionis quæ est in hac quidē vita maior gratia & bonæ conscientie testimonium in altera maior animæ & corporis gloria. Considera demum pœnam vanæ gloriæ, quæ est in hac quidem vita turbatio conscientie; in altera retributionis privatio. Fatuis Virginibus oleum laudum humanarum pro sua externa rectitudine mercantibus clausa est janua regni cælestis.

Merces rectæ intentionis.

Pœna vanæ gloriæ

PRO FERIA V.

De angusta porta salutis: & suavi iugo CHRISTI.

Punctum 1mum. Contendite intrare per angustam portam. Clamat ille qui factus est via, intrate per arctam portam ait S. Aug: ser: 1v. in Ioan. Qui janua

*Luce 13.
& Mat: 7.*

nua est, idem & via. Si vis intrare per Christum in vitam æternam, ambula per ipsum: imitare eius humilitatem, mansuetudinem, patientiam, paupertatem, aliasque virtutes. Per arctam portam tumens quomodo intrabit? Ergò detumesce si cupis ingredi. Accipe humilitatis medicamentum bibe contra tumorem poculum amarum sed salubre humilitatis. S. Aug. ibide

Punctum 2dum. Expende quam serio æterna sapientia commendat intrare per angustam portam, hoc est, per accuratam præceptorum Dei & consiliorum observantiam: per corporis passionumque mortificationem: per bonorum operum excitationem & animæ cum Deo unionem: sed pauci sunt qui hoc perfectionis studium curant: quod serò nimis desolebunt cum intrare non poterunt. Discurre hinc mente & cogita quam multi sunt, qui per latam viam gradiuntur & pereunt. Dole, ora, ne & tu cum pereuntibus pereas. Ora ne à paucis divideris.

Punctum 3tium. *Itaque meum suave est, & onus meum leve.* Quanquam servitus Dei habet suas asperitates habet tamen & iucunditates. Laborem in via virtutis suavem reddit, imò exemplum Christi & Sanctorum. 2do consolatio interna & dulcedo ex conscientia recte facti. 3tio.

spes

spes præmij cælestis. 4to. ipsa bonæ actionis honestas. E contra jugum diaboli o quàm durum! Cupidi honorum, deliciarum, divitiarum, heu quæ & quanta patiuntur? o quàm multos Martyres habet diabolus? O IESU via veritas, & vita, da mihi per angustam portam ad angustam gloriam pervenire? suave mihi semper sit jugum tuum. Amanti suave est: non amanti durum. Inspira ergo mihi amorem & da suavitatem.

S. August.
serm. 12.

PROFERIA VI.

De dormitione Christi in Mari.

Punctum unum. Ipse verò dormiebat. Quare dormit IESUS dum luctus naviculam mergere incipiunt? imo. ut ostendat quandam dulcem requiem se in hominis corde tunc habere quando tribulationum fluctibus impetitur, non quòd lætetur ex angustia nostra sed quod sciat vtilissimum valde meritorium nobis esse tribulari. 2do. dormit ideò ut ostendat ex permisso & dispositione sua esse si insurgant quæcunq; contra nos adversitates. 3tio. dormit ideò quia vult ut cum orationibus ad dandum auxilium excitemus. Clamemus ergo ad Dominum in omni tribulatione nostra. Exurge quare obdormis Domine: exurge & ne repellas in fi-

*Causa
dormitio-
nis Chri-
sti inter
fluctu ma-
ris.*

in finem. Cur faciem tuam avertis obli-
viscens inopiæ nostræ & tribulationis
nostræ.

Mar: 4.

Punctum 2dum. 4to. dormit ideo vt
probet fidem & fortitudinem nostram in
adversis. Unde discipulos increpuit: *Quid
timidi estis modicæ fidei.* In fortitudine de-
fecerunt propter timorem: in fide pro-
pter vacillationem: 5to dormit vt osten-
dat hominem justum in medijs malis se-
curum & tranquillum esse secundum illud
Prov: 93. Non contristabit justum quid-
quid illi acciderit. Dormit tandem quia
dissimulat peccata hominum quæ conti-
nuò perpetrantur: quasi ea non videns.
Sed inopinatò excitabitur & percutiet
inimicos suos: opprobrium sempiternum
dabit illis. O IESU da mihi fidem fir-
mam in te ipso: da fortitudinem in con-
cussam: da conscientiam rectam da &
pro præteritis pænitentiam propter quam
dissimulas peccata nostra: & tunc non no-
cebunt nec prævalebunt mihi tentationes
vllæ.

Punctum 3tium. Erat dormiens in puppi
super cervical. Durus lectus fuit puppi
naviculæ sed durior longè Crux in qua
in meridie inter incendia amoris sui in-
ter æstus immanium tormentorum salva-
tor meus recubuit. Quo fine? vt nos
mollia-

molli-ter in regno eius quiescamus: sed
nunc necesse in duris perferendis Chri-
stum imitari. Per naviculam Crucem in-
telligit Dionysius Carthusianus in qua
dum IESUS dormit, magnus motus fa-
ctus est in mari; quia totus mundus com-
morus fuit. Navicula fluctibus oper-
ta: quia Christus in Cruce pendens tormen-
tis, blasphemijs, irrisuibus, doloribus
repletus erat. impletumq; illud: Repleta
est malis anima mea. Et super me confir-
matus est furor tuus, & omnes fluctus tu-
os induxisti super me. Crux tua Domi-
ne IESU in omni tribulatione sit cervi-
cal meum, solatium & quies mea. Da in-
 hac soporari dum insurgunt contra me
tentationum & persecutionum venti.

PRO DIE SABBATI.

De sedata maris tempestate.

Punctum unum. Dormiente Christo
oborta est in mari tempestas vehe-
mens. Ut ab origine mundi ita etiã nunc
non solum universalem Ecclesie navem,
sed in particulari quemq; electum occul-
te providentie suæ consilio persæpe Do-
minus Deus sinit iactari propter varias
causas. 1ma. vt electi suam infirmitatem
agnoscant. 2da. vt sibi diffidentes divi-

*Cause ob-
quas De-
us electos
suos per-
mittit ia-
ctari ten-*

rationum num auxilium implorent. 3tia. vt viri-
& tribu- ter certando meritum augeant.
lationum *Punctum 2dum* Excitatus Dominus im-
fluctibus. peravit ventis & mari. Quam admiranda,
 da, amanda, & glorificanda Christi potentia,
 cui omnes creaturæ licet rationis expertes ac etiam
 furiosum mare ad nuntium obediunt! solus homo
 ad imaginem Dei factus, rationis compos, aliquando
 obedire non vult. Per ventos, passionibus per mare,
 cor intelligitur. Imperas Domine & non compono
 passionem meam & non conquiescit cor meum, sed
 fervet in concupiscentiâ, jam irâ, jam alijs perturbationibus.
 Nimirum relinquis mihi vt obediens voci tuæ
 præmium, obediens pœnas reportem, sed rogo
 benignissime Domine cohibe evagationes meas,
 & vim facientes elide tentationes. Impera ventis
 & mari: & rebellem etiam propitius ad te,
 compelle voluntatem meam. Et te rogo Domine
 Et a nobis quasi navis infortioris: portum me
 secure inter fluctus mundi ad portum felicitatis æternæ.

Punctum 3tium. Et facta est tranquillitas magna.
 Ecce author pacis mare turbatum pacatum reddit;
 scilicet ad hominem venit in mundum, vt pacificaret omnia
 & quæ in terris, & quæ in cælis sunt.

Et pro-

Et propterea non fecit miraculum in aqua per divisionem; sicut Moyses divisit mare, & sicut Iosue & Elias dividerunt flumina, neq; in aere tonitrua excitavit & fulgura, sicut Elias. *Quia videlicet non conveniebat ei qui omnia in statum pacis & tranquillitatis revocare venerat, ut vel turbationem aeris, vel divisionem aquarum faceret.*

Deus meus & omnia? qui facis cor tranquillum & pacem magnam, lætitanq; festivam: & quando veniet beata Colloquium & desiderabilis hora, ut me tua facies ex Thom: præsentia & sis mihi omnia in omnibus; & Kempis: utq; per te pacem habeam & abundantib. 3. c. 34. ius habeam! Adhuc (proh dolor) vivit in me vetus homo, non est totus crucifixus, non est perfecte mortuus. Adhuc concupiscit fortiter contra spiritum, bella movet intestina, nec regnum anime patitur esse quietum: sed tu qui dominaris potestati maris, & motum fluctuum eius mitigas; exurge, adiuva me.

MEDITATIONES

de Castitate.

PRO DOMINICA V. post Epiphaniam

De malis cogitationibus vitandis.

Punctum 1^{um}. Cum dormirent homines venit inimicus homo & supereminavit zizania. Discute primum parabolam zizaniorum & interpretationem eius in Evangelio positam, postmodum sequentia. Evagatio mentis ad illicita est filia acediae. dormimus, cum nos acedia tenet: hac verò dum tenemur, mens nostra ad illicita defluit; & sic seminantur in agro cordis nostri cogitationes malae: quod demum nisi resipiscamus, erunt nobis periculum ignis infernalis. Detestatio cogitationum impudicarum. Propositum mentis aliò avertendi dum occurrent.

Punctum 2^{um}. Spiritus S. auferet se a cogitationibus quae sunt sine intellectu, & corripitur a superveniente iniquitate. Sap. 1. Cogitationes sine intellectu sunt illae, quae cunq; sunt contra dictamen rationis & contra legem divinam: uti sunt cogitationes

Proximus impudicae: & quibus alteri malum optatur peccato o. aut paratur. Vide quia Spiritus S. non peris, qui potest habitare ubi sunt cogitationes stultae & illicitae. Vide item quia talis homo immoratur cogitationibus cito corripitur ab iniquitate. Examine te qualis soleas esse in incursu cogitationum malarum: an morosus, an fugitivus.

Pun-

DE CASTITATE.

181

Punctum 3tium. Beati mundo corde, quoniam ipsi Deum videbunt. Deum videbunt mundi corde tanquam purgatū mentis oculum habentes. Si beati mundo corde, quoniam Deum videbunt: igitur miseri & maledicti, qui volunt in mente cogitationes immundas quoniam privabuntur visione Dei; indigni scilicet videre Deum, qui mentem suam occupabant imaginibus & imaginationibus turpibus. Pete munditiam cordis, detestare cogitationes malas, & alios affectus congruentes elice. Propositum: malas cogitationes fugiendi, hoc est, dum occurrunt, statim aliò mentem avocandi. Virtus: Castitas. Tesserae quibus vel quantum aliquā per septimanam interdum aspices ad Deum:

Matth: 5:

Cor mundum crea in me Deus, & spiritum rectum innova in visceribus meis.

Magister mi castissime, fac me spurcitiis carnis immuculato calle transire.

Qui pergis inter lilia septus choreis Virginū: fac nos nescire omnia corruptionis vulnera.

PROFERIA II.

De exemplis, voto, & bonis castitatis.

Punctum unum. Meditare affectum castitatis, & constantiam eiusdem con-

servandæ in Sanctis relucens. S. Castorius maluit mori, quàm fœdari. S. Thomas de Aquino titione lupam fugavit. S. Benedictus volutavit se in vepribus. S. Franciscus in nivibus. Tot greges virorum, mulierum, ac virginum maluerunt in frustra discerpi, vti, secari, ac ingentia subire tormenta, quàm castitatem amittere. Pudeat non imitari? potuerunt alij cur non ego?

Punctum 2dum. Considera obligationem voti quo obstrictus es. Melius est non vovere quàm vovum non adimplere. Quanto zelò & furore corripuntur viri dum vxores infideles deprehendunt. Accusant qui Deus maior zelotes. Quisquis continentiam Deo voverit (ait S. Hieronymus in 1. ad Tessel. c. 4.) fecit sibi illicitum quod licebat.

Punctum 3tium. Considera item bonum castitatis quæ sunt: imo. familiaritas cum Deo. Hinc casti iuvenes, viri virginisque familiaritatem cum Deo Sanctisq; Angelis habuerunt, vt S. Ioseph, S. Antonius, S. Paulus primus Eremita, Beatus Stanislaus Kostka, B. Stanislaus Oporovius, S. Rosa, & innumeri alij. 2do. delectationes spirituales. Pectus enim casti hominis est lectulus floridus, vbi IESUS cum anima deliciatur. 3tio. gratiosior

quædam ex animo in vultum promicans. *Ambrosius*
Castimoniam enim comes, nitor gratiæ. Pro-
positum & tessera sumatur ex die hesternæ. *de Ioseph.*

PRO FERIA III.

De natura & malis Luxuriæ.

Punctum 1^{um}. Luxuria est appetitus inordinatus turpium voluptatum. Vitium hoc ex natura sua est nimis lubricum, & maximæ adhærentiæ: facilisq; ad illud lapsus sed exitus difficilis; & ideo *diabolus maximè gaudet de peccato luxuriæ.* Insuper est origo amoris proprii, omnium peccatorum fontis: item odii Dei: nec non desperationis in quantum ex affectu carnalium delectationum fastidiuntur spiritualia nec reputantur pro bonis ac proinde non sperantur, imò ratione accediæ luxuriam comitantis, positivè desperantur tanquam non possibilia ad adipiscendum. Hinc est quod multi luxuriosi, ut exempla docent, ad extremum vitæ sinè seriâ pænitentia venerunt: & in articulo mortis desperantes pænitere noluerunt. Detestare luxuriam. Pete de sursum castitatem.

Punctum 2^{um}. Mala luxuriæ sunt 2^o. inquinat non modò mentem sed & corpus. Quod si grande peccatum est polluerè materiale Ecclesiam: quid vivum

Glossa in
Luc. 15.

templum Dei? 2dò. summè scandalizat, vā autem homini per quem scandalum venit. 3tio. infamiam inurit, quæ est quædam mors civilis: nocetq; non soli infamato sed toti congregationi ex qua est ille qui malè audit. 4to. morbos obscænos procreat. 5to. consumit omnia bona gratiæ & naturæ vt patet in filio prodigio. Ora vt superius.

Punctum 3tium. Demum luxuria, vt supra, ad desperationem trahit. Desperatio autem est omnibus alijs etiam gravissimis peccatis periculiosior: quia per spem revocamur ad bona prosequenda: sublata verò spe irrefrantè labuntur homines ad vitia. Et ideo desperatio insanabilis dicitur. Insanabilis fractura tua Hier: 30. & Hieron: ait: *Solum desperationis crimen est quod curari nequeat.* Est autem vnum ex peccatis in Spiritum S. Contrariatur enim bonitati eiusdem quia per contemptum abiicit donum ipsius, (scilicet spem) quò à peccando retraheretur homo. Cave & ora ne lubricā viā ad baratrum desperationis & inferni ruas.

PROFERIA IV.

Vā luxuriosis.

Luc. 6.

Punctum imum. *Vā vobis qui ridetis nunc: quia lugebitis.* Rilus hic pro iocis

iocis lascivis, & quibuscunq; impudicis delectationibus accipitur. Rectè risus vocatur omnis inhonesta & mundana delectatio: quia solùm in ore & externa corporis natat superficiè, ad cor non pervadit; vnde & illicò post expletam libidinem mærore cor cruciatur. *Væ vobis qui ridetis nunc:* sicut beati qui nunc lugent, quia in perpetuum consolabuntur; ita *væ illis qui nunc rident;* quia in æternitates perpetuas plorabunt.

Punctum 2dum. Execratis & fornicatoribus pars erit in stagno ardenti & sulphure. Apoc. 21. Execrati qui intelliguntur? *imo. qui naturæ iniuriam in proprio corpore inferunt.* Deinde qui cinerem cogunt obsequi ad masculam venerem. Et qui quoquo modo pestica diverticula quærent explendæ libidini sive in simili, sive in dissimili specie sexuve. Arbitror etiam consanguineorum incestus in hoc catalogo censerem, & sacerdotum sive etiam Monachorum fornicationes. Hos omnes scriptura hæc condemnat & cogit in stagnum ardens igne & in sulphure: hucusq; Gregorius Cælius.

Punctum 3tium. Iustè cruciabuntur libidinosi igne & sulphure; quia ipsi ardebant concupiscentiâ, & fætebant voluptatibus. Ignis enim vrit, & sulphur fætet: quibus fomentis omnia gravissima & fati-

Quid per risum intelligitur in scriptura.

Execrati qui?

Ignis & sulphur quid?

fetidissima pœnarum genera designantur. Propositum & oratio eiaculatoria per diem replicanda petatur ex die Dominico.

PRO FERIA V.

*Iniquationi in celo locus non est:
nec in nobis sit.*

*Inquina-
tus, abo-
minatio-
nem faci-
ens, qui?*

Punctum imum. Non intrabit in eam hoc est, in Ierusalem cœlestem aliquid coinquinatum aut abominationem faciens. Apoc. 21. Inquinatus dicitur, mentaliter peccans: abominationem faciens, fœda carnis exerceans opera; vterq; excluditur à regno cœlesti. Unde & infra arcentur ab eodem canes & impudici. Canes, sunt luxuriosi; impudici sunt, qui vacant actibus impudicis, morituræ virginitatis prodromis. Quis non desideret introire in Civitatem illam cœlestem de qua tam gloriosa dicta sunt? Ergo procul esto inquinatio omnis, procul abominatio omnis.

*Sumus
Sponsa
Christi.*

Punctum 2dum. Sponsa Christi, arca est testamenti intrinsecus & extrinsecus deaurata, custos legis Domini. S. Hieronymus ad Eustochium. Anima nostra sponsa est Christi: debet ergo charitatis & puritatis tam intus, hoc est in mente, quàm in ore opereq; quod foris est splendere. Nos sumus genus electum, regale sacerdotium.

gens

gens sancta, populus acquisitionis: Omnis Genus ele-
cogitatio & conversatio nostra celestis dum, &
esse debet. Nec tantum status & vocatio
nostra sublimis est, sed etiam grandia &
pretiosa castitatis promissa: quæ nobis do-
navit Deus, ut per ea divinæ efficia. Grande
mur consortes naturæ fugientes eam quæ premium
in mundo est concupiscentiam corrupti-
onis. Quid maius dici potest, quam quod divina
Divinæ efficiamur consortes naturæ? participatio natu-
Propositum & oratio eiacularia ut ra.
supra.

PROFERIA VI.

Iesus crucifixus docet continentiam.

Punctum 1^{um}. Cum aperuisset Agnus
 librum, omnia quæ in cælo & inter- Apocal 5.
 ra, & subter terram sunt: dederunt glori-
 am Deo. Quid est liber apertus, nisi Liber a-
 IESUS Christus in cruce tanquam in ca- pertus est
 thedra expansus: lege in eo, meditare in Iesus Chri-
 eo; & sordescant tibi carnalia desideria. stus cruci-
 Disces in eo amorem Dei erga nos in- fixus.
 tensissimum, ipseque vicissim redamare
 ardebis dabisque gloriam Deo: disces pu-
 ritatem omnimodam; ideo enim pro no-
 bis in carne mortuus est, ut non secun-
 dum carnem vivamus.

Punctum 2^{um}. Dominus meus crucifi-
 xus est: & ego oleum comedam? Vox est
 S. Pa-

Meditatio S. Palæmonis nolentis in oleo comedere
de crucifi- in die Paschatis. dic tu: Dominus meus
xo movet crucifixus est, & ego voluptati operam
ad fugam dabo! *Salvator noster caput inclinavit in*
delectati- morte ut oscula daret suis dilectis. S. Au-
onis & gustinus. Ille mihi dulce vult dare oscu-
peccati. lum: imò sæpè dat per illustrationem
 mentis, & dulcem affectionem volunta-
 tis: & ego ipsi obvertam dorsum, & me
 ad nefanda, ad turpia convertam? Pro-
 positum & Tessera ut supra.

PRO DIE SABBATI.

Voluptas momentanea.

S. August: **P**unctum imum. Momentaneum quod
 delectat: æternum, quod cruciat. Sub
stulte eli- momento enim transit impetus libidinis: &
gitur mo- permanet sine fine animæ infelicitis oppo-
mentanea brium. Quanta stultitia pro momentanea
voluptas. oblectatione æternos gehennæ mercari
 cruciatus! Quis non fatuum judicaret,
 qui pro exigua & brevissima vnius pomi
 delectatione regno exui eligeret: sicut &
 Esau fatuitatis arguitur, qui pro vno e-
 dulio ius primogenituræ vendidit. Stul-
 tus Aman, qui pro brevi voluptate &
 vitam perdidit & regnum. Stulti illi qui
 ducunt in bonis dies suos, & in puncto ad
 infernum descendunt. Stultorum horum
 infinitus est numerus. Vide ne eorum nu-
 merum te ipso augeas.

DE HUMILITATE.

189

Punctum 2dum. Sed nemo potest esse continens nisi Omnipotens dederit? omne enim donum perfectum desursum descendit, ubi non sunt nuptiæ: & descendit non à quolibet, sed à Patre luminum. Ergo ora ut tibi detur continentiae donum: dabitur sine dubio si perseveranter petieris. Ora per Beatissimam Virginem, cui summè placeat castitatis virtus, ipsa est Mater pulchrae dilectionis: fædos amores non deseret nisi per illam. Ipsa est aula lucis fulgida: eam ames & ores, si tenebrosa carnis opera fugere desideras. Ipsa est hortus conclusus, fons signatus: eius similitudinem habebis ipseque per continentiam clausus & signatus eris carnalibus illecebris, si ad eam fueris devotus. Propositum & Tessera ut supra.

Ora à Deo castitatem. Contra Iovinianum.

Virgo Beatissima castitatis concilatrix.

MEDITATIONES

Ad virtutem humilitatis inclinantes.

PRO DOMINICA VI. post Epiphaniam.

De grano Sinapis.

Præludium 1m. Statuè ante oculos tuos Christum de grano sinapis prædicantem.

Præludium 2dum. Pete gratiam, ut possis intelligere & fructum ex meditatione reportare.

Pun-

Matt: 23.

*Doctrina
Christi
granū si-
napi.*

Quare?

*Qui fiet vt
requiesca-
mus in e-
loquijs
Christi.*

Colloquiū.

*Granum
sinapis
Christus.*

Punctum imū. Simile est regnum cæ-
lorum grano Sinapis. Regnum cælo-
rum doctrina Christi est: quia per eam
tendimus ad possessionem æternæ beati-
tudinis. Grano sinapis assimilatur; quia
potissimum de humilitate tractat, contem-
ptum nostri suadet, & monet ne abhor-
reamus conteri ab hominibus. Salubre si-
napi est; salutaris doctrina Christi. Re-
quiescunt volucres in arbore sinapis; &
nos magnam requiescendi in eloquijs
Christi opportunitatem habemus. Re-
quiescimus autem si audiamus & custo-
diamus verba Dei, si, quod suadet Evan-
gelium, amemus humiliari, amemus con-
teri, pro nihilo, pro vilibus & abiectis
reputari, si amaritudines & opprobria
non horreamus. Ita ne tecum est o anima
mea?

Punctum 2dum. Doctrina christi de hu-
militate, de contemptu sui, de mortifica-
tione, crescit in arborem altissimam per
quam in cælum facile conscendimus. Quò
magis humiliamur, eò magis in cælum ele-
vamus: qui se humiliat exaltabitur. Hu-
miliare itaq; vt exalteris. Eia o humil-
lime IESU da mihi ne horream amare
pusillitatem, abiectionem & contemptum
mei ipsius. Tu ipse granum sinapis fu-
isti quia pusillus: quia humillimus: quia

ama;

amarus tibi ipsi, nobis verò suavis & dulcis; quia te conteri & in pulverem redigi optabas amore salutis nostræ: quia tota substantia tua non propriæ utilitati, sed gloriæ æterni Patris & nostræ salutis serviebat. Fac ergo ut imiter, qui aliunde ex natura parvulus sum & abiectus. *Substantia mea tanquam nihilum ante te.* Propositum desiderare contemni & vilis haberi. Virtus: humilitas. Tessera replicanda crebrò per septimanam assumatur ex infra positis:

Da Domine humiliter sentire, & non exaltare animam meam: ne sicut ablactatus est super matre sua; ita retributio fiat in anima mea.

Da mihi dulcissime Iesu omnibus mori, quæ in mundo sunt, & propter te amare contemni, & nesciri in hoc sæculo. Thomas à Kempis.

Confiteor Domine quia nihil aliud sum quam terra inanis & vacua. quæ sine tua benedictione nihil germinat: fructum quoque non facit, nisi confusionem, peccatum, & mortem. S. Aug: in solilo.

PROFERIA II.

De humilitate eiusque actibus.

Præludium unum. Statue ante oculos Christum Dominum humilitatis studium inculcantem.

Præ-

Præludium 2dum. Pete gratiam ex humilitatis cognitione in eius amorem exardescendi.

Gradus hu
militatis
12.

Punctum 1mum. Humilitas est virtus moderans & restringens appetitum hominis, ne efferatur supra se. Actus seu gradus humilitatis duodecim assignat S. Benedictus in regula. 1mus. est aspectum in terram defigere. 2dus. pauca verba & rationabilia loqui non clamorosa voce. 3tius. non esse facilem aut promptum ad risum. 4tus. taciturnitas vsq; ad interrogationem. 5tus. tenere quod habet communis regula monasterij. 6tus. credere & pronuntiare se omnibus viliorē. 7mus. ad omnia indignum & inutilem se credere & confiteri. 8vus. confessio peccatorum. 9mus. in duris & asperis patientiam amplecti. 10mus. cum obedientia se subdere maiori. 11mus. vt voluntatem propriam non delecteris implere. 12mus. vt Deum timeas & memor sis omnium quæ præcepit.

Punctum 2dum. Esto hic ponuntur etiam aliarum virtutum actus, non est tamen inconueniens quod humilitati ascribantur; quia sicut vnum vitium oritur ex alio, ita naturali ordine actus vnius virtutis procedit ex actu alterius virtutis. Adverte quod absq; omni falsitate

& men-

& mendacio possis te credere & pronuntiare omnibus viliolem secundum defectus tuos occultos quos in te recognoscis; & secundum dona Dei quæ in alijs latent vel patent: ad omnia item te indignum & inutilem secundum proprias vires, ut sufficientia nostra omnis in Deum referatur iuxta illud 2. ad Corint: 3. *Non sumus sufficientes aliquid cogitare à nobis tanquam ex nobis, sed omnis sufficientia nostra ex Deo est.* Amor humilitatis. Desiderium & Propositum actus enumeratos exercendi. In super propositum & Tesseræ ut heri.

PROFERIA III.

*Humilitas necessaria ad salutem:
& qualis?*

Punctum 2dum. *Nisi conversi fueritis & efficiamini sicut parvuli non intrabitis in regnum cælorum. Matth: 18.* Vide humilitatis necessitatem: qua necessitate conversio ad Deum per charitatem, eadem & humilitas requiritur. sed qualis? qualis in parvulis. Humilitas parvulorum non est posita in profundis inclinationibus, capitis apertione, alijsq; externis signis sed in eo quia non efferuntur: quia neminem contemnunt: non appetunt honori, non curant, nec tristantur si despici-

*Necessitas
humilitatis.*

*Humilitas
tem par-
vulorum
requirit
Christus in
nobis.*

spiciantur: deniq; omne genus hominum sibi simile putant, ac de nemine quidquam mali suspicantur. Hanc humilitatem in nobis desiderat Dominus.

Punctum 2dum. Vide humilitatem Christi Domini in hoc ipso: quia de præcedentia in regno caelesti interrogatus parvulum accersivit, suaviter allocutus & complexus est, suscipi in nomine suo cum appromissione præmij iussit, scandalis horrendâ similitudine vetuit. O Magister humilitatis quàm ego longè sum à doctrina tua! nullos mores nullam similitudinem parvulorum habeo, totus fastuosus aliorum contemptor, derisor, mei ipsius amator. Væ mihi, væ mihi peccatori.

Colloquium. Miserere Domine IESU: ecce nunc parvulus metuens virgam indignationis tuæ iaceo ad pedes tuos sanctissimos, flectens & deprecans; vt avertas indignationem tuam à me; vt dimittas quod conscientia metuit, & adijcias quod oratione non præsumit. Propositum & Tesseræ supra.

PRO FERIA IV.

Superbia omnem iustitiam destruit & vindictam post se trahit.

Punctum 1mum. Non te extollas in agitatione animæ tuæ velut taurus: forte

forte elidatur virtus tua per stultitiam: & folia tua comedat. & fructus tuos perdas, & relinqueris velut lignum aridum in cremo.

Ecl. 6. Superbia est mera stulticia per eam omnis virtus nostra, quam Dei gratia comparavimus eliditur & annihilatur: per eam pereunt omnes exteriores observantiae nostrae instar foliorum quae à bruchis aut erucis comeduntur: per eam pereunt omnes interiores fructus virtutum nostrarum: per eam demum efficimur velut lignum aridum in cremo aptum non nisi igni infernali ad combustionem.

Punctum 2dum. Humilia valde spirituum tuum; quoniam vindicta carnis impij ignis & vermis. Ecl. 7. Superbus, impius vocatur; quia se Patri suo caelesti, aperto quasi Marte opponit: propter quod etiam Deus dicitur peculiari modo resistere superbis. Omnium quidem vitiorum vindex Deus; at potissimum superbiae quia regina est iniquitatis. Ignis pœnam sensus, vermis pœnam damni significat: hac utraq; vlciscetur se Deus de superbis. Ergo humiliemur sub potenti manu Dei. Quid enim est vnde superbire & gloriari possimus? quid habes seu in bonis naturæ, seu in bonis gratiæ quod non accepisti? si autem accepisti, quid gloriaris quasi non acceperis?

*Superbia
est stulticia.*

*Per eandem
destruitur
omnis virtus nostra.*

Omnis superbus est impius.

*Sequitur
superbos
ulcor à tergo
Deus
sens.*

*Ignis &
vermis
quid?*

PROFERIA V.

Humilitas Apostolorum: amor proprio inimica.

Punctum 1^{um}. Tanquam purgamenta facti sumus: omnium peripsima. *Humilitas Apostolorum.* Apostolus Paulus ex persona aliorum Apostolorum. Purgamenta sunt sordes quas conspuimus, conculcamus, & demum in vnum collectas eijcimus foras. Tales fuerunt Apostoli quantum ad præparationem animi. Parati erant conspui & conculcari: indignos se aspectu humano divinoque iudicabant: parati erant eijci è Synagogis & domibus hominum, sicut etiam eijciebantur. En tanta fuit humilitas in Apostolis Principibus mundi penes curam totius orbis, penes sollicitudinem omnium Ecclesiarum, penes miraculorum potestatem. Ego verò propter peccata mea, & ingentes abominationes verè non sum dignus quem terra portet: dignus sum omni dehonoratione & contemptu: & tamen quomodo exardeſco ſi dehonoro! quam longè ſum ab humilitate Apostolorum.

Punctum 2^{um}. Cogita quod arrogantiae fons ſit amor proprius. Amor Dei & proprius duas ædificant civitates: ille uſq; ad contemptum ſui, hic uſq; ad contemptum Dei.

ait S. Aug: Amor autem proprius ibi est, *Amor Dei*
 ubi deficit cognitio sui ipsius. A cogni- & *propri-*
 tione Dei & sui ipsius tam initium quàm *us duo ar-*
 prosecutio vitæ melioris pendet. Quia *chirecti:*
 Apostoli se cognoscebant: ideo seiplos *ille humi-*
 contemnendo in amore Dei iugiter pro- *litatē &*
 ficiebant. nosce & tu teipsum & dic: fre- *contēptū*
 quenter cum S. Francisco: *Quis sum ego sui, hic su-*
 Domine & quis tu. & cum S. Augustino. *perbiā &*
 Noverim me, noverim te, nec aliquid cupiam *contēptū*
 nisi te. Propositum & Tessera ut in die *Dei archi-*
 Dominico. *testatur.*

PRO FERIA VI.

Humilitas Christi Domini.

Punctum unum. Cum in forma Dei es-
 set formam servi accipiens in similitu-
 dinem hominum factus, & habitu inventus *Humilitas*
 ut homo. ait Apostolus de Christo. Cum *Christi Do-*
 in forma Dei esset. hoc est, cum esset De- *mini secun-*
 us & Dominus vniversorum exinanivit *dum for-*
 semetipsum: hoc est, ita se depressit & hu- *mā servi.*
 miliavit, ut plane nihil factus sit, non
 quidem amittendo, sed abscondendo na-
 turam Divinam, conditionem verò imo
 & habitum servi assumendo. Considera
 quàm exactè implevit servilem condi-
 tionem. Servus erat Patris æterni: ideo in
 omnibus voluntatem eius faciebat vsq,
 ad mortem crucis, servus erat hominum;

quia non venit ministrari sed ministrare.
 Perpende vitam Christi & invenies eam
 nihil fuisse nisi ministrare hominibus, ob-
 bediendo, prædicando, infirmis serviendo,
 docendo, peregrinando, patiend-
 o. Tu verò qui naturâ servus es, an impleas
 conditionem servi? Examina teipsum an
 voluntatem divinam facis? an humiliter
 explēs superiorum mandata? an paratus
 es ad sustinenda convitia & verbera? an
 ministras alijs? an verò potius ministrari
 & deferri tibi desideras?

*secundum
 habitum.*

Punctum 2dum. Non erat contentus
 Dominus formam servi, hoc est, naturam
 humanam accipere, nisi & habitum acci-
 peret. Poterat in natura quidem huma-
 na apparere, at lumine sicut vestimento
 indui; non fecit tamen, ut per omnem
 & internè & externè servum ageret. No-
 bis exemplum proposuit, ut externo ha-
 bitu internam humilitatem nostram re-
 flecteremur; ut simus & exterius & interiorius
 humiles. *Erubescat homo esse superbus quon-
 iam humilis factus DEVS.* S. Augustinus.
 in Ioan. serm. xlii. Propositum & Tes-
 ta ut supra.

PRO DIE SABBATI.

Humilitas dilectionis Mater, in Virgine Beatissima admirabilis.

Punctum 1^{um}. Si qua consolatio in Christo, si quod solatium charitatis, si qua societas spiritus, si qua viscera miserationis. implete gaudium meum, ut idem sapientis eandem charitatem habentes, vnaanimi, id ipsum sentientes: nihil per contentionem aut inanem gloriam, sed in humilitate sibi invicem superiores arbitantes. ad Philip: 2. En quomodo obtestatur Apostolus discipulos suos ut fraternitatis dilectionem servet: simulq; dat modum vnaunitatis servandæ, si nimirum sint humiles, & alter alterius sensui cedat, nemo per intentionem aut inanem gloriam præcellere velit, & singuli singulos sibi superiores existiment. Felix societas, felix communitas, vbi viget regula hæc Apostoli, vbi humilitate certatur! Disce ac memoriæ imprime regulam hanc, singulaq; eius puncta: atq; opere implere cura.

Punctum 2^{um}. Ut monitum hoc Apostolicum exequaris, propone tibi Virginem Beatissimam Iosepho, Elisabethæ, Ægyptijs & tot hominibus infimis humiliter ministrantem sese abiectissimam, & præ omnibus vilissimam reputantem. Ve-

Vbi humilitas: ibi vnaunitas & fraternitatis dilectio.

Virgo Beatissima humilitatis exemplar.

rè ipsa omnes homines sibi superiores. Superiores arbitrabatur. Unde magnificabat Dominum quia respexit humilitatem eius. alij legunt *nihilitatem*. Si Mater Dei non nisi ancillari auct; tu dominari & superbire audebis? Ora Virginem Beatissimam ut tibi impetret virtutem hanc sibi familiarissimam. Propone exemplo eius nulli te præponere, omnibus postponere. *Non nocet enim si omnibus te postponas: nocet autem plurimum si vel uni te præponas.* Thomas à Kemp:

MEDITATIONES

Mansuetudinem suadentes.

PRO DOMINICA SEPTUAGESIMÆ.

Ira ex iniuria apprehensa: & ex invidia oritur.

Præludia convenientia.

Ira non fit nisi ob iniuriã apprehensã. **P**unctum unum. Murmurent servi indignantes æquiparatos sibi esse in mercede conservos. qui minus laborarunt. Ira non fit nisi ob iniuriam. Nemo enim irascitur si se iustè læsum recogitet. Unde etiam uni servorum hodiernorum dicitur: *Amice non facio tibi iniuriam.* ac si *Matteo: 2.* diceretur: cur indignaris, si tibi nulla facta in-

ita iniuria? Et nos plerumq; irascimur non læsi iniuriâ vllâ, nisi fortè falsò apparente & apprehensâ. Examina te ipsum, & depræhendes te toties excanduisse absq; causâ iustâ. Dole, aliosq; affectus elice.

Punzum zdum. Vitium vnum oritur ex alio vnde indignatio hæc in servis contra Dominum? ex invidia. Invidabant felicitatem æqualis mercedis confervis suis, ideo indignabantur contra Dominum: invidabant qui gaudere debuerant de bonis proximorum suorum: si dilectionem proximi habuissent, nec confervis, nec Domino fuissent irati; sed quem fructum reportarunt ex livido & nequam oculo? afflictionem. Afflictio enim in proximorum prosperis est filia invidiæ. Amor proximi. Gaudium de aliena felicitate & desiderium eiusdem. Detestatio iræ & invidiæ. Propositum nullum durius verbum alijs loquendi, sed nec gestu iniurioso offendendi. Virtus *mansuetudo*. Eiaculatoria oratio crebrò per hebdomadâ repetenda aliqua ex subiectis.

O IESU mi absconde me in abscondito faciei tuæ à conturbatione hominum!

Creator mi evelle à me animi rancorem, & largire mihi mitis mentis dulcedinem S. Aug: cap. I. in meditationibus.

Tu qui imperasti ventis & mari & facta est

Ex invidia oritur ira.

est tranquillitas magna: veni & ingredere
super fluctus cordis, vt. tranquilla & serena
fiant omnia mea, quatenus vnum bonum me-
um amplectar te. S. Aug: ibidem.

PROFERIA II.

*Quare? & qualiter? & unde exter-
minabuntur iracundi?*

Punctum 1mum. Desine ab ira & dere-
linque furorem quoniam qui malignan-
tur exterminabuntur. Malignatur quis con-
tra te, hoc est, malè indignatur, irascitur
furit: ne tu rependas vicem, ne æmuleris
in malignando. Quare? quia omnes ma-
lignantes exterminabuntur, hoc est, ei-
cientur è numero viventium. Cholera e-
nim abbreviat vitam. Eccl: 30. Zelus &
ira minuent dies. Et non modo morte na-
turali citò extingvuntur omnes iracundi
sed etiam plerumq; casuali inter iurgia
vel per insidias aliquas ex improvise. Mi-
serere mei Domine quoniam conturbatur
in ira oculus meus, anima mea, & venes
meus. Conturbatur intellectus, voluntas,
memoria mea: & sic utraq; vita mea lædi-
tur. Miserere ne vinear à malo, sed vin-
eam in bono malum.

Punctum 2dum. Exterminabuntur ira-
cundi, quod infinite miserius est, ex ter-
ra illa quæ est solidus & æternum dura-
turus

turus beatorum locus, quam ipsi soli hæreditabunt sustinentes Dominum, hoc est vindictam non querentes, sed proximo quidem omnem offensam condonantes, Deum autem solum iudicem & vindicem salvo affectu & dilectione proximi expectantes. Non demus ergo locum diabolo. Non contristemus Spiritum S. per iram. Non simus nosmetipsos defendentes charissimi sed demus locum iræ. Scriptum est enim mihi vindictam & ego retribuam sic modo quidem vitam prolixam, postea verò æternam habebimus.

PROFERIA III.

*Non irascendum quia iudicabimur
& quia qui nos exercent in spe
sunt emendationis profuntq;
nobis.*

Punctum imum. Omnis qui irascitur fratri suo, reus erit iudicio, &c. Matt: 5. Tres gradus iræ assignat Magister noster. 1mus est, irasci in corde. 2dus. erumpere in vocem aliquam iniuriosam internæ commotionis testem & nihil aliud significantem qualis est vox Racha, & quæcunq; alia interiectio indignantis. 3tius. est erumpere in verbum contumeliosum malitiosè. His correspondent tres reatus; iudicii, concilij, gehennæ. In iudicio fit discus.

discussio de crimine, in concilio de pœna, in gehenna executio pœnæ. Grave peccatum: gravis & pœna. Non enim leve est imaginem Dei in proximo proscindere: fœdare alterum appellatione, honorem & pacem cordis alteri auferre. Soni etenim contemptivi & irrisorij & multo magis convitia & contumeliæ conturbant homines atq; ad iram & tristitiam adducunt. Pone Domine custodiam cordi & ori meo ut cor meum ad iram, os meum ad sonos & verba malitiæ non declinet ne fortè reatum gehennæ incurram. Quæ si ob verbum fatue incurritur quis eam effugiet?

Punctum 2dum. Audi & perpende verba S. Aug: in Psal: 54. dicentis: Utinam qui nos modo exercent convertantur & nobiscum exerceantur: tamen quam diu ita sunt ut nos exerceant non eos oderimus; quia in eo quod malus est quis eorum, vtrum vsq; in finem perseveraturus sit ignoramus. Et plerumq; cum tibi vide-

Prodest nobis qui nos affligit. ris odisse inimicum fratrem odisti & nescis. Non habes certè o anima mea cur irasceris contra eum qui te verbis & factis impellit. imò verò gaude & gratias age, quia tibi factus occasio meriti amplioris. quia te exercitatione sua in virtute mansuetudinis roborat: quia factus tibi velut auri-faber te in camino tribulationis à scoria

expur-

expurgans vel tanquam lithogoliphus seu lapicida te rude saxum cælestis Hierusalem ædificio expoliens. Pròpositum. Tesserà vt supra in die Dominico.

PROFERIA IV.

Mansuetudo honor animæ

Punctum imum. Fili mi serva in mansuetudine animam tuam: & da illi honorem secundum meritum suum. Eccl. 10. Anima nostra meretur honorem amplissimum, quia secundum eam portamus imaginem Dei: secundum eam sumus capaces gratiæ & gloriæ Dei: secundum eam sumus similes Angelis paulò minus ab illis minorati. Iustum est igitur vt illi honorem præstemus. Honoramus homines cum illis inclinamur, cum caput aperimus, cum genua flectimus; honoramus animam cum eam in mansuetudine servamus. Mansuetudo honor est animæ: sceptrum & diadema per quod regnat in affectibus hominum: nam per mansuetudinem non solum honorabilis sed & amabilis vnusquisq; efficitur. Unde alibi dicitur: *Fili mi in mansuetudine opera tua perface. & super gloriam hominum diligeris.* Eccles. 3. Quantopere igitur desideranda, colenda, & custodienda!

Anima nostra honoranda.

Quare?

qualiter?

Punctum 2dum. Exhonorat se qui vult
tum

Non solū tum suum luto commaculat: exhonorat
homo sed Regem qui imaginem eius detergens pin-
etiā Deus git imaginem bestię. Mansuetudo, simi-
exhonora- litudo Dei est. Quid enim Deus est: nisi
tur per mera pax & suavitas nullis mutabilis ad-
iram. versis. Qui ergo pacem & pccatam men-
 tem commutat in rancoris effervescenti-
 am, similitudinem Dei tollit ex anima sua,
 diaboli, bestię inimicissimę figurā succe-
 dente. Detestatio irę. Propositū Tesserā.

Colloquiū. O IESU mi qui me hominem creasti:
 qui mihi pretiosam animam intellectu-
 lem, virtutum, gratię glorięq; tuę capa-
 cem contulisti; fac ne vnquam eam ex ho-
 norem vilo vitio, ac potissimum bestiali-
 bus iracundię motibus; fac vt honorem
 imaginem tuam in anima meā. Si carnem
 meam diligo, cur non diligo animam me-
 am, creaturam tuam, spiraculum vitę,
 quod tu inspirasti mihi; imò thronum tu-
 um, aram tuam, cælum tuum rationale.

PRO FERIA V.

*Mitibus & humilibus letitia
 Spiritualis appromissa.*

Punctum unum. Et addent mites in Dō-
 mino letitiam & pauperes in Sancto
 Israel exultabunt. Isaia 29. Pauperes spi-
 ritu hoc est. humiles & mites addent læ-
 titiam ad letitiam: novis & novis læti-
 tię

tiæ Spiritualibus gradibus cumulabuntur, & in Deo suo non qualitercunq; gaudebunt, sed exultabunt, id est quodammodo præ gaudio saltabunt. vt S. Franciscus præ gaudio saltitasse narratur. Iracundi novum & novum addunt sibi merorem, novas & novas experiuntur molestias, alterationesq; dum quid non iuxta eorum succedit votum: mansueti alieni sunt à fluctibus alterationum. Omnem ergo amaritudinem & iram & indignationem, clamorem, & blasphemiam tolle à me Domine: Da mihi dulcedinem animæ quæ est sanitas ossium vt uterq; homo meus exultet in te Deo meo.

Punctum 2dum. Quare verò & quando mites addent lætitiā in Domino? *Quare?* ideo quia mites maximè sunt sui compotes, pacatumq; gerunt animum, in quo suaviter author veræ lætitiæ Spiritus S. requiescit. *In pace enim locus eius & habitatio eius in Sion.* Nec otatur vnquam Spiritus S. sed vbicunq; est, ibi fructus suos operatur, inter quos & lætitiā principalem habet locum. Quando & hic & in cælo lætitiā super lætitiā habebunt mansueti: præcipuè autem in vfu Sanctissimi Sacramenti iucundabuntur. Hic lac consolationum sugunt mansueti: hic torrente voluptatis potantur. *Beati mites,*
quomodo

*Quando
abundant
in lætitiā
mansueti.*

quoniam ipsi possidebunt terram. Corporis & sanguinis Domini: & in hac terra tanquam propria hæreditate delicijs fruentur, & de ubertate illius inebriabuntur. Amor mansuetudinis. Detestatio iræ. Condonatio offensarum. Propositum Tessera.

PRO FERIA VI.

Christus mansuetus: imitandus ut pacem cordis habeamus.

Punctum unum. Discite à me quia mitis sum & humilis corde, & invenietis requiem animabus vestris. Suavis Dominus vniuersis optans nobis tanquam amicis & fratribus suis tranquillam & beatam adhuc in hoc sæculo vitam dat medium breve & efficax ad cordis requiem obtinendam. Discite à me &c. hoc est, imitamini meam mansuetudinem & humilitatem. O verè mansuetus Christus! mansuetus in natiuitate, in vita, in morte; in natiuitate pacem toti mundo attulit, & per Angelos annuntiavit, non inter leones, sed mansueta inter animalia iacuit, furori Herodis cessit non restitit: in vita cum parvulis & simplicibus colloquebatur, ad calumnias & convicia Iudeorum suaviter & modeste respondebat, aut tacebat, ex discipulis neminem ne quidem Iudam

*Christus
mansuetus
in natiuitate.*

in vita.

in morte.

Iudam ipsum durius increpuit: in morte
tanquam agnus, coram tondente se ob-
mutuit. Sis benedictus Christe IESU
totus suavis, totus mansuetus & amabilis.
Fac ut discam semper quam sis mitis, &
discendo ac recogitando mansuetudinem
tuam, eandem in me ipso exprimere stu-
deam.

Punctum. 2dum. Imitare anima mea
Christum Ducem ac Magistrum tuum, si
vis requiem cordis invenire. Quid desi-
derabilius requie cordis? quid optabilius
quam suaviter & imperturbate vivere in
hoc sæculo? Habebis id si mitis & humi-
lis corde fueris. Pacem cordis vel maxi-
mè impedit ac turbat passio iræ. Hæc e-
nim cum sit furor quidam, insanis ho-
minem agitat intus, & extrâ motibus.
Mansuetudo est mater pacis internæ: sed
mansuetus non potest esse nisi qui humi-
lis est. Superbi namq; cum sibi ipsis pla-
ceant, & suam excellentiam appetant, si
quid contrarium fortè fiat eorum volun-
tati, facillè exardescunt, ideoq; inter su-
perbos semper iurgia sunt. Prov. 18. Meli-
us ergo humiliari cum mitibus, quàm di-
videre spolia cum superbis.

Hei mihi Domine quoniam anima mea
turbatur valde motibus passionum! quo-
nam non cesso ambulare vias difficiles. Et a-

*Pacem
cordis pas-
sio iræ tur-
bat.*

*Mansuetus
non potest
esse, nisi
qui humi-
lis est.*

Colloquiũ.

S. August.

te magis magisq; me elongans iactor & effu-
dor, & diffluo & ebullio per transgressionem
meas! Collige me Domine à dispersione mea.
Repauset & requiescat anima mea in te sa-
tem fatigata fallacijs. Ut verò requiescat
da illi veram humilitatem: da mansuetu-
dinem: da quod iubes Domine, & iube
quod vis.

PRO DIE SABBATI.

*Dulcis Dominus: dulcis & Dominus
nostra.*

Punctum 1mum. Dulcis & rectus Do-
minus dirigit mansuetos in iudicio: di-
cebit mites vias suas. O quæ & quam
mansuetis promissa! sicut dulcis Domi-
nus erga nos est, ita vult, vt alter ad
terum dulces non amarulenti simus.
si dulces ad invicem fuerimus, etiam
et erimus Domino dirigente vitam
nostram. Vide quomodo speciali ratione
Magistrum mansuetorum agit Dominus.
E contra iracundus non habet Deum
rectorem: sed præceps ruit in peccatum.
Qui ad indignationem facilis est, erit ad peccan-
dum proclivior. Eccl. 24. Ora vt
det Dominus virtutem mansuetudinis
doceatq; te vias suas, in quibus constan-
ter ambules.

*Qui dul-
cis est, &
rectus erit*

*Punctum 2dum. Dulcis etiam & man-
suetus.*

suavissima Virgo MARIA. Spiritus meus
 super mel dulcis.. ait de se ipsa. Eccl: 24.
 Imitare in dulcedine si filius es, si vis ut
 se tibi monstræt matrem. Quando ista vel
 vultu læsit parentes: quando dissensit a pro-
 pinquis: quando fastidivit humilem: quando
 derisit debilem? Hæc omnia, actus sunt man-
 suetudinis. Abominatio est Domini omnis
 illutor: ipse deludet illutores, & mansuetis
 dabit gratiam. Illutoribus mansueti con-
 traponuntur; illos abominatur Dominus,
 hos diligit. Time lædere, time dissentire,
 time fastidire humilem, deridere debilem;
 ne etiam in tuo interitu rideat Domi-
 nus. Oratio conveniens ad Virginem Be-
 atissimam. Propositum. Tessera ut supra.

Dulcedo-
 & mansue-
 tudo Vir-
 ginis B.

MEDITATIONES

Ad patientiam invitantes.
 PRO DOMINICA SEXAGE-
 SIMÆ.

*In patientia reportatur fructus ex
 verbo Dei.*

Punctum unum. Exijt qui seminat se-
 minare semen suum. Luca 8. Retractatâ
 Primùm hodierni evangelij parabola e-
 usq; explicatione à Christo facta. Confide-
 ra quàm providè conferat Deus semine
 Divini verbi animas nostras, partim per
 O 2 inter-

*Retracta-
tā pri-
mūm ho-
dierni e-
vangeli
parabolā
eiusq; ex-
plicatione
à Christo
facta con-
sidera quā
providē,
Ec.*

internas inspirationes, partim per ora con-
cionatorum, confessorum, magistrorum
spiritualium. Considera deinde quā
multi ex semine verbi nullum fructum re-
ferunt: aliquando illud flocci pendendo
conculcant: aliquando spinis curarum
ocularium obruunt: aliquando mox obli-
vioni tradunt. O quanta hominum cæcitas
Tu qualis es ad verbum Dei? an secun-
dum viam: an petra, an spinetum, an terra bona
Punctum 2dum. Considera item eos
los Auditores verbi Divini à Christo lau-
dari, qui in corde bono & optimo audi-
entes verbum retinent & fructum asse-
runt in patientia, hoc est, qui patienter
audiunt verbum, patienter retinent pro
tempore & in tempore tentationis, atque
ita in sua patientia fructum reportant
verbo Dei. Patientia ergo nobis necessa-
ria ut reportemus repromissiones. Sicut
agricola debet esse patiens in laboribus &
iniurijs cæli; debet patienter expectare
messē; ita nos nisi simus in animi nostri
cultura patientes, nullum fructum facie-
mus. Amor & desiderium patientiæ &
constantiæ. Propositum illusiones & con-
fusiones quasvis patienter amore Christi re-
solvendi. virtus: patientia. Eiaculatorij
etiam sequentes commendantur.

Domine IESU dummodo me non proba-
ci

in æternum, neq; deleas de libro vite,
nihil mihi nocebit, quid quid venerit tribu-
lationis, super me. Thomas à Kempis.

In manu tua sum: gyra & reversa me per
circuitum. idem

O qui talem sustinuisti adversum temeti-
psum contradictionem, fac ne fatiger animo
deficiens in adversitate.

PROFERIA II.

*Considerationes tribulationem alle-
viantes.*

Præludium 1mum. Statue ante oculos
tuos Christum Dominum ad patientiam
adhortantem.

Præludium 2dum. Pete gratiam ad a-
mandi virtutem patientiæ.

Punctum 1mum. Omnis tribulatio le-
vis imò & suavis futura est ex sequen-
tibus considerationibus. Imò. Recogitemus *Christus*
eum qui talem pro nobis sustinuit adversum se- *patiens so-*
metipsum contradictionem: quomodo Chri- *latum ac*
stus in cruce manibus, pedibusq; confixus *robur tri-*
erat ita vt nec digitum vnum sublevare, *bulatorum*
nec cruorem abstergere, muscam depelle-
re datum sit illi. Omnis status, omnis con-
ditio persequebatur, calumniabatur, bla-
spemabat innocentem. Consolantem se
quæsit & non invenit: vndiq; afflictis-
simus & desolatissimus; & quidem non

pro se nec culpa sua, sed pro nobis, cul-
pisq; nostris dispensavit secum, vt tanta
absq; vlllo solatio pateretur. Pro nobis
ipsis & pro nostris culpis, cur nos non pa-
tiamur aduersa?

*Christus
Dominus
peculiari-
ter adest
tribulatis*

Punctum 2dum. Cogitemus etiam Chris-
tum peculiari modo esse nobiscum dum
tribulamur. Absesse quidem videtur à cor-
de nostro, adest tamen præsens & veloci-
ad auxilium si invocemus. Antonio ma-
gno quærenti: *vbi eras Domine IESU*, dum
tantas inferni persecutiones paterer? in
corde, inquit, tuo affui: certamen tuum a-
spiciebam, spectator simul & auxiliator.
D. Chrysostomus in Psalmum 9. ait: *Tum*
maxime sentimus auxilium Dei, quando vex-
samur in afflictionibus. Adiutor in tribu-
lationibus Domine IESU: da resumere
spiritum post tempestatem, da reconvale-
scere in luce miserationum tuarum.

*Tribulatio
purgato-
rium hu-
iù vit æ.*

Punctum 3tium. Cogitemus item o-
mnem tribulationem siue illa sit ab ho-
minibus, siue à morbis, siue à peccatis &
quibuscunq; causis, leve quoddam & bre-
ve purgatorium esse, de quo Dominus
Isaïe cap: 48. *Ecce excoxi te vti te non in*
argenti sed inopia & tribulationis fornace.
Si nolumus in purgatorio horrendas to-
lerare pœnas; hic purgemur in camino
tribulationis. Ecce Pater dilecte in mani-

bus tuis sum ego: sub virga correctionis
tuæ me inclino. Melius est hic corrigi quàm *Thomas à*
in futuro. Hic me de negligentia purga *Kem: lib:*
cum paucis, ut mundus coram te inveniar. *3. c. 50.*

PROFERIA III.

David idea patientiæ & mansue-
tudinis.

Punctum 1um. Si Dominus incitat te
adversum me, odoretur sacrificium 1.
Reg: cap: 26. verba sunt patientissimi &
mansuetissimi David ad Saulem persecu-
torem suum prolata. Intellectus eorum
iste: si voluntas Domini est ut per te affli-
gar, imò & moriar: fiat quod ei placet,
habeat me sibi pro victima; paratum cor
meum ad omnia etiam ad ipsam mortem
sustinendam iuxta sanctissimum eius bene-
placitum. Non præstantioris naturæ sed
observantioris David fuit: & si ille ante
incarnationem Domini tanta insignia pa-
tientiae monstrabat; quid nos facere &
quales esse convenit post vitam & exem-
pla Christi?

Punctum 2dum. Multi sunt qui ad mar-
tyrium vel ad aliquam patientiam heroi-
cam dari sibi occasionem optant: & in mo-
dicis rebus patientiam suam probare &
exercere gravantur; vix modicè læsi &
iam exardescentes. Habemus omnes vbe-

Materia
patientiae
semper est
obvia.

rem materiam patientiæ à fratribus, à superioribus, ab ægritudinibus, à molestiis varijs & defectibus. Dicamus ergo omnibus istis seu hominibus seu afflictionibus *Si Dominus incitaverit adversum me, odor erit mihi sacrificium. Utinam fiam victima in odorem suavitatis Dei! Examina te qualis es, se soleas in occasionibus patiendi. Propositum. Tessera ut supra.*

PROFERIA IV.

Tribulatio brevis & parva: sed gloria eterna & immensa.

Punctum imum. Id quod in presenti est momentaneum & leve tribulationis nostræ, supra modum in sublimitate eternæ gloriæ pondus operatur in nobis. 2. Corin: 4. Considera verba singula. Vita nostra quantumvis prolixissima, vix momentum dici potest respectu æternitatis; quid velis? *Quæ levè rō tribulatio exiguo durans spatio? Levè faciūt tribulationē ipsam levem facit finis ipsius propinquus omnem?* porro est omnis tribulatio mundi, quæ deinde facit levem maior miseria & afflictio aliorum hominum: item exemplum Christi patientis & Sanctorum; item spes mercedis æternæ: demum quia & ipsa tortura corporis vitam adimens, quo maior est eo citius mortem adducit, & sic finitur. Efficiatur mihi Domine qualibet,

bet exercitatio tribulationis pro nomine *Thomas*
 tuo non tantum levis sed & amabilis ac *Kem. lib:*
 oprabilis. Nam pati & vexari pro te valde *3. c. 19.*
 est salubre animæ meæ.

Punctum 2dum. Considera quod quan-
 quam momentanea & levis est omnis tri- *Poemium*
 bulatio; tamen supra modum, supra men- *tribulati-*
 suram, supra captum in sublimitate statûs *onis.*
 beatitudinis æternæ gloriæ pondus ope-
 ratum in nobis. Propter quod iubet gau-
 dere Salvator in adversitatibus: *Cum vos*
oderint homines &c. gaudete & exultate
quoniam merces vestra multa est in celo.
 Radix amara tribulationis, quam dulcem
 fructum gloriæ æternæ profert. Benedi-
 ctus Deus qui tribulationes quidem no-
 stras breves voluit esse, at præmia feli-
 citatis æterna! Deus omnis gratiæ, qui vo-
 cavit nos in æternam suam gloriam in Chri- *1. Per. 6. 5.*
 sto IE SU, modicum passos ipse perficiat
 confirmet solidetq.

PROFERIA V.

Calix duplex: medicinalis unus,
alter non.

Punctum 1um. Calicem quem dedit mi-
 hi Pater non vis ut bibam illum? Ioan: Calix du-
 plex ait Christus ad Petrum. Bibit Salva-plex tri-
 tor meus alacriter calicem amarissimum bulationis
 passionis pro mea salute, quia ipsi Pater tempora-
 propi-

lis & æternæ damnationis propinavit. Et mihi amantissimus Pater offert calicem tribulationis epotandum; ergo ne abijciam? Pater est: amat non odit offerendo. Est & alius calix in manu Domini, scilicet furoris & iræ divinæ ex quo meretrix Babylonica, hoc est, universitas reproborum per sæcula sæculorum inebriabitur amarissimis supplicijs: & præ magnitudine amaritudinis ac tormenturæ insaniet & blasphemabit Deum omnipotentem. Elige ex his duobus calicem vnum. Calicem Domini affectanter bibe, si amicus eius esse, & partem cum eo habere desideras.

*Calix tribulationis, medicina-
lis.*

Punctum 2dum. Sumimus potionem quantumvis amaram causâ sanitatis. Calix tribulationis, medicinalis est & concentissimus salutis nostræ: igitur impigre bibamus. Biberunt tot Sancti & Sanctæ quos memoriâ tenes. Biberunt bibuntque fratres & proximi quos vides; cur ergo tu nauseas? potuerunt alij; tu non poteris? Omnis afflictio carnis patienter tolerata, medicina est animæ & satisfactio pro peccatis, & spes futuræ beatitudinis & gloriæ. O mi IESU fac per merita Sanctissimæ passionis tuæ, ut in quacunq; angustia, in quacunq; tribulatione imiter ardorem & alacritatem tuam patiendi. dicam: Calicem quem dedit mihi Pater, utique bonus, utique;

*Thomas à Kemp. c. 6. in valle li-
riorum.*

vtiq; misericors, vtiq; summè & infinitè *Colloquiū.*
 amans, *non bibam illum:* bibam, bibam avidè. Calix hic à Deo mihi propinatur; ergone respuam illum? Tribulatio ista à Deo mihi immittitur, ad probandam patientiam & constantiam meam: patiar itaq; libentissimè. Gratias tibi ago Pater æternè, quia me fecisti communicare passionibus Filij tui vt & gloriæ ipsius congaudeam exultans.

PRO FERIA VI.

Christus Dux ad patiendum.

Punctum 1^{um}. Oportuit Christum pati & ita intrare in gloriam suam. Si Christum pati oportuit vt intraret in gloriam suam; nos quomodo intrabimus non compatiendo? Via crucis, est via regia ad cælum: hanc Christus trivit, calcavit; hanc & tu calcare necesse habes, si vis ad regnum eius pervenire. Si pati non vis, recusas coronari, ait Thomas à Kempis. Sequela Christi patientis, indicium est electionis ad gloriam. Quando es in tribulatione, & mœrore cordis; tunc es cum IESU in cruce, futurus cum eodem in Paradiso. Si quid aliud melius & utilius saluti hominum quàm pati fuisset, Christus vtiq; verbo & exemplo ostendisset.

Punctum 2^{um}. Milites ferventer invehun-

vehuntur in hostem inter mille pericula vitæ, quando vident Ducem suum præcedentem & vulnera excipientem. Edux noster Christus & mercedem gloriæ æternæ proponit, & ipse primus sanguinem fundit: ipse primus in arenam crucienti certaminis descendit; sequimur. *Nolo sine vulnere esse cum te sic vulneratum videam;* ait Bonaventura. *Nemo potest de delicijs transire ad delicias.* ait Hier: ad Iulianum. Neceſſe est vt vel hîc cum Christo patiamur æternum lætaturi; vel cum mundo breviter tripudiemus, in puncto ad infernum descensuri.

Colloquiũ.

Non convenit Domine vt ego gregarius miles cuticula non sauciã & benè curatã triumphem; tu verò dux in oculis meis pænè vnum sed grande & lachrymabile vulnus lassescas! O dux meus, & notus meus tam multi bellantes adversum te, tam multorum ictus excipis; & ego in pace manebo? Tu mare amaritudinis effectus es; ego vir consolationum sim? O mi IESU fac ne sim delicatum membrum sub spinoso capite. Propositum & Telsa vt supra.

PRO DIE SABBATI.

Praconia & exempla tribulatum.

Apocal: 2.

Punctum unum. Scio tribulationem tuam.

am: sed dives es & blasphemaris ab his qui se dicunt Iudæos esse & non sunt, sed sunt Synagoga sathanae. Ne timeas quæ passurus es: ego protector tuus. Christus alloquitur Episcopum Smyrnæum, & in eius personâ vnum quemq; tribulatum. Blasphemia est sermo iniuriosus adversus Deum & Sanctos eius. Omnis ergo qui tribulationem sustinet & exercetur à perversis; & dives est in spiritu, & Sanctus est, & sub Dei protectione est. *Ne timeas quæ passurus es.* hoc est, noli marere ex præsentī tribulatione, sed neq; timeas imminētem: *Ego protector tuus.* Verè Domine tu es Deus confortans in tribulatione. Tu protector meus: non timebo quid faciat mihi homo.

Punctum 2dum. Dicunt se Iudæos & non sunt, sed sunt synagoga sathanae. hoc est, isti qui alios dictis aut factis iniuriosis affligunt, dicunt quidem se confessores Christi, dicunt se Christianos; re ipsa tamen non sunt, sed potius sunt è numero & cætu ministrorum diaboli. Ad Synagogam sathanae spectant qui alios tribulant: igitur qui tribulantur & patiuntur sustinent, ad Ecclesiam & regnum Christi pertinent. Magna consolatio cuiusvis patientis: quia est dives in spiritu quia Sanctus: quia habet protectorem Altissimum: quia spectat ad Ecclesiam Christi primū militātem, postea triumphantem.

Consolatio patientis.

Exempla
patientie

Quis San-
ctorum in
mundo si-
ne cruce
& tribu-
latione
fuit?
Thomas à
Kem: l. 2.
c. 12.

Punctum 3tium. Perpende exempla va-
riorum Sanctorum ab alijs iniuriam pas-
sorum. Noe octavus iusticie præco ab
improbis per centum & amplius annos
subfannatus. Abraham à Chaldeis varie
divexatus & in ignem vt traditio Hebræ-
orum est, coniectus. Loth, inter pesti-
mos Sodomitas iniquis operibus de die
in diem cruciatus. Iob inter impios Idumæos afflictus. Et extra scripturam varia
patientie specimina habes. S. Martinus
adversarium suum patientissime sustinuit
illud replicans: Si Christus indam passus est,
cur ego non pariar Brictium? Perpende pa-
tientiam ipsius Virginis Beatissimæ, qua
tolerabat omnes iniurias Filio suo & sibi
facto ac verbo irrogatas à filijs hominum
quorum dentes arma & sagitte, & lingua
eorum gladius acutus. Oratio ad Virgi-
nem Beatissimam pro virtute patientie
Propositum & Tessera vt supra.

MEDITATIONES

Ad modestiam allicientes.

PRO DOMINICA QVINQVA-
GESIMÆ.

*De ceco illuminato & increpatione
eius.*

Preludium iunum. Statue ante oculos
tuos

tuos Iesum modestissimum ascendentem Hierosolymam, prædicentem passionem suam, & cæco lumen impertientem.

Præludium 2dum. Pete gratiam, vt te illuminet, quatenus per virtutem modestiæ fias velut lux quædam alijs bono exemplo lucens.

Punctum 1mum. Cæcus quidam sedebat secus viam. Fuit is Bartimæus, id est filius cæcus. Considera virtutes huius cæci. 1mo. fidem qua Christum esse Messiam & filium David credidit. 2do. fervorem in oratione, quia cum affectu clamabat: *Iesu Fili David, miserere mei.* 3tio constantiam quia cum moneretur vt taceret, magis vocem elevabat. 4to. gratitudinem, quia sanatus sequebatur Iesum magnificans Deum. Cæcus hic est typus cuiuslibet peccatoris à Christo per gratiam illuminati, de quo illud: *Cum sedero in tenebris, Dominus lux mea est.* Michææ 7. Imitare virtutes cæci istius.

Luce 18.

Mar: 10.

Punctum 2dum. Et qui præbant increpabant eum vt taceret. In tota illa turba & comitatu ob reverentiam Salvatoris nullus clamor, nullus tumultus erat, sed silentium & modestia omnis; ideoq; & cæcus increpatur, quod præsentē Salvatore immodestiùs clamaret. Præsens est tibi Christus: ne ergo clames, ne cachinneris, ne le-

ne levitates exerceas, ne quidquam indecens opereris. Propositum abstinendi in publico à circumpectionibus, & omni immodestia. Virtus: *modestia*. Tesseræ per Septimanam repetendæ: aut omnes aut aliqua earum:

Domine Iesu sit oculus meus simplex & totum corpus meum lucidum.

Quocumq; iero tu me Domine non deseris, nisi prior ego te deseram ubicumq; fuero non recedis. quidquid facio ante te facio: S. August.

O lux animæ meæ! o beata dulcedo Domine, da mihi placere proximo in edificationem.

PROFERIA II.

De presentia Dei per 3. modos.

Prælium 1um. Cogita videre te quasi immensum lumen quod univrsam orbem velut punctum penetrat & illustrat.

Prælium 2dum. Pete gratiam congruentem.

P*unctum 1um. Contemplare omnes univrsi partes, & quidquid in illis est. 1mo. Cælum cum sole, luna, stellis. 2do. Elementa: ut ignem cum sphaera sua; aerem cum nubibus, pluvijs, ventis, avibus; aquam cum piscibus & monstris marinis; terram cum arboribus, animalibus, segetibus, lapidibus. 3tio. locum ubi stas aut flectis, & teipsum & omnia existentia, imò etiam & possibilia, & spatia ima-*

gina-

ginaria: nihil ex istis invenies quod non occupet & intimè penetret DEUS. O quam cæci sumus qui sic præsentem non veremur ut iudicem, non amamus ut Patrem!

Punctum 2dum. Considera 3. modos quibus Deus noster est in omni loco, & in omnibus rebus. imò. per essentiam quia verè ac realiter est in illis secundum suam totam divinitatem. Quare credendum est quod hic ubi ego sum, est DEUS secundum totum suum esse, Pater & Filius, & Spiritus S. & idem qui hic est, est etiam in cælo; & si hîc haberem lumen ad ipsam clarè cognoscendum, hic me faceret beatum. 2do. per præsentiam: quia omnia cognoscit & videt individua, opera, verba, cogitationes, desideria, motus omnes cuiusq. rei. 3tio. per potentiam: quia non solum est cognoscens quid in vno quoq. sit, sed etiam suâ omnipotentia dat omnibus rebus esse & operari. Non itaq. Deum locus sustinet sicut me: sed Deus ipse locum sustinet, & quod alique res sunt, ideo sunt quia ipse illis dat esse; quod vivunt vel vegetantur, vel intelligunt. Deus ipsis dat vivere, vegetari, intelligere. O anima si oculum tuum elevares, videres te nunquam esse solam; gauderes de præsentia talis Mo-

*Triplex
modus præ
sentiae di-
vine.*

narchæ quovis loco: illiq; soli placere non hominibus aut tibi studeres.

Punctum 3tium. Considera adhuc magis particulares modos quibus Deus est intra me & ego intra ipsum. 1mo. quia me circumdat & ambit ex omni parte sicut aer avem, aqua piscem. 2do. quia quemadmodum pupilla est intra oculum ita ego sum intra ipsum. 3tio. quia exi-
sto in illo velut in abyſſo inſcrutabili, ac
ut in oceano immenſo: velut in lumine
inſinito: in igne ſemper ardenti. 4to
quia ſemper circumdor eo tanquam in-
ſans vtero, vt non poſſim vivere, ſpirare
moveri niſi per ipſum & in ipſo. O ani-
ma mea quomodo non exultas aſpiciens
te ipſum, hoc modo intra Deum tuum
quomodo audebis peccare! Propoſitum
& Teſſera vt ſupra.

PROFERIA III.

Præſentia Dei modestie autrix.

*Dens sem-
per nobis
præſens
tanquam
ſpectator.*

Punctum 1mum. Qui in ſcena perſo-
nam aliquam ſpectante Rege, Sena-
toribus, magna; hominum frequentia a-
git; curat vt quam optimè agat. In thea-
tro mundi huius perſonam Chriſtiani. Sa-
cerdotis, Religioſi ſpectante Deo, Ange-
lis, totoq; cælo agendam ſuſcepimus
quidni ergo curemus exactè implere

Quid

Quid tibi Christiane cum pompis Diaboli quibus renuntiasti? quid cum moribus gentilium? saltus impudici, larvatae facies, cantus inhonesti, non sunt Christianae militiae sed gentilissimi. Sed & tu Sacerdos, tu Religiose considera quomodo personam tuam agis in conspectu Dei.

Punctum 2dum. Quis audebit peccare *tanquam*
vel leviter in conspectu Dei sedentis super *iudex.*
throno iudiciario in Majestate magna, imo verò quis tunc non tremet & non pavebit? Anima mea, idem ille est coram quo ambulas nunc: in eius oculis versaris: ergone peccabis & non potius in timore ac tremore te habebis. Caelestes potentatus contremiscunt coram tanta maiestate: & tu miser ac miserabilis homuncio, ridebis, insolesces, peccabis?

Punctum 3tium. Si aliquis iudex aut iustitiae executor potestatem habens super *tanquam*
pra vitam tuam tibi semper quocumque te *vltor.*
verteres, praesens cum districto gladio adesset, possetque te dum aliquid mali patras aut loqueris, statim occidere; non ne caustissimus esses, teque decentissimè gereres. Sane Deus cum districto gladio iustitiae suae semper nobis adest praesens, potestque nos dum aliquid mali lethalis facimus, perdere in instanti & mittere in gehennam: imò & fecit multis sic, quorum

exempla scire potes. Time ergo & tu.
Verè magna nobis indita est necessitas iuste,
piè & timorate vivendi, quia cuncta faci-
mus ante oculos iudicis cernentis. S. Aug.
Propositum & Tessera vt supra.

PRO FERIA IV.

*De natura actibus & motivis
modestiae.*

*Modestia
natura.*

Excellentia

Utilitas.

Actus.

Motiva.

Punctum 1^{um}. Considera quid sit
modestia? est enim virtus inclinans
hominem ad componendos iuxta ratio-
nis dictamen externos motus. Considera
item quæ excellentia, utilitas & necessi-
tas ipsius. Excellentia magna; maximè
enim commendabilis homo modestus. U-
tilitas eius & necessitas summa præcipue
in Religioso. Religiosus enim immoder-
atus facile scandalisat fratres & sæculares.
Vt autem mundo a scandalis. Actus mo-
destiæ sunt motus iræ comprimere: in in-
cessu, statu, habitu, in omnibus motibus
decentiam servare: in recreationibus non
effundi in nimiam lætitiā: in vestitu
honestatem non molli tudinem tenere. Fu-
ga scandali. Exercitium actuum modestiæ.

Punctum 2^{um}. Motiva modestiæ sunt
imo. præsentia & aspectus Dei. hoc mo-
tivo hortatur Apostolus ad modestiam.
Modestia vestra, nota sit omni-bus hominibus

Domini.

Dominus enim propè est. hoc est, ut se explicat: non longe est ab vno quoq; nostrum. Ipsi enim & genus sumus & in ipso vivimus movemur ac sumus. In conspectu Regis, Superioris. &c. compositi sumus; cur non in conspectu Dei? 2do. Status Sacerdotalis & monasticus. Sacerdotis Christi os, mens, manusq; concordent. ait Hieronymus. Velut sermo & doctrina Sacerdotum sancta est; ita & manus, & oculi sancti esse debent, illæ quia Deum quotidie attrectant; hi quia spectant. 3tio. exempla Christi, Beatissimæ, Sanctorum, fratrum degentium. 4to. memoria mortis, quam habere monemur, dum cineribus in Ecclesia conspergimur. Propositum Tesseræ ut supra.

PROFERIA V.

Modestia lux nostra.

Punctum imum. Sic luceat lux vestra coram hominibus, ut videant opera vestra bona, & glorificent Patrem vestrum qui in cælis est. Tenebræ peccata sunt, & quidquid dedecet hominem. Lux sunt opera bona, vita & conversatio bona: omnem enim quod manifestatur lux est. bona autem vita, bona opera non quærunt latebras, sed manifestari gaudent. Præcipue verò modestia nostra lux est; quia sicut

Matt. 5.

lux rapit ad se oculos & delectat: ita & modestia.

*Modestiae
fructus.*

Punctum 2dum. Tota lux vitæ & conversationis nostræ ad id solum debet tendere vt Pater æternus glorificetur; vt qui vident nos bene compositos magnificent Deum. Non nostram gloriam sed Dei in propatulo dum sumus, quærere debemus. Vide fructus boni operis, modestæq; conversationis. imo. tu ipse lucas, hoc est lucem famæ bonæ acquiris. 2do. proxima edificatur & exhilaratur. 3tio. Deus glorificatur. *Colloquium:* O IESU lux animæ meæ, fac me ita vivere vt luceam coram oculis tuis & hominum, bona famæ operibus pijs, modestiæ actibus, & moribus integerrimis? Tota lux vitæ & conversationis meæ ad id solum tendat vt cum Patre & Sanctissimo Spiritu glorificeris. Dicant milliesq; repetant timentes te & videntes me: *Benedictus Dominus Pater Domini nostri Iesu Christi.* Benedictus & millies benedictus in seruis suis. A nullum alium finem permittas me coram hominibus opera bona facere O IESU Alpha & Omega, principium & finis meus! Propositum & Tessera vt supra.

PROFERIA VI.

*Oportet honestè ambulare ad eos
qui foris sunt.*

Punctumimum. Rogamus vos fratres vt
abundetis magis: & operam detis, vt Normā vī
quieti sitis & vt vestrum negotium agatis: tæ perfe-
& operamini manibus vestris, sicut præcepi- ctioris ex
mus vobis: & honestè ambuletis ad eos qui Apostolo.
foris sunt. i. ad Theſſal: 4. Præſcribit A-
postolus normam vivendi nobis, simulq;
obsecrat & præcipit, vt hanc normam se-
quamur, hoc est, vt abundantes gratia
Dei & virtutibus, incrementum & ma-
iorem abundantiam summa cum sedulita-
te curemus: vt quieti simus, non discoli,
non instabiles, non leves, non immodesti:
vt quod officij nostri est peragamus: vt o-
peremur manibus, otium semper fugien-
tes, & labore manuali honestisq; exerci-
tijs tempus terentes: demum vt ad eos *Foris sunt*
qui foris sunt honestè ambulemus, id est, *qui sunt*
in omni inter homines conversatione ho- *extra Ec-*
nestatem servemus, honesta loquamur, *clesiā vel*
honestā agamus, intra honestatis & vere- *extra re-*
cundiæ metas sensus nostros, potissimum *ligionem*
visum & tactum teneamus. Sancta Regu- *nostram.*
la! Expende an eam hucusq; sis secutus?
si ita, Deo gratias age; si secus, dole &
emenda.

Punctum 2dum. De cetero quaecumq; iusta, quaecumq; sancta, quaecumq; pudica, quaecumq; bonae famae, si qua virtus, si qua laudis disciplina, haec cogitate, haec facite. Qualem putas fuit qui talia cum tali obtestatione docuit. Vis scire qualis fuerit? audi loquentem de se ipso: *Vivo ego, iam non ego, vivit verò in me Christus.* Si & tu iusta, sancta, pudica cogites, & facias amore Dei, amore virtutis; Christus vivet in te; Christi bonus odor eris; Christum omnes timorati in te odorabuntur, & venerabuntur. *Propositum & Tesseram* supra.

PRO DIE SABBATI.

Modestia Virginis Beatissimae: status nostri imitanda.

Punctum 1mum. Modestiam Beatissimae Virginis sic pingit D. Ambrosius lib: 2. de Virg: Nil torvum in oculis, nihil in verbis procax, nihil in actu inverecundum: non gestus fractior, non vox petulantior, non incessus solutior; ut ipsa corporis species simulacrum fuerit mentis, figura probitatis. Talis ergo Virgo Beatissima. Anima mea vtinam imiter Matrem filius Dominam servus, & Heram mancipium. Expende singulos modestiae actus hic expressos, & propone imitari.

*Modestia
Virginis
Beatissimae.*

Punctum 2dum. Ut modestiam, Virgi- *Status no-*
 nis Sacratissimæ eò magis imitemur, sta- *ster mode-*
 tum nostrum perpendamus. Sancti facti *stiam re-*
 sumus per gratiam iustificantem, per or- *quirit.*
 dines Sacros, per Professionem & vota es-
 sentialia; ergo ita nos geramus in omni-
 bus actibus, motibusq; , vt in nobis nihil
 sit quod nostræ huic repugnet sanctitati.
 Quod Timotheo, hoc vnicuiq; nostrum
 credamus dictum: *Exemplum esto fidelium*
in verbis, in conversatione, in charitate, in
fide, in castitate. Nihil enim est quod ali-
 os magis ad pietatem & cultum Dei pro-
 vocet, quàm eorum vita & exemplum qui
 se divino ministerio dedicarunt: in eos
 namq; tanquam in speculum reliqui ocu-
 los conijciunt, ex eisq; sumunt quod imi-
 tentur.

O IESU qui dixisti: *Estote perfecti si-*
cut & Pater vester. utiq; vis etiam & iu- *Colloquiũ.*
 bes vt simus perfecti & modesti, sicut &
 Mater nostra: rogo itaq; per modestiam &
 verecundiam ipsius, vt in oculis meis non
 sit torvitas, multo minus lascivia; in ver-
 bis non sit procacitas, scurilitas & irrisio;
 in actu non sit vlla levitas & inverecon-
 dia: gestus meus, vox mea, incessus me-
 us, deniq; omnia mea exteriora & multò
 magis interiora sint bene ordinata.

O dulcissima Virgo, fac tuis precibus

Ps

vt mo

DE IEIUNIO & ABSTINENTIA.

vt me conformem sanctis tuis moribus,
verecundiam tuam æmuler, modestiam
secter, pudiciam mēte & corpore colam.

O Domina mea noscant omnes me tuum
seruum esse, tuum mancipium esse
non modò ex religione & devotione ad
te, sed etiam ex morum tuorum imitatione.
Propositum. Tessera vt supra.

MEDITATIONES

Ad ieiunium & abstinentiam im-
pellentes.

PRO DOMINICA I. QUADRA-
GESIMÆ.

De solitudine & ieiunio Christi.

Punctum imum. Christus Dominus
post baptismum secessit in desertum.
O quos & quam sublimes humilitatis
gratitudinis, resignationis, amoris, affe-
ctus illic eliciebat; quàm amarè peccata
nostra desolebat, quàm ardentè perfecti-
onem nobis à Patre æterno exposcebat.
Considera causas ob quas desertum peti-
erit. ima est vt tentaretur à diabolo. Di-
abolus enim magis tentat aliquem cum
solitarius, quia vt dicitur Ecclesi 4.
quispiam prævaluerit contra vnum, duo res-
sistunt ei. Et inde est quod Christus in deser-
tum

*Causa ob
quas Chri-
stus Do-
minus de-
sertum pe-
tijt.*

*Desertum
campus
certami-
nis cum
diabolo.*

tum exiit, quasi ad campū certaminis ut ibi à diabolo tentaretur. ait S. Thomas. 2da est ut exemplo suo fundaret & sanctificaret e-remiticam vitam. 3tia. ut nos erudiret, nihil ad ostentationem facere humanosq; favores vitare. 4ta. ut daret exemplū prædicatoribus à tumultibus interdū abscedendi causā orationis. 5ta. causa mystica: ut Adam de exilio liberaret, qui scilicet de paradiso in desertū eiectus erat. Gratias age Christo Domino pro fundatione vitæ solitariae. Ora ut per gratiam eius fortiter cum diabolo in deserto religionis pugnes: orationi, contemplationi, alijsq; sacris exercitijs debitè insistas: omnemq; iactantiam & ostentationem fugias.

Punctum 2dum. In eodem deserto 40. diebus & noctibus Christus Dominus *je-* *Cur Xrus*
iunavit abstinens prorsus ab omni cibo in *ieiunavit.*
oratione pernoctans & humicubans idq;
imo. ut iustitiam omnem veterum Patrum
impleret. 2do. ut peccata nostra commis-
sa per gulam expiaret. Si ille castigavit
in se peccata aliena; tu detrectabis puni-
re propria? 3tio. ut doceret quod per
ieiunium debeamus nos munire contra
diabolum. Unde S. Chrysostomus super
Matt: dicit: *Ut discas quam magnum bo-*
num est ieiunium & quale scutum adversus
diabolum, & quoniam post baptismum non
lasci-

lascivia sed ieiunio intendere oportet: & ipse ieiunavit, non eo indigens, sed ea instruens. Non autem ultra processit ieiunando quàm Moyses & Elias: ne incredibile videretur carnis assumptio. Propositum extra tempus refectionis communis nihil comedendi aut bibendi. Virtus: abstinentia. Tessera.

O Iesu da mihi vt cibus meus potusq; facere voluntatem tuam.

Esuriat te anima mea, sitiatur te caro mea: desideret te tota substantia mea, donec intrem in gaudium tuum. S. Augustinus.

Hoc me docuisti Domine, vt quemadmodum medicamenta, sic alimenta sumptarum accedam. Idem in confessi.

PRO FERIA II.

Abstinentia proficua vtrig; vite & naturali & spiritali.

Punctum unum. Ecclesi. 37. Propter crapulam multi perierunt. Multi perierunt in anima & corpore. Habes exemplum in Sodomitis. Percurre &amina exempla eorum, qui vel in peccatum vel in morbum lapsi sunt ex ebrietate: qualia exempla sine dubio multa tibi occurrent. Detestare crapulam & ebrietatem: propone sobrietatem & abstinentiam seruire. Qui autem abstinens est ad-

ciet

De IEIUNIO & ABSTINENTIA.

237

vitam, scilicet vitam gratiæ imò & naturæ. Homines frugales & abstinentes non raro etiam absq; medicinis & fomentis producant vitam ad annum 60. & amplius: ebriosi & gulosi in iuventute extinguuntur. Pete virtutem abstinentiæ.

Homines
frugales
longævi.

Punctum 2dum. Monet Salvator: Attende ne corda vestra graventur in crapula & ebrietate & curis sæcularibus. Qui gravatur, inclinatur ad terram. Crapula & ebrietas & sollicitudo nimia; pondera sunt gravia deprimentia hominis animam ad terram. Gulosus enim solis iocandi, potandi, stertendi desiderijs tenetur. Infartus & ingurgitatus venter non finit orare aut boni aliquid operari: curæ sæculares dissipant animum vt nequeat esse attentus & collectus in divinis; submove hæc pondera: & statim anima ad centrum suum, hoc est, ad Deum elevabitur. Monitum Christi hoc permoveat te ad abstinentiam: permoveat item incertitudo exitus ex hac vita. Quid tecum ageretur, si te mors deprehenderet ebrietate vel crapula, aut curis sæculi gravatum.

Tria gra-
vant ani-
mam.

Motiva
abstinen-
tiæ.

O dives bonarum dāpū (imploro misericordiam tuam cum servo tuo Augustino) satiæ opulentissimæ largitor Deus: da lasso cibum, cibum spiritus, refectio- nem internam: collige dispersum, libera ca-
pti-

ptivum, redintegra scissum: aufer à me concupiscentias ventris: & animo irreverenti & infranito ne tradas me. Propositum & Tessera vt supra.

PRO FERIA V.

Et esca & venter destruentur.

Punctum 1^{um}. Esca ventri, venter & esca; Deus autem & hunc & hanc destruet. Esca creata à Deo est, vt esuri succurrat; venter autem creatus, vt recipiendo cibos eosq; concoquendo, humores dispenset in corpus totum, sicq; vitam hominis conservet. Utraq; res corruptibilis, veniet enim tempus quo venter & esca in putredinem abibunt. Si ita est, cur ergo tanto studio quarimus alimenta & liquores? cur tanquam victima in propriam mortem saginamur? cur non observamus quid & quantum cibi potusvè necesse nobis sit ad vitam sustentandam? cur nos gravamus & inidoneo facimus ad opera nostra ad officia nostra per excessum in edendo & bibendo? Vivimus vt bibamus, non bibimus vt vivamus. Pudeat vitæ brutalis!

Venter Da gon, Punctum 2^{um}. Deus ipse destruet, ille idem qui creavit. Sed quare destruet? venter gulosis & ebriosis Deus est. Iustum ergo vt non solum animus cultorum eius

punct.

DE IEIUNIO & ABSTINENTIA.

239

puniatur, sed & idolum ipsum, Dagon ipse confringatur & in pulverem redigatur. Quando autem id fiet? Incertum quando lapis abscisus de monte sine manibus Christus IESUS percutiet statuam hanc carnem & comminuet. Quis scit an non hodie? an non hac hora? an non hac nocte? Affectus competentes eliciendi. Oratio pro virtute abstinentiæ obtinenda. Propositum & Tessera vt supra.

*Quando
cominuetur,
incertum.*

PROFERIA IV.

Duplex alimentum hominis: spirituale præstat corporali.

Punctum unum. Non in solo pane vivit homo, sed in omni verbo, quod pro-
cedit de ore Dei. Sicut duplex est vita hominis: naturalis qua vivit secundum naturam; & supernaturalis, qua vivit secundum gratiam; ita duplex est alimentum congruum conservandæ utriq; huic vitæ. Vitam naturalem conservat panis materialis cum potu: vitam gratiæ, conservat verbum Dei, & sicut vita gratiæ incomparabiliter est præstantior vitæ naturæ, ita alimonia spiritus panis corporali. Legis aliquid spirituale vel audis? manducas panem cælestem. meditaris le-
ta vel audita? masticas eundem. mentio-
rie mandas? in spiritualem stomachum

*Duplex vi-
ta homi-
nis & du-
plex ali-
mentum
eiusdem.*

traie-

traiecisti. Ex plenitudine ciborum materialium ructus fiunt. Etiam quando venter spiritualis, mens scilicet impletur cibo, eructat voluntas per os, verbum bonum. Vis scire stomachum tuum non esse spiritualiter ieiunum & famelicum? hinc discite si verba ædificatoria & sancta eructat. Ex abundantia cordis os loquitur.

Punctum 2dum. Non in solo, &c. Tantum est efficacia escæ spiritualis, quod non solum prodest ad vitam gratiæ sed etiam ad vitam naturæ conservandam. Res enim superioris ordinis continet in se perfectiones ordinis inferioris. Vide mihi Paulos Thebeos, Antonios, Hilariones & cuncta Ægypti monachorum examina qui tam diu vixerunt sano & succulento corpore, cum tamen in perpetua fame inediaque fuerint, solâ spiritus repleti plenitudine. Spiritus gaudens ætatem floridam ideoque diuturnam facit. Gaudium autem spiritus causatur per verbum Dei auditum, ruminatum, traiectum in interiora cordis & opere ipso impletum. O dulcedo amoris & amor dulcedinis comedat te venter meus, & nequæ tui amoris repleant viscera anime mee. & eructet mens verbum bonum. Verbum tuum Dominus botrus est simul famem pellens & sitim extinguens. Dulcescat mihi oro botrus

Esca spiritualis etiam animam a malem vitam conservat.

Affectus.

S. August.

Re: amarescat omnis materialis cibi & potus delectatio. Propositum & Tesseria per diem geminanda sumatur ex die Dominico.

PRO FERIA V.

Inductiva varia ad abstinentiam & frugalitatem victus.

Punctum imum. Considera quomodo caniculi pleriq; obliiti naturæ suæ ut rustulum panis aut carnis accipiant, seruiunt & ablandiuntur Domino suo; tumq; illis porrigitur, non avidè non voraciter, sed paulatim sumunt, & quodammodo temperanter, ad confusionem nostram. Bruta quoq; alia ultra necessitatem non comedunt nec bibunt; quomodo tu?

Punctum 2dum. Quàm multi homines prohi in sæculo pativntur famem, & vix inveniunt aliquando grossum & smuciatum panem quo se reficiant: haustu aquæ sitim pellunt. Lasarus cupiebat saturari de micis mensæ Epulonis, & nemo dabat illi, epulo verò quotidie se ingurgitabat. Quanti Lasari nunc in mundo! sed Lasarus post famem suam manibus Angelorum deportatus ad delicias cælestes: epulo manibus dæmonum ad tormenta inferni tractus. Elige sortem quæ placet: Lasari vel epulonis?

Caniculi
& bestiae
quales in
sumendo
cibo & potu.

Pauperes
& Lasari
in mundo.

SS. Sacra- *Punctum 3tium.* Revolve mente quā
menti su- frequenter accedis ad sanctissimum Sa
sceptio gu- cramentum. Panem Angelorum, manna
lam da- cæleste quotidie ferre manducas; ergo
mnat. eo refectus carnes & ollas desiderabis Æ
 gyptiacas, qui amore Dei tam boni æstu
 are debes? ergone te replebis cibo & po
 tu? ergo ne vino & ficera æstuabis? ergo
 per eandem ianuam per quam vita intra
 vit, mors ad te ingreditur? Vide
 forte canis sis propter gulam & affinia
 læ vitia, audeas tamen manducare panem
 filiorum? Propositum & Tesserā ut supra

PRO FERIA VI.

*Saturitas esurientium iustitiam
 quæ? & quis cibus Christi in
 Cruce?*

Esurire & **P**unctum 4m. Beati qui esuriant
sitire iu- sitiant iustitiam: quoniam ipsi satur
stitem buntur. Esurire & sitire iustitiam, est to
quid? to animi fervore, totis conatibus deside
 rare & procurare iustitiam: quæ pen
 gratiam habitualement, consistit in collecti
 one virtutum omnium. Non esurit ne
 sitit iustitiam qui lentus & ignavus est ad
 profectum spiritualement. Saturabuntur esu
 rientes eiusmodi & sitientes: quod & quan
 do? ipse Deus erit cibus potusq; illorum
 Comedent favum mellis æternæ gloriæ
 bibent

*Quo &
 quādo sa-
 turabun-
 tur eius-
 modi esu-
 rentes?*

DE IEIUNIO & ABSTINENTIA.

243

bibent de torrente voluptatis. O quando
edam, quando bibam ad mensam Patris
tui Salvator mi, inter choros canentium
& exultantium! o satietas semper nova
quando te experiar? nunc cinis sit cibus
meus: nunc lacrymæ sint potus meus:
nunc fame sitiq; premar, vt satier in cæ-
lestibus.

Punctum 2dum. Nullus cibus tam ama-
rus qui si recordatione aceti & fellis Christi
temperetur non statim fiat dulcor. S. Ber-
nard. Si beatitudo & satietas æterna ci-
bum exiguum vilem & insipidum non
appretiat tibi, nec dulcorat; recurre ad
Passionem Domini nostri: reminiscere
quid comedit, quid bibit, hodie dulcissi-
mus IESUS? integra fame fuit vsq; ad
horam sextam, hoc est, vsq; ad nostratem
duodecimam. tandem in mensa crucis ap-
positum ipsi fel pro cibo, acetum pro potus;
ne cupediæ Christi, hæc bellaria! O mi
IESU recorder semper huius cænæ tuæ;
vt frangam & refrænem gulam meam,
hoc est, inordinatū edendi & bibendi ap-
petitum! Propositum, & Tessera vt supra.

*Fel & Ace-
tum quo
Christus
potatus
dulcorat
cibum po-
tūq; vi-
lem & in-
sipidum*

PRO DIE SABBATI.

*Auiditas edendi nociva: imitatio-
ne Virginis MARIE frangenda.*

Punctum 1mum. Noli auidus esse in omni
Q₂ epula-

Ex auiditate in comedendo cholera. epulatione, & non te effundas super omnem escam. In multis enim escis erit infirmitas, & auiditas appropinquabit vsq; ad choleram. Eccl: 37. Duo vetantur: auidè comedere

& multum; vtrumq; nocivum. Si multum atq; auidè comedas, cholera exuberantiam non effugies; cholera autem quantum malum! bestiam facit ex homine, ac vitam lædit vtramq; & naturæ & gratiæ. Deinde avidi in edendo & bibendo interdum suffocantur. Propono tibi Davidem in summa aviditate bibendi se mortificantem, & aquam sibi allatam Domino libantem.

S. Ambrosius. Punctum 2dum. Mariæ Virgini si quando reficiendi successisset voluntas, cibus plerumq; obvius fuit qui mortem arceret, non delicias ministraret. Eius vita omnium nostrum disciplina est: idèò discamus non aliter nec plus de cibo potuq; sumere, nisi quantum sufficit ad mortem arcendam, & ad nos in servitio divino solitisq; officijs & ministerijs idoneos reddendos. Oratio ad Beatissimam pro virtute abstinentiæ consequenda. Propositum, Tessera vt supra.

Temperantia Virginitatis Beatissimæ.

MEDITATIONES.

De Passione Domini nostri IESU Christi.

QUamvis meditationes mysteriorum passionis Christi, præcipuè pertinent ad supremam vitæ illuminativæ partem; nihilominus sunt valde vtilis omnibus quæcumq; viam illi teneant. Nam incipientes inveniunt in eis efficacissima motiva ad spiritum purgandum passionibusq; mortificandas: proficientes ad ascendendum in omni genere virtutum: perfecti deniq; ad consequendam ardentem amorem unionem cum Domino Deo. Hinc S. Bernardus ait Passionem Christi Domini usq; ad hanc diem facere, ut terra tremat, lapides confringantur, & aperiantur sepulchra & templum veli scindatur. Nam qui in ea meditantur, si terra sunt ob affectiones ad res terrenas, tremunt sancto Dei in filium suum iustitiæ timore commoti, & ad quosvis inordinatos affectus deferendos excitantur: si lapides ob duritiem cordis, emollescunt & confringuntur magnitudine doloris: si sepulchra clausa ob pudorem manifestandi suas culpas, aperiantur confessione: omnibus deniq; scinditur velum, quod dividebat inter Deum & nos, ut possimus iuxta Apostolum revelata

lata facie gloriam Domini & abyssum celestium eius secretorum perscrutari. Hanc ob causam meritò dicebat Albertus Magnus, simplicem passionis Christi meditationem plus utilitatis adferre homini, quam si anno integro in pane & aqua ieiunaret, flagellis se quotidie usque ad sanguinem caderet & psalterium totum recitaret. Hæc enim exercitia & si bona sint, si tamen nondum exerceantur non habent tantam vim ad purificandum cor à vitijs, virtutibus illustrandum & divini amoris affectibus perficiendum; atque attenta & profunda Christi Domini nostri passionis meditatio. Extat liber antiquus Concionum de passione Christi, in cuius præfatione legitur ista: Qui magnas opes exiguo labore consequi & fulgentem coronam tuto ac nulli periculi certamine mereri cupit, dedat se exercitio meditando vitam & mortem doctrinam & merita Salvatoris nostri IESU Christi. In eadem meditatione si ad finem usque perseveraverit, gratiam Dei tam certò sibi promittat, ac si dignus certum in sua potestate haberet. Tantæ utilitatis est Dominice passionis meditatio!

PRO DOMINICA II. QUADRAGESIMÆ MEDITATIO.

De trasfiguratione Domini.

Punctum unum. Apparuerunt illis Moyses

ses & Elias loquentes cum IE SV. Mat: 12.
 Quid loquerentur expressit Lucas: Dice-
 bant, inquit, excessum eius quem completu-
 rus erat in Ierusalem. Excessus hic de quo
 loquebantur est excessus è vita: nimirum
 passio morsq; Salvatoris, quam in Ierusa-
 lem ex quodam amoris erga nos excessu
 suscepit. Vide quomodo passioni Christi &
 Moyses & Elias, hoc est, & lex & prophe-
 tæ perhibent testimonium: vide quantum
 placeat Christo meditatio passionis suæ,
 quando etiam in illa gloriæ manifestati-
 one non aliam habuit materiam confe-
 rendi.

Punctum 2dum. Considera circumstan-
 tias Dominicæ transfigurationis. In mon-
 te, seorsum ab hominibus, sub tempus o-
 rationis, resplenduit facies Christi: & tu
 in studio perfectionis, in solitudine, in
 in oratione, in affectuosa meditatione
 passionis Dominicæ illuminaberis, atq;
 consolationes internas percipies; quan-
 quam ultimè propter has orare vitiosum
 est. Mercenarij dicendi sunt, qui consolatio-
 nes querunt, & sui potius quam Christi a-
 matores probantur. Considera item. Iu-
 cunda non erit nobis experientia passio-
 nis Dominicæ, nisi crebrò eam rumine-
 mus: nisi frequenter loquamur & medite-
 mur de excessu Salvatoris nostri. Propo-
 situm

*Circumstã
 tiæ trans-
 figuratio-
 nis Do-
 minicæ.*

*Thomas à
 Kempis.*

fitum devotè de Passione Domini meditandum
& orandum ac pro indulgentijs lucrandis statim
ones devotè absolvendi. Virtus: devotio ad
passionem Domini. Tesseræ alterutra ve
vtraq; ex subiectis frequentetur. Qui pas
sus es pro nobis, Iesu Christe miserere nobis.

O mira tuæ circa nos pietatis digna
tio! o inestimabilis dilectio charitatis!
servum redimeres, filium tradidisti.

PROFERIA II.

De generalitate passionis Christi
Domini.

Generalitas
passionis
Christi.

Primo. ex
parte ho-
minum.

Punctum unum. Christus Dominus
pertulit omnem in genere passionem
primo. quidem ex parte hominum: qui
passus est à gentibus & à Iudæis, à masculis
& à feminis, à principibus & ministris
eorum & popularibus secundum illud psal-
mi 2di. Quare fremuerunt gentes & populi
li meditati sunt inania? Astiterunt Reges
terre & Principes convenerunt in unum, ad
versus Dominum & adversus Christum eius.
passus item à familiaribus & notis, ut à
2do. ex Iuda eum prodente, & Petro eum negan-
parte eo- te. 2do. ex parte eorum in quibus homo
rum in potest pati. Nam passus est in suis amicis
quibus ho- eum deserentibus: in fama per blasphemias
mo potest- mias contra ipsum prolatas: in honore &
pati. gloria per contumelias & irrisiones suis.

in re-

in rebus quia spoliatus est vestibus: in anima per tristitiam, tedium, & timorem: in corpore per flagella & vulnera.

Punctum 2dum. Tertio ex parte membrorum omnium: passus est enim in capite pungentium spinarum coronam; in manibus & pedibus fixationem clavorum: in facie alapas & sputa: in toto corpore flagella. *4to. ex parte omnium sensuum.*

Quoad tactum passus per flagella & clavos: quoad gustum, felle & aceto potatus: quoad olfactum, in loco fœtido cadaverum appensus patibulo: secundum auditum, lacessitus vocibus blasphemantium & iridentium: secundum visum passus videndo Matrem & discipulum fientes. Unde Hilarius ait imo de Trinitate: Unigenitus Dei ad peragendum mortis suæ Sacramentum consummasse se omne genus passionum testatur, cum inclinato capite emisit spiritum.

PROFERIA III.

Dolor passionis Christi, major omnibus doloribus.

Punctum 1mum. Dolor duplex est: alius exterior qui oritur ex corporali nocivo; alius interior qui causatur ex apprehensione alicujus nocimenti, & hic tristitia dicitur. Uterq; fuit maximus

Duplex dolor, alius interior, alius exterior.

Uterq; su- in Christo inter dolores presentis vitæ,
it maxi- & hoc propter quatuor. imo quidem pro-
mus in pter causas. Doloris sensibilis causa fuit
Christo in- latio corporalis, quæ acerbiter habu-
ter dolo- it, tum propter generalitatem passionis;
res vitæ namq; ut supra dictum, omnem in gene-
presentis. re passionem humanam pertulit Christus
imo pro- Dominus; tum propter genus passionis,
pter cau- quia mors crucifixorum est acerbissima:
sas doloris configuntur enim in locis nervosis, &
tam exte- maximè sensilibus, scilicet in manibus &
rioris. pedibus, & ipsum corpus pendens & gra-
 vans deorsum auget dolorem: & insuper

quàm in- dolor crucifixorum est diuturnus. Dolo-
terioris. ris autem interioris causa fuit. imo.

Omnia peccata humani generis, pro qui-
 bus satisfacerebat. 2do. Specialiter casus
 Iudæorum, & aliorum in ejus morte de-
 linquentium, & præcipuè discipulorum,
 qui scandalum passi in Christi passione.

3tio. Amissio vitæ corporalis, quæ natu-
 raliter est horribilis naturæ humanæ.

ceptibili- Punctum 2dum. Secundo, potest magni-
tate Chri- tudo doloris Christi Domini considerari
si Dñi, ex perceptibilitate tum secundum ani-
tum secun- mam, tum secundum corpus. Nam se-
dum ani- cundum corpus erat optime complexio-
nam tum natus: cum corpus ejus miraculosè fue-
secundum rit formatum operatione Spiritus S. sicut
corpus. omnia alia quæ per miraculum facta sunt,

perfecte.

perfectiora & potiora præ alijs fuere; & ideo in Christo maximè vigebat sensus tactus, ex cuius læsione sequitur dolor. Anima etiam secundum vires inferiores vivacissimè apprehendebat omnes causas tristitiæ. Nec diminuit dolorem Christi delectatio ejusdem ex visione Dei qua fruebatur secundum vires superiores, sed potius auxit. Nam naturaliter debebatur etiam viribus inferioribus animæ redundantia istius delectationis, sed est impedita per dispensationem divinam, quæ quanto fuit miraculosior, tantò in Christo fuit acutior & intensior dolor.

Punctum 3tium. Tertio magnitudo doloris Christi pensari potest ex doloris & tristitiæ puritate. Nam in alijs patientibus mitigatur dolor & tristitia ex aliqua consideratione, quod in Christo patiente non fuit, quia unicuique virium permittit agere, quod erat sibi proprium. 4to 4to. pro-
 pensa magnitudinem doloris Christi ex 4to. pro-
 eo quod passio ejus & dolor fuerit voluntariè susceptus ob finem liberationis hominum à peccato. Et ideo tantam magnitudinem doloris assumpsit, quæ esset proportionata magnitudini fructus, qui inde sequebatur. Iam considera quot & quanta peccata, pro quibus patiebatur! quantus fructus secutus?

PRO FERIA IV.

Quomodo Christus sit passus.

Punctum 1^{um}. Circumstantia hæc condimenti loco nobis esse debet ad gustum spiritualem inveniendum in omnibus quæ de Christi passione meditabimur. Passus est Christus D. voluntate non necessitate. Considera itaq; , quia quæcunq; tormenta tolerabat, nulla vi, aut necessitate tolerabat, sed spontaneè, & quia (vt Isaias ait) ipse voluit. Poterat enim Christus Dominus impedire passionem mortemq; suam, adversarios reprimendo, ne aut vellet, aut possent eum occidere, sicut & impedivit toties, antequam veniret hora passionis suæ à Patre præfinita. Præterea Spiritus ejus habebat potestatem conservandi naturam carnis suæ, & ita eam roborandi, ne per quodcunq; nocuum vel corpus mentum læderetur, aut deficeret; quod suum impossibile faciendo. quidem habuit anima Christi ex conjunctione sui cum persona Verbi. Vide amorem erga te: propone redamare: & quoties adversitatem & tribulationem aliquam necesse habes pati, necessitatem in voluntatem verte. Age gratias Deo: patienter te habe: auxilium desuper invoca, & expecta.

Punctum 2^{um}. Considera, quia quoad internam affectionem, omnia & singula pas-

la passus est, cum ineffabili dilectionis & desiderio affectu: dilectionis, nullam vindictam contra suos persecutores appetendo, imò salutem & gloriam illorum ardenter sitiendo: desiderio, offerendo se Deo Patri ad multo plura duriora & atrociora patienda, si divinæ ejus voluntati placuisset: omnibus quoque hominibus, non solum bonis & electis, sed etiam malis & reprobis, quos veluti imagines Sanctissimæ Trinitatis aspiciebat benefacere desiderando. O quanto fervore prædictos affectus continuabat.

Punctum 3^{ium}. Considera, quia quoad externam corporis habitudinem, omnia passus est cum eximia modestia, æquanimi-*Quomodo*
externe? tate, constantia; cum divina verborum suavitate & efficacia; cum perpetua vultus gravitate; denique cum summa omnium, etiam hostium admiratione, nullum unquam signum vel impatientiæ, vel vindictæ, tam verbo, quam gestu ostendendo. O si hoc ædificationis speculum crebro intuereris, quam pulchrum tu quoque speculum efficereris! Propositum & Tes-
tera ut supra.

PROFERIA V.

De consilio Iudaorum, contra Christum:

P*unctum 1^{um}.* Proximè ante passionem

nem suam Christus præmonuit discipulos dicens: *Scitis quia post biduum Pascha fiet: & filius hominis tradetur, vt crucifigatur.* Matth: 26. Ac si diceret: *Scitis hoc, quod Pascha post biduum fiet: scitote & istud, quod filius hominis eodem tempore tradetur vt crucifigatur.* Præmonuit autem propter varias causas. 1mo vt ostenderet se sponte non coactè mori. 2do. ne ex non præscita passione ejus, discipuli nimium turbarentur. 3tio. vt pluris tantam dignationem ejus se vltro ad mortem offerentis æstimaremus, ac magis redamaremus. *Post biduum pascha fiet,* ait Christus. *Transitus autem noster, id est phase, ita celebratur; si terrena & Egyptum dimittentes; ad celestia festinemus.* Per biduum significatur vita præsens propter duo præcepta charitatis, in quorum observantiâ, vitam præsentem decurrere debemus. Ora, vt per passionem Christi Domini agni immaculati post biduum vitæ præsentis ad pascha æternæ felicitatis pervenias.

Biduum,
vita præ-
sens.

Punctam 2dum. Principes Sacerdotum & seniores populi in atrio Caiphæ consilium inierunt, quo loco, tempore, modo, Christum dolo capere possent. O quanta malitia horum sacerdotum & seniorum! qui sano consilio alios adjuvare debebant,

illi

illi primi de morte Domini nostri consul-
tant. *Qui debuerant paschate vicino præpa- S. Hieron.*
rare victimas, levigare templi parietes, pa-
vimenta verrere, vasa mundare, & secundum
ritum legis purificari ut esu agni digni fe-
rent; congregantur ineuntes consilium quo-
modo occidant Dominum. Imitantur Iudæ-
os illi qui ea quæ status & officij sui sunt
intermittunt; interea verò vitæ aut famæ
proximi insidiantur. Tu non Iudæorum
perversitatem sed Christi bonitatem imi-
tare. Proponere benefacere his qui te ode-
runt.

PROFERIA VI.

*De Christo à Iuda 30. argenteis
vendito.*

Punctum unum. Biduo ante passionem
suam feria 4ta. hebdomadis cum ef-
fret IESUS Bethaniæ in domo Simonis le-
prosi, mulier effudit unguentum pretio-
sum super caput IESU: unde indignatus
Iudas abiit ad Principes sacerdotum & ait
illis: *Quid mihi vultis dare & ego eum tra-* *Matt. 26.*
dam vobis? Prima passionis Domini pars
primaq; ignominia & iniuria fuit quia ven-
ditus. Quare eam servando in posterum
more perpendemus per circumstantias. In
primo igitur hoc puncto expendemus du-
as circumstantias: quis sit venditus, &
cū

*Quis ven-
ditus?*

cur se permiserit vendi? quis? non Ioseph, non aliquis alius homo, sed homo-Deus, Christus IESUS in quo omnes thesauri cælestes absconditi: ille qui nullo pretio appretiari potest: ille cuius vnica sanguinis gutta propter vnionem sui cum persona verbi plus valet, quam infiniti mundi cum omnibus creaturis. Cur verò se per-

Cur?

Io ann: 8.

miserit vendi? vt nos à servitute peccati & pænis peccato debitis se ipso tanquam pretio inæstimabili redimeret. Servi enim eramus peccati quia *qui facit peccatum servus est peccati*, & per consequens servi eramus diaboli: quia à quo quis superatur huius & servus est 2. Petr: 2. Diabolus autem nos per peccata superaverat. Heu quam dura servitus ista!

A quo.

Quanti?

Punctum 2dum. In hoc puncto expendemus alias duas circumstantias. Imo quis vendidit? non hostis manifestus, sed discipulus, familiaris, Apostolus. 2do. quanti vendidit? 30. argenteis. Satis vile pretium pro Christo, pro Deo. S. Anselmus in dialogo ait hos argenteos fuisse eos ipsos pro quibus Ioseph ante 4. millia annorum venditus Ismaelitæ: quorum vnusquisq; 10. valebat vsuales. Consonant biblia extra vulgatam in quibus habetur Ioseph 30. argenteis venditum. O Iuda perditæ tantæ animam tuam Christus æstimat, qual-

quanti tu animam illius. Vili se vult aesti-
 mari IESU SVT ab omnibus ematur. S: Pau-
 linus Epist: 4. Etiam gratis absq; argen-
 to & absq; vlla commutatione cum eme-
 re potes tribus virtutibus theologicis &
 decalogo. Expende 3tio. quare vendidit?
 propter odium ortum ex monitionibus
 Christi, quæ ipsi videbantur asperæ: dein-
 de propter avaritiam, vt nimirum da-
 mnum quod ex effusione vnguenti se fecisse
 credebatur, Magistri pretio compensaret. S:
 Hieronymus. Avari & proprietarij religi-
 giosi reatum & damnationem Iudæ ti-
 meant.

Punctum 3tium. Hic expēdemus reliquas
 circumstantias. 1mo. quibus vendidit?
 non Matri quæ eum ante redemerat: non
 discipulis aut amicis, sed Iudæis hostibus
 sibi infensissimis. 2do. quem in finem ven-
 didit? vt exquisitis tormentis vitam ei
 adimerent. O diabolica vendentis crude-
 litas! O infernales emptorum furæ! O
 quoties nunc etiam viliore pretio à pec-
 catoribus pro vna voluptate, lucello, ver-
 bulo detractorio venditur Christus! Age
 gratias Salvatori tuo quod pro eliberati-
 one tui e servitute diabolica se vendi per-
 miserit: servitio eius te devove: & man-
 data eius stricte custodire propone. Pro-
 positum & oratio eiculatoria vt supra.

*Quem in
 finem.*

PRO DIE SABBATI.

*De missione duorum discipulorum ad
parandum Pascha: & valedictione
Matri suæ.*

Punctum 1^{um}. Prima autem die annorum in qua necesse erat occidere pascha, postridie licitationis Iudæ de sanguine Christi, scilicet feria 3^a hebdomadis, Christus Dominus Bethania, quæ fuit villa ex latere montis Oliveti sita, quæ 15. stadijs distans Hierosolymis, præmisit duos discipulos in Hierusalem ad parandum Pascha in domo in quam cum amphora aquæ hominem introeuntem viderent. Considera in primis exactam legis observantiam in Christo Domino quia noluit omittere, quod lege mox ad roganda præceptum erat. Secundo pertinet: quia domum & necessaria ad pascha celebrandum Dominus universæ terræ emendicabat. 3^{io}. præscientiam quia omnia quæ mox evenerunt, discipulis ad amissum prædixit. 4^{to}. potestatem in interiora cordium; quia mentem hominis duri & inhospitalis sic immutavit ut ænaculum quod sibi suæq; familiæ occupaverat, Christo Apostolisq; eius concederet.

Punctum 2^{dum}. Præmissis duobus discipulis
scip-

scipulis in Hierusalem antequam Dominus noster à Bethania exivit, valedixit Matri suæ insinuans instare tempus quo susceptum redemptionis humanæ opus esset consummaturus acerba morte sua. Perpende hîc, quis ad tale nuntium sensus fuerit Beatissimæ Matris, quando vno eodemq; doloris gladio fuit transfixum cor tam filij quam Matris, vno eodemq; amoris æstu liquefactum. His bene expensis vtriq; compatere. Ora Beatissimam Virginem per hanc valedictionem, vt tibi assistet quando mûndo valedices; vt per hanc & propter hanc amaritudinem quam sensit valedicente sibi filio suo dulcoret omnes amaritudines mortis tuæ. Propositum & Tessera vt suo loco.

PRO DOMINICA III. QVADRAGESIMÆ.

Fortis armatus superatus à Christo per humilitatem: vbi de lotione pedum.

Punctum imum. Cum fortis armatus cussodit atrium suum, in pace sunt ea quæ possidet. Luc: ii. Fortis armatus est Diabolus: domus eius est anima in peccato constituta: atrium huius domus est os hominis: quod quando custodit diabolus ne

in Sacramentalem peccatorum confessionem aperiatur, tunc manet in pacifica possessione animæ. Sic animam Iudæ pacifice possidebat dæmon: quia Iudas noluit aperire os suum ad confitendum peccatum suæ pactionis cum Iudæis de sanguine Christi quamvis ipsum ad id stimulabat Christus tum illo generali monito: *Unus ex vobis tradet me.* tum particulari allocutione: *Tu dixisti.* tum lotionem pedum. tum intincti panis porrectione. Vide quoties Christus atrium tuum à diabolo clausum hoc est, os tuum mutum aperuerit ad confitenda peccata tua! quoties fortem armatum, id est dæmonem ex anima tua eiecerit! Age gratias. Ora ut te perpetuo custodiat: ne per relapsum in peccata fiat iterum habitatio dæmoniorum: hancque novissima tua peiora prioribus.

punctum 2dum Si autem fortior eo super-
perueniens vicerit eum. Christus Dominus
fortior diabolo, vicit eundem. Per quid?
per humilitatem: per hanc obediens factus
Patri suo usque ad mortem: hanc in
omni vita sua & commendavit & servavit:
hanc demum in ultima cena post esum
agni paschalis ante institutionem SS. Eucharistiae in lotionem pedum præclarissime
monstravit, de qua Considera imprimis
quis sit qui servile ministerium abluendi
for-

*Quis lavit
pedes?*

sordidos pedes suscipiat? Admirare: gratias age: imitari propone. Considera deinde cui lavet? Petro primum, postea reliquis Apostolis & Iudæ ipsi. Credibile quia tunc aliquas lacrymas ex oculis elicit, illisq; cum aqua mixtis pedes discipuli perditici lavit, & tamen duritiem eius non emollivit. Emolliatur saltem cor tuum ad amorem Dei & proximi: & ad dilectionem inimicorum tuorum: adq; ad beneficentiam ijs præstandam qui te odunt.

Punctum 3tium. Ad extremum considera quomodo & cur lavat? Quomodo? tam internè vniversos (solo Iuda excepto) quàm externè. Cur lavat? non tantum vt sordes pedum abluat, sed etiam vt doceat quomodo se disponere quis debeat ad sacram Eucharistiam nempe per lavacrum penitentiae: vt item doceat quod verecundari non debeamus minoribus servire, ac vilia ministeria obire. Propositum aliquod vile obsequium fratribus faciendi. Virtus: Devotio ad passionem Domini. Tesserae frequenter ore aut mente per septimanam recitandæ:

Dulcedo cordium IESU quomodo repletus es amaritudine: inebriatus es absinthio!

Quo abiit dilectus tuus o pulcherrima mulierum: quo declinavit dilectus tuus: & quare remus cum tecum!

PRO

Cui?

Quomodo
& cur?

PROFERIA II.

De Christi & Apostolorum turbatione: nec non de duritie Iude.

Quare Iesus turbatus Iuda presente? **P**unctum 1^{um}. Recumbens cum discipulis IESUS turbatus est spiritu. & protestatus est & dixit eis: Amen, amen dico vobis quia vnus ex vobis tradet me. Ioan: 13.

Turbatus est IESUS imo. quia inter suos vidit Iudam hominem perversum, impatientem, obduratum: ac propterea, nec ex ceteris & cum ceteris gauderet Christus, suo contubernio, obstantem. Vide quantum doleat Salvator noster etiam de vnus perditione qui omnes vult salvos fieri. 2do. vt nos doceret quid agere debemus quando in magnum facinus & scelus aliquem hominem rueri videmus; nimirum vt turbemur supra ipsum spiritum, id est, spiritualiter. Spiritualis enim turbatio ad pietatem & misericordiam spectat; carnalis autem turbatio iram & furorē excitat.

Punctum 2dum. Et contristati valde ceperunt singuli dicere: Nunquid ego sum Domine. Math: 26. Tristes discipuli interrogant de peccato cuius conscientiam non habebant; plus credentes Magistro quam sibi suamq; fragilitatem, pertimescentes. Ex quo disce imo. bonarum mentium esse culpam metuere etiam vbi non est.

Disce.

Disce 2do omnia quæcunq; in concionibus, exhortationibus, & publicis in commune factis admonitionibus audis, ad te referre: & fructum spirituales inde colligere; non sicut Iudas, qui per admonitionem deterior factus, cum stomachatione exivit. Gratias age Christo pro omnibus admonitionibus quascunq; tibi siue externe per Superiores & confessarios, siue internè per suos instinctus dedit. Dole quod aliquando contra eas egeris. Propone in posterum cum omni humilitate correptiones suscipere.

Punctum 3rium. Discipulis singulatim interrogantibus etiam Iudas interrogat: Nunquid ego sum Rabbi? ideo interrogat ne solus tacendo se prodere videretur. *Quib; modis Christus lucra sua Iudam perdidit?* Omnia enim sic agebat ut tolleretur suspcio criminis eius. Christus autem varijs modis usus est ut inclinaret eum ad penitentiam. imo, prædicendo de proditore: Unus ex vobis tradet me; ut cum intellexisset sciri cogitationes suas & secreta consilia, paniteret eum facti sui: non tamen designavit eum specialiter ne manifestè coargutus impudentior fieret. 2do. perseverante proditore in malitia, manifestius ipsum arguit, & tamen nomen propriè non designavit dicendo: *Qui intingit manum meam in paropside, hic me tradet.*

det. Cæteris enim contristatis & retrahentibus manum ac interdicentibus cibo ori suo, temeritate & impudentia qua proditurus erat, etiam manum cum Magistro mittit in peropfidem vt audaciâ bonam conscientiam mentiarur. 3tio. prædixit ei penam: *Vt homini illi per quem filius hominis traderetur: vt quem pudor non vicerat corrigerent denuntiata supplicia.* Vide quantum malum sit obduratio in peccato: vide item quantum & quomodo laborare debeas vt fratrem peccantem lucrificas: eiusq; publicam confusionem vitas & famam quantum potes custodias. Orane vnquã venias in excæcationem mentis & obdurationem voluntatis. Dole quod fratris tui famam aut honorem aliquando læseris. Propone in posterum cavere ne lædas.

PRO FERIA III.

De itinere in hortum Getsemani.

Punctum imum. Egressus è cænaculo Dominus noster ibat in montem Oliveti cum discipulis metu percussis & expectatione futuri eventus suspensis: prædixitq; ruinam iisdem dicens: *Omnes vos scandalizabimini in me nocte ista. Mar: 14.* Egreditur Christus è cænaculo & vrbe non vt se subducatur, sciebat enim locum

Iudas.

Iudas; sed ut commodiore loco orationi
ante suam passionem vacare possit. In mon- *Cur in mō*
te Olivarum solitus erat Christus orare: *te Oliveti*
(mons autem Oliveti significat sublimi- *Christus*
tatem misericordiae divinae) quod scias *oravit?*
Christum pro nobis semper orasse ut mi-
sericordiam à Patre suo consequeremur:
nec aliud in suis orationibus, praedica-
tionibus totaq; vita & passione intendisse
nisi misericordiam nobiscum fieri & secum
iustitiam. Considera quanta cum prom-
ptitudine in hortum iverit, ut iam iamq;
exoptatum redemptionis nostrae opus in-
choaret. Considera insuper quanta cha- *Cur lapsū*
ritate tum alios Apostolos tum praecipue *Apostolis*
Petrum sibi fidentem ne forte post lapsum *& praefer-*
desperaret, ante lapsum de futuro admo- *tim Petro*
nuerit: *Amen dico tibi quia in hac nocte an-* *prædixit?*
tequam gallus cantet, ter me negabis. Matt:
26. Gallus lucis nuntius, quis est nisi Spiritus
Sanctus cuius voce in Apostolis & Prophetis *Hieron. in*
excitamus ad amarissimos post lapsum fletus. *Marcum.*
Confitere & adora Divinitatem Christi
futura praescientis & praedicentis. Age
gratias pro excitatione Petri & tui ipsius
ad paenitentiam. Pete gratiam qua cum
timore ac tremore salutem tuam opereris.
O creator Spiritus sis benedictus in sae-
cula cum Patre & Filio aeterno, quod me
toties ad paenitentiam permovisti? Da

R.

pecca.

peccata præterita plangere, & plangenda non committere. Miserere mei Deus.

Cur in villa Getsemani suos manere iussit. *Punctum 2dum.* Cum pervenisset IESUS in villam Getsemani, assumpsit Petrum, Iacobum, & Ioannem, reliquis in villa relictis: ingressusque est hortum sub monte Olivarum situm. Getsemani interpretatur vallis pinguiissima seu vallis pinguedinum. In villa ergo Getsemani, hoc est in valle pinguedinum manere discipulos iussit Christus, in persona eorum nos monens ut in humilitate maneamus: non aliter abundantiam misericordiae divinae ac pinguedinem Spiritus assecuturi. Considera imo. quanto dolore tam discipulorum quam Christi talis separatio facta: & discite etiam charissima propter Deum relinquere. Considera 2do. Christum Dominum ingressum esse hortum ad expiandam prævaricationem admissam in horto voluptatis, ut ubi primus Adam libertatem amisit & salutem, ibi secundus Adam pro recuperanda illa pati inciperet.

Cur solos Petrum, Iacobum, & Ioannem assumpsit in horto. Considera 3tio. quod Christus Dominus spectatores suae gloriosae transfigurationis, voluerit esse spectatores suae agoniae; ut discas, consolationes spirituales ad hoc dari quò corroboreremur per eas ad ferendas æquanimiter desolationes & tribulationes. Ora Christum Domi-

num.

num ut tecum semper sit sive in consolatione sive in tribulatione: nec te deserat in tempore malo. Dic: Domine si me vis esse in tenebris, sis benedictus: si me vis esse in luce, sis benedictus. Si me vis consolari, sis benedictus: si me vis tribulari, sis aq; semper benedictus.

PROFERIA IV.

De tristitia Christi in horto.

Punctum unum. Coepit Dominus tædere pavere & maestus esse. Tædium est sui atq; aliarum rerum fastidium ac displicentia quædam ob absentiam alicuius chari. Timor est anxietas animi propter malum arduum futurum. Tristitia est dolor de malo, naturali propensione repugnante, quod tanquam præsens recogito. Considera igitur quis patitur has affectiones & in quo? Quis? ille qui est sive & dulcis omnibus: ille qui indutus est fortitudinem & præcinxit se virtute. In quo? in appetitu sensitivo & in voluntate inquantum hæc, natura est. Ut enim meditatur S. Bonaventura, fuit in Christo voluntas naturæ, sensualitatis, rationis, *In meditationibus* divinitatis. Voluntas divinitatis patitur & *vitæ Christi* perabat: voluntas rationis obediebat & *sti cap: 75.* consentiebat: voluntas sensualitatis & *stura* pati nolebat, timebat, mærebatq; & hoc

Christus. hoc ipsum fuit ex dispensatione quadam
Dñus car. qua nimirum filius Dei carni suæ cui pro-
ni suæ ex pter vnionem Verbi beatitudo debebatur,
dispensati. permisit agere & pati quæ sunt ei propriæ
one permi. proprium est autem sensualitati & natu-
sit agere ræ vt refugiat & exhorrescat dolores, &
& pati mnemq; corporis læsionem, & præcipue
qua sunt mortem ipsam.

ei propria. *Punctum 2dum.* Considera postea cau-
 sas harum afflictionum, & imo tædij. Tæ-
 det Christum vt luat tædium meum cir-
 ca virtutis opera: vt item desiderium ar-
 dens patiendi demonstret; quemadmo-
 dum viator antequam ad locum designa-
 tum deveniat in tædio est: ita ille tædio
 afficiebatur donec opus redemptionis no-
 stræ consummaret. 2do. timoris. Timebat
 Christus ob tormenta & iniurias quas
 illa nocte ac toto passionis tempore cer-
 tō sciebat sibi subeundas: & vt timore
 suo nobis fortitudinem ad pericula mor-
 tis superanda mereatur. 3tio. tristitiæ.
 Tristabatur quia præsentissima habebat,
 & quasi coram inuebatur omnia peccata
 omnium hominum cum suis enormitati-
 bus: quia videbat ingratitude multo-
 rum quibus passio & mors sua exiguum
 valde fructum productura erat: quia cer-
 nebat miserabilem perditionem Israeli-
 tici populi, condemnationem Iudæ, scan-
 dalum.

dalum discipulorum, afflictionem suæ Matris dilectæ, aliorumq; sibi condolentium. Tristabatur item: vt tristitiæ, quam homines de suis culpis non sentiunt, defectum suo dolore suppleret. His consideratis expende quàm intensus extiterit in benedicta illa Salvatoris nostri anima dolor. Nota pro praxi vt dum actum contritionis elicias, vnias illum dolori quem Dominus noster de culpis omnium hominum & tuis sensit. Compatere Christo. Age gratias pro tantis afflictionibus & amaritudinibus sponte causâ salutis tuæ toleratis. Resigna te ad omnes desolationes angores & tristitias. Pete æquanimitem in ipsis. Adiunge Propositum & Tesserâ vt supra.

PROFERIA V.

De Oratione in horto, & de agonia.

Punctum ium. In prædictis angoribus constitutus IESUS, avulsus est à discipulis suis quantum iactus lapidis & positus genibus procidit in faciem super terram orans: *Pater mi si possibile est transeat à me calix iste verumtamen non sicut ego volo sed sicut tu.* Disce in desolationibus & mæroribus confugere ad orationem. Deinde considera & disce quædam singularia ex Christi oratione. Imo. Separationem ab alijs dum oras. 2do. Situm orandi vt

Ad oratio- di vt nimirum oraturus procidas in faci-
nem quæ em: aut manibus extensis vultum ad cælum
requirun- erigas: aut poplites flectas manusq; com-
tur? positas ante pectus teneas. 3tio resignatio-
 nem exactissimam in voluntatem Divi-
 nam: *Non sicut ego volo, sed sicut tu.* 4to.
 perseverantiam. Hæc enim est conditio
 necessario requisita ad hoc vt aliquid sa-
 lutare impetres in oratione. Considera

Oratio
Christi in
horto fuit
actus &
sensualita
tis & ra-
tionis.

In compẽ- quod est contrarium Divinae voluntati. mo-
dio Theo- do ratio non consentiat. Secunda est, vt
logicæ ve- Martyres Christi non desperent si mortem hor-
ritatis de reant cum illam etiam filius Dei horruerit.
Humani- Tertia est, vt discamus discrete petere, scilicet
tate Chri- supponendo voluntatē nostrā volūtati Divinae.
sti cap. 17. Punctum 2dum. In agonia factus est su-
 dor eius sicut guttæ sanguinis decurrentis

Agonia in in terram. Agonia hæc (ait S. Thomas)
Christo nō non fuit in Christo quantum ad partem ani-
fuit secun- mæ rationalem, secundum quod agonia im-
dū partē a portat decertationem voluntatē in ex divers-
nime rati- tare

tate rationum procedentem: hoc enim contin-
 git ex debilitate rationis, quæ non potest di-
 indicare quid sit simpliciter melius, quod in parte sen-
 sitivam.

Christo non fuit: quia per suam rationem
 iudicabat simpliciter esse melius ut per suam
 passionem impleretur voluntas Divina circa
 salutem humani generis. Fuit ergo agonia in
 Christo quantum ad partem sensitivam, se-
 cundum quod agonia importat timorem in-
 fortunij imminentis. Unde & sudor Christi
 sanguineus ex vehementia timoris tædij
 & mæroris provenit: non tamen hæ pas-
 siones (uti nec vlla alia) in Christo ratio-
 ni eiusdem dominabantur, sed perfecte e-
 idem subiacerunt. Vehementia verò hæc
 & magnitudo tædij, timoris & mæroris
 proveniebat ex multitudine & magnitu-
 dine pænarum & opprobriorum quæ erat
 passurus; nec non ex pretiositate & no-
 bilitate animæ quam ponebat. Perpende
 hinc magnum amorem Domini nostri, qui
 talem tristitiam timoremq; prudens vo-
 lensq; in se suscepit. Vide faciem eius de-
 formatam, capillos sanguine consperos,
 vestes cruore madidas. Offer illi animam
 tuam & cor tuum tanquam linteamen,
 vel tanquam spongiam ad abstergendum
 sacrum sudorem. Age gratias pro tanta
 amaritudine & desolatione in gratiam tui
 tolerata: misce eidem tuas tristitias & an-
 gores

*Vehemen-
 tia timo-
 ris in Chri-
 sto unde?*

gores seu præteritos, seu præsentés, seu futuros, & offer in odorem suavitatis velut myrrhæ fasciculum Patri æterno. Tessera vt supra.

PROFERIA VI.

De proditiōe Christi in borto.

Christus traditur à Iuda. **P**unctum 1^{um}. Tunc Iudas antecessens turbam gladijs fustibusq; armatam accessit ad Iesum dicens: Ave Rabbi, & osculatus est eum. Cui Iesus, *Amice ad quid ventisti? osculo filium hominis tradis.* Considera 1^{mo}. quis? quem? quomodo? quare tradit? Considera 2^{do}. Iudam Apostolum Domini factum ducem ministrorum dæmonis: & discce quàm gravis sit lapsus eorum qui post magna à Deo accepta beneficia, vocationem suam vel cursum pietatis deferunt. Considera 3^{io}. benignitatem IESU, qua Iudam conabatur emollire præbendo ipsi osculum, vocando amicum, exponendo enorme proditiōis facinus. Vide misericordiam inenarrabilem, ait Euthymius, donec traditus est, cura est illi de proditore. Etiam circa te vt te à peccato retraheret. qualem curam habuit per interna & externa media tu verò obstinatus fuisti.

Punctum 2^{um}. Dein militibus interrogatis quem quærerent? ac respondentibus.

Iesum

IESUM NAZARENUM, dixit IESUS:

Ego sum: quo dicto corruerunt retrorsum.

Considera primo potentiam Christi, qui

unico verbo *Ego sum* milites in terram

prostravit: quid fiet quando ut Rex &

Iudex veniet, & decretum ore suo contra

iniquos pertonabit. Considera 2do. cur

ceciderint retrorsum non in faciem? quia

impij non vident quò cadunt, & quæ il-

los mala expectant. Considera 3tio obsti-

nationem Iudæ, & horum militum, qui

tam aperto divinitatis signo viso, nolue-

rent respicere. Ora, ne te Christus in ob-

secationem mentis, & obdurationem vo-

luntatis permittat venire. *Cor durum,*

male habebit in novissimo, scilicet in mor-

te. Dic crebro, dic etiam nunc cum pæ-

nitente David: *Ne projicias me a facie tua,*

& Spiritum Sanctum tuum ne auferas a me.

PRO DIE SABBATI

De Captivitate Christi.

Punctum unum. Petrus animatus casu

hostium servo Pontificis Malcho, am-

putavit auriculam dextram: quem Chri-

stus reprehendit, Malchumq; sanavit, &

militibus se capiendi facultatem dedit.

Auricula dextra illis quasi amputata est,

qui auditum non habent, seu non appli-

cant ad divina, sed tantum ad mundana &

S

ioco-

*Auricula
dextra
quæ caret.*

iocosa. Si etiam tu cares auriculâ dextrâ
& sinistra auris tua prurit ad scurrilita-
tes, & sermones ludicros; ora Christum
vt te sanare dignetur, detq; auditui tuo
gaudium & lætitiâ ex sanctorum verbo-
rum perceptione. Expende hic obstina-
tionem Malchi, & turbæ miraculo evi-
denti nihil motæ: & scito quod peccator
cum in profundum peccatorum venerit,
nihil movetur concionibus, correptioni-
bus, censuris, imò & manifestis miraculis.
Ora pro obstinatis in peccato. Expende
etiam quam Christus Dominus non coactè
sed spontaneè, ex mero amore tui pati
voluerit: quando vltro eum seipsum tradi-
dit in manus & potestatem persecuto-
rum. Age gratias. Propone gratus esse
& nunquam ipsum offendere.

*Captiva-
tionis mo-
dus.*

Punctum 2dum. Accepta ea potestate
milites manus iniecerunt in Iesum & te-
nuerunt eum, & discipuli eo relicto fu-
gerunt. Considera quis & à quibus,
quomodo capitur? Licet hic meditari quo-
modo in terram prosternitur, ac pedibus
percutitur & proculcatur dulcis Iesus
quomodo alii capitis capillos, alii bar-
bam vellicant; alij caput, alij brachia car-
pent; alij manus post tergum crasso fune
ligant: alij catenam collo iniiciunt
omnes insultant. O miserabile spectaculum.

lumi. Considera deinde quare permisit se
captivari & ligari? ut scilicet nos à vin- *Causa*
culis peccatorum, & à laqueis dæmonum
absolveret. Considera demum inconstan-
tiam & timiditatem discipulorum: qui-
bus sunt similes illi, qui tempore afflictio-
nis à studio pietatis recedunt: & metu
alicujus mali, à Deo deficiunt. Proponē
semper Deo adhærere. Pete gratiam per-
severandi in amore Dei. Pete virtutem
fortitudinis, per quam ita in timore &
amore Dei firmeris, ut te nullus metus,
nullum periculum mortis à Deo abducatur.

PRO DOMINICA IV. QVADRA-
GESIMÆ.

*Passio Christi, mare: & de addu-
ctione ad Annam.*

Punctum unum. Abijt Iesus trans mare
Galilee, quod est Tiberiadis. Ioan: 6. *Passio*
Christi Domini comparatur mari. *Christi*
in altitudinem maris, & tempestas de-
mersit me. ait Christus Dominus de seipso. *Dr̃i, mare*
Tiberias idem est quod visio bona: quia
per passionem Domini, venimus ad visio-
nem Dei, in qua est omne bonum, & tota
beatitudo nostra. Tiberias etiam in alia
significatione, contractionem denotat:
quia per passionem Christi, contracta est
potentia diaboli. Abijt ergo Christus Ie-
sus

sus ad hoc mare, quando ivit sponte sua, & ex amore nostri ad passionem: transire illud incepit & quasi à littore solvebat, quando incepit pati pro nobis in horto, apud Annam, apud Caipham: venit in profundum maris huius quando flagellabatur, coronabatur, iudicabatur, clamore totius vrbs obruebatur: tandem trabe crucis demersus, quando mortuus; sed per mortem suam trasfretavit ad litus felicitatis æternæ, nobisq; ad idem littus per mare huius mundi transfretandi viam fecit. Sis benedictus Christe IESU quod ita demergi in sanguine tuo pro nobis voluisti! Sis benedictus, quia nobis viam ad visionem Dei aperuisti: & totam diaboli potentiam confregisti. Miserere mei: non me vnquam demergat tempestas tribulationis alicuius ad desperationem: neq; vrgeat puteus inferni super me os suum.

*Duplex
classis se-
quentium
Christum.*

Punctum 2dum. Sequebatur eum multitudo magna. Ioan: 6. Sequebatur Christum multitudo magna dum abiit trans mare Galilææ. Etiam euntē in initio passionis suæ ad Annā. sequebatur multitudo magna Iudæorum & militum ad eius captivationem missorum: hominum item ad rei novitatem nox licet esset concurrentium. Sed diverso affectu ibi & hic secuta est. Nam

ab euntem trans mare sequebatur ad hoc, ut beneficia de manu eius perciperet: & prodigia facientem miraretur atq; adoreret: iam verò ad Annam euntem & passionis primordia inchoantem secuta est ut affligeret, ut iniurijs & verberibus afficeret: ut ad mortem postularet! O instantiam & fragilitatem hominum! Contemplare hic Christum Dominum ligatum, indignè per vias invias, per sordes, lutum, aquam raptari: calcibus & fustibus ad currendum vrgeri: per portam sterquilinij per quam sordes ex civitate eiciebatur, ad maius dedecus introduci. O dulcedo cordium IESU itane tractari ab hominibus meruisti! Hæc tibi rependit gratitudo humana pro eo quod saturaveris panibus famelicos: quod languores ab ægrotis depuleris: quod afflictis omnibus solatium attuleris. Ah quam & ego toties ingratus fui beneficentiæ tuæ? Dolco. Parce. Da amantem te redamare.

Punctum 3tium. Constitutus Dominus IESUS coram Anna interrogatur ab eo primum de discipulis: deinde de doctrina de qua responso dato alapam ab vno ministrorum accepit. *Confidera* imo. Christum de discipulis fuga dilapsis tacere: ut discas defectus alienos non propalare, ubi & quando propalandi non sunt. *Confide*

Apud Annam Christum percussus.

ra 2do. Quis: à quo: quomodo: quare percutitur? Dicunt aliqui armata manu militis percussum esse tanta vi ut vestigia in vultu relinquerentur. Aliqui dicunt Salvatorem in terram corruisse: aliqui copiosum ex ore sanguinem emisisse. O facinus ad quod cælum & terra exhorrescunt. Considera 3tio. quàm modestè & cum promptitudine aliam maxillam præbendam Dominus se habuerit! O Pater respice in faciem Christi tui! Propositum adversitates pro Christo libenter patiendi. Tesseræ

O novissime virorum, o vir dolorum & sciens infirmitatem: quomodo abscondisti vultus tuos & despectus!

Quo nate Dei tua processit pietas! ego crimen admisi tu torturæ subijceris!

Corpus tuum dedisti percutientibus, gentes vellentibus, faciem tuam non averrissi ab increpantibus & conspuentibus in te Dominus Deus auxiliator meus.

PRO FERIA II.

De Christi Iudicio apud Caipham.

Punctum imum. Ab Anna duxerunt milites & ministri IESUM ad Caipham Principem Sacerdotum ubi scribæ & seniores convenerant. Matt: 26. Caiphas hic, ut habet Iosephus pretio emerat pontificatum ab Herode. Non est ergo mirum si nequam

Pontifex

Pontifex iniquè iudicavit. Qui simonia-
cè acquirit sacerdotium, ordinariè lucris
& commodis ac voluptatibus studet, non
æquitati. Caiphas interpretatur *vomitur*
oris. Qui tanquam canis ad vomitum re-
dit ad peccata sua & recidivat: ille est
alter Caiphas, & morti Christum conatur
tradere; quia non vult ut in suo corde vi-
vat. Examina te quoties ad vomitum re-
dieris: quoties Christum in anima tua vi-
vere non permiseris. Dole. Propone. *Vbi*
scribæ & seniores convenerant. Qualis *Simile sibi*
Pontifex, tales sacerdotes eius: qualis lu- *concilium*
dex, tales assessores. Tota nocte vigila- *habuit.*
verunt ut homicidium facerent. Cogita
quod homines alacriores & vigilantiores
sint ad mala opera quàm ad bona. Noctes
insomnes ducunt ut vacent libidini, com-
potationi, furtis & alijs nequitijs: ad ora-
tionem autem surgere gravantur.

Punctum 2dum. Petrus à longe sequeba-
tur: & ingressus ad atrium sedebat cum mi-
nistris ad prunas. Matt: 26. Charitas Pe-
trum trahebat post Christum: timor re-
trahebat. Proximus es lapsui si nutas ani-
mo: si non es firmus in amore Dei. In atrio
cum ministris sedebat ad ignem. Atrium, est
saeculum: Ministri dæmones: ignis, deside-
rium carnale; cum quibus qui manet, fle-
re peccata non potest. Exi ergo de medio

*Contra innocentiam
falsa testimonia
queruntur sed in
cassum.*

eorum. vita seculares conversationes,
dæmonis tentationes & carnis desideria
reijce. Principes autem sacerdotum quære-
bant falsum testimonium contra Iesum. Ut
Ægyptia adversus Ioseph: Iadices senes
adversus Susannam; ita Principes sacer-
dotum adversus Iesum, quærunt falsum
testimonium & non inveniunt. Mentita
est iniquitas sibi. Qui contra fratrem
falsum testimonium quæris aut proferis
contra Iesum agis. Sed & tu qui calumniâ
aut falso testimonio appetieris, disce pati
disce tacere: iniuriam tuam commenda
Deo. Sicut Ioseph, sicut Susannæ, sicut
ipsum Iesu Christi innocentia revelata est
& patuit vniuersis; ita & tua revelabitur
& patebit. Noli frangi, noli angustiari.

*Christus
tacet.*

Punctum 3^{ium}. Christo ad omnia obie-
cta tacente: adiuro te, inquit Caiphas, vt
dicas nobis si tu es Christus Filius Dei vi-
vi. Et respondente: Ego sum: scidit vesti-
menta sua dicens: *blasphemavit.* ad quod om-
nes exclamaverunt: *reus est mortis.*

quare? Tacuit Christus ad falsa testimonia &
ad simplicem interrogationem Caiphæ:
vt ovem se sine voce occisioni paratam
monstraret: vt item pro garrulitate nos-
tra & peccatis oris, suo silentio satisfacere-
ret: vt insuper suo exemplo doceret, nos
mutos in nostris iniurijs esse debere. Non
tacet ad adiurationem: vt discamus, non

De PASSIONE CHRISTI.

281

licere nobis etiam cum vitæ discrimine abnegare Deum fidemq; eius. Scidit vestimenta sua Caiphas: vt palam fieret, Iudeos sacerdotij gloriam perdidisse. Vestem sacerdotij lacerant & illi, qui cum sint sacerdotes, non gerunt se iuxta statum suum & malis operibus indicant se indignos esse sacerdotio. Vide vocationem tuam o sacerdos Dei altissimi! Cave ne poderim iustitiæ qua per Christum indutus es, laceres. Expende hic sumam iniuriam Christi, qui ob responsionem veritatis æternæ, blasphemus proclamatus. Expende item quo doloris sensu iniustam mortis sententiam audierit Dominus: quanto nihilominus humilitatis, mansuetudinis, amoris excessu tanquam de manu amantissimi Patris eandem acceptarit, vt nos à morte liberaret. Propositum & Tescera vt supra.

Caiphas
scidit ve-
stimentū:
quo myste-
rio?

PRO FERIA III.

De toleratis in domo Caiphae.

Punctum imum. Postquam Dominus noster blasphemus & reus mortis blasphemo ore à concilio est proclamatus, quinque insignibus contumelijs & iniurijs à ministris fuit affectus. Imo. expuerunt in faciem eius divinam Seraphinis venerabilem! 2do velaverunt oculos eius vt

Quinq; in-
iurijs ve-
xatq; Chri-
stus apud
Caipham.

§

licen-

licentius illuderent! 3tio. percusserunt certatim maximoq; impetu faciem eius palmis, & vt quidam meditantur, crepidis, baccillisq; iuxta Micheæ vaticinium: *In Virga percutient maxillam iudicis Israel.* 4to. verbis irrisorijs eidem insultarunt: *Prophetisa quis est qui te percussit?* 5to. Comam & barbam violento modo vellicarunt iuxta illud Isaïæ: *Corpus meum de- di percutientibus & genas meas vellentibus.* Considera quis hæc omnia tot & tanta opprobria & verbera sic passus: à quibus: quomodo: quâ patientiâ, humilitate, amore, zelo: & quare? vt nimirum reatu suo reatum nostrum solveret: & velamine faciei suæ velamen cordium nostrorum auferret: & spuraminibus susceptis faciem animæ nostræ lavaret: & colaphis quibus in caput percussus est, caput humani generis, quod est Adam, sanaret: & alapis quibus expal- matus est, maxima laus eius, nostris manibus & labijs plauderet. S. Hier: in Marcum.

Lapsus Pe- tri Chri- sto auxit afflictio- nem. Punctum 2dum. Considera quantis præ- terea iniurijs tota reliqua nocte vsq; ad mane absq; vlla cessatione bonus IESUS sit exagitatus & afflictus. Considera in- super quòd plurimum illum afflixit trina Petri negatio cui claves regni cælorum appromiserat: & qui ante se ad mortem subeundam offerebat. O quanta abyssus huma-

humanæ fragilitatis: at quanto maior divinæ benignitatis errantem discipulum amanter respicientis, illuminantis, emollientis! Cogita quoties & te benignissimus IESUS lapsum graviter, respexit & erexit! Age gratias. Pete compunctionis donum, quo possis amarissimè flere cum Petro. Propone occasiones peccandi vitare, quas si Petrus vitasset, utiq; non corruisset. Tessera aliqua ex iis quæ posita sunt sub meditatione diei Dominicæ, per diem ruminetur.

PRO FERIA IV.

De dolore Beatissima Matris audita Filij captivitate.

Punctum unum. Piè credi potest quod Ioannes fugâ elapsus statim Beatissimæ Virgini vnâ cum alijs mulieribus in Ierusalem Sion exsistenti nuntiaverit quid cum dilecto IESU actum sit. Considera quam magnum dolorem & compassionem ex hoc nuntio Beatissima Mater senserit. 1mo. ob multitudinem tormentorum quæ ipsi perferenda prævidebat. 2do. ob gravitatem singulorum, quam fortissimè apprehendebat. 3tio. ob intensissimum amorem quo eum diligebat. 4to. ob eius innocentiam quam clarissimè agnoscebat. Tunc Noemi versa est in Mara, pulchra
in ama-

Dolor Be-
atissimæ
Matris au-
dita filij
captivita-
ex 4. ca-
pitibus
magnus.

*In officio
compassi-
onis.*

in amaram. Tunc dilectus IESUS factus est matri suæ fasciculus myrrhæ. Tunc Simeonis gladius pertransivit animam eius. Tunc ut meditatur S. Bonav: sacrum pectus tundere & lachrymas effundere non cessavit. Fac & tu similiter.

Punctum 2dum. Considera 1mo. quomodo tota nocte in lachrymis & compassionis affectibus ciendis perseveraverit Beatissima Mater ruminans quæ de filij passione in lege & prophetis prædicta & præfigurata erant. Sic enim orat S. Bonav: *Noctem qua Christus capitur, absq; somno duxisti: & soporatis alijs flens vigil permansisti.* Considera 2do. quomodo nihilominus resignatissimè se & filium suum in manus divini beneplaciti offerebat idq; zelo divini honoris & humanæ salutis. In super socias suas confortabat, atq; ad similem resignationem animabat. Ora Virginem Beatissimam in hunc e.g. modum: O Virgo Virginum præclara, fac ut tecum lugeam: fac ut mihi fiat fasciculus myrrhæ dilectus tuus qui inter vbera mentis & affectus mei continuo commoretur: qui me amarissima passione à putredine peccati & à diectione animi ac desperatione in adversis præservet.

PRO FERIA V.

*De missione Christi ad Pilatum &
de desperatione Iudæ.*

Punctum 1^{um}. Manè factus ductus est IESUS ad Præsidem Pilatum. Expende qua submissione, qua patientia, qua *Qualis* modestia Filius Dei, Iudex vivorum & *Christus e-* mortuorum fuit se ignominiosè trahi per *undo ad Pi* plateas, quas toties pertransierat benefa- *latum?* ciendo & sanando, ad tribunal gentilis à quo sciebat se iniustè volutari suorum hostium tradendum. Expende 2^{do}. ingenium malignantium: manè convenerunt de nece Domini consultaturi. Vide ne fortè & tu ad mala opera vigiles & ferveas; ad bona verò torpeas. *Compassio:* modestia in iniurijs: fervor in bonis operibus: detestatio malorum.

Punctum 2^{um}. Iudas penitentiam ductus, retulit triginta argenteos Principibus sacerdotum dicens: peccavi tradens sanguinem iustum. *Iudæ pæ-* Et proiectis argenteis abiens *nitentia* laqueo se suspendit. Matth: 27. Expende *infructu-* imo. infructuosam Iudæ penitentiam, *osa.* quia verum dolorem & spem non habuit. S. Hieron: ait: *Nihil profuit ei sera peni-* tentia per quam scelus corrigere non valuit. *Si permanent mala opera, frustra voce assumi-* tur penitentia. Expende 2^{do}. demonis astutium

stum, qui plerumq; ante peccatum obca-
cat peccatorem ne turpitudinem videat;
post verò ita enormitatem criminis exag-
gerat vt in desperationem inducat. Ex-
pende 3tio. conscientiae malae carnifici-
am nullibi quietem permittentis. sicut
secura mens iuge convivium ita propter
Quorum peccatorum gravitatem pavida, iuge tor-
exitus ma mentum. Expende 4to. quam male peri-
lus? re soleant fures, sacrilegi, proprietarij,
apostatae.

Punctum 3rium. Principes Sacerdotum
acceptis argenteis à Iuda proiectis non
Pharisai- miserunt eos in corbonam; sed emerunt
ca iusti- ex illis agrum figuli in sepulturam pere-
tia. grinorum. Vide falsam iustitiam Pharise-
orum & sacerdotum: nefas putant preti-
um sanguinis in cystam templi in qua ele-
mosynae servabantur, mittere: & sangui-
nem ipsum effundere pro licito habent.
Verè calicem liquantes & camelum glutien-
tes. Expende hinc amorem Christi in pau-
peres, qui pretium sanguinis sui voluit
cedere in sepulturam peregrinorum. Ex-
pende item mysterium hoc loco clausum.
Figulus noster, Christus est. Fictor noster tu
Isaiae 64. Ager figuli huius, Ecclesia: pe-
regrini, nos qui ex gentibus vocati sumus;
sed qui peregrini eramus a lege & Prophetis;
prava Iudaeorum studia suscepimus in salutem,
et ita

& in pretio sanguinis Christi requiescimus. Hieron:

Gratias age Christo, quod in agro suo & in pretio sanguinis sui fecerit te requiescere. Ora ne vnquam falsam iustitiam imiteris. Propone pauperibus & peregrinis esse beneficus. Tessera hebdomadalibus memor esto.

PROFERIA VI.

De accusatione & examine Christi apud Pilatum.

Punctum unum. Christus Dominus coram Pilato de tribus accusatus fuit. Imo. quia subvertit gentem. 2do. quia prohibet dare tributa Cæsari. 3tio. quia se Regem facit. Quid iniquius & impudentius? Notum omnibus erat Christum præcepisse vt senioribus obedientia præstaretur, eorumq; doctrina servaretur: vt tributa cæsari redderentur: fugisse etiam dum eum turba vellet Regem facere; & tamen contrarium ausa est iniquitas horum accusatorum fingere & mentiri. Interdum & nuno in iudicijs innocentia fidei criminibus exagitur. Disce patientiam à IESU: & quando aliquid mendaciter contra te siue in iudicio, siue extra dicitur, Magistrum tuum imitare: hoc est, vel tace; vel si ita expedit, modestissime responde. Etiam in hoc morem & ingeni-

Causas amoris in odia inflectimus.

genium perversum Iudæorum sequimur; quia plerumq; causas amoris in acerba odia inflectimus: & sicut Iudæi Christum docentem turbas & ijs beneficientem, subversorem gentis appellarunt & accusarunt, ita nos ex ijs ex quibus proximum amare & laudare deberemus sumimus materiam detractionum irrisionum sugillationum. Tu qualis es erga Christum & membra eius? fortè mendax, detractor, irrisor, susurro, & bonorum operum in malam partem interpret.

Punctum 2dum. Pilatus relictis duabus prioribus accusationibus apertè & notoriè falsis, an Rex sit Iudæorum interrogavit: cui Christus respondit, se Regem esse sed regnum suum non esse de hoc mundo. Considera imo. Christum non negasse regnum suum esse in hoc mundo. sed de hoc mundo, hoc est, non esse tale quale solet esse in hoc mundo. Non enim ut ait August: tract: 51. in Ioann: Rex Israel Christus ad exigendam tributum, vel exercitum ferro armandum hostesq; visibiliter debellandos: sed Rex Israel; quod mentes regat, quod in æternum consulat, quod in regnum cælorum credentes, sperantes, amantesq; perducatur. Considera 2do. artificium & admirandum Domini silentium in tot falsis calumnijs: quod & ipse Pila-

tus tanquam rem stupendam est admiratus.

Taciturnitas Iesu apologiam Adæ absolvit. Non se de-
Hierom: Utinam & nos per imitationem fendit in
IESU sumus alijs admirationi propter pa-
tientiam. Utinam regnet semper super
nos: utinam nunquam amplius sumus sub
ceptro diaboli. Propone ad calumnias
& contumelias tacere ut possis dicere cum
Psalmista. Turbatus sum & non sum locutus.
Propone item veritatem constantissime
tueri & asserere. Tessera ut supra

PRO DIE SABBATI.

De missione Christi ad Herodem &
illusione.

Punctum unum. Cum adstarent Iudæi
inter alia clamantes Christum com-
movisse plebem à Galilæa: Pilatus audi-
ens Galilæum esse, amandavit illum ac-
cusatoresq; eius ad Herodem Regem, qui
eo conspecto gavisus est valde. Confide-
ra imo: quomodo innocentissimus IESUS
cum magna ignominia tanquam maleficus
per mediam urbem raptatur vinctus non
tam funibus & catenis quam funiculis cha-
ritatis. Considera 2do. Herodi nihil pro-
fuisse quod conspecto Christo gavisus es-
set, quia id gaudiū non ex charitate & pie-
tate fuit, sed ex curiositate & vanâ videndi
alicuius admirabilis signi spe. Et tibi ni-

T

hil

hil proderit si libenter audias concionem & legas pia, quando ex curiositate id agis vel aliquo fine vitioso. Thomas à Kempis monet: *Nunquam ad hoc legas verbum, ut doctior aut sapientior possis videri.*

Punctum 2dum. Interrogavit autem Iesum Herodes multis sermonibus, at ipse nihil respondebat. Considera imo Christum Herodi non respondisse. imo. in de-
Causa cur testationem vafre ipsius malitiæ propter
Christus a quam antea vulpem illum appellavit. 2do
pud He- in reprobationem ipsius curiositatis &
rodem ta- multiloquij. 3tio. ne passionem mortemq;
cuit? suam quam tantopere pro gloria Patriæ nostraq; salute desiderabat, seu verbo, seu facto aliquo admirando impediret. 4to. in exemplum nostrum ut nimirum & nos taceamus, quando evocamur ad sermones quorum finis alijs quàm laus Dei vel utilitas proximi; utq; gravi vultu ostendamus displicere nobis omnes fabulationes quæ non sunt ut lex Dei, sed scurrilitatem aut lasciviam sapiunt.

Punctum 3tium. Herodes Christum ad omnia interrogata sua & obiectiones sacerdotum omnino tacentem sprexit cum exercitu suo, & illi indutum veste alba. Considera, quis, à quibus, quare, quomodo illuditur? Disce si Christus fatui habitum non detrectavit, nomen stulti non recu-
 Care

fare. Dic cum Apostolo: Nos stulti propter Christum. Unde coronabitur patientia tua, ait quidam si nihil adversitatis occurrerit? Amor Christi faciet tibi dulces omnes despectus & subsannationes. Qui enim intus per amorem Dei bene est dispositus, non curat mirabiles & perversos hominum gestas. Considera item quod Dominus noster duplici alieno vestimento in passione sua sit indutus, albo & rubro. Per vestimentum populus fidelis: per colorem album, iustitia; per rubrum, martyrium intelligitur. Hoc ergo duplici tegmine significabatur, quod Christus sit rex & caput omnium electorum, Martyrum & Confessorum: & quod omnes tam martyres quàm Confessores passione sua acquisivit: & velut vestimentum sibi adstrinxit, atq; finaliter Deo adhærere fecit.

Colloquium. O si & ego sim de ora vestimenti eius! O si humillimus! o si ultimus sim inter fideles omnes Christo adhærentes, quatenus vnguentum benedictionis eius, etiam in me miserum descendat. Adstringe me tibi Domine Iesu per fidem & charitatem perpetuam. Sim de hereditate & possessione, quam Pater tuus dedit tibi, pro eo quia contra te fremuerunt gentes, & populi meditati sunt, inania.

Thomas à Kempis.

Hieron: in psal 132. per vestimentum intelligit populum, fidelē iuxta illud lerem: 13 sicut tu lumbare habuisti circa lumbos tuos: ita & ego populum istum habui circa me.

PRO DOMINICA PASSIONIS.

*Dies Christi, dies passionis: & de re-
ductione Christi ad Pilatum.*

Punctum unum. Abraham Pater vestet
exultavit ut videret diem meum. Ioan: 8:

Mons hic Diem passionis hoc loco vocat Christus di-
ille ipse in em suum: quem Abraham Deo revelante
quo Chri- vidit in monte quando filium immolare
stus cruci- volebat. Gavissus verò est quia vidit infi-
fixus nitum fructum Dominicæ Passionis: ga-
visus est, quia videns tantum Christi er-
ga nos amorem, ipse quoque ardore quo-

S. Hier: in dam seraphico exarsit vicissim erga Chris-
vita Pau- tum. ubi autem amor, ibi gaudium: &
la ait quo maior amor, eo maius gaudium. Di-
quod em Christi, diem passionis ipsius nec nos
Abraham sine exultatione & gaudio spiritus videre
sub quer- & contemplari possumus. Quis enim tan-
cu vidit tum amorem erga nos considerans in tali
diem Chri- persona qualis est Christus, in ardentissi-
sti & læ- mum affectum amoris non erumpet: &
tatus est. consequenter gaudio ac lachrymis gaudi-

Quercus os non perfundetur? Ergò devotè con-
autè hæc templare quid in hac die sua passus, repli-
fuit typus cando omnia quæ in iudicio matutino apud
crucis Xti. Caipham: quæ apud Pilatum, & de-
inceps pertulit: reflectendo te semper ad
eum qui patitur, & ad motivum propter
quod patitur.

Punctum 2dum. Replicatis anterioribus diei huius passionibus ad reductionē Christi ab Herode in prætorium, solito tenore meditandam progredere. Considera 1mo: quàm ignominiosè à conspectu Herodis abstractus Dominus noster: cum quibus cachinnis & sannis retrorsum ad Pilatum ductus. Considera 2do. post reductionem Christi redintegratam esse amicitiam inter Pilatum & Herodem: quia plerumq; mundani homines etiam ad invicem dissidentes contra Christum servosq; eius conveniunt animisq; & studiis perversis ad persecutionem membrorum Christi consociantur. Considera 3tio: ingenium & proprietatem mundi esse, quod homines sanctos derideat, moresq; ipsorum rectos & simplices explodat. *Deridetur iusti simplicitas & quod innocenter à sanctis agitur, procul dubio à mundanis stultum putatur.* Sed pro hoc recipient mercedem congruam. nam qui habitat in cælis irridebit eos, & Dominus subsannabit eos, hoc est, condemnabit. Idem enim apud Deum est subsannare quod condemnare. Deprecare Christum pro illis qui nos modo affligunt, confundunt, & quocunq; modo exercent: ut & ipsi convertantur atq; nobiscum exerceantur; quo & ipsi coram iustitiæ recipiant.

Homines mundani adversus servos Dei cōspirant.

S. Gregor.

Subsannare Dei quid?

Punctum 3tium. Videns Pilatus innocentiam IESU cupiensq; eum liberare, dedit Iudæis optionem eligendi, quem vellent iuxta consuetudinem antiquam dimitti, proposito ipsis Barabbâ & IESU: at illi petierunt dimitti Barabbam. Considera imo. extremam Christi postpositionem, qui infami nebuloni comparatus, quasi indignior & sceleratior ad mortem est petitus. Considera 2do. Iudæorum cæcitatem, qui lupum agno, sceleratum iusto, latronem innocenti prætulerunt: malitiam item eorundem vide, qui Dominum proprio nomine non sunt dignati appellare clamantes: *Non hunc sed Barabbam.* Etiam tu Barabbam Christo præponis, cum iudicium tuum superiorum iudicio, vel cum creaturam creatori anteponis & præligis. Considera demum pusillanimitatem & stultitiam Pilati, quod à turbulento populo, ab hostibus, à furiis, qui mortem Christi totis viribus quærebant, petit consilium quid facere debeat cum IESU. Talibus tricis se solent innodare, qui in suis actibus non purè gloriam Dei, & salutem animæ, sed favores humanos intendunt. Virtus devotionis ad passionem Domini. Propositum: *Missam, memoriale Dominicæ passionis devotè audiendi aut celebrandi.* Tesseræ per septimanam replicandæ.

O quæ traxit vis amoris vt portares tot
doloris innocens supplicia?

Eie pelicane Iesu Domine me immundum
munda tuo sanguine.

Quare rubrum est vestimentum tuum? &
vestimenta tua sicut calcantium in torculari?

PRO FERIA II.

De flagellatione Christi.

Punctum imum. Pilatus totâ cohorte
flagellavit Christum. Considera imo:
quomodo Christus Dominus à brutis illis
hominibus arripitur: (S. Brigitta accepit
per revelationem percussum fuisse à mi-
lite ad collum pugno gravissimè) quomo-
do deinde vestibus coram multitudine e-
xuitur & denudatur: postea ad columnam
lapideam funibus artissimè alligatur: ad
extremum crudelissimè cæditur. In denu-
datione, expende ruborem Christi: in al-
ligatione ignominiam: in cæsione dolo-
rem intensissimum & acutissimum, quem
ex his circumstantiis colligere potes. imo.
ex instrumentis quæ triplicia fuerunt: vir-
gæ spinosæ, scuticæ ex loris, catenulæ fer-
reæ. 2do. ex tortoribus quorum aliqui
dicunt 4. fuisse, aliqui totam legionem
id est. 6666. qui omnes tum ex propria
constitutione erant crudeles, tum ex man-
dato præsidis, tum ex corruptione Iudæ-

orum, tum ex instigatione dæmonis. 3^{io}. ex vulneribus inflictis, quorum secundum aliquos plusquam quinque millia fuerunt. S. Gertrudis ait fuisse 5466. & horum multa fuere profundissima usq; ad costas. 4^{to}. ex temperamento ipsius corporis Christi quod erat tenerrimum ac propterea doloris maximè perceptivum. Ut autem ex prædictis magis inflammeris considera quis ita flagellatus? quare? quomodo tulit horrendam flagellationem?

Punctum 2dum. Considera Christum dum à columna solutus est, præ debilitate non potuisse stare sed in terram prolapsus esse. Aspice eum in pavimento reptantem: vide per rivos sanguinis sui vestimenta quærentem: vide quoq; inter alias religiosas mulieres Beatam Virginem cum fletu tam triste spectaculum intuentem. Cogita Christum his te alloqui: Fili quid sunt plagæ istæ in toto corpore meo? sunt characteres amoris mei erga te: sunt ostia pietatis meæ erga te: sunt sulci, ex quibus tibi messis æternæ beatitudinis proveniet. vide quomodo respondes amoris meo? Propositū & Tesseræ ut supra.

*Plagæ
Christi Domini
quid?*

PROFERIA III.

De coronatione Christi.

P*unctum 1^{um}.* Vix mitissimus Iesus
à co-

à columna solutus in proprio natans cruore vestes resumpserat, cum ecce carnifices novam probrosam simul & dolorosam aggrediuntur in eum exercere carnificinam. 1mo. exuunt eum, vestemq; carni adglutinatam abstrahunt. 2do. Chlamydem coccineam circumdant ei. 3tio. plectentes coronam de spinis ponunt super caput eius. 4to. dant arundinem in dextram eius. Considera imo non sine verecundia virgineum corpus iterum nudari. Considera 2do. ingentem dolorem ex vestium detractioe quâ omnia vulnera renovabantur, dolorem item acerbissimum ex aculeata coronâ in benedictum caput impressione. videas exire aculeos in longitudinem vnius digiti ex fronte, ex temporibus, magna; vi penetrare cranium. O crudelitas! Considera insuper quâ patientiâ, modestiâ, quâ humilitate hæc omnia Dominus noster tolerarit, vt nostram superbiam reprimeret, & coronam nobis regni cælestis compararet.

Punctum 2dum. Purpurâ, diademate & sceptro ludicro exornatum Regem nostrum varijs modis subsannabant milites iuxta vaticinium illud: *subsannatione subsannaverunt me*: imo. itaq; veniebant ad eum tanquam ministri mandata accepturi. 2do. genu flexo per ludibrium adorabant

DE PASSIONE CHRISTI.

eum linguam contra ipsum exertantes & dorsum suum ipsi obijcientes. O impij super quem lusistis, super quem dilatastis os, & eiecistis linguam? Isaia 57. 3tio salutabant: Ave Rex Iudeorum. 4to. conspuebant. 5to. percutiebant caput arundine, & spinas altius infigebant. 6to. dabant ei alapas vt quidam meditantur armata manu adversus spinas. Fuit hæc illusio diurna similis illi nocturnæ apud Caipham, nisi quod ibi oculos IESU Christi velarent Iudæi, hîo gentiles patente vultu vexarint. Considera quanto cum rubore, dolore, patientia, charitate, desiderio sustinuerit hæc Dominus, & quare?

PROFERIA IV.

De productione Christi ad populum.

Punctum imum. Sic flagellatum, coronatum & purpurâ semitectum producit Pilatus foras, innocentem rursus pronuntiat, populoq; monstrat efferatos animos tali spectaculo mitigare desiderans. Intuere mirabile hoc spectaculum coniungendo diligentius oculos tuos in Iesum vibicibus, vulneribus, sputis, livore, sanguine deformatum. Considera quanta humilitate, quantâ modestiâ & patientia coram tanta populi multitudine in ignominiosa illa veste seminudus constitit Iesus.

Iesus. Egredere anima mea extra te, & vide Regem pacificum, conspectui tuo expositum, diademate, sceptro, habitu ludicro quidem sed mysterioso ornatum. *S. Hier. in Matthæu.*
In chlamyde coccinea Iesus meus opera gentium cruenta sustentat. in corona spinea maledictum solvit antiquum in calamo venenata occidit animalia: sive calamum tenebat in manu ut sacrilegium scriberet Iudæorum. *Ludicri ornatu Christi.*
 Ora tu ut chlamyde illa contegat peccata tua, quò cum illis esse merearis, de quibus dictum: *Beati quorum remissa sunt iniquitates, & quorum tecta sunt peccata.*
 Spinis & calamo suo occidat in te venenatas passiones & omnia vitia, scribatq; te in libro vitæ.

Punctum 2dum. Pilatus manu Christum monstrans: Ecce inquit homo, quasi diceret; ecce quem vos dicitis se facere filium Dei, quem dicitis affectatorem regni, videte quod vix homini similis sit, & ideo iam parcite illi tantopere flagellis lacertato. Considera quod ipsemet Dominus noster eadem verba in aures nostras videatur insusurrare: Ecce homo, qui veni te languidum sanguine meo sanare! Ecce homo, qui me amore tui tam diu tractari permisi! Ecce homo, qui de cælo veni ducere te ad viam crucis! Ecce homo: quem tibi Pater æternus donat!

Quis

DE PASSIONE CHRISTI.

Quis hoc audiens ad eum amandum imitandumvè non accendatur? Cogita hîc quod etiam te iudicandum statuet Christus in theatro mundi, dicetq; in facie & auribus totius mundi: Ecce homo qui non posuit Deum adiutorem suum. Ecce homo & opera eius! Quid tunc dices; quid cogitabis, o miser & miserabilis humuncio? Ora suppliciter vt Christus Dominus per illam suam publicam confusionem propitius sit tibi in extremo iudicio, liberetq; te ab æterna confusione.

PRO FERIA V.

De Christi condemnatione.

Punctum imum. Videntes Iudæi quia Pilatus in Christi liberationem propendet, dixerunt minitendo: *si hunc dimittis, non es amicus cæsaris.* Ad quod Pilatus extimuit. O quoties homo imitatur Pilatum, cum ne amittat hominis gratiam non timet Dei offensam incurrere, Inspice teipsum num & quoties veritus amittere gratiam aut amicitiam hominum elegisti amittere gratiam & amicitiam Dei. *Eiusmodi timidus pars erit in stagno ardenti igne & sulphure.* Apoc: 21. Pilatus lavit manus publicè dicens: *Innocens ego sum à sanguine huius iusti: vos videritis:* ad quod populus respondit: *Sanguis eius super nos & super*

*Timor mī-
danus.*

& super filios nostros. Considera imo pseudopolitiem Pilati qui externâ cæremoniâ internam labem vult abluere. Considera 2do. Insaniam Iudæorum, non negât Iesum esse iustum, sed vt pavitanti iudici animum addant, ipsum quidem à reatu Christicidij absolvunt, se verò & posteros suos pænis obstringunt, dirisq; devovent. Perseverat vsq; in præsentem diem (ait Hieron.) hæc imprecatio super Iudæos: & sanguis Domini non auferetur ab eis. Tu ora vt sanguis Iesu Christi Domini nostri custodiat animam tuam in vitam æternam.

Punctum 2dum. Pilatus volens satisfacere populo tradidit Iesum voluntati eorum vt crucifigeretur. Considera imo. Pilatum quia ad flagellationem Iesu quem innocentem sciebat descenderat, etiam ad condemnationem & crucifixionem descendisse: ex quo discis semper à minori ad maius peccatum progressum fieri. Considera 2do. quàm gaudenter Filius Dei hanc iniquissimi iudicis sententiam tanquam sanctissimum æterni Patris decretum exceperit, voluntariè se ipsum pro nobis in mortem tradendo eadem voluntate & actione quâ & Pater tradidit eum: simulq; perpende traditionem IESU Christi Domini nostri à diversis diversimodè factam. Nam Pater tradidit eum ex charita-

Christi
Dñi tradi-
tio multi-
plex.

De PASSIONE CHRISTI.

ritate: Iudas tradidit eum ex cupiditate: Iudæi ex invidia: Pilatus ex timore mundano. Vide ex quot radicibus provenit offensa Dei. Cave ne aut ex cupiditate, aut ex invidia, aut ex timore vitioso pecces in Christum & membra eius. Totum vicissim te trade IESU Christo & Patri eius ex charitate. Cura & propone per singulas actiones & cogitationes gratificari Christo Domino pro tanto amore; protestare cum Apostolo coram omnibus creaturis: *In fide vivo filij Dei qui dilexit me & tradidit semetipsum pro me.*

PRO FERIA VI.

De crucis baiulatione.

Punctum unum. Prolatâ à Pilato mortis in authorem vitæ Iesum sententiâ milites tria notabilia fecerunt. Imo. exuerunt eum chlamyde. 2do. induerunt vestibus proprijs. 3tio. crucem cui suffigendus erat humeris eius imposuerunt. Considera imo. quantum dolorem ruboremq; passus Dominus, dum chlamyde iam vulneribus tenaciter adhærente exuebatur, vestibusq; proprijs induebatur, sic ab omnibus agnoscendus. Considera 2do. quàm grave onus senserit dum crux 15. pe les longa, & 8. lata toto corpore deficienti imposita est. Omnibus supplicio affici-

ficiendis instrumenta mortis abscondi solent: Christo crux gestanda imponitur. Considera 3tio. quanta nihilominus alacritate Salvator noster regale hoc sceptrum amplexatus fuerit: quanto animi ardore susceperit equidem infinite maiori quàm postea S. Andreas & alij SS. Martyres. Comitare Christum ad locum supplicij: offer te illi ad portandam post eum crucem: propone eam portare in ore, corde, & opere; in ore per devotam colloquutionem & gratiarum actionem; in corde per dulcem recordationem; in opere, per carnis mortificationem.

Punctum 2dum. Crucem suam humeris gestans educitur ex vrbe in montē Calvarie Dominus. Considera imo. & quasi præsens aspice, quomodo tanto pondere onustus procedit Dominus oculis facieq; totâ sputis & sanguine plenâ, capite spinis redimito, trepidantibus genibus, corpore toto vacillante Vide quomodo author omnis innocentie & Rex glorie cum latronibus ducitur. En Abel educitur in agrum à fratre vt perimatur. Isaac ligna portat in quibus immoletur. En Ioseph in tunica talari sanguine lita, patibuli quod nobis debebatur non interpres sed baiulus. En Moyles cum virga. En Eliseus cum ligno ad quærendam securim de-

mer.

meritam, id est genus humanum, ut illud ex aquis peccatorum, & inferni, per lignum crucis extrahat! Considera deinde quam prompto hilariq; animo hoc sacrum onus baiulet intruens non Iudæorum & carnificum crudelitatem sed Patris æterni & suam voluntatem: quam pios amoris & miserationis affectus erga electos eliciat! quomodo gaudeat adesse horam peccata hominum per crucem expiandi.

PRO DIE SABBATI.

*De planctu mulierum & verbis
Christi Domini ad ipsas.*

Punctum unum. Sequebatur autem illum turba multa populi & mulierum quæ plangebant. Lucæ 23. ad quas Dominus conversus dixit: Filie Ierusalem nolite flere super me, sed super vos, & super filios vestros. Considera imo. quo dolore fuerit Beatissima Virgo MARIA cernens dilectissimum suum cruce onustum ad mortem raptari. Doloris magnitudo potest æstimari inde quia in eum ferebatur amore summo, tanquam in Deum, & tanquam in filium suum unicum. Considera 2do. quantum vicissim dolorem hauserit piissimus IESUS respiciens compassionis gladio sic transfixam primogenitam æterni Patris filiam benefactricem & Matrem suam optimam.

mam, carissimam, sanctissimam. Eia mater
fons amoris, me sentire vim doloris, fac ut
tecum lugeam. Fac ut ardeat cor meum, in a-
mando Christum Deum, ut sibi complaceam.

Punctum 2dum. Nolite flere super me.

Quare? Nemo enim tollit animam meam à *Ioann: 10.*

me, sed ego pono eam & iterum sumo eam.

At verò filij vestri mortem gehennæ per
peccata sua meruerunt, à qua se nunquam

poterunt liberare. Flete super vos, & super

filios vestros, quia si in viridi ligno hæc faci-

unt, in arido quid fiet? Lignum viride IE-

SUS Christus Dominus noster. Ipse est e-

nim olea cuius pinguedinis simus partici-

pes per fidem ac charitatem: ipse est vitis:

ipse arbor vitæ. Radix huius ligni sunt

Patriarchæ: rami, Apostoli & credentes o-

mnès nec non Iudæi: sed hi rami aruerunt,

& fracti sunt propter incredulitatem. Vi-

de ergo severitatem Dei. Si proprio filio

non pepercit propter peccata aliena: quo-

modo tibi parcet propter tua? Excideris

& in ignem gehennæ mitteris, nisi per-

manseris in bonitate.

Punctum 3tium. Perpende Iudæos ex ra-

dice sancta Patriarcharum progeneratos

ramos aruisse quidem, & fractos esse pro-

pter incredulitatem: sed delictum eorum

est salus gentium. Per occasionem delicti

eorum, gentes ad fidem vocatæ. Tu cum

Lignū vi-
ride Iesus
Christus.

Ad Rom:
XI.

Delictum
Iudæorum
salus mū-
di.

Ad Rom:
XI.

alijs

alijs fidelibus in locum eorum insertus est
 contra naturam in bonam olivam, hoc est
 in Iesum Christum. Quare noli gloriari
 adversus ramos: noli fremere adversus Iu-
 dæos, eosq; odisse; sed potius time, ne &
 tu per aliquod peccatum lethale arescas
 & iudicia Dei venerare, eiusq; bonitatem
 ac sapientiam obstupefciendo admirare,
 quod ex peccato Iudæorum salutem genti-
 um elicuit: quarum plenitudine intrante
 ad fidem, tandem & Israel zelo atq; amu-
 latione fidei gentium provocatus credet
 in Christum & salvus fiet.

Colloquiū.

O altitudo divitiarum sapientiæ & sci-
 entię Dei, quam incomprehensibilia iu-
 dicia eius! O crux Christi quàm mira
 operaris! quomodo facis utraq; vnum, &
 gentes & Iudæos, ad fidem trahis! O IESU
 per crucem & passionem tuam oro te
 ne me permittas, vnaquam arescere; sim in-
 giter ramus tuus in te, & ex te vivens &
 virens! nutri me semper succo & pingue-
 dine fidei & charitatis, ut semper fructum
 tibi faciam.

PRO DOMINICA PALMARUM

*De Ingressu triumphali IESU in
 Ierusalem.*

Punctum unum. Christus verus Agnus
 ad instar agni typici quinq; diebus
 ante

ante immolationem suam Hierosolymam ingredi voluit, & quidem non communi more ut alias, sed cum triumpho; non pedester, sed asello insidens. idq; ob has ferre causas. quarum ima ut ostenderet se sponte, libenter, gaudenter expectare passionem. 2da. ut doceret ad caelestem Hierusalem per viam humilitatis & mansuetudinis nobis eundem esse. 3tia ut item doceret nos constantiam & æquanimitatem in prosperis & adversis servare; ne scilicet postquam ex prosperis in adversa, ex honore ad ignominiam delabimur, concidamus animo, & nimium turbemur. 4ta Ut impleretur vaticinium Zachariæ: *Exulta satis filia Sion: iubila filia Hierusalem. ecce rex tuus veniet tibi iustus & Salvator ascendens super asinam & super pullum filium asinae. 70. sic habent: Gaude vehementer filia Sion. prædica filia Hierusalem. Ecce rex tuus veniet tibi iustus & Salvator ipse mansuetus & ascendens super subiugalem & pullum novum Zach: 9.*

Punctum 2dum. Expende mysterium iumentorum Christo in hoc ingressu servantium. Per asinam subiugalem intelliguntur Iudæi: qui scilicet ante adventum Christi sub gravi iugo legis manserunt. per pullum intelliguntur gentiles. Pullus novus est populus gentium (ait S. Hier: in Zach:

*Christus
Rex Iudæ-
orum &
gentium.*

*Primum
sedit in a-
sua mox
in pullo
iuxta S.
Bonaven.*

Zach: 9.

Affectus.

Zachar:) qui fræna legis non habens nec re-
ctus ab aliquo, sed semper in præcipitijs & in
voraginibus idololatriæ elisus atq; contractus,
Domini sessione didicit ambulare & rectam
viam ingredi. Expende item Christi humi-
litem & paupertatem. In regiam suam
ingreditur in iumento contemptibili: loco
aurei fræni duos habet funiculos: loco
sellæ gemmis distinctæ vestes discipulo-
rum: loco tubarum, turbæ acclamationes.
S. Bonaventura meditatatur asinam hanc &
pullum fuisse alligatos in loco publico ad
usum pauperum. Ita Dominus non alio
iumento quàm pauperibus deputato por-
tari voluit! Expende insuper quod qui
tam pauper & humilis procedit, quadrigas
& equos & arcus belli disperdet & dominabi-
tur ubiq; hoc est, bella conteret, & pa-
cata faciet omnia, & univèrsam mundum
suo scepro subiciet absq; armis.

O Synagoga! o Pharisei, scribæ & sa-
cerdotes: cur fremitis contra Christum
qui si affectatorem regni? quis vnquam
sic ad regnum processit? vbi exercitus?
vbi Principum & magnatum splendidus
comitatus? vbi equitum longi ordines?
vbi equi phalerati? vbi carpenta & peto-
rita? si nihil horum videtis, quid invidi-
tis? aut quid vobis ab hoc rege timetis.

Anima mea obstupescere tu super tali ve-

Etura Regis gloriæ! Nonne tu es Domine qui sedes super Cherubim? & nunc carne humana velatus a fello infides. Sis benedictus ex tanta tua humilitate. Fac me quoque humilem.

Punctum trium. Estò Christus tam humiliter intrabat Hierusalem, tamen tales plausus & acclamationes & occurus habuit, quales nullus regum. Nam turbæ quæ cum comitatæ fuerant ab Hiericho, ubi cæcos iuxta Matthæi Evangelium illuminaverat, & deinde aliæ turbæ Hierosolymis obviam Christo egressæ cælitus inspiratæ, pars vestimenta sternebant in via, pars de arboribus ramos cædebant & vias complanabant, pars ramos palmarum & olearum prægestabant: omnes autem consonâ voce cantabant: *Benedictus qui venit in nomine Domini rex Israel. Osanna in excelsis.* quod Lucas latine sic posuit: Pax in cælo & gloria in excelsis. *Osanna* idem est iuxta S. Hieronymum, quod *salus*. *Osanna* ergo Christo canebatur, quia adventus ipsius gloriam Deo & salutem hominibus attulit.

Secundum

O Rex Israel! ecce ego pullus pusillus & contemptibilis, ligatus vinculis peccatorum, foris ante ianuam Ecclesiæ tuæ in bivio sto; quia libertate arbitrij inter vitam & mortem medius maneo: *am in bi-*

Marcum
pullus liga-
tus stetit
ante ianu-
am in bi-

De PASSIONE CHRISTI.

oro iube me solvi manu Apostolicâ & adduci ad te: sede super me nec me unquam abijcias; ut iam non regnet in me peccatum.

Tibi & præcedens & sequens populus: & qui ante evangelium, & qui post evangelium, testimonium perhibet, quod sis Rex cælestis & terrestris Hierusalem: quod in nomine Dei Patris veneris: quod per te pax & salus mundi, & gloria in excelsis facta sit. Etiam humilem confessionem meam suscipe: Benedictus Rex Israel. Benedictus Pater tuus in cuius nomine venisti. Osanna salvifica me. Propositum & virtus sit contemplatio Iesu crucifixi.

Tesseræ: *Quærens me sedisti lassus, redemisti crucem passus, tantus labor non sit cassus.*

Inter brachia Salvatoris mei, & vivere volo & mori cupio. S. August.

PROFERIA II.

De crucifixione in monte Calvaria.

Punctum unum. Cum carnifices Iesum sæpius sub pondere crucis prolapsum ulterius iam propellere non possent, angariaverunt quendam Simonem Cyrenæum ex agro redeuntem ut tolleret crucem eius. Considera Simonem non sponte, sed coactè crucem tulisse; ut discas in ferenda cru-

da cruce requiri, vt vis inferatur naturæ
reluctanti. Tu te ipsum offer Christo ad
port. Nam post ipsum crucem alacriter;
& p^{er} ne omnem aduersitatem pro gloria
eius libenter suscipere. *Simon qui portat* *S. Hieron.*
crucem in angaria, ipse est qui laborat pro
laude humana. Cogunt eum homines huic la-
bori quem non cogit timor & dilectio Dei.
Cave ne quid pro laude humana facias
aut patiaris; sed omnia stude & propone
referre ad gloriam Dei & proximi utili-
tatem.

Punctum 2dum. Postquam venerunt in
locum qui dicitur Calvariæ, ibi crucifixe-
runt eum. Luc: 23. Expende quis crucifi-
gitur? quomodo? ubi? quando? pro qui-
bus? Quis? qui peccatum non fecit nec
inventus dolus in ore eius: qui pertran-
sibat benefaciendo & sanando omnes:
Unigenitus filius Dei pro nobis homo fa-
ctus: flos carnis: flos totius naturæ huma-
næ. Quomodo? perforant carnifices ob-
tusis clavis manus & pedes, ad foramina
summa vi attrahunt & ita extendunt to-
tum corpus, vt omnia ossa eius potue-
rint dinumerari; tandem in effossam scro-
bem impetuosè deieciunt crucem cum cru-
cifixo, in qua deiectione tota structura
Sacratissimi Corporis cum renouatione o-
mnium vulnerum dolorumq; concussa est.

Ubi? extra urbem Ierosolymæ: extra vineam illam, è qua se filium æterni Patris eijciendum prædixerat: in monte Calvarix, in loco propter cadavera fetido: in monte in quo iuxta traditionem Iudæorum immolatus est Isaac, aut verius aries pro Isaac: in quo Adam mortuus & sepultus: in umbilico terræ, hoc est, in medio terræ; vt quaquaversum sanguis Christi deflueret in omnes mundi partes & Deo fructificaret.

Punctum 3^{ium}. Quando & pro quibus crucifixus? Quando? die parasceves, quando plane totus orbis confluerat Ierosolymam; vt in facie mundi totius pro toto mundo moreretur. *Pro quibus?* pro peccatoribus, pro hostibus suis, pro ingratiss, scelestis, deniq; pro toto vniverso varijs ijsq; gravissimis criminibus oppresso. *Ipsa species crucis quid est nisi forma quadrata mundi:* Oriens de vertice fulgens: Arcton dextra tenet: Auster in leua consistit: Occidens sub plantis firmatur. ait S. Hieron: in Marc. Ne iam dixeris ingrate: Quid laboravit Deus circa me? dixit & factus sum. Non laboravit creando te sed o quantum laboravit redimendo te! Adora ubiq; crucem ex qua salus totius mundi manavit. Age gratias Christo pro tanto amore: adora pendentem: adora omnes & singulas

In Cruce
mundus
totus.

guttas sanguinis sui pretiosi è manibus, pedibus totoq; corpore torantes. Ora vt tibi mundus crucifigatur & tu mundo. Ora vt nihil aliud noveris, nihil aliud vivat in te nisi Iesus crucifixus.

PROFERIA III.

De titulo crucis: & iniurijs à Christo in cruce toleratis.

Punctum 1^{um}. Pendet Dominus duos inter latrones medius solo titulo eum discriminante: I. N. R. I. Considera singula tituli verba. 1^{um} est JESUS quod Salvatorem significat: venit enim ad salvandum & liberandum mundum à peccatis eius. 2^{dum} verbum NAZARENUS significat floridum. semper namq; floribus fructibusq; virtutum omnium vt humilitatis, paupertatis, patientiæ, obedientiæ, amoris erga Deum & homines stipatus fuit. Utinam flores hi appareant etiam in terra nostra, in anima nostra, nec vnquam deficiant. 3^{tium} REX quo significatur Regnum eius non temporale sed cæleste & æternum. 4^{tum} verbum JUDÆORUM: quo significatur eum regnare super omnes, qui Christum fide & operibus consentunt: qui sunt semen Abrahamæ non secundum carnem, sed secundum fidem; & circumcisionem non in carne,

Ad Phil. 3. carne sed in spiritu habent. Nos enim sumus circumcisio (hoc est Iudæi) qui spiritu servimus Deo & gloriamur in Christo Iesu.

Quis verus Iudæus?

Nos sumus veri Iudæi ait S. Hier: qui non unius membri pellem sed totius carnis vitia amputamus. Et gloriamur in Christo Iesu: nempe in fide Christi, non in circumcissione carnali.

Punctum 2dum. Sub oculis Christi de cruce spectantis milites partiti sunt inter se vestimenta eius scissa in 4. partes; tunicam verò inconsutilem subiecerunt fortibus. *Vestimenta Domini* (ait Hieron: in *ta Christi* Marc:) *mandata sunt* quibus tegitur corpus eius quod est ecclesia. Vide ut semper his *quid mysticè.* vestimentis opertus sis, ne nuditas & turpitudine tua spiritualis appareat coram Deo & hominibus. Considera immensam Christi liberalitatem, qui cum dedisset corpus & sanguinem suum hominibus, dedit & vestes insuper quadripartitas, ad significandum; quia ex omnibus 4. orbis partibus ad ipsum venientes possunt habere indumentum gratiæ. Tunica indivisa, pacis & unitatis significativa est. ut tunicam suam, ita pacem & unitatem non vult Christus inter nos dividi: non vult discindi charitatem, quò fructus passionis suæ in nobis maneat. Examina te an tunicam hanc indiscissam servas: an verò unitatem

Tunica inconsutilis quid?

frater,

fraternæ dilectionis laceras & scindis?

Punctum 2tium. Ad hæc illudebant ei-
mo. ex populo prætereunte varij moven-
tes capita & insultantes potentia eius his
verbis: *Vah qui destruis templum Dei & in
triduo reedificas illud. saluum fac temeti-
psum. Alios salvos fecit: seipsum salvare non
potest.* 2do. Sacerdotes cum scribis & se-
nioribus deridentes eius sanctitatem, fi-
duciam in Deo & dignitatem filij Dei.
*Confidit in Deo. liberet eum nunc si vult. dixit
enim: filius Dei sum.* 3tio: Milites cavillan-
tes regnum ipsius & dicentes: *Si tu es Rex
Iudæorum, saluum te fac.* 4to. Latrones
cum eo crucifixi, primum quidem iuxta D.
Hieronymum ambo; sed postea vnus visis
miraculis quæ fiebant conversus pœnituit,
& alterum increpuit. In his omnibus con-
sidera quanto cum fastu, asperitate, con-
temptu, hæc impropria vilissimi sathanæ
ministri in filium Dei congerebant: è con-
tra quantâ æquanimirate, humilitate, pa-
tientia has omnes iniurias excepit Domi-
nus. *Considera item quantam afflictionem
sustinuerit Beatissima Virgo blasphemias
illas audiens quæ in filium suum effutie-
bantur. Age gratias Christo Domino pro
singulis iniurijs, & opprobrijs toleratis.
Propone ad imitationem eius pati convi-
tia. Tesseræ vt in die Dominico.

PROFERIA IV.

*De verbis Christi in cruce prolatis:
& de morte eiusdem.*

Punctum imum. Verbum Christi in cruce primum est. Pater dimitte illis non enim sciunt quid faciunt. Implet Iesus quod docuerat, quando orat pro persequentibus se. excusat peccatum & ignorantiam obtendit, ut & tu dubia in meliorem partem interpreteris, manifesta autem excuses prout potes. *Nesciunt quid faciunt.* Non principes Iudæorum: hi enim sciverunt Iesum esse Christum promissum in lege, quia omnia signa viderant in eo, quæ dixerant futura prophetæ: & quamquam mysterium divinitatis eius ignoraverint (si enim cognovissent, nunquam Dominum gloriæ crucifixissent) hæc nihilominus ignorantia non excusabat eos à crimine quia fuit affectata. videbant enim signa evidentia divinitatis, sed ex odio & invidia ea pervertebant; & verbis Christi quibus se filium Dei fatebatur similiter ex odio & invidia credere noluerunt.

Iudæi alij Hæc ergo excusatio ad solos populares primores, Iudæos pertinet, qui mysteria scripturæ alij minores, in Iesum esse Christum, multominus cognoverant ipsum esse filium Dei: quod si alij

quan-

quando propter miraculorum multitudinem & efficaciam doctrinæ propendebant *ignorantia affectata*, ad credendum in eum; à principibus suis *quæ potius seducebantur & à fide avertebantur*. Et *aggravat* hæc ignorantia minuebat aliquatenus *culpā quā* litiam peccati in plebe Iudæorum, illudq; *excusat*; excusabile reddebat: è contra ignorantia *in his ex-* affectata quæ fuit in pharisæis & principi- *cusabilis*. bus Iudæorum non minuebat, sed potius aggravabat peccatum. Cave odium & invidiam: hæc enim & sentire & proferre de alijs quæ vera & iusta sunt prohibet. Cave ne in ruinam aut verbo aut exemplo minores ac rudiores trahas. Peccatum rudium excusabile est: at illuminatorum in rebus divinis inexcusabile. *Potentes sive verbo sive opere, potenter tormenta patientur*. Age gratias Christo Domino pro hac excusatione gravissimi contra se peccati. Ora ut & tua peccata excuset & contegat.

Punctum 2dum. Secundum verbum fuit ad latronem: *Hodie mecum eris in paradiso*. Paradisum vocat divinæ suæ faciei visionem. *O felix latro, qui homicidij penam commutavit in martirium*. Considera & expavesce iudicia Dei! unus damnatur, alter salvatur. Tertium ad Matrem & Ioannem. In persona Ioannis omnes nos commendati sumus Virgini Beatissimæ, & ipsa nobis in Matrem data. O ingens Christi-

S. Hieron.

S. August.

Christus
omne legē
veteris te-
stamenti
implevit,
& i se ter-
minavit:
ad quē ni-
mirū tota
ordinata
fuit iuxta
illud: finis
legis Christus.

Christi amor: o sollicitudo circa nos in
tantis tormentis. Quartum Christi ver-
bum fuit: *Deus Deus meus ut quid me dere-*
liquisti. Dereliquisti me non protegendō
me a passione, sed potestati persequentium
exponendo. Undequaque desolationem
patitur Christus, ut & nos desolationes
exēplo eius patienter sustineamus. Quin-
tum: Sitio. scilicet gloriam æterni Patris,
salutemq; hominum. Siciebat etiam po-
tum materiale; & propinatum est illi ac-
cetum cum felle mixtum. per quod im-
pletæ sunt scripturæ: Et dederunt in escam
meam fel, & in siti mea potaverunt me ace-
to. Vide quomodo IESUS nullum refri-
gerium in cruce habet. Sextum: Consum-
matus est. per quod intelligitur quod pas-
sione & morte sua cuncta legis veteris
præcepta Christus impleverit. Moralia
quidem, quorum fundamentum charitas,
in quantum passus est ex dilectione Patris
& proximi: caeremonialia quæ præcipue ad
sacrificia & oblationes ordinantur, inquan-
tum omnia sacrificia antiqua, figuræ fue-
runt illius [veri sacrificij] quod Christus
obtulit moriendo pro nobis: Iudicialia do-
num quæ ut plurimum ordinantur ad sa-
tisfaciendum injuriam passis, in quantum
satisfecit iustitiæ divinæ pro nobis. Septi-
mus: Pater in manus tuas commendo spiri-
tum meum. Disce à Iesu mori!

DE PASSIONE CHRISTI.

319

Punctum 3^{ium}. Et hæc dicens inclinatum capito tradidit spiritum. Considera Christum caput inclinasse. 1^{mo}. ut reverentiam faceret Patri, gratias agendo ei pro consummato redemptionis humanæ officio. 2^{do}. Caput Christi Deus est. Christus ergo moriendo caput inclinavit, ut ostenderet Deum per mortem Christi, terræ reconciliatum & ad eam inclinatum esse. 3^{tio} ut ad Matrem suam affectum monstraret. 4^{to}. ut secundum August. in medit. oscula daret dilectis suis. Considera deinde quomodo author vitæ per quem vivunt omnia, & qui est principium & fons omnis vitæ, verus Deus & homo mortem subiecit non tamen qua author & fons vitæ. Nam Christus Dominus est fons vitæ secundum quod Deus. mortuus verò est secundum quod homo. Unde Augustinus dicit contra Felicianum: Absit quod Christus sic senserit mortem ut quantum in se est vita vitam perdiderit. Si enim hoc ita esset, humanæ vitæ fons aruisset. Sensit ergo mortem participatione humani affectus quem sponte susceperat: non naturæ suæ perdidit potentiam, per quam cuncta vivificat. Age gratias. Ora ut mors eius sit tibi in vitam æternam, ut inclinet caput suum ad te, tibiq; det osculum pacis æternæ.

*Quare
Christus
Dominus
moriendo
caput in-
clinavit.*

*Christus Do-
minus au-
thor vitæ
secundum
divinita-
tem.*

*Mortuus
secundum
humanitatem.*

PRO

De causis mortis Christi. & de latere lancea aperto.

*Causa
mortis
Christi.*

Punctum 1^{um}. Causa mortis Christi Domini: ima est vt satisfaceret pro humano genere quod erat morti ad iudicatum propter peccatum: est autem conueniens satisfaciendi pro alio modus cum aliquis se subijcit pænæ quam alius meruit. 2da. vt ostenderet veritatem naturæ assumptæ. Si enim (vt ait Eusebius) post conuersationem cum hominibus subito evanescens mortem fugisset, ab omnibus phantasmati fuisset comparatus. 3tia vt moriendo, nos à timore mortis liberaret. 4ta

*Per similitudinem
peccati intelligitur
pœnalitas.*

vt corporaliter moriendo similitudinem peccati, id est pœnalitati, nobis daret exemplum spiritualiter moriendi peccatis. 5ta. vt à mortuis resurgendo & virtutem suam ostenderet qua mortem superavit & nobis spem resurgendi daret. Age gratias Christo Domino, quod morte sua pro te satisfecerit: quod naturæ humanæ veritatem ostenderit: quod te à timore mortis liberarit: exemplum moriendi virtutis peccatisque nec non spem resurgendi in vitam æternam tibi dederit.

Punctum 2^{dum}. Unus militum lancea eius latus aperuit. Considera imo. magnitudo.

gnitudinem vulneris. Non enim ait scriptura latus percussum, sed apertum esse. Considera 2do. dolorem Virginis Beatissimæ. verè tunc Beatissimam eius lancea illa pertransiuit. Christi namq; anima iam ibi non erat: sed tua (alloquitur Mariam Bernardus) planè inde nequibat avelli. Considera 3tio. Causas 1ma. est vt de corpore Iesu residuum sanguinis efflueret pro nostra salute. 2da. vt ad cordis eius intima & ad viscera misericordiæ Dei, velut per ostiolum nobis ingressus pateret. unde ait Aug: *Patent mihi viscera per vulnera. Longinus aperuit mihi latus & intravi: & ibi requiesco securus.* 3tia ex S. Bernardo: Pectus Christi apertum vt & nos cor nostrum in confessione aperiamus: à pravis cogitationibus mundemus: mundatū sanctificemus: sanctificatum custodiamus. 4ta ex parte militum vt de morte eius certiores essent & iniuriā corpus mortuum asficerent cuius crura Deo sic volente non fregerunt, vt adimpleretur scriptura: *Os non comminuetis ex eo.* Adora vulnus lateris & pete, vt ibi perpetuum sit refugium tuum.

*Causæ a-
pertionis
lateris.*

Punctum 3tium. Et continuo exivit sanguis & aqua. Imo. ad ostendendum quòd Corpus Christi erat compositū ex veris humoribus & elemētis. 2da ratio Sacramentalis.

*Cur exi-
vit sangui-
& aqua
ex latere
Christi?*

S. Thom.

*Effectus
passionis
Christi in
sanguine
& aqua
lateralis sui
repræsen-
tati.*

*Erit vobis
sanguis in
signum E-
xodi 9.*

lis. Sicut enim ex latere dormientis Adæ
eduxit Deus costam & ædificavit in mulie-
rem, ita ex latere Domini dormientis in
cruce eduxit duo potissima Sacramenta
Baptismi, & Eucharistiæ, quorum primum
est ianua sacramentorum, alterum finis
consummatio eorundem: & in illis fundavit
ecclesiam. Unde Glossa: Ex latere Christi
dormientis in cruce sacramenta fluxerunt per
quæ instituta & salvata est ecclesia. 3tio, ad
ostendendum effectum multiplicem passi-
onis & mortis Christi. Imus est redemptio
nostra à captivitate diabolica: & ablutio
à macula originalis & personalium pecca-
torum. In sanguine redemptio, in aqua
ablutio intelligitur. 2dus, amor erga De-
um: & refrigerium à concupiscentiis. Nam
per passionem Christi & incalescimus ad
amorem Dei: & refrigeramur ab ardore
concupiscentiæ. In sanguine calor: in aqua
refrigerium. 3tius, Sacramenta & eorum
virtus, sanguis ad eucharistiam pertinet
aqua ad baptismum. 4tus, adunatio nostra
cum Christo: in sanguine Christus, in aqua
populus designatur. 5tus, demum introitus
noster in vitam æternam. Sanguis
Christi signatur in hæredes vitæ æternæ
aqua autem salit nobis in eandem vitam
æternam. Quam salutare effectus? Desideras
eos? frequentes Sacramenta.

quæ

quoties sacrificando accedis, ad sacrum calicem *vt ab ipsa bibiturus Christi costa sic accedas iuxta monitum S. Chrysostomi.* Ora singulos fructus tibi dari. Adora sanguinem cum aqua ex latere IESU manantem: collige eum cum Beatissima Virgine Matre, & offer æterno Patri pro peccatis tuis.

PROFERIA VI.

De Christi Domini de cruce depositione.

Punctum imum. Ioseph ab Arima-
thia quæ interpretatur *deponens* de-
positionem corporis Dominici procura-
vit. Considera Christum duobus Iosephis
curam sui commendasse: vni initio vitæ,
à quo nutrebat, alteri post mortem, à quo
sepeliretur. Ioseph idem sonat quod ac-
crescens vel proficiens: quia IESUS ijs se
tantum peculiariter communicat qui in
vita spiritali quotidie proficiunt. *Hic psalmum*
non consenserat consilio & actibus eorum. Lu-
imam de
cæ 23. Verè beatus vir hic quia non abiit
isto Ioseph
in consilio impiorum, & in via peccatorum
intelligi
scribit Hie
ron.
qui Christum persequabantur non stetit.
Audaçter introivit ad Pilatum petijtq;
corpus IESU. En fructum passionis mor-
tisq; Christi! Qui antea fuit timidus, post
audax effectus. O quot hominibus etiam

sexûs & ætatis infirmioris mors Christi
stupendam fortitudinem & magnanimitatem
prestitit. Etiam tu consilia & a peccato-
rum fuge. Audacter constanter
perface quæ ad fidem & ad gloriam di-
nam spectant. Dic in quovis periculo
mihi vivere Christus est: & mori lucrare.
Legitimam potestatem venerare, & de
licentia fac facienda, juxta illud: cui timo-
rem timorem; cui honorem, honorem.
Rom. 13.

Punctum 2dum. Deponens eum involvit
Sindone. Marci 15. Obtenta licentiâ em-
pta; sindone festinavit ad tam sanctum
opus. Reverentia crucifixo facta scalis
applicuit, clavos extraxit, ac Deificum
corpus juvante Nicodemo ac Ioanne, ex-
cipiente illud Deipara cum sociabus susce-
deposuit. S. Augustinus comparat obsequium
quia eius circa funus Christi, cum obsequio
quius B. M. Virginis circa nativitatem e-
iusdem. Conveniunt, inquit, Tibi obsequium
conveniunt & affectus. Unde necesse est
meritum convenire. Expende quomodo ru-
at in amplexum totius corporis Beatissi-
ma Mater! quomodo in pectus Ioannes!
quomodo ad pedes Magdalena! Adora
cum hoc sancto choro singula crucifixi
membra. Caput, manus, pedes, pectus o-
sculare per piam affectionem. In sindone

Ser. 133.
de Tépore.

mundæ involue. Sindon candida est mundæ conscientia: quam qui non habet, numero penitentia emat, & IESUM in ea servet.

Punctum 3tium. Joseph hic insignibus encomijs in scriptura celebratur: imo. erat vir bonus & iustus. 2do. erat dives & nobilis, non tam facultatibus & sanguine quam virtutibus, & bonâ famâ. 3tio. ab Arimathia quæ etiam interpretatur *vigilia donationis*: invigilavit enim ut sibi donaretur corpus Christi. 4to. decurio. hoc est, de curia curam habens. 5to. expectans regnum Dei. Tu pariter, (præcipue si habes curam curia & corporis mystici Christi Domini) esto vir fortitudine & constantia. Nisi enim virtute valeas irrumperre iniquitates, non es aptus alios regere: esto bonus & iustus. esto Joseph proficiens in spirita, & aliorum profectam curans. Vigila super te & tibi commissos. Vulnera eorum, peccata eorum, quantum fas contege. Sindonem mundam, conscientiam bonam exhortationibus atq; orationibus ipsis procura. Demum expecta cum desiderio regnum Dei.

Pro eadem die.

De sepultura Christi Domini.

Punctum 1mum. Venit autem & Nicodemus.

x;

mm.

mus. Ioan: 19. Acceperunt ergo corpus IESU & ligaverunt illud linteis cum aromatibus. Ioan: 19. Considera imo. quantum Nicodemus ex passione & morte Christi Domini profecerit. Ante noctu veniebat ad Iesum: nunc de die, ante solas quaestiones efferebat, nunc affert pretiosa aromata: antea innocentem sanguinem nomine duntaxat exprimebat, modo innocentem sanguinem fustum esse opere publico clamat: antea timebat populum, iam non tantum populum sed etiam mortem ipsam non metuit. Disce & propone devotus esse ad passionem Domini. Disce & propone malum metum excutere: in virtutibus proficere: & ex ijs odorem bonae famae quærere. Considera 2do. devotionem & sedulitatem Ioseph & Nicodemi; quam diligenter omnia Christi vulnera contemplati sunt: quoties osculati: quam reverenter cruorem & spūta absterferunt: quomodo corpus linteaminibus ligarunt: caput sudario texerunt, Virgine Beatissima ad hos pietatis actus verbo & exemplo provocante. Tu quoq; quoties funeri alicuius ades, ex animo & devotè & tanquam corpori Christi obsequium ultimum exhibeto.

Punctum 2dum. Involutum corpus posuerunt in monumento novo exciso è petra,

tra, in quo nondum quisquam positus erat & adduxerunt saxum magnum ad ostium monumenti, & abierunt. Considera imo. novum fuisse monumentum, quia tale novo Adæ congruebat. Ubique ait S. Aug: *Beato corpori defertur sanctitas, ubi, virginitas. Virgo vterus Maria, Virgo sepulchrum.* Ex cistum vero è petra, ut significaret reconditum esse in eo lapidem qui reprobatus est à Iudæis ædificantibus, & factus in caput anguli, hoc est, in caput connectens duos parietes, duos nimirum populos, populum circumcisionis & præputij. Considera 2do. corpus nostrum & potiori jure pectus nostrum ubi iustitiæ sedes est in quod sub communionem corpus Domini recondimus, posse dici sepulchrum IESU. Magnum autem saxum sepulchro huic advolvimus, cum gratiâ Dei ita munimus pectus ut nullus pateat aditus dæmoni carni aut mundo. Etiam guttur nostrum sepulchrum est iuxta illud: sepulchrum patens est guttur eorum. Quoties Christum loquimur, toties eum sanctæ memoriæ commendamus. S. Aug: de tempore

Ser: 131. de
tempore.

Punctum 3tium. Cur Christus in alieno tumulari voluit sepulchro? imo. quia pro alijs mortuus non pro se. Ut quid ei propria sepultura, qui propriam mortem non habuit. 2do. quia ad breve tempus in tumulo quiesceret. Ut quid illi sepultura?

Hæ rationes ex S. August: de tempore.

*qui tridui tantum spatio non tam mortuus
 iacuit quam velut in lecto conquievit. 3tio.
 quia in cælis habitatio eius. Ut quid illi tu-
 mulus in terris cuius sedes manebat in cælis?
 4to. quia sepulchrum est habitaculum
 mortis. Christus autem est vita. Non ha-
 bebat opus semper vivens habitaculo defun-
 ctorum. Unde & mulieribus dictum: Quid
 queritis viventem cum mortuis? Dedit
 tibi Ioseph sepulchrum suum novum o
 IESU! dedit Nicodemus misturam myr-
 rhæ & aloes. Ego quid dabo? animam &
 corpus meaq; omnia offero tibi in perpe-
 tuum. Sim semper sepulchrum tuum sed
 novum, nihil de vetustate & turpitudine
 Adæ habens: sepulchrum odoriferum, a-
 romatibus virtutum redolens, non mephi-
 tim operum verborumq; fetidorum ex-
 halans! Fac hoc o IESU per intercessio-
 nem dolorosæ Matris tuæ. O quanto cum
 dolore abijisti Virgo beatissima à sepulchro!
 Oro te vt mihi impetres specialem de-
 votionem ad passionem Domini, & iugem
 memoriam eiusdem. Oro insuper te vt
 mihi impetres mundiciem cordis; quò in
 eo velut in monumento novo Christus
 perpetuo requiescat.*

PRO DIE SABBATI.

De descensu Christi ad limbum.

P*unctum unum.* Dominus noster simul ac in cruce expiravit, secundum animam hypostaticè unitam verbo ad limbum descendit cum magna gloria, stipatus ingenti comitatu Angelorum, ut suos à quibus tot sæculis expectabatur consolaretur, & ab inferis liberaret: atq; eodem temporis momento penetravit omnes inferiores partes terræ, in una scilicet parte inferni quo ad substantiam suam manendo, ad alias autem partes potentiam suam extendendo, & effectus in ijs diversos operando: nimirum damnatos confutando de sua incredulitate atq; malitia: in purgatorio detentis ampliorem spem gloriæ dando: in limbo manentibus lumen gloriæ æternæ infundendo. iuxta prædictionem factam. Sap: 24. *Penetrabo omnes inferiores partes terræ: & illuminabo sperantes in Domino.* Expende imo. benignitatem Salvatoris nostri non dedignantis per seipsum in partes inferiores terræ descendere ad liberandos suos, cum id vel solo nutu vel Angelorum ministerio præstare potuisset. Quanta quoq; eiusdem erga te benignitas, toties realiter in sacra communione ingredientis ad


te corpore & spiritu fœtidum sanandum, illuminandum, fovendum. Quàm merito ergo infinita eius benignitas amanda, colenda! Expende 2do. curam salutis nostræ; & discce negotia gloriæ Dei & animarum non per alios perficere, sed per te: item discce non dedignari pro consolatione proximorum hospitalia carceresq; visitare.

Punctum 2dum. Expende causas ob quas Christus descendit ad inferos. 1ma est: vt nos ab inferno liberaret; sicut mortuus est vt nos à morte liberaret. 2da. vt sicut potestatem suam ostendit in terra ita & in inferno eandem ostenderet. 3tia: vt sicut viventibus applicatur virtus passionis Christi per Sacramenta configurantia nos passioni Christi: ita eadem amplicaretur mortuis per descensum eiusdem ad inferos. 4ta. vt impleretur scriptura: *Tu quoq; Zacha: 9. in sanguine testamenti tui, id est, per virtutem passionis tuæ, eduxisti vinctos de lacu* scilicet SS. Patres, iustosq; omnes ex limbo: & ex purgatorio eos omnes, qui iam sufficienter purgati erant:

Punctum 3tium. Expende quantâ viso salvatore lætitiâ perfusi omnes iusti, quicunq; ab exordio mundi in carcere illo fuerunt conclusi. Licet imaginari quod per choros accesserint & Dominum salutarint;

tarint: separatim scilicet Patriarchæ: se-
 paratim Prophetæ: reges: sacerdotes: in-
 nocentes: martyres quorum agmen duce-
 bat Abel: Confessores: Virgines: Viduæ:
 Matronæ: tremantibus interea ac fremen-
 tibus tartareis spiritibus. è quorum pote-
 state statim liberati sunt omnes illi San-
 cti esto non statim educti: quousq; enim
 mansit ibi anima Christi, eousq; & illi
 manserunt sed iam gloriosi. Expende item
 solis. iustis qui Christo per fidem & cha-
 ritatem in vita coniuncti erant profuisse
 descensum Christi ad inferos. Nam ibi
 operatus est in virtute passionis suæ. Qui
 ergo passionem eius aut non agnoscebant
 per fidem, aut se ei non cōformabant per
 charitatem, illis passio Christi non con-
 tulit fructum liberationis. Unde Osee
 13. dicitur: *Ero mors tua o mors: morsus*
tuus ero inferne. Electos educendo, repro-
 bos ibidem relinquendo. vt Glossa addit.
Momordit inferno Christus non sustulit: quia
partem inde eduxit, partem reliquit ibi-
dem. sicut qui mordet aliquem, non oc-
cidit totum, sed in alio lædit. Ora Chri-
 stum vt & tibi applicet fructum Passionis
 suæ, teq; de carcere vitæ imò potius mor-
 tis huius ad fruitionem gloriæ suæ educat.

Iustos Do-
 minus e-
 duxit ab
 inferis: da-
 mnatos &
 pueros in
 originali
 mortuos
 reliquit.
 Sicut enim
 peccatum
 Adæ ad e-
 os tantū
 pervenit,
 qui ab eo
 per semi-
 nale rati-
 onē carna-
 liter descē-
 derūt, ita
 gratia Xti
 ad eos tā-
 tum per-
 venit, qui
 spiritali
 regenera-
 tione facti
 sunt mem-
 bra Xsti:



MEDITATIONES

Pro via Unitiva.

Ad Religiosum Lectorem.

Materia meditationum viæ Unitivæ multiplex assignatur: imprimis gloriosa vitæ Christi mysteria: deinde attributa divina: postea beneficia nobis collata: demum beneficia (puta gloriæ cælestis) promissa: ad extremum vitæ Beatissimæ Virginis & Sanctorum Dei de singulis dabuntur meditationes. Porro ne quis existimet in his meditationibus non nisi affectus viæ unitivæ congruentes esse eliciendos, sciendum est posse etiam viæ Purgativæ & Illuminativæ affectus satis convenienter elici descendendo v. g. ex affectu amoris vel gratitudinis, vel zeli similique aliquo ad actum compunctionis, doloris patientiæ, humilitatis, aliosvè. Liceat hîc cum D. Hieronymo mulierum ad sepulchrum Christi aromata portantium devotionem expendente, stylo & spiritu florido præfari. Nunc aromatibus redolentibus cum sponsa & adolescentibus quæ currunt post eam, conspergimus librum & cubitulum mentis nostræ. Nunc introducit nos Rex in cella-

DE RESURRECT: & APPAR: CHRISTI.

333

ria sua. Nunc surgit amica MARIA, hyems abiit & pluvia recessit, flores visi sunt, vox turturis audita est in terra nostra. Vineæ florentes, dederunt odorem. Redit sponsus de umbra, sub qua dormivit in meridie, post sabata tristia felix irradiat dies, quæ primarum in diebus tenet luce prima in eo lucescente, & Domino meo cum triumpho resurgente & dicente: Hæc est dies quam fecit Dominus, exulemus & lætemur in ea.

MEDITATIONES

De Resurrectione & apparitionibus
Domini in ordine ad lætitiã
spiritualem.

PRO DOMINICA PASCHATIS.

De gloriosa resurrectione Christi Domini.

Punctum imum. Surrexit non est hic. *Marci 16.*
Confidera imo, quomodo gloriosa Christi anima (recolleto prius per Angelos sanguine per diversa loca sparso, capillisq; qui evulsi erant, suo loco restitutis) corpori suo, inspectante toto comitatu se iterum univit, absterosq; omni vulnerum squalore illud reddidit gloriosum impertiendo illi claritatem, impatibilitatem, agilitatem & subtilitatem.

DE RESURRECTIONE

tem. Considera 2do. Christum Dominum resurrectionem suam non expectatis tribus completis diebus accelerasse, ut multissimæ Matri, discipulis, alijsq; sibi charis solatio citius esset. Considera 3tio. Christum Dominum vesperi mortuum esse, & mane resurrexisse, ut significaret se mortuum propter delicta nostra, quæ nos cælesti luce privant; & resurrexisse propter iustificationem, quæ nos gratiâ illustrat. Considera demum quantâ reverentia Sancti Angeli & iustorum chori Dominum ac Regem suum in carne gloriosa adorarent. Affectus adorationis, gratulationis, gaudij de gloria Christi Domini.

Punctum 2dum. Expende causas ob quas oportuit Christum resurgere. 1ma est: ut commendaret & ostenderet nobis in se ipso divinam iustitiam, cuius est exaltare humiles. Quia ergo IESUS Christus humiliavit se usq; ad mortem crucis oportebat ipsum exaltari per gloriosam resurrectionem. 2da est ut firmaret in Apostolis fidem de divinitate sua: & eandem in nobis propagaret. Si non resurrexisset quis in eum credidisset? unde in psalmo ex persona Christi dicitur: *Quæ utilitas in sanguine meo.* id est, in effusione sanguinis mei, dum descendo quasi per quosdam gradus malorum in corruptionem. qua-

si di-

si dicat: nulla. Si enim statim non resur-
gam corruptumq; fuerit corpus meum, nemi- *Apud S.*
ni annuntiabo, neminem lucrabor. vt ex- *Thomam.*
ponit Glossa. 3tia. vt sublevaret spem
nostram. Quia dum credimus Christum
resurrexisse, qui est caput nostrum, etiam
nos resurrekturos confidimus. 4ta vt in-
formaret vitam fidelium: quatenus nimi-
rum sicut ipse à mortuis resurrexit, ita
& nos resurgamus à vicijs & in novitate
vitæ ambulemus. 5ta. vt nostram salutem
compleret & perficeret. Quia sicut mala
sustinuit vt nos liberaret à malis hoc est,
à peccatis & pœnis eorum, ita glorificatus
est resurgendo, vt nos promoveret ad
bona, hoc est, ad iustificationem & glo-
riam iustificationi debitam. Elice actus
fidei, spei, & charitatis. Age gratias eter-
no Patri, quod ita glorificavit humanita-
tem filij sui: propone in novitate vitæ
ambulare. Exercitium: *letitia spiritualis*
ex amore Dei procedens. Tesseræ.

Ut sis perenne mentibus paschale Iesu gau-
diū à morte dira criminū vitæ renatos libera.

Benignissime, suavissime, serenissime,
quando restaurabis mihi, quia non vidi illam
beatæ carnis tuæ incorruptionem, quia non
fui deosculatus loca vulnerum, fixuram cla-
vorum, quia non respersi lachrymis gaudij,
cicatrices corporis tui. S. August.

*Renuit consolari anima mea, nisi de te
dulcedo mea.*

Lateatur cor meum vt timeat nomen tuum.

PRO FERIA II. Paschatis.

*De apparitione facta duobus disci-
pulis euntibus in Emmaus.*

Punctum 1^{um}. Cum duo discipuli tri-
stes irent Emmauentem & de Christo su-
a^q passione colloquerentur, adiunxit se illis
in habitu peregrini. Iesus. Considera imo.
quam grata Christo de se suaq; passione
collocutio cui ipse adesse dignatur. Con-
sidera 2^{do} benignitatem Domini qui af-
flictis tam præsens adest: & nullum in ne-
cessitate deserit. O quoties te afflictum
per internas allocutiones etiam dum pec-
casti erexit, instruxit!

Punctum 2^{dum}. O stulti & tardi corde ad
credendum. Considera imo. hanc repre-
hensionem non ex indignatione, sed ex
commiseratione & zelo charitatis proces-
sisse, vt & tu non ex rancore, sed ex amo-
ris officio cæteros arguas. Considera 2^{do}.
quanto amore, suavitate, efficacîa medi-
us inter duos istos incedens explicuerit
illis scripturas illuminando intellectum &
voluntatem accendendo. Implevit Chri-
stus quod prædixerat: vbi duo vel tres
fue-

fuerint congregati in Nomine meo, ibi sum in medio eorum. Si ergo vis consortium Christi habere, associa te ijs qui ad laudes divinas & spiritualia colloquia congregantur.

Punctum 3tium. Finxit Iesus se longius ire. sed cum rogaretur ac cogeretur ut maneret cum illis, mansit; cognitusq; in fractione panis, Cleophae domum in Ecclesiam am dedicavit. ut ait D. Hieron: in vita Paulae. Considera imo. quàm gratum sit Deo non solum à nobis rogari, sed etiam gemitibus, lachrymis, penitentijs & precibus perseverantibus cogi. Considera 2do. discipulos illuminatos in fractione panis, ad ostendendam Sanctissimæ Eucharistiæ virtutem. Esto & tu Cleophas. Omnis gloria tua sit ab intus. Cura gloriam à Deo non ab hominibus habere. Libenter loquere de passione Domini & de rebus spiritualibus; suspirijs & orationibus coge Iesum tecum manere. Esto devotus ad SS. Eucharistiam: hæc; omnia propere facere atq; ad faciendam gratiam implo- ra, & Iesus intrabit domum cordis tui: illuminabit & accendet te: corq; tuum in templum suum dedicabit.

Cleophae domum in Ecclesiam am dedicavit.

Cleophas interpretatur omnis gloria.

PROFERIA III. MEDITATIO.

Y

De

DE APPARTIONIBUS CHRISTI.
De apparitione facta discipulis
in cenaculo.

Punctum 1^{um}. Vesperis resurrectionis
sue post alias apparitiones apparuit
Luce 14. Dominus discipulis in cenaculo: stansq;
in medio dixit: Pax vobis. ego sum. Nolite
Ioann: 20. timere. repetendoq; (secundum Ioannem)
verba, pax vobis, insufflavit in eos & de-
dit eis Spiritum Sanctum. Vide bonita-
tem Domini! Pacem precatur illis à
quibus erat fugâ offensus. Pacem offert:
author nimirum pacis externæ, internæ,
& æternæ. Duplicat pacem, ad indican-
dum: quia duplici naturâ sua pacem no-
bis procreavit; divinâ quidem velut cau-
sâ principali; humanâ, velut divinitatis
sue instrumento. Insufflavit in Apostolos
& tali signo dedit eis Spiritum Sanctum,
ostendens per hoc, Spiritum Sanctum ab
ipso procedere, sicut halitus procedit ab
homine. O quoties similia amoris insignia
& tibi monstrat, cum te in adversitatibus
pace suâ & Spiritu Sancto munit!

Punctum 2^{um}. Palpate & videte quia
Luce 14. spiritus carnem & ossa non habet sicut vide-
ris me habere. Post verba salutationis se-
quuntur verba instructionis. Neo tantum
verbis sed & ostensione tractabilis corpo-
ris sui, nec non manducatione ad creden-
dum discipulos trahit. Expende Chri-

Itum Dominum tam fortibus argumentis In sua re-
hoc egisse, vt non solum suam sed & surrectio-
nostram resurrectionem crederemus. Si ne nos a
enim mortui non resurgunt: neq; Christus re- Christus
surrexit. ait Apostolus 1. ad Corinth: 15. probavit.

Expende 2do. quod Christus primus o-
mnium resurrexit; ideoq; vocatur ab A-
postolo primitiæ dormientium. Quamvis

enim ante multi à mortuis sive per pro-
phetas sive per ipsam Christum, in figu-
ram Dominicæ resurrectionis fuerint su-
scitati. tamen imperfectè duntaxat resur-
rexerunt, quia cum necessitate iterum mo-
riendi: Christus autem semel mortuus iam
non moritur, mors illi vltra non domina-
bitur. Expende 3tio. resurrectionem Do-
mini esse causam resurrectionis nostræ.

Quod enim est primum in aliquo genere, est
causa omnium quæ sunt post. Porro Chri-
sti resurrectio est effectrix nostræ resurre-
ctionis in virtute verbi personaliter Chri-
sto vniti: cuius est vivificare mortuos iux-
ta illud psal: 35. Apud te est fons vitæ. Et
Ioann: 5. Sicut Pater suscitatur mortuos &
vivificat, sic & filius quos vult vivificat. O-
stra vt Christus per suam resurrectionem
etiam te faciat resurgere in vitam æternā.

Punctum 3tium. Oportebat Christum pa-
ti & resurgere, &c. & prædicari in nomine
eius penitentiam & remissionem peccato. Lucæ 24.

Resurre-
ctio perfe-
cta & im-
perfecta:
hæc est re-
ductio ali-
cuius ad
vitā mor-
talem, il-
la ad im-
mortalem.

Resurre-
ctio Chri-
sti est cau-
sa efficiens
nostræ re-
surrectio-
nis.

re exem-
plaris.

rum. Vides resurrectionem Christi ad hoc factam esse ut resurgamus, primum spiritualiter per penitentiam; deinde suo tempore corporaliter. Quare resurrectio Christi non tantum est causa nostrae resurrectionis, sed & exemplar: quod imitamur penitendo pro peccatis nostris, cum seria & efficaci voluntate ad illa non redeundi. Sicut Adam morientium forma est, ita Christus resurgentium. Quod autem resurrectio Dominica sit archetypus nostrae, inde est: quia est perfectissima; nam non solum tempore sed etiam dignitate & perfectione est prima, idque propter unionem verbi divini cum corpore quod resurrexit quod autem est perfectissimum, statuitur pro exemplari minus perfectis.

Ora ut in resurrectione mortuorum IESUS Christus configuret corpus tuum corpori claritatis suae: quod ut fiat, propone & cura per penitentiam ac mortificationem passioni & morti eius conformari. Qui enim Christo conformantur patienti & morienti in hac vita passibili & mortali illi soli perveniunt ad participandum similitudinem resurrectionis eius, ait S. Thomas. *Non respice tu omnium resurgentiū Christus resurges exemplar.*

PRO FERIA IV.

De apparitione ad mare Tiberiadis.

Hec apparitio fa-

Punctum unum. Manifestavit se iterum Iesu.

Iesus discipulis ad mare Tiberiadis. Ioan: 20. ita est in
Expende quod piscantibus discipulis ap- Gali: ad
paruit Christus; ut scias gratiam sibi es- quā Aposto-
se, si optiam fugias; si labore manuum in- ex metu
terdam te occupes; præcipuè vero si lu- confirmari
crari animas Deo studeas tanquam pesca- iuxta præ-
tor hominum. Expende item quod nihil ceptū sibi
tota nocte de piscibus prendiderunt disci- datam re-
puli: quia non erat cum eis Iesus; præsen- ceperūt se
te eo & mandante, statim magnam multi- post repe-
tudinem ceperunt. Etiam tu nihil boni si- tūā Xsti
nè eo poteris facere. Ante omnia ergo in canacu
invoca auxilium eius. Nox statum pecca- lo Hiero-
ti significat; si ipse sis in peccato, quomodo solym: ap-
es alios ex aquis peccatorum extrahes? paritionē
ut itaq; benè fructuosè & prout oportet Sinē Iesu
ad salutem tuam & proximorum tuorum inanis la-
opereris; prius transire à nocte ad lucem bor.
gratiæ per Sacramenta cura.

Nox pec-
catum.

Punctum 2dum. Post laborem piscatio-
nis invitat ad prandium Christus discipu-
los: venite prandere quia illi soli manda-
care digni qui laborant. Quare antequam
comedas, suspira ad Deum ne fortè indi-
gnus sis sumere prandium quod tibi ap-
ponitur. Post epulas interrogatur à Chri-
sto Petrus: diligis me? novèrat Christus interroga-
Dominus Petri erga se amorem; sed non tur de a-
est contentus interiori nostra fide & dile- more?
ctione; requirit ut etiam ore & facto pro-

testemur eandem, præcipuè coram persecutoribus fidei, vel ijs, fidelibus quos peccando scandalizavimus. Ter interrogatur: quia ter negaverat, satisf. Etio enim pro culpa, debet esse commensurata culpa. Interrogatur item an plus cæteris diligeret: alias ipsi Christus regimen animarum non commisisset. Disce si pascis oves Christi debere te præ alijs excellere in dilectione Dei & pietatis cultu.

Punctum 3^{ium}. Expende ineffabilem Christi Domini bonitatem. Non exprobrat Petro lapsum in trinam negationem, sed assumit eum potius in petram & caput totius Ecclesiæ: suumq; vicarium in terris constituit. *S. Hier. in Marcum.* Peccata enim præterita non noceant, quando non placent. Disce non exprobrare alijs defectus. Disce item non habere in peccatis præteritis complacentiam. Ora ut Christus Dominus non imputet tibi errores, & lapsus præteritos; utq; in posterum ab omni culpa, mortali potissimum te præservet, ac post labores vitæ præsentis, ad prandium æternæ vitæ perducatur.

PROFERIA V.

De apparitione facta Mariæ Magdalene.

P*unctum 1^{um}.* *Vidit Mariæ Magdalene, duos.*

duos Angelos, vbi positum fuerat corpus Iesu. Ioann: 20.

Angeli apparent in loco vbi positum fuerat corpus Iesu. quare? vt scias pectus tuum vbi frequenter est repositum & reponitur sub specie panis & vini Corpus Iesu esse amabile & honorabile Angelis si dignè communicas: & cures vt omnia in te sint Angelica cogitatio, actio, locutio, compositio externa. Meruit visionem Angelicam Magdalena quia constanter aspicebat sepulchrum Christi: & tu visionem non solum angelicam, sed & ipsius Domini assequeris. si frequens sis in contemplatione passionis & mortis Christi. Ora vt Angeli vnus ad caput tuum & vnus ad pedes sedeat in morte tua, & arceant diabolum à te. S. Mariam Magdalenam invoca vt tibi ardorem charitatis divinae & devotionem ad passionem Domini impetret.

Cur Maria Magd: meruit visionem Ang:elicam?

Punctum 2dum. Mulier, quid ploras? Domine si tu sustulisti eum &c. Considera imo fervorem, & perseverantiam Mariæ Magdalenæ, quæ ad plura se obtulit quàm præstare posset: alijsq; recedentibus non recedebat. 2do. infinitam Christi charitatem qua peccatores conversos & flentes respicit. 3tio. in hortulani specie Christum apparuisse, vt hortum animæ olim peccatricis perfectiùs expurgaret. Disci-

De APPARITIONIBUS CHRISTI.

pulis in via vt peregrinus apparuit: Magdalenæ in horto, vt hortulanus. quia Christus associat & assimilât se nobis bona agentibus. Ambula mecum o bone Iesu, donec perveniam ad domum Patris tui. Excole me & perfusa Spiritu S. quousq; sum in horto Ecclesiæ terrestris vt in æternum comedas ex me fructum pomorum tuorum, gratiarum tuarum. 4to. omnipotentiam Christi, qui vnico verbo huius mulieris intellectum & oculos illustravit, cor commutavit ac incomparabili latitiâ replevit. O Rabboni, magister bone loquere & mihi vt anima mea liquefiat amore tui, sicut & Magdalenæ liquefacta est. Faciem tuam illumina super servum tuum: & doce me iustificationes tuas. O quando os ad os loqueris nobis! o quando palàm de Patre annuntiabis nobis!

PROFERIA VI.

De apparitione Christi Domini in monte Galilææ.

*Mons iste
est mons
Thabor.*

Punctum unum. Abierunt discipuli ad Galilæam in montem, vbi constituerat illis Iesus. Matth: 28. Expende quàm liberaliter ac fideliter impleverit Dominus promissionem datam discipulis quod eum essent in Galilæa visuri. Convenerant au-

De APPARITIONIBUS CHRISTI.

345

tem illuc ultra undecim Apostolos plusquam quingenti fratres ad visionem hanc verè magnam. O quàm contenti, & quàm satiati omnes conspectu hoc! Mons Galilæe significat montem æternæ beatitudinis in quo Christus in specie, propria videndum se exhibet. O quando videbo! Ostende mihi faciem tuam, sonet vox tua in auribus meis. Vox enim tua dulcis, & facies tua decora. Experti sunt qui te in monte Galilæe viderunt & audierunt. Præcessit Christus in Galilæam: sequemur, si viam quam trivit, viam crucis & mortificationis teneamus.

Galilæa interpretatur trans migratio: & revelatio.

Punctum 2dum. Data est mihi omnis potestas in cælo & in terra. Eunt ergo docete omnes gentes baptizantes eos. Christus Dominus passione & morte sua meritorie obtinuit potestatem in cælo & in terra, quam tamen potestatem ex vi unionis personæ verbi habuit statim ab initio conceptionis suæ. Hanc potestatem convertit ad salutem generis humani, cum Apostolos ad totum mundum instruendum, baptizandum, sanandum & salvandum direxit. Etiam tu si es potestatem habens, viderere eâ non ut domineris, sed ut servias alijs: nec pro tuis commodis, sed pro utilitate & salute eorum. Qui crediderit & baptizatus fuerit, hic salvus erit. Quàm

Omnis potestas ad utilitatem aliorum dirigenda.

DE APPARITIONIBUS CHRISTI.

felix es, qui ad fidem & baptismum vocatus es! Age gratias & cura, ac curare propone, vt fides tua nunquam sit mortua, sed vivat per charitatem & bona opera.

PRO DIE SABBATI.

*De apparitione Mariæ Magdalene:
& Beatissimæ Virgini Matri.*

Punctum unum. Una Sabbati, id est vna die, Maria Magdalene, mane venit ad monumentum, viditq; lapid m. a monumeto sublatum. Ioan. 20. Magdalene interpretatur turrita seu munita. Ob sedulitatem & ardorem fidei, turrita nomen accepit, S. Hier. in & prima ante Apostolos Christum videre meruit resurgentem. Esto & tu sedulus ac fervidus in rebus divinis: ardeat in te fides, & charitas, vt sis turritus seu munitus, præsidio divino & angelico. Mane venit: vt & nos alacriter ad officia precesq; matutinas, surgamus: nec sinamus matutinum tempus nobis inerte elabi. Lapis quem vidit, significat legem, seu necessitatem moriendi, quia Christus mortem nostram moriendo destruxit. & quamvis etiam nunc morti sumus obnoxij, mors tamen hæc non est perpetua sed est potius somnus brevis & transitus ad immortalitatem. Age gratias: fervorem Mariæ Magdalene, propone imitari. Ora vt lapis mortalitatis

*Lapis sepulchri
quid?*

tatis non sit tibi onerosus præcipuè in hora mortis. Amoveat eum Christus Dominus, ut dulciter anima tua ad eum videndum evolet.

Punctum 2dum. Ante omnes apparitiones Christus Dominus ut primum resurrexit, manifestavit se Matri suæ. Ait enim S. Ambrosius. *Vidit Maria resurrectionem Domini: & prima vidit & credidit: vidit & Maria Magdalena quamvis ad huc ista nutaret, si mulieres quæ Dominum arctius amaverunt in tantum ut ab eius sepulchro discipulis etiam recedentibus non recederent, primò viderunt Dominum in gloria resurgentem. ut ait S. Thomas: certè eum primò ante omnia vidit Virgo Deipara ut pote quæ eum arctissime supra omnes amavit.* Expende quomodo Salvator noster Matrem suam salutaverit. Mulieres alios quibus apparuit, hoc verbo salutavit: *Ave*. Credibile est quod & Matrem suam sic salutaverit: *Ave Mater mea*. vel ut meditatur S. Bonaventura: *Salve Sancta parens*. Ad verba salutationis adiecit alia plena dulcedinis, e.g. hæc: *Secundum multitudinem dolorum tuorum in corde tuo consolationes meæ letificent animam tuam*. Expende item qualiter Sanctissima Mater filium suum gloriosum adoravit: quo mentis gaudia & excessu in verba amoris plena prorupe-

riti

*Lib. 3. de
Virginibus
longè ante
mediu.*

fit: *Dominus meus. Deus meus. Filius meus!* quomodo osculata sit pedum, manuum, & suavissimi lateris cicatrices: quales egerit gratias pro omnibus quæcunq; pati voluit causâ salutis nostræ.

Punctum 3tium. Expende demum quò affectu salutavit omnes, Patriarchas, Prophetas, reges iustosq; omnes Christo Domino associatos: quomodo agnovit & salutavit suos progenitores, omnesq; prophetas qui de sua Virginitate & Maternitate divina prophetabant: qualiter universis felicitatem æterni gaudij gratulata est: quomodo deniq; oravit Christum Dominum, ut se etiam alijs mulieribus afflictis discipulisq; ad consolationem eorum iuxta promissum suum manifestaret. Gratulare Matri Virgini. Elice affectus similes. Pete ut tibi impetret resurrectionem à vitijis: veram lætitiâ internam: amorem divinum. Tessera aliquam ex assignatis die Dominico, in ore & corde frequentius habeto.

MEDITATIONES.

Ad pacem cordis disponentes.
PRO DOMINICA in ALBIS
Christus serò venit. idem in medio.

P*unctum unum.* Cum esset serò die illò
Ioan:

Ioan: 20. Serò venit IESUS: vt discas *Quare*
 constans & perseverans esse in orationi- *Christus*
 bus ac bonis operibus, Si Christus non *Dominus*
 venit ad te mane & initio orationis aut *serò venit?*
 tribulationis; veniet serò, & absentiam
 suam copiosiori lætitiâ & gratiâ compen-
 sabit. Noli ergo desperare: noli nimium
 deijci; quia veniens veniet & ultra non
 tardabit. Serò venit vt crescant deside-
 ria tua ad ipsum; vt crescat fides, spes,
 charitas tua erga ipsum. Si moram fece-
 rit, ora amplius & ferventiùs: noli dor-
 mitare, noli pigritare cum virginibus fa-
 tuis; nam ex improvviso aderit. *Serò ve-*
nit: quia in vespera, in occasu vitæ nostræ
 veniet ad nos, nosq; ad æternam pacem,
 si vigilaverimus in fide & charitate, ac bo-
 nis operibus & statûs nostri officijs, ac-
 cipiet.

Punctum 2dum. Stetit in medio eorum.
 Ioan: 20. Si tu non fueris in medio alio-
 rum fratrum: nec Iesus erit in medio tui.
 Sta in medio aliorum: sta in medio actio-
 num & affectuum tuorum, hoc est, in o-
 mnibus esto moderatus, non excedas in
 esu, potu, dormitione, passione aliqua:
 deniq; medium teneto in omnibus; erit
 Iesus in medio cordis tui. *Stetit in medio*
discipulorum Iesus tanquam sol in medio
cæli, circumquaq; radios diffundens: tan-
quam

quam cor in medio corporis totum corpus & omnia membra vivificans: tanquam centrum in medio universi omnes ipsius partes sustinens & sustentans. O dulcis Iesu ecce me tibi aperio & offero ut stes in medio mei! lux mea illumina serena accende me totum? O cor meum! vivifica me totum à te vita mea, à te motus meus omnis & per te fiat! O centrum meum ad te feror, & ferar semper?

Punctum 3^{ium}. Pax vobis. Considera qualem pacem precatus sit & obtulerit discipulis Christus, scilicet pacem cordis quæ in eo consistit, ut appetitus sensitivus seu caro nostra conveniat cum ratione, ratio cum lege divina. Talis pax inter omnes persecutiones illæsa manet. vis eam habere? Dilige Dominum Deum tuum & mandata eius custodi: pax enim est fructus charitatis divinæ: *Pax multa diligentibus legem tuam.* Sed hanc id est charitatem Dei non habebis, nisi & proximum sicut te ipsum dilexeris. Virtus in qua te per septimanam peculiari modo exercites: pax cordis, propositum sensus externos per quos pax cordis violari solet, custodiendi. Tesserae eiaculatoriæ:

Benignissime, suavissime, serenissime, mitissime, cui in pace locus: pacem tuam da nobis; pax tua possideat Corda & intelli-

telligentias nostras!

Exultatio mea Christe IESU sta in medio cordis mei & dic: pax vobis, ut sit pax corpori meo cum anima, animæ cum Deo, mihi cum hominibus.

Requiescat in te Deus meus anima mea: contempletur te in mentis excessu: cantet laudes tuas in iubilatione S. Aug.

PROFERIA II.

Christus securitatis & pacis cum Spiritu S. largitor.

Punctum 1mum. Ego sum, ait Christus quod propriè Deo convenit, nam creaturæ non habent esse nisi per participationem à Deo. Ego sum, qui sum pro vobis crucifixus. en manus perforatæ! en latus apertum! Ego sum primus & novissimus: & vivus: fui mortuus & ecce sum vivens in sæcula sæculorum: & habeo claves mortis & inferni. Aperui portas mortis & inferni: & non solum ipse inter mortuos liber, exivi non videns corruptionem; sed etiam captivam eduxi captivitatem. Ego sum Deus & homo: per humanitatem cecidi in mortem; per divinitatem resurrexi. Lucæ 24.

Punctum 2dum. Nolite timere. Vide fructum Passionis Domini! qui bella sustinuit pro nobis, pacem attulit nobis. Qui *Timor abiiciendus.*
nuper

nuper pavebat pro nobis, metum iam à nobis propulsat: pavor ipsius in nostram mutatus securitatem. *Nolite timere.* Timor pellitur ubi Deus est. Deus enim est charitas: & charitas foras pellit timorem. *Nolite timere: Et in lege veteri & in novo testamento hoc semper observandum est, quod quando augustior apparuerit visio aliqua, primum timor pellitur, ut sic mente pacata possint quæ dicuntur audiri.* Discite meticulositatem abicere, hæc enim præter alia mala impedit contemplationem: distrahit mentem in oratione: & voluntatem non sinit in affectus pios elevari. Quid verò iam timeamus? non diabolum; quia eum Christus vicit; arma eius diripuit; hoc est membra quæ antea serviebant iniquitati; fecit servire iustitiæ. spolia accepit: hoc est, omnes iustos eduxit ab inferis. Non mortem; quia eam moriendo destruxit. Non mundum; quia principem eius, hoc est, diabolum eiecit foras, foras ex Ecclesia, foras ex cordibus nostris. Sub tam potente victore quid timeamus?

Punctum 3^{ium}. Pax vobis. Accipite Spiritum S. Ioann: 20. Ad recipiendum Spiritum S. pax interior disponit. Non potest ad res hunc accipere nisi pacem habeas, pacem cum Deo per mandatorum ipsius observationem: pacem cum proximo per

concordiam & defectuum eius supportationem: pacem cum te ipso per affectuum & passionum mortificationem. Habitâ verò pace hac Spiritum S. cum plenitudine donorum & fructuum suorum recipies. Ora Iesum Christum per suam passionem ut cum pace sua ad te veniat, ac Spiritum S. cum donis & fructibus suis tibi impertiat.

Appare mihi delectatio mea, Cythara *Colloquiū.*
mea, iucunditas cordis mei: appare mihi Christe Iesu potens in resurrectione humilis in passione. Dic: pax tibi. ego sum. noli timere. Pone dexteram tuam super me totum tremementem ob peccata mea. Fugiat timor & pavor. Diffunde charitatem tuam in corde meo per Spiritum S. tuum ut foras pellatur timor ex animo meo; inhabitet verò in me gaudium, pax, patientia, bonitas, benignitas cum alijs fructibus & donis eiusdem.

PROFERIA III.

De impedimentis pacis.

Punctum unum. Venit Iesus ianuis clausis & dixit: Pax vobis. Ioann: 20. Quare Iesus per ianuas clausas pacem discipulis importavit? imo. ut ostenderet corporis gloriosi subtilitatem. 2do ut ostenderet, pacem interiori ibi solum esse ubi clausi sunt sensus, ne recipiant

Z

phan-

Impedimē phantasmata & imagines rerum varias, e-
ta pacis asq; ad mentem transmittant: vbi item
internæ. clausum est cor à passionibus. Impedimen-
 ta ergo pacis divinæ sunt: sensuum eva-
Sensuum gatio, & per consequens imaginatio & re-
evagatio, cogitatio obiectorum per sensus menti
Imagina- impressorum: nec non passionum irrefræ-
tio. natio.

Passionū Totum & maximum impedimentum pacis
irrefræ- internæ est, quia non sumus à passionibus
natio. & concupiscentijs liberi: nec perfectam san-
lib: 1. c. 11. ctorum viam conamur ingredi. ait Thomas
 à Kempis. Pone Domine custodiam sen-
 sibus & cordi meo: & ostium circumstan-
 tiæ labijs atquè oculis meis; vt non decli-
 net cor meum ad ea quæ paci internæ
 contraria sunt, eamq; aut impediunt aut
 tollunt.

Punctum 2dum. Clausi erant discipuli
 quando venit ad illos Iesus. In oratione
 & silentio in sua se continebant clausura.
Item impe Et tu claudes super te ostium tuum, & voca ad
dimentū te Iesum dilectum tuum. Mane cum eo in cel-
vagatio la, quia non inuenies alibi tantam pacem-
externa. Ama solitudinem, orationem, silentium: Ca-
 ve curiosam alienorum morum & operum
& curiosi- investigationem. Quomodo potest, ait idem,
tas. diu in pace manere, qui alienis se curis inter-
 misceat: occasiones forinsecus quærit, quia pa-
 rum vel raro se intrinsecus colligit. Claude
 ergo

ergo super te ostium: in cubiculo cum Apostolis & MARIA Matre IESU suspira, & meditare de passione & resurrectione Domini: aderit IESUS & te suavissimè alloquetur: Pax tibi. monstrabit manuum & pedum gloriosas cicatrices: monstrabit latus apertum: & te ad hoc amoris conclave dulciter invitabit.

Colloquium. O itaq; pax mea, suavitas mea, Christe IESU! absconde me in abscondito tabernaculi tui à conturbatione hominum, à tumultu passionum mearum, & ab omnibus quæ me inquietare possent atq; animum meum à te distrahere. Tibi soli vacem: in te repausem: ut omnis cogitatio mea tibi confiteatur, & reliquæ cogitationis diem festum agant tibi; ut siue cogito tibi cogitem: siue cogitatione ferior, tibi ferier, & quoddam festum mentis tibi, non mihi agam. Sic clauso, sic vacanti orire mihi sol iustitiæ! appare mihi lux mea, dulcedo mea, virtus mea, gloria mea! O quando te videbo? o quando vulnera tua splendore immenso fulgentia contemplabor!

PROFERIA IV.

Bonitas Christi erga Thomam Thomæ ardor, erga Christum: & cur Christus Dñs retinuit cicatrices?

P*unctum 1mum. Thomas cum eis. Ioan:*
 20. Incredulitas Thomæ inde; quia
 se absentavit à congregatione aliorum A-
 postolorum. Vide quantorum malorum
 occasio singularitas; si nimirum tædiosa
 sit tibi vita in conventu: si ad communia
 officia non convoles: si ad communes
 preces non surgas. Correxuit errorem
 Thomas veniens ad communitatem me-
 ruit videre Iesum, corrigè & tu vt simi-
 lem gratiam merearis. Dixit IESUS
 Thomæ: *Mitte manum tuam in latus meum*
& noli esse incredulus sed fidelis. Omira sva-
 vitas bonitasq; Salvatoris! incredulum di-
 scipulum non reijcit sed benigne invitat
 ad palpanda loca vulnerum suorum. Quo-
 ties & tibi offert se ipsum palpandum imò
 & manducandum in Sacra Eucharistia!
 Age gratias. Ora vt semper cum summa
 reverentia, fide viva, & charitate flagran-
 tissima ipsum attingas & palpes.

Punctum 2dum. Fecit Christus quod
 Thomas optaverat, qui dicebat. *Nisi mi-
 sero manum meam in latus eius: & nisi vi-
 dero fixuram clavorum in manibus eius, non
 credam.* Monstravit ei & fixuram clavo-
 rum & in latus mittendi manum, faculta-
 tem dedit. Thomas *timens Deum* inter-
 pretatur. Si tu fueris timens Deum faciet
 ipse voluntatem tuam. Dominus meus &
 Deus

Deus meus! Quo putas amore exarsit Thomas sic exclamando? exardescere & tu & dic: Dominus meus & Deus meus. Dominus per humanitatem: Deus per divinitatem! crede factam Christi Domini resurrectionem: crede & tuam futuram. Ora ut in gloriam Iesu Christi resurgas.

Punctum 3^{ium}. Expende causas ob quas voluit Christus Dominus cicatrices vulnerum in resurrectione sua retinere, imae *Super Lucam.* est ut secundum Bedam, perpetuum victoriae suae circumferret trophæum. Unde etiam fortasse in regno caelesti in corporibus martyrum cicatrices videbimus vulnerum, quae pro Christi nomine pertulerunt: non enim deformitas in eis, sed dignitas erit & quaedam pulchritudo virtutis. 2da est ut confirmaret corda discipulorum circa fidem suae resurrectionis. 3tia: ut Patri pro nobis supplicans, quale genus mortis pro homine pertulerit, semper ostenderet. 4ta: ut sua morte redemptis, quam misericorditer sint adiuti propositis eiusdem mortis indicijs insinuaret. 5ta: ut in iudicio quam iuste damnentur reprobi, demonstraret. Adora & exosculare singulas Christi Domini cicatrices: & ora ut tibi sint in salutem æternam & non in damnationem. *S. August: 22. de civitate Dei cap: 20. Has omnes rationes habet Beda super Lucam & S. Thomas 3. p.*

PROFERIA V.

Pax cordis apud quos homines? etiam in tribulationibus conservanda.

Punctum unum. Pax hominibus bonæ voluntatis. Luc: 2. Non omnibus hominibus pax interior offertur sed solis bonæ voluntatis: bona voluntas autem est quæ regulatur voluntate divina, hoc est, quæ illud vult quod Deus vult. Tres porro sunt species bonæ voluntatis: una est simpliciter bona, altera beneplacens, tertia perfecta. 1ma. Incipientium, 2da proficientium, 3tia perfectorum. 1ma recedit à malo, 2da operatur bonum, 3tia firmissimè adhæret Deo. 1ma bona, 2da melior, 3tia optima. Unicuique voluntati correspondet sua pax. Maiorem namque & delectabiliorem pacem habent proficientes quam incipientes: & perfecti quam proficientes. Expende quo sis in gradu & quam voluntatē habeas: & an pace internā fruaris; an verò passionibus & perturbationibus agiteris? convenientes affectus elice.

Punctum 2dum. E contra non est pax impijs. Quare? quia cor eorum sicut mare fervens vel concupiscentijs, vel irâ, vel invidiâ, aut passionibus alijs tanquam fluctibus

atibus turbatur. Percurre hic exempla
quæ tibi occurrere possunt eorum qui in
sua prosperitate & affluentia bonorum,
pacem non habuerunt: vt Aman qui hor-
rendè cruciabatur ex Mardochei honore:
vt Antiochus, qui aduersus Iudæos, vt
Herodes qui aduersus Christum furebat.
Exhorrescis eiusmodi motibus agitari?
desideras pacem internam cura ergo bo-
nam voluntatem habere: bonam ad Deum,
bonam ad teipsum, bonam ad proximum.
Pete à Deo per merita Christi Domini
bonam voluntatem: pete studium perfe-
ctionis & vnionem cum Dei voluntate, vt
pacem cordis obtineas.

Punctum 3tium. Etiam in afflictione pax
cordis retinenda. Quare Christus post re-
surrectionem comedit oblatum sibi piscem *Piscis as-*
assum, & favum mellis? *sus Chri-*
stus passus Piscis assus, est
Christus passus: qui capi voluit laqueo
mortis & tribulatione passionis assari. Fa-
vus mellis est mel in cera: & significat du-
plicem Christi naturam, divinam & hu-
manam quasi enim mel in cera divinitas
in humanitate, significat quoq; Euchari-
stiam? quasi enim mel in cera, Christus in
specie panis aut vini. significat etiam dul-
cedinem mentis in carne afflita. Come- *Favi mel-*
dit ergo piscem Christus cum favo mellis *lei signifi-*
vt ostenderet quod cum sua humanitas *cata*

pateretur, divinitas non mutabatur. Sed in pace & dulcedine increata manebat; & quòd quando species in Eucharistia alterantur aut franguntur, non alteratur corpus Christi Domini, sed immutabiliter dulcedine æternæ gloriæ perfunditur: & quod Christus in sua passione non commovebatur nec erat amarulentus, adversus pericutores sed æquanimis & suavis. Per quod instrumur, ut quando vitur tribulatione & quasi assatur caro nostra & appetitus sensitivus, non turbetur appetitus rationalis, sed potius pacatus & dulcis maneat.

O Iesu saturate opprobrijs & crudelium tormentorum bolis: cum micæ mihi porrigis de pisce assu hoc est de tribulationibus, porrige & stillam mellis, atq; omnes amaritudines, seu in vita mihi occurrentes seu in morte occursuras dulcora. Dulcedo cordium IESU quoties me finis angustiarum cogitem à te mihi missas de mensa tua reliquias. O IESU cibus meus Eucharisticus, ita te semper comedam, ut sis mihi olim favus mellis in corporum nostrorum resurrectione, qui fuisti piscis assus in tua passione.

PRO FERIA VI.

Qualiter Christus pacem nobis conciliavit?

Punctum imum. Complacitum est Patri per eum reconciliare cuncta in ipsum: & pacificare omnia per sanguinem crucis eius, sive quæ super terram sunt sive quæ in cælis. ad Coloss. 1. Reconciliatio inimicitiam, pacificatio bellum fuisse declarat. Quinq; hic sunt considerata. 1mo. quia sumus reconciliati & pacificati. 2do. quia pacificati cum Deo. 3tio. quia per Iesum Christum filium eius. 4to. quia per sanguinem eius. 5to. quia non simpliciter per sanguinem, sed per sanguinem crucis eius. Vide quantum bonum est pax, quia eius ipse Christus author & dator: quia sanguine suo eam comparavit, & non qualicumq; effusione sanguinis, sed tam copiosâ, inter tanta tormenta, & in tam immani mortis supplicio; quia item & in cælis & in terra desiderabilis. Age grates Christo Domino quod te in gratiam & pacem cum Deo adduxerit. Cave ne vnquam post talem reconciliationem fias Dei inimicus.

Punctum 2dum. In terris omnia pacificavit Christus. Quia enim & à Deo & à se ipso (per rebellionem carnis adversus spiritum) & ab alijs dissidebat homo, & præcipuè quia Iudæi à gentibus & è contra dissidebant: pacificavit nos Christus cum Deo per gratiam sanctificantem

Quinq;
considera-
da secun-
dum D.
Chrysosto-
mū in epi-
stolâ ad Coloss.

quam nobis passione sua promeruit; pacificavit nos in nobis ipsis morte sua mortificando nostram concupiscentiam, ut non possit ita dominari in membris nostris, sicut dominabatur ante passionem Domini. Pacificavit nos cum alijs hominibus & nominatim Gentiles cum Iudæis, Iudæos cum gentilibus; quia fecit ex illis vnam Ecclesiam graves illas inimicitias, quas secum ducebant in cruce interficiendo & medium parietem maceriæ, hoc est, legem Mosaicam nimis onerosam, quæ inter Iudæos & gentes dividebat tollendo iuxta Apostolum ad Ephesios 2do.

Punctum 3tium. Et quæ in cælis sunt pacificavit Christus. Nam quemadmodum interris vnam Ecclesiam condidit in semetipso ex Iudæis & gentibus: ita in calo ex Angelis & hominibus. Unde S. Augustinus lib: 12. *[de Civitate Dei dicit. Non erunt quæ societales Angelorum & hominum, sed vna.* Et tanta quidem societas erit quod homines secundum varios gradus meritorum assumantur ad ordines & gradus varios Angelorum. Etiam inter seipsos Christus bonos Angelos pacificavit. Quia enim ignari dispositionis divinæ de hominibus diversorum meritorum resistebant sibiipsis (ut videre est Danielis 10. ubi Gabrieli volenti liberare ex

Perf.

Perfide captivos Iudæos restitit Angelus Princeps regni Persarum) quæ resistantia in eo fuit, quod suspendebant executionem alicuius ministerij, donec revelaretur illis voluntas Dei: ideo passionis & mortis suæ merito notam fecit illis voluntatem Dei circa quosvis homines: & sic eos inter se pacificavit. Devotus esto ad passionem Domini, quæ homines Angelis associat.

PRO DIE SABBATI.

De pace cum alijs habenda.

Punctum 1^{um}. Pacem cordis habere non potest, qui cum alijs pacificus non est. *Beati pacifici, quoniam filij Dei vocabuntur.* Qui verò dissidia faciunt filij sunt diaboli. In Ecclesijs pacem, in præcationibus, in supplicationibus, in præfationibus pacem oramus & precamur nobis: quanta maledictio nos manet, si nihilominus odia & dissensiones foveamus inter nos. *Heu me (Divus Chrysostomus) quæ veneranda & suscipienda in Ecclesia, schemata, id est: signa rerum duntaxat facta sunt, & nulla adest veritas.*

Punctum 2^{um}. Considera quantum malum sit cum alijs pacificum non esse, sed contentiones & iurgia excitare. Christus Dominus ad hoc venit in terram ut pacificaret omnia; tu pacis inimicus es.

Chri-

Christo itaq; manifestè adversaris. Item
s. Chrysof. Corpus Christi Domini laceras in mem-
in epistol. bra multa, maius autem hoc malum est,
ad Coloss. quàm illud clavis perforare aut concidere.
 Item superas maliciam crucifixorum qui
 non sciderunt tunicam Christi: tu autem
 scindis quando pacem cum alijs & vnita-
 tem violas.

Punctum 3tium. Sume tibi pro exem-
 plo Virginem Beatissimam, in qua expref-
 sa habemus magisteria probitatis. *Quando*
ista vel vultu læsit parentes, quando dissen-
sit à propinquis, quando fastidivit humilem,
quando derisit debilem, quando vitavit ino-
pem. Tu contra qualis es ad parentes tu-
 os, ad superiores tuos, ad propinquos seu
 fratres tuos: qualis ad inferiores tuos?
 qualis ad simpliciores & vt putas ad ab-
 iectiores? Iannis, contemptu, explosione
 eos forsitan afficis. Amor & pax cum o-
 mnibus proximis, præcipuè cum fratribus.
 Oratio ad Virginem Beatissimam, pro pa-
 ce semper habenda cum fratribus omni-
 busq; hominibus, vt ipsa tibi eam à filio
 suo impetret. Tessera vt supra per diem
 repetenda.

MEDITATIONES

De amore proximi & zelo animarum.

PRO DOMINICA II. post Pascha.

Christus bonus Pastor: & qua officia boni pastoris?

Punctum 1mum. Ego sum pastor bonus.

In vno pastore docet unitatem: quia omnes ceteri membra illius sunt, & ipse est S. August. pastor pastorum: & oves cum pastoribus sunt tract. 27. sub vno Pastore. Si omnes sub vno Pastore in Ioann. Christo sumus, vnus alterum non debet despiciere. Christus bonus erga nos: cur nos mali aduersus ipsum? cur mali adinvicem? Ama Christum Dominum, ama & oviculas eius fideles omnes, proximos omnes. Unus Christus: & nos sumus vnum cum ipso eiusq; membris. Amemus unitatem & timeamus separationem. Nihil sic debet timere christianus quam separari à corpore Christi. Qui enim separatur à Christo & membris eius, non vegetatur spiritu eius: ideoq; non habet vitam spiritualem in se manentem.

Idem.

Punctum 2dum. Officia Pastoris boni sunt pascere oves verbo salutari, anteire ipsas exemplis & operibus bonis, vt eundem rectè vivendi tramitem teneant: tutari

vari ipsas ab infestatione luporum, hoc est demonum vel hominum perversorum: ad extremum si ita necesse est animam pro ipsis ponere. Ad hoc ultimum præcipue obligantur Prælati & Parochi qui proprie pastores dicuntur. *Salus multitudinis præferenda est paci cuiusvis singularis hominis.*

S. Thomas In quocunq; ergo honore & præeminentia maneat, præstat te quam gregem tuum periclitari. Redit in te ipsum & cogita, an pascebas alios salutaribus verbis, an verò erubescabas spiritualia inter sæculares loqui? an ædificabas alios bonis, an verò scandalizabas malis operibus?

Propositum: verba salutaria inter sæculares proferendi. Virtus: Amor proximi: & zelus animarum. Tesseræ replicandæ per septimanam.

Dulcissime, amabilissime, serenissime Iesu, da mihi diligere te super omnia & proximum sicut me ipsum.

Bone Pastor panis vere. Iesu nostri miserere. Tu nos pasce nos tueri, tu nos bona fac videre in terra viventium.

PROFERIA II.

De præcepto dilectionis proximi, & de duplicibus actibus eiusdem.

Punctum unum. Quatuor à nobis diligenda charitate divina: Deus, nos ipsi,

ipsi, proximus, & corpus nostrum. Deus, tanquam principium boni, in cuius communicatione charitas fundatur: nos ipsi secundum animam, tanquam secundum hanc fruituri summo bono: proximus tanquam nobis consociandus in aeterna beatitudine: corpus tanquam particeps futurum beatitudinis per redundantiam ex anima. Deum super omnia tenemur diligere, quia est supremum bonum: nos ipsos debemus diligere post Deum, & quidem prius ac magis quam quemcumque alium. Dilectio enim sui ipsius est exemplar dilectionis proximi; exemplar autem potius est & prius quam id quod efformatur iuxta exemplar. Proximum debemus diligere sicut nos non aequali sed simili dilectione. Corpus debemus diligere post proximum & minus quam proximum. Nam non participabit nobiscum plenè aeternam beatitudinem sicut proximus, sed tantum ex anima in illud gloria & incorruptio beata derivabitur. Expende hic quanta sit obligatio diligendi proximum, si cum sicut nos ipsos imò plus quam corpus nostrum diligere obligamur. Itane proximum diligis?

Punctum 2dum. Proximus noster ille est qui secundum naturam quam nobiscum communem habet, portat imaginem Dei, estq;

estq; æternæ beatitudinis ac beneficiorum ad eam pertinentium capax. Hos igitur diligimus ex charitate tanquam proximos nostros, quos ideo diligimus quia portant imaginem Dei, & quia nobis in æterna beatitudine sunt coniungendi. Expende quod in generalitate qua omnes homines obligamur ex præcepto diligere, etiam peccatores & inimici nostri comprehenduntur. Omnes enim in communi tenemur diligere, neminem excipiendo: imò etiam in particulari secundum præparationem animi; ut scilicet animum paratum habeamus cuivis etiam inimico & peccatori (non tamen qua inimico aut peccatori, talis enim dilectio perversa esset & repugnans charitati) in articulo necessitatis specialia signa dilectionis exhibere, eiusq; necessitati succurrere. Vide num implebas præceptum dilectionis proximi?

Punctum 3^{ium}. Duplici modo seu per duplices actus proximus à nobis diligendus, per positivos & negativos. Positivi sunt, amare hoc est affectum bonum habere, consulere, subvenire, docere, adificare. Multi sunt qui amant verbis sed non consulunt non opitulantur. Examina te an hos gradus charitatis in te habearis. Negativi sunt: non iudicare alterum non detrudere, non invidere, non con-

vitia-

vitiari, non scandalizare. Ad posteriores actus charitatis semper adstringimur: ad priores autem non nisi in casu necessitatis proximi, lex cogit. Qui tamen sumus in statu perfectionis, etiam ad priores non expectata urgente necessitate proximi stringimur. Ad perfectionem enim spectat, inimicis etiam extra necessitatis gravioris casum, benevolentiam & beneficentiam testari. Examina te ipsum & congruentes affectus elice. Virtus. Propositum, Tessera per diem replicanda ut heri.

PROFERIA III.

*Qualis debeat esse dilectio proximi?
& de fructibus eiusdem.*

Punctum unum. Considera imo. quod dilectio proximi plenitudo legis sit. Qui diligit fratrem, legem implevit ait Sanctus Iohannes. Qui enim diligit proximum sine dubio diligit & Deum. Una namq; & eadem charitas est qua diligimus Deum propter se: & proximum propter Deum. Amor enim non debetur proximo nisi secundum id quod habet à Deo id est secundum naturam & gratiam non autem debetur ei secundum id quod habet à se ipso & à diabolo, id est secundum peccatum & defectum iustitiæ. Considera 2do. quod dilectio proximi non debeat esse verbalis tantum,

Una & eadem charitas est erga Deum & erga proximum.

2. 2. q. 34
art. 3.

De AMORE PROXIMI.

sterilis, & in solo sistens affectu, sed in beneficentiæ opera, tam carnalia quàm spiritualia debeat prodire iuxta illud: *Filioli non diligamus verbo aut sermone sed opere & veritate.* Debemus enim diligere proximum sicuti nos ipsos, hoc est, ut explicat ipse Christus Dominus, quæcunq; volumus ut nobis faciant homines, eadem & nos illis facere tenemur.

Punctum 2dum. Expende fructus dilectionis proximi qui sunt: gaudium, pax, patientia, mansuetudo, bonitas, benignitas, &c. Quem amamus amore carnali gaudemus de eius præsentia, pacem cum eo habemus, patientes mansuetiq; sumus erga ipsum, nec facile ipsi etiam provocati irascimur, boni & benigni sumus erga ipsum. Si hæc vis in amore animali, quanto maior in amore spirituali. Exerce te in amore proximi: & in brevi Spiritum Sanctum cum choro fructuum suorum in corde tuo habitare experieris. Propositum cum affectibus convenientibus. Telle sera ex die Dominico.

PROFFRIA IV.

De ordine charitatis.

Cant. 1.

P*unctum 1mum.* Ordinavit in me charitatem. ait Sponsa. Quia in Ecclesia & in vno quoq; fideli ordinata esse debet chari-

charitas. Ordo autem charitatis iste est, ut diligamus Deum super omnia; nos ipsos post Deum; proximum deinde sicut nos ipsos, inter proximos autem illos prius & magis diligamus, qui sunt nobis coniunctiores, vel secundum naturalem originem, ut consanguinei, vel secundum communionem civilem, ut concives; vel secundum contubernium bellicum, ut commilitones; vel secundum officium Pastorale ut Parochiani aut subditi; vel secundum professionem eiusdem vitæ regularis, ut religiosi confratres. Extrema tamen necessitas extranei semper præferenda est, & potius sublevanda, quam coniunctioris personæ non tanta necessitas. Deus & Pater noster & Dominus Iesus Christus abundare faciat charitatem nostram in invicem & in omnes. 1. ad Thelal: 3.

Punctum 2dum. Rursum testimonia sacre Scripturæ & SS. Patrum. Si quis suorum & maxime domesticorum curam non habet, fidem negavit & est infideli deterior. 1. ad Timot. 5. S. August. scribit: Cum omnibus prodesse non possis, his potissimum consulendum est, qui pro locorum vel temporum, vel quorundamlibet rerum opportunitatibus constrictius tibi quasi quadam sorte iunguntur. S. Thomas ait. Gratia & virtus imitantur ordinem naturæ, qui est ex divina charitate.

Ordo charitatis in quo consistit.

Extrema necessitas alicuius potissimum attendenda.

De doctrina Christiana.

2. 2. de

sapientia institutus; est autem talis ordo
natura, ut omne agens per prius magis dis-
perib9 qui fundat actionem suam ad ea quæ sunt pro-
nobis sunt pinquiora, sicut ignis magis calefacit rem
coniuncti- propinquiorem: & Deus in substantias pro-
ores debe- pinquiores sibi magis & copiosius dona sua
amus esse bonitatis diffundit. Exhibicio porro benefi-
magis be- ciorum est quædam actio charitatis in ali-
nefici? os: & ideo oportet, quod ad magis propin-
quos simus magis benefici.

S. Thomas. Punctum 3^{ium}. Quia bonum commune
multum divinius est, quam bonum unius:

Persona
publica po-
rius suble-
vandæ
quàm no-
bis secun-
dum car-
nem con-
iunctæ.
 ideo potius & magis debemus iuvare per-
 sonas publicas extraneas pro bono com-
 muni reipublicæ vel spiritualis vel tempo-
 ralis laborantes, quàm personas privatas
 nobis secundum carnem coniunctas. Hic
 etiam perpende religiosos post professio-
 nem esse coniunctiores suæ religioni quàm
 consanguinitati. Sicut enim maior est
 coniunctio viri cum vxore, quàm cum Pa-
 tre & Matre iuxta illud. Relinquet homo
 Patrem & Matrem suam & ad hærebit vxor-
 i suæ; ita maior est coniunctio religiosi
 cum religione quàm cum consanguinitate.
 Ora Deum ut det tibi ordinatissimam cha-
 ritem. Propositum cum suavitate & ala-
 critate fratribus inserviendi. Tessera es
 die Dominico.

Item poti-
us religio
sua suble-
vanda
quàm cõ-
sangvini-
tas.

PROFERIA V.

De triplici pascua ovibus suis à Christo provisa.

Punctum 1^{um}. Ego sum Pastor bonus. Verè bonus quia oves suas admirabili bonitate pascit, ut una quæq; ovicula eius cantare possit: *Dominus regit me & nihil mihi deerit, in loco pascuæ ibi me collocavit.* Triplex autè est pascua hominis, secundum triplicem statum eiusdem: Naturæ, gratiæ, gloriæ. Pascua naturæ est alimentum omne, quo vita nostra animalis conservatur. Pascua gratiæ est verbum Dei, & omnis Scriptura Sacra audita vel lecta, quæ scilicet benè ruminata nutritur, roboratur, & crescit interior homo in mensurâ ætatis plenitudinis Christi. Sunt item Sacramenta, præcipuè vero Sanctissimæ Eucharistiæ Sacramentum. Pascua gloriæ est æterna beatitudo.

Punctum 2^{um}. Expende quàm abundè nobis providet divina bonitas de triplici hac pascua. In usum naturæ contulit nobis univèrsum mundum: videlicet terram cum germinibus & iumentis, àèrem cum avibus; aquam cum piscibus. In usum gratiæ multò maiora & præstantiora dedit pabula: scilicet totam Sacram scripturam, Sanctissimam vitam suam, seq; ipsum in

escam spiritualement nobis præbuit; quid maius, quid nobilius dare poterat? *Quis pastor oves proprio pascit amore. Et quid dico pastor, multæ matres sunt quæ post partus dolores filios alijs tradunt nutricibus; hoc autem ipse non est passus, sed ipse pascit nobis proprio sanguine.* In usum gloriæ conferat se ipsum in Trinitate perfectæ unum Deum. Quidquid dulce quidquid delectabile, quidquid appetibile mens elevata cogitare potest, totum id in pascua cælesti habebimus. Eodem pane ipsdem pascuis vivimus, ad unam mensam accumbimus, in eodem regno & felicitate consociandis crescere igitur & proficere debemus in mutua dilectione. Et si Christus ita nos habet sicut oviculas suas, ita amat, ita pascit: qua veneratione & amore nos ad invicem tenemur prosequi. Amor Christi Gratiarum actio. Amor proximi, præcipue verò fratrum religione aut sacra initiatione coniunctiorum. Propositum & Tesseræ per diem repetenda ex die Dominico sumatur.

PRO FERIA VI.

Quæ causa tanti amoris Christi ad oves suas.

Punctum unum. Animam meam pono pro ovibus meis. Fecit quod dixit.

ani-

animam suam, hoc est, vitam suam posuit. quo & quali modo breviter recogita. Pro ovibus suis & singillatim pro te. Hinc considera tantum fuisse Christi Domini amorem erga oves suas, quod etiam pro vnica paratus erat mortem subire, vt revelavit Beatæ Baptistæ Veronæ. Quare autem? in causa est bonitas Christi IESU: in causa item est gravitas captivitatis diabolicæ, & damnationis æternæ, à qua morte sua pro singulis singulariter eam subeundo Christus Salvator vellet omnes eripere. Ggratias age: propone redamare: pete vt sis de ovibus Christi.

Punctum 2dum. Amoris tanti ad oves suas causa item est nobilitas animæ humanæ, quæ tanta est, vt solus Iesus eam possit intelligere iuxta revelationem factam Beatæ Veronæ. Heu quod tam parum nobilitatem animæ attendimus, quam Deus tanti æstimavit, vt vnigenitum suum pro ea dederit: quam diabolus tanti reputat, vt pro ea totum mundum offerret. Anima cuiusq; etiam vilissimi rustici iuxta sanam Philosophiam in sua essentia tam est perfecta, Teretius in præfatione Idioræ quam Aristotelis aut ipsius Magni Alexandri, alteriusve excultissimi & nobilissimi Principis. Qualiter ergo debemus vnum quemquæ ex proximis æstimare venerari amare.

Punctum 3tium. Multi sunt qui desiderant

derant occasionem excellentes & extraordinarios actus charitatis proximi exercendi, animamq; suam ponendi pro proximo; & levia ministeria ac refrigeria denegant, aut certè cum rancore & indignatione præstant fratribus: magnas cruces portare proponunt: minimas & ordinarias in convictu cum alijs horrent; hi certè decipiuntur, prompti in imaginatione, ignavi in executione. Tu qualis es ad oves tuas? ad fratres tuos? ad proximos tuos? Quam vberem materiam meritorum habes domi, quia habes occasionem ad servandum fratribus in suavitate & gaudio spiritûs, ad supportandos ipsorum defectus, & ad similia; & tamen forsitan alias merendi occasiones forissecus optas & quæris vano fortasse aut mendaci voto. Affectus convenientes cum proposito ministrandi necessitatibus fratrum eliciantur. Tessera vt supra.

PRO DIE SABBATI.

De zelo animarum.

Albertus
M. in lib. de adhæ-
rêdo Deo. **P**unctum immum. Zelus animarum verus est quando aliquis sanctis meditationibus, ferventibus desiderijs, lachrymis, orationibus, vigilijs, jeunijs, prædicationibus, confessionibus consilijs, doctrinis, visitationibus infirmorum, atq; alijs

alijs operibus bonis pro salute animarum laborat. Expende testimonia Sanctorum Patrum de hac virtute. Beda ait: *Quæ nam sublimior & Deo gratior conversatio esse potest, quam eorum, qui quotidiana exercitio alios ad auctoris sui gratiam student convertere, & crebra animarum fidelium acquisitione gaudium cælestis patriæ semper augere.* Gregorius super Ezechielem: *Nulum omnipotenti Deo tale est sacrificium quale est zelus animarum, & hoc propter imaginem Trinitatis impressam animabus.*

Punctum 2dum. Inductiva ad zelum animarum: imum, est exemplum Christi Domini, qui in omni vita sua tanto fervore conversionem peccatorum & perfectionem bonorum sitivit, tanto fatigioso curavit: & demum pro recuperatione animarum à diaboli captivitate singula membra sua ad singularem penam, & tandem animam suam ad turpissimam mortem obtulit. 2dum est dignitas animæ. 3tium est exempla Sanctorum. Virgo Beatissima non cessabat animas Deo lucrari per orationes, exhortationes, mores sanctissimos. Apostolus cupiebat anathema esse pro fratribus suis. S. Paulinus pro filio viduæ se in mancipium dedit. Et tot alij Sancti se pro captivis obsides barbaris obtulerunt. Sanctus Pater Paulus

*Inductiva
ad zelum
animarū.
imum E-
xemplum
Christi.*

*2dum di-
gnitas a-
nimæ.
3tium E-
xempla SS.*

Thebaeus regulam reliquit in qua Antonio & omnibus nobis, potissimum verò superioribus commendat zelum animarum. Non debes querere quæ tua sunt, sed quæ aliena. Expedit quidem tibi sarcinā carnis abiectā Agnum sequi, sed & cæteris expedit fratribus, ut tua ad huc instituantur exemplo.

Punctum 3tium. Expende falsum esse zelum animarum. Imo. Si ea opera ad proximum edificandum arripis quæ voluntas svadet non quæ iuberis. 2do. si ea arripis quæ laborem simul & consolationem in se habent non ea quæ solum laborem. 3tio. si te ad animarum curam & obsequium spirituale magis movet spes lucri aut favor vel desiderium placendi aliis, vel aliqua delectatio, quàm Dei gloria & salus animarum. v. g. si libentius confessiones excipis, à divitibus, nobilibus, formosis, quàm à turpibus, senibus, pauperibus. Colloquium seu Oratio ad Christum pro vero zelo animarum, item ad Virginem Beatissimā. Tessera ut supra.

MEDITATIONES

De amore Dei

PRO DOMINICA III. post Pascha.

Pra-

*Prædictio & immissio afflictionum
est argumentum amoris Christi
erga nos.*

Punctum 1^{um}. Plorabitis & flebitis
vos mandus autem gaudebit. Ex amo- Ioann: 16.
re summo Christus hæc discipulis præ-
nunciavit, imo nobis omnibus: ut videli-
cet prævisa iacula minus nos ferirent: de-
inde ut in ipsis afflictionibus levamen &
solatium haberemus ex fine veloci pres-
surarum, & ex imminenti gaudio. Expen-
de parturienti mulieri nos assimilari, quia
inter pressuras huius mundi parturimus
spem & desiderium æternæ beatitudinis:
tribulatio enim patientiam, patientia verò parturien-
ti mulie-
ti operatur. quia item sicut parturientis
dolor compensatur sequenti gaudio; ita
ri assimi-
& tribulationes nostræ in immeasam com-
lamur.
pensantur consolationibus, & temporali-
bus & æternis. Neq; enim sunt condignæ pas-
siones huius temporis ad futuram gloriam
quæ revelabitur in nobis. Age gratias Chri-
sto Domino pro hac prædictione adversi-
tatum. Ora patientiam & fortitudinem.
& dic: Scapulis tuis obumbra mihi & sub
pennis tuis serva me ut non timeam ab in-
cursu vllius mali.

Punctum 2^{dum}. Ipsamet immissio affli-
ctionum variarum adversum nos, est ma-
ximum

ximum argumentum amoris Dei erga nos. Imo. quia *in tempore tribulationis peccata dimittit, his qui invocant illum.* Tob: 1. Quot homines in prosperitate obliviscuntur Dei, in adversitate ad Deum recurrunt. Periculosior est res prospera animo quàm adversa corpori. Adulterium simul & homicidium non fecit David cum Saulem persecutorem pateretur. Augustin. hom: 21. 2do. quia Deus hos vult esse secundam in æternitate felices, quos in præsentia affligit: *Per multas enim tribulationes oportet intrare in regnum Dei.* 3tio. quia vult ut sint sicut filius suus, facitq; eos conformes imaginis filij sui, quem oportuit pati, & ita intrare in gloriam suam. Quod autem maius signum amoris Dei Patris, quam si assimilemur filio eius! Resignatio ad omnes adversitates. Amor Dei. Propositum ex occurſu creaturarum etiam nobis molestarum eliciendi actum amoris Dei. Ora ut supra. Tessera per septimanam vsurpanda:

Diligam te Domine fortitudo mea. Dominus firmamentum meum & liberator meus.

Dulcissime, amantissime, pulcherrime, charissime, pretiosissime, desideratissime, amabilissime, insigne obsecro multitudinem dulcedinis tuæ pectori meo, ut nihil carnale desiderem, vel cogitem, sed te solum amem,
te so.

te solum habeam in ore & corde meo. S. Aug.

O bonitas, bonitas semper antiqua &
semper nova!

O DEVS tu meus es DEVS! & meus totus.

PROFERIA II.

Christus ex amore suo erga nos tribulationes nostras voluit esse breves: easdem in gaudium convertit: & affectu materno nos solatur.

Punctum unum. Tristitia vestra convertetur in gaudium: & gaudium vestrum nemo tollet à vobis. Considera imo. per hoc bona mundi differre à bonis spiritualibus: quia illa incipiunt in gaudio, desinunt in fletu; hæc autem incipiunt quidem à lachrymis & tristitia, sed finiuntur in lætitia: de inde quia illa breve gaudium, & longam si non æternam tristitiam secum ducunt; hæc verò modicam tristitiam, & gaudium infinitum ac æternum. Stultus ergo omnis qui præligit priora. Considera 2do. quantus amor Christi in nos: qui plerumq; etiam ipsas afflictiones & tristitias nobis convertit in gaudium. Unde & Apostoli gaudebant euntes à concilio, quoniam digni habiti sunt pro nomine Iesu contumeliam pati. Et Paulus ait: *Superabundo gaudio in omni tribulatione nostra.* Et experientia ipsa testatur, si pa-

si patientes simus in aliqua tribulatione;
maxima nos affici suavitatem.

Punctum 2dum. Plorabitis & flebitis vos.
Sed absterget Deus omnem lachrymam ab
oculis vestris, sicut mater flentis nati sui
ipsa manibus abstergit lachrymas. Quan-
do absterget? non tantum in futuro, sed
etiam in presenti. Expende amorem
Christi qui affectu plane materno solatur
nos, blanditur nobis, offertq; se ad ab-
stergendas lachrymas nostras. Nunquid
mulier oblivisci potest infantis sui? quod
si ipsa obliviscitur, ego non obliviscar ve-
stri in quavis adversitate. Et tu non so-
lum Patrem, sed etiam matrem cura re-
tuis exhibere. Gratiarum actio pro affe-
ctu Christi ad nos. Amor Dei & proximi
Propositum & Tessera ut supra.

PRO FERIA III.

Amor Dei erga nos qualis?

Amor Dei **P***unctum 1mum.* Amor Dei erga nos
erga nos. imo. gratuitus; nam ex pura bonita-
te sua, plurima nobis bona largitur. *Quis*
enim prior dedit illi, & retribueretur ei? Non
merita nostra sed suam attendit bonita-
Gratuitus tem. 2do. efficax est; non enim solo affe-
*efficax,*ctu sed etiam effectu nos amat. Tot bene-
*perpetuum.*ficia in ordine naturæ & gratiæ unicuiq;
contulit: maiora in statu gloriæ præpara-

vit. Percurre hinc pecuniaria beneficia à Deo accepta. 3tio. perpetuus est: *In charitate perpetua dilexi te.* Vide quàm perpetuus amor Christi erga nos: quia non cessat nobiscum amorosissime in Eucharistia conversari: quia non cessat nobis benefacere. Gratiarum actio. redamatio.

Punctum 2dum. Pariter proinde & noster amor erga Deum debet esse gratuitus, *Talis etiam* efficax, & perpetuus. gratuitus; ut non *debet esse* metu pænæ. neq; spe præmij, at merè propter bonitatem ipsius ex toto corde eum diligamus. efficax; ut non diligamus verbo & linguâ, sed opere & veritate. Si *anterior no-* Christus animam suam pro vobis posuit: & nos debemus pro fratribus nostris animas ponere; quanto magis servire ipsis, ministrare in necessitatibus eorum, fovere subditijs. quidquid enim illis facimus, Christo facimus. perpetuus; ut possimus cum Paulo dicere: *ster erga Deum.* *Quis nos separabit à charitate Dei.* Propositum Tesseræ ut supra.

PROFERIA IV.

Qualiter Deus diligendus?

Punctum 1mum. Diliges Dominum Deum tuum ex toto corde tuo, & ex tota anima tua, & ex tota mente tua, & ex tota fortitudine tua. Marci 10. Quatuor hinc ponuntur: per cor significatur volun-

Quatuor sunt in nobis ex quibus Deum totaliter diligere debemus. voluntas; sicut enim cor est principium omnium corporalium motuum; ita voluntas est principium omnium spiritualium motuum maxime verò desideriorum finis ultimi; ad quem velut ad centrum suum voluntas nostra tota quanta ferri debet. Per mentem, significatur intellectus: per animam, appetitus sensitivus: per fortitudinem, aut virtutem, seu vires significatur vis executiva exterior. Præcipitur ergo nobis ut tota intentio nostra feratur in Deum: & ut totus intellectus noster subdatur Deo: ut item omnis appetitus noster reguletur secundum Deum. In toto corde meo exquisivi te: ne sepelias me à mandatis tuis.

Totalis & perfecta unio anime cum Deo non datur nisi in celo.

Punctum idem. Intendit Deus per hoc præceptum, ut homo ipsi totaliter unia-
tur, quod fiet in patria, quando Deus erit omnia in omnibus: & ideo plenè implebitur præceptum hoc in patria; modo autem impletur imperfectè, quia tenus nimirum non coniungimur quidem cum nostro fine ultimo, non recedimus tamen ab ordine & via ad ipsum. Expende an & quomodo hactenus impleveris hoc præceptum? an tota intentio tua in Deum tendebat, an intellectus tuus Deo subijcebatur, an appetitus sensitivus, an omne opus externum Deum pro fine habebat?

fi ita,

siſta, gratias age: ſi ſecus, dolo. Propone præſato quadruplici modo Deum amare. Pete ad hoc gratiam à Deo. Propoſitum & Teſſera vt ſupra.

PRO FERIA V.

Cauſa amoris amor.

Punctum 1^{um}. Nulla eſt maior provo-
catio ad amandum quàm prævenire a- Deum pri-
mando S. Aug: libro 1. de catechiſandis or nos di-
modibus. & ideo S. Ioannes hortatur: Nos lexit.
vos diligamus Deum: quoniam Deus prior
dilexit nos. Ioan: 4. Diligit autem nos quomodo?
Deus amore terrifico, intenſo, appre-
tativo. Nullus Pater aut Mater filium,
nullus amicus amicum nullus ſponſam
ſponſus ita diligit quemadmodum nos
Deus.

Punctum 2^{um}. Dilexi vos. ait Domi-
nus & dixiſtis: In quo dilexiſti nos. Num In quo?
parva dilectio eſt quod filij Dei ſumus.
Videte qualem charitatem nobis dedit Pater Ioan: 3.
vt filij Dei nominemur & ſimus? Num par-
va dilectio eſt, quod filius æternus lavit
nos à peccatis in ſanguine ſuo: quod fecit
nos Deo Patri regnum, & ſacerdotes ſive
ſpiritualiter ſive Sacramentaliter: quod
nos ſibi in Sacramento Eucharistiæ incor-
poravit, & inſiſceravit, ac quotidie in-
viſcerat, vt perpetuo ſimus in ipſo velut

Bb

mem-

membra in corpore, velut palmites in vite; quò spiritu eius vivificemur. Verè nullus amor ardentior dari potuit! Gratiarum actio: Propositum redamandi: desiderium vnionis perfectæ cum Deo: horror omnis peccati.

Punctum 3tium. Quid autem movet *Quare?* Deum ad dilectionem nostri? movet ipsum sua bonitas. quid ultra? movet ipsum imago & similitudo eius in nobis expressa. Si Deus honorat & amat imaginem suam in nobis: nos sive in nobis sive in proximis imaginem Dei dehonorabimus? Absit Domine absit. Tessera vt supra.

PRO FERIA VI.

De alijs causis amoris.

Bonitas & similitudo causæ amoris **P**unctum 1mum. Amoris causæ sunt bonitas & similitudo. Expende bonitatem Dei in hoc, quòd filium suum vnigenitum dederit pro hominibus in contumelias, penas, & mortem ignominiosam. Expende similitudinem Christi nobiscum. Nam per omnia nobis similis factus est excepto peccato. vagijt, ploravit, esurivit, sitivit, fatigabatur, omnesque defectus naturales, qui ex peccato communi totius naturæ sequuntur, & non repugnant scientiæ atque sanctitati, suscepit. Non assumpsit morbos: quia hi non affici-

afficiunt communiter totam naturam humanam propter peccatum primi parentis; sed oriuntur in aliquibus hominibus ex particularibus causis, puta ex inordinato victus, aut defectu virtutis formativæ: quorum neutrum cadere in Christum potuit, quia & caro eius de Spiritu Sancto, qui est infinitæ sapientiæ & virtutis, concepta est: & ipse nihil inordinatè in vita sua egit nec agere valuit. Non assumpsit ignorantiam, pronitatem ad malum, & difficultatem ad bonum: quia hæc repugnant scientiæ & perfectioni gratiæ.

*Duo fontes mor-
borum.*

Punctum 2dum. Considera quod ex merito amore & beneplacito voluntatis suæ hos defectus suscepit. de his Prophetæ: *Verè langvores nostros ipse tulit, & dolores nostros ipse portavit.* Ama eum o homo; quia in similitudinem hominum factus; & habitu inventus ut homo. ama eum quia defectus tuos suscepit; ut corpus tuum reformaret & configuraret corpori claritatis suæ: ama eum, quia morbos spirituales & corporales non suscepit, ut omnes morbos tuos internos & externos curaret. Benedictus sis Domine Iesu propter bonitatem tuam: benedictus propter similitudinem tuam nobiscum: benedictus propter defectus, quos suscepisti. Peccato & morbis non eras obnoxius: ego

utroq; scateo; vtrumq; sana. Propositum & Tesseræ ut supra.

PRO DIE SABBATI.

De actibus amoris internis.

Actus hi **P**unctum 1^{um}. Actus interni charitatis sunt: dilectio, gaudium, pax, charitati Misericordia. Diligere ergo debemus erga Deū, Deum, hoc est, animi nostri motibus & sed etiam affectibus in eum ferri. diligere eum ut charitati authorem naturæ, ut authorem gratiæ, erga pro- ut authorem ac largitorem gloriæ: gaudium at- dere de bonis eius ad intra, hoc est, de tribuun- perfectionibus eius seu attributis, im- tur & cha mensitate, sanctitate, iustitia, bonitate, ritati di- pulchritudine, suauitate, & alijs; gaudere vine erga re item de bonis eius ad extra, hoc est, nos. de agnitione eiusdem per fidem, de gloria eius, quam habet à creaturis: pacem habere cum ipso, hoc est, appetitum nostrum vnitum habere cum voluntate ipsius, & in nulla re voluntati eius repugnare: tristari de offensa eius, & quod per multos blasphematur nomen eius infinito honore dignum. Examina te an actus prædictos frequentaveris, dole de negligentia, & propone in posterum eos frequentare. Expende etiam eosdem actus amoris in Deo ad homines: & age gratias.

Punctum 2^{dum}. Considera quòd Virgo Beatif-

Beatissima in gradu excellen tissimo post Christum actus prædictos eliciebat. Imitare in hunc vi. g. modum: Amo te Deus meus super omnia, o fons amoris o bonitas increata, o suavitas ineffabilis, o pulchritudo super omnes pulchritudines: amo te in v. mone amoris illius, quo Pater æterne amas filium tuum & te vicissim filius æternus. Benedictus sis de sanctitate tua, de iustitia tua, de pulchritudine tua, de bonitate tua. Benedicta suavitas, quam in te ipso & ad homines habes: benedicta magnificentia tua: benedicta gloria regni tui: benedicta humanitas Iesu Christi filij tui, quæ nomen tuum clarificavit. O quam gaudeo nomen tuum agnosci, celebrari: quam gaudeo quod pleni sunt celi & terra gloriâ tua. Utinam omnes homines veniant ad agnitionem tui: utinam omnes vno ore te Deum Patrem cum Filio & Spiritu Sancto glorificemus: utinam nemo sit qui te offendat. Heu me quod ego te toties offendi: ignosce Domine & confirma me in amore tuo. Propositum & Tesserâ per diem replicanda vt supra.

MEDITATIONES.

Ad perseverantiam in amore Dei
pernoventes.

PRO DOMINICA IV. post Pascha.
*Corporalis abscessus Christi operatus
 est perseverantiam amoris in
 Apostolis.*

Punctum unum. Vado ad eum qui misit me. Ioann: 16. Tota vita Christi Domini fuit motus & tendentia ad Patrem: quia semper eius solius gloriam quærebat, eius voluntatem in omnibus faciebat. Exemplum dedit nobis, ut & nos omnibus actionibus, cogitationibus, intentionibus, & locutionibus nostris tendamus ad eum, qui misit qui creavit nos. Examina te ipsum, quo vadis? an ad Deum an ad diabolum: discute opera, cogitata, & verba tua; & affectus convenientes elice.

Punctum 2dum. Expedi vobis ut ego vadam: quia si non abiero, Paracletus non veniet ad vos; si autem abiero, mittam eum ad vos. Ad quid promittitur mittendus in Apostolos Paracletus? ad hoc ut confirmet quod Christus operatus est in Apostolis: ut confirmet eos & stabiles ac immobiles faciat in amore Dei. Corporalis ergo abscessus Christi non temporem sed fervorem & constantiam amoris in Apostolis effecit. Etiam nobis expedit ut sedente Christo in dextera Dei quæ sursum

sunt sapiamus, non quæ super terram: ut
vbi corpus salvatoris est, illuc & nos ve-
lut aquæ congregemur: ut vbi thesaurus
noster est, ibi & cor nostrum sit perpetuò.
O IESU mitte promissum in nos spiritum
veritatis, mitte Paraclitum cuius mune-
re cor nostrum iugiter ardeat amore tui.
Virtus: *perseverantia in amore Dei.* Pro-
positum: actus charitatis supra positos
frequentandi & animum in amore Dei ex
occasionibus obvijs firmandi. Tessera
per septimanam quovis die crebrò repe-
tendæ mente vel etiam ore:

*Concede mihi benignissime Iesu gratiam,
ut tecum sit, tecum laboret, tecum usq; in
finem perseveret.* Thomas à Kempis.

*In aeternum non obliviscar iustificationes
tuas, quia in ipsis vivificasti me.*

O IESU propè esto in animo meo, propè
in corde, propè in ore, propè in auxilio, quia
amore tui langueo, quia sine te morior, quia
& rocolens suscitor. Thomas à Kempis.

PROFERIA II.

Deus suos diligit usq; in finem.

Punctum unum. Cum dilexisset suos usq; ^{SS. Trini-}
in finem dilexit eos. Ioan: 13. Suorum ^{tas diligit}
nomine non tantum discipuli Christi ve- ^{electos.}
niunt, sed & omnes prædestinati qui vo-
cantur: *Vasa electionis & misericordie di-*

vine. Hos omnes diligit Christus cum Patre & Spiritu Sancto, & diligit usque in finem vite eorum, imò in perpetuas æternitates. diligit Pater tanquam conformes imaginis Filij sui: diligit Filius tanquam cohæredes: diligit Spiritus Sanctus tanquam sanctuaria & viva templa sua. O Domine IESU tuus sum per creationem, tuus per redemptionem: o sis tuus per electionem, ut diligas me, & diligas usque in finem vite meæ, quousque absorbeas me in lumen gloriæ ubi te non possum ex plenitudine amoris non amare!

Ut diligaris à Deo dilige.

Punctum 2dum. Ego diligentes me diligit ait sapientia increata. Si ergo Dominum dilexero, si mandata eius custodiero usque in finem, quod quidem per gratiam ipsius habere possum, qui omnibus petentibus dare spiritum bonum paratus est; certissimè ille quoque diliget me usque in finem. *Ioan. 14. Qui diligit me, diligetur a Patre meo & ego diligam eum & manifestabo ei me ipsum* Confirma igitur me in amore tui o dulcis IESU! ut me nihil à te possit separare; non tribulatio, non angustia, non mors, non periculum, non gladius, non denique vlla creatura. Amore tui vivam, amore tui moriar. *Propositum & Testica ex die hesternum sumatur.*

PRO

De AMORE DEI.
PRO FERIA III.

393

*Anima in amore Dei debet esse tan-
quam murus & turris.*

Punctum 1^{um}. Ego murus. Cant: 3.
Ad hoc vt fortalitium aliquod sit in
expugnabile, non tantum mœnia & muni-
tiones exteriores necessariae sunt, quan-
tum praesidiariorum fortiendo, ita vt hi
sint velut murus firmissimus lateritijs pa-
rietibus solidior. Idem ad fortalitium
spirituale requiritur. ad hoc enim vt ani-
ma sit inexpugnabilis à dæmone, mundo,
& carne coniuratis hostibus humanis; non
ei sufficit custodia Angelica, non superi-
orum attendentia, non alia exteriora sub-
sidia, nisi ipsa quoq; sit murus firmissi-
mus bitumine charitatis divinæ compa-
ctus. Expende an sis murus, an verò pa-
ries luteus facile impressione diabolicâ
etiam levi destruibilis?

Punctum 2^{dum}. Et vbera mea sicut turris.
Ubera animæ sunt intellectus & voluntas. *Vbera ani-
mæ quæ?*
Turres ad hostem speculandum & propul-
sandum serviunt: per intellectum ergo a-
nima hostem prævidere, ipsiusq; insidias
prospicere debet; per voluntatem autem
propulsare. *Amor meus. Deus meus in te de-
ficiam vt fortis sim. sim murus inexpugna-
bilis dæmoni, carni, & mundo. Videam* *S. August.*

Bb 5

à lon-

à longè diabolicos intultus & auxilium invocem; vt fugato ope tuâ hoste cantem tibi:

Dominus firmamentum meum, & refugium meum, & liberator meus.

PROFERIA IV.

Anima que est firmata in amore Dei quodam modo impossibile peccare.

Cant. s. **P**unctum imum. Lavi pedes meos, quomodo inquinabo illos. *Pedes anima-* *nima.* *a-* affectus: sicut namq; corpus pedibus, sic anima movetur affectibus. hos iubet Dominus mundare: *Mundate que intus sunt; & que foris sunt munda erunt:* hoc est, mundas cogitationes, mundos affectus. voluntatis habete; & ad immunditiam. exteriorem operis ipsius non pervenietis. Vide an sis mundus internè? Per sordes pedum intelliguntur etiam quotidiani defectus. Unde Christus: Qui lotus est, inquit, non indiget nisi vt pedes lavet, sed est mundus totus. Id est: Qui lotus est à moralibus non indiget nisi lavari à venialibus. Si taliter lotos habere pedes curaverimus, firmi erimus in amore Dei. Qui enim vitat levia mundatq; se ab illis, non facile cadit in gravia.

Punctum 2dum. Non possum. (sic legit D. Hie-

D. Hieron: ad Eustochium) *inquinare illos.* Felix anima quæ ita firmata est in amore Dei & proposito non peccandi, ut ei quodammodo sit impossibile peccare. Talis erat Ioseph qui dicebat: *Quomodo possum hoc malum facere & peccare in Dominum meum?* Talis Apostolus dicens: *Quis nos separabit a charitate Dei?* Talis Susanna, verè lilium! Hanc firmitatem radicamus in nobis crebrâ renovatione propositi non peccandi, & eiaculatorijs de Deo amando tesseris.

Calloquium. Lavi quoq; ego pedes meos, & utinam laverim: lavi in lavacro, quod nobis è sanguine tuo pretiosissimo in Sacramentis præparasti: amplius ergo ne permittas inquinari illos. Liga Domine libertatem & potentiam meam, ne possim eos inquinare: continuus sim in proposito non peccandi. Fac me frequentissimè recolere beneficia tua, quibus me momento omni tibi obligas, ut omni momento ex tota fortitudine mea tibi serviã.

PROFERIA V.

Amicitia cum Deo debet esse perpetua.

Punctum imum. *Comedite amici, bibite & inebriamini charissimi: tractat Christus amicos epulo Eucharistico. qui autem* *Canto*

Amicitia autem veri amici Christi? *Amicitia* quæ
debet esse *definere potest vera nunquam fuit.* ait Hie-
stabilis. ron: da Rufinum. Si ad amicitiam hu-
manam requiritur ut sit stabilis, & quæ
nunquam definat; multo magis ad amici-
tiam cum Deo. Deus enim infinitè bo-
nus est, sine vlla admixtione mali: sem-
per tibi benè vult: semper tibi commu-
nicat bona sua & seipsum in Eucharistia:
Conditio- semper tibi per Evangelium, & per inter-
nes amici- nas locutiones revelat secreta sua; non
tie divi- habes ergo cur te separes ab eo. dolo
ne cū ho- quod unquam te separaveris ab ipso. Pro-
mine. pone mori potius quàm dividi ab eo.

Punctum 2dum. Amicorum est convi-
vere & convivari. Christus verus amicus
Christus noster convivis nobiscum usque ad consum-
& convi- mationem sæculi in sacra Eucharistia: in
vit, & cō- eadem convivatur nobiscum, ipse convi-
vivatur va, ipse convivium divinum, cæleste, vi-
nobiscum. tale: ipse miro amoris commento se ap-
ponit manducandum & bibendum. Ami-
cos hinc urget bibere; sed charissimos inebriari;
quia ferventibus in charitate pro-
fusius se suaque bona impartitur. quàm qua-
litercunq; diligentibus. O I E S U si mihi
amicus tuus, si mihi charissimus tuus, si mihi per-
petuò in gratia tua, & finaliter tibi ad-
hæream; ut dignus fiam comedere, bi-
bere & inebriari de mensa tua. O I E S U

mi!

mi! vtinam inebrier dulcedine spiritus
tui: quatenus in hac ebrietate omnium
quæ mundi sunt obliuiscar: & te solum
spirem, in te solo exultem. Propositum &
Tessera vt supra.

PROFERIA VI.

*Diligentibus Deum, pax multa &
securitas à scandalo.*

Punctum imam. Pax multa diligentibus legem tuam, & non est illis scandalum. Psal. xix. Duo promittuntur diligentibus legem Dei: pax multa, & defectus scandali. Considera imo. rotam legem divinam pendere in his duobus: in dilectione Dei ex tota anima & in dilectione proximi. Legem ergo implet qui Deum diligit super omnia: & proximum sicut se ipsum. Considera 2do. per pacem multam intelligi abundantiam pacis interioris, hoc est, consensionis & concordie appetitum hominis inter se & cum Deo. Considera 3tio. scandalum esse occasionem ruinæ spiritualis: qui ergo diligit legem Dei, non tantum internè pacatus est, sed etiam non suscipit externas occasiones ad peccandum. Si enim videt mali aliquid in proximo, non inde deterioratur; at potius elevat se ad actus heroicos amoris divini, renovando propositum Deum

*Scandalū
quibus
non nocet.*

*Perfectus
in amore
Dei non
deterioratur.*

sur ex ru- Deum nunquam offendendi: humilitatis,
ina alte- cogitando se millies quoq; similiter &
rius, sed deterius peccare posse nisi Deus miseri-
potius ele- cors retineret: amoris proximi, compa-
vat se ad tiendo fragilitati, orando vt resipiscat.
actus he- Redi in te ipsum & cogita an facilis fue-
roicos a- ris ad scandalum patiendum. & si ita est,
moris Dei propone ardentior esse in amore Dei &
& proxi- proximi; vt ex nulla occasione ruinam
mi & ad spirituales experiaris.

actas hu- *Punctum 2dum.* Non dicitur: *servanti-*
militatis. *bus legem, pax multa. sed diligentibus.* quia
 possunt servari mandata Dei ex timore. v.
 g. penarum temporalium, vel etiam gehennæ
 sed taliter servantibus legem Dei non
 est pax, nec securitas ab occasionibus ruinæ
 spiritualis. Qui diligit aliquid, continuo
 cogitat & meditat de eo quod diligit: de
 eo loquitur, circa illud se occupat: nec
 vult separari ab illo, aut contrarium illi
 facere. An diligas legem Dei? hinc disces,
 si frequenter de ea meditaris, si crebro
 loqueris verba ad amorem Dei & proxi-
 mi spectantia, si nunquam vis à lege Dei
 deviare. Pete à Deo vt diligas legem
 eius, quatenus in pace semper maneas, &
 longè sis ab omni scandalo. Propositum
 & Tessera vt supra.

Punctum 3tium. Christus Iudæis scanda-
 lum & lapis offensionis. O quàm graviter

impegerunt in hoc lapide quando Christum spreverunt & persecuti sunt usque ad mortem. Cogita, ad qualem? quare hoc, quia nulla in eis erat charitas sed invidiæ livore tabescebant. Tu quiesce in eo, sicut Iacob, per fidem & charitatem. noli eum reprobare, noli abicere per peccatum ullum & sic beatus eris. Beatus enim qui non fuerit in Christo scandalizatus. Scandalizatur in Christo, læditur & labitur qui pedem affectus sui impingit doctrinæ eius, calcando mandata ipsius: aut occasionem accipiendo discredendi ei. O salus & vita mea IESU! prius millies moriar quàm te reprobem, quàm ex te scandalizer! verba vitæ æternæ habes. Vita tua & doctrina tua, vita nostra: mors tua, resurrectio nostra. Esto mihi lapis adiutorij. In manibus tuis porta me ne unquam offendam ad lapidem alicuius scandalij pedem meum.

PRO DIE SABBATI.

Usque ad adventum Christi sanctè & sine querela vivendum est.

Punctum unum. Ipse autem Deus sanctificet vos per omnia, ut integer spiritus & anima & corpus sine querela in adventu Domini nostri Iesu Christi servetur. Fidelis est qui vos vocavit, qui etiam faciet.

Integritas
spiritus &
animæ &
corporis,
custodien-
da.

ciet. 1. ad Theſſal: 5. Monet & precatur
Apoſtolus, vt per ſanctificationem di-
nam ſimus integri ſpiritu & anima & cor-
pore: expectantes ad inſtar virginum pru-
dentum adventum Domini noſtri vt cum
eo ad perpetuæ beatitudinis nuptias in-
troeamus. Conſidera 1mo. Spiritum, ani-
mam & corpus in integritate ſervanda ef-
ſe. Per ſpiritum ſuperior pars animæ; per
animam vires inferiores intelligitur. In-
tegritas autem hæc fervorem ſpiritus &
ſceleris immunitatem designat quatenus
abſq; corruptione peccati inculpate & ſi-
nè querela vivamus vt nemo ſit qui ma-
lum aliquid audeat dicere de nobis. Con-

Quoniam?

ſidera 2do. ad adventum Domini noſtri in
integritate perſiſtendum eſſe, hoc eſt, vſq;
ad horam mortis noſtræ: tunc enim ad-
veniet Dominus, vt nos paratos ad tha-
lamum gloriæ ſuæ deducat. Virgines in-
tegra corpora ſtudent ſervare ſponſis ſui-
is, cum quibus manſuræ ſunt vſq; ad mor-
tem: quanto magis nos Deo corporis &
animæ creatori debemus custodire inte-
gram corpus animam & ſpiritum, cum
quo in æternum videtur ſumus.

Quare?

Fidelis De-

*monſtrabitur nobis & miſſa ſua; modò nos quoq; vſq; ad ad-
ventum eius fidem ipſi ſervemus. Qui &
ſe, teneur faciet. Non corrumpet corpus animamq;
noſtram*

nostram sponsus noster qui vtrumq; fabricavit; sed & corpus & animam consolidabit dotibus gloriosis, & vestimento luminis gloriæ vestiet, & incomprehensibilibus delicijs satiabit.

Colloquium. O IESU sponse animarum nostrarum, da mihi inculpate & sine querela vsq; ad adventum tuum vivere. Fac, me tibi servem totum toti, vnicum vnicuique, integrum integerrimo.

MEDITATIONES

Ad resignationem in voluntatem divinam excitantes.

PRO DOMINICA V. post Pascha.

De Oratione Dominica.

Punctum unum. *Petite & accipietis.* Ioan: 16. Quid petere & quomodo petere debeamus, docuit ipse Dominus in sua oratione. Expende imo. authorem & præfatiunculam huius orationis. Author quidem est cælestis Magister Christus IESUS, quo nihil sanctius, sapientius, amabilius: præfatiuncula verò est ista: *Pater noster, qui es in cælis.* Et hæc erigit nos in fiduciam postulandi, dum nos certiores facit quod simus filij Dei, scilicet per gratiam & adoptionem. Attende dignitatem

*Orationis
Dominicæ
author.*

Præfatio.

tem tuam o homo. vide cuius filius sis! si
filius Dei es: opera Dei, Patris utiq; tui
facito. Vide item ut fiducialiter ores, ut
cum fide vivâ ac spe firmâ. Pater enim est
quem oras.

Punctum 2dum. Expende postea articu-
los, seu partes orationis, quæ sunt septem.
Partes. Ex quibus 1ma. petit ab omnibus semper,
& ubiq; promoveri honorem & gloriam
Dei. 2da. felicitatem æternam regnumq;
cæleste donari nobis. 3ta. auxilium gra-
tiæ ad hoc, ut alacriter & constanter ad-
impleamus voluntatem Dei. 4ta. neces-
saria ad vitam tam corporalem quam spi-
ritualem. 5ta. rogat remissionem pecca-
torum eo modo fieri nobis, quo ipsi alijs
offensas remittimus. 6ta. defensionem à
tentationibus, ne tanquam imbecilles in
peccata ruamus. 7ma. liberationem t. m.
ab istius, quam à futuræ vitæ calamitati-
bus. O quanta bona impetraremus, si fer-
venter & devotè orationem hanc itera-
remus! Propositum actus charitatis in
Dominica superiore positos sæpè elici-
endi. Virtus: Resignatio in voluntatem
Dei. Tessera: *Doce me facere voluntatem
tuam, quia Deus meus es.*

O IESU si me vis esse in tenebris, sis bene-
dictus: si me vis esse in luce, sis iterum bene-
dictus: si me dignaris consolari, sis benedictus
& si

si me vis tribulari sis æque semper benedictus. Thomas à Kempis.

O Vita vitæ meæ, te totum desidero, me totum tibi offero, totum toti, unicum unico.
Idem.

PRO FERIA II.

In oratione Dominica beatitudinem æternam & eius media petimus: voluntati divine nostram debemus conformare.

Punctum 1^{um}. In oratione Dominica. imo petimus finem nostrum, hoc est, nomen Domini sanctificari, & regnum eius nobis advenire. 2^{do}. petimus media ad hunc finem ducentia. 1^{um} autem & principale medium ad consequendam æternam beatitudinem est impletio voluntatis divinæ. Si igitur consequi regnum æternum desideramus, voluntatem divinam exequi necesse habemus; ut autem ipsam exequamur continuè orare debemus? fiat voluntas tua. Expende in hoc articulo orationis Dominicæ, omnia quæ salubriter desiderare possumus, concludi: scit enim Pater æternus quid nobis opus sit: illius igitur voluntati nos conformare debemus.

Punctum 2^{dum}. Non omnis qui dicit mihi Domine, Domine. intrabit in regnum celorum:

rum, sed qui facit voluntatem Patris mei qui in celis est, ipse intrabit in regnum celorum. Matth: 7. Sensus est: Non omnes orationibus dediti student meam implere voluntatem, neq; eius impletionem animis precantur: ideoq; cum facis virginibus excludentur à regno cælesti. Executio voluntatis Divinæ sola est, quæ aperit ianuam regni divini. Considera quod voluntas Dei sit sanctificatio nostra; hoc est, voluntas Dei est ut semper sanctificemur: Sanctificamur autem per fidem & charitatem. Considera item quod voluntas Dei est ut omnis qui credit in eum non pereat sed habeat vitam æternam. Si Deus hoc vult, ut non pereamus sed habeamus vitam æternam: nos perire volumus quando non conformamus nos voluntati divinæ, & media, per quæ nos ad vitam æternam vocat exhorrescimus.

Actus resignationis ad læta & tristia, ad vitam & mortem iuxta beneplacitum Dei eliciendus. Tessera sumatur ex die hæsterna, & crebro per diem repetatur.

PRO FERIA III.

Factor voluntatis Divinæ est consanguineus Christi.

Punctum unum. Qui fecerit voluntatem Patris mei, hic meus frater & soror & Mater

Mater est. Non negat Christus Matrem & fratrem se habere secundum humanitatem: sed dicit illum sibi spiritualiter esse fratrē, sororem & matrem, qui implet voluntatem divinam. Expende quomodo intelligenda sunt verba Christi. Christus est filius Dei per naturam; qui autem facit voluntatem divinam est filius Dei per gratiam seu adoptionem: igitur frater Christi est. *Et quia in Christo neq. est masculus neq. femina; uti frater ita & soror Christi vocari potest omnis executor voluntatis divinæ.* Quia item omnis executor voluntatis divinæ suscepto in animam suam semine verbi divini parturit Christum in cordibus fidelium iuxta Apostolum: *Filioli mei quos iterum parturio donec Christus formetur in vobis*, mater Christi est. O quæ dignitas esse Christi fratrem, sororem, matrem!

Punctum 2dum. Magnificat & beatam dicit vniversus orbis Virginem Beatissimam ob Maternitatem Dei carnalem; cui tamen præfert Christus spiritualem maternitatem Dei, hoc est, custodiam & executionem voluntatis divinæ: *Quin imò beati qui audiunt verbum Dei & custodiunt il-* Luca ii.
lud. Quis ergo non cupiat facere voluntatem divinam, si tantopere æstimatur factor eiusdem? O ergo doce me facere vo-

Thomas à
Kem: l. 2.

luntatem tuam quia Deus meus es tu. Per-
cute dorsum meum & collum meum vt in-
curuem ad voluntatem tuam tortuosita-
tem meam! Non enim stat meritum no-
strum in multis suauitatibus & consolati-
onibus sed potius in magnis gravitatibus
& tribulationibus perferendis.

PRO FERIA IV,

*Timentes Dominum, hoc est, seruantes
mandata eius exaudiuntur:
& nihil deest ipsis.*

Quare be-
ata ani-
ma timen-
tis Deum?

Punctum unum. Voluntatem timentium
se faciet, & deprecationem eorum exau-
diat & saluos faciet illos. Vis vt volunta-
tem tuam faciat Deus? fac tu voluntatem
eius. Vis vt ab eo exaudiaris? time eum
timore filiali, noli eum offendere, obser-
ua mandata eius, quia sancta sunt, quia
salutaria sunt, quia à Deo data sunt. Vis
demum saluus fieri? time Deum, sit volun-
tas tua perpetuò in lege eius: hoc est, vo-
luntas tua ad hoc semper tendat, vt legem
Dei custodias. Verè beata anima timentis
Deum. Quare beata? quia Deus facit
voluntatem eius: quia deprecationem ex-
audit: quia in omnibus prosperatur iuxta
illud: *Et omnia quaecunq; faciet prospera-
buntur*, hoc est, in bonum ei omnia coo-
perabuntur: quia demum salutem æternam
consequitur.

Pun-

Punctum 2dum. Timete Dominum omnes Sancti eius, quoniam non est inopia timen- Psal: 33.
tibus eum. Deus prævenit preces & desideria eorum qui ipsum timent, mandata eius custodiendo, & voluntatem eius in omnibus implendo. Nihil deest ipsis in rebus naturæ, nihil deest in rebus gratiæ. volunt sanitatē, dat ipsis Deus: volunt benedictionē, largē impertitur: volunt solatiū in adversis, tanquā mater abstergit lachrymas ab oculis eorū, & super genua sua blanditur eis: desiderāt robur in tentationibus & periculis? firmamentum est Dominus timentibus se: & testamentum ipsius non aliud quā ut manifestetur illis. Da Domine ut in omnibus & semper & finaliter voluntatem tuam sanctissimam adimpleam: quō tu voluntatem etiam meam facias, & tandem salutem mihi æternam largiaris, manifestando mihi teipsum.

PRO FESTO.

ASCENSIONIS DOMINI.

De apparitionibus Domini in universum: & de ijs qua Ascensionem Domini immediatē præcesserunt.

Punctum 1mum. Præbuit seipsum viuum post passionem suam, in multis argumentis per dies 40. apparens eis. Act: 1.

Replica mente apparitiones Christi Domini post resurrectionem suam. Decem hæ leguntur in evangelijs. Ipsa die resurrectionis quinquies apparuisse scribitur. Imo. quidem Magdalene ad monumentum. 2do. mulieribus regredientibus à monumento. 3tio. Petro. 4to. duobus discipulis euntibus in Emmaus. 5to. congregatis in Hierusalem absente Thoma. Extra hanc diem. 6to. apparuit congregatis præsentem Thoma. 7mo. ad mare Tiberiadis in captura piscium. 8vo. in monte Galilæe secundum Matthæum. 9no. secundum Marcum novissimè ante ascensionem recumbentibus. Imo. in ipsa ascensione quando non iam interra sed elevatus in nube manifestior & gloriosior apparuit. Ultra has in evangelio expressas, fuerunt & aliæ eius apparitiones. Crebra namq; erat eius cum suis conversatio priusquam ascendisset in cælum: & hoc ad consolationem ipsorum. ait S. Aug: unde & I. ad Corinthios 15. dicitur quòd visus est Iacobo. Et præ creditur quòd etiam Beatissimæ Matri suæ sit visus.

*Quare cre- Punctum. 2dum. Quare Christus tam
bræ Chri- crebrò se suis manifestavit? ad consolati-
ti appari- onem ipsorum vt supra: deinde ad corro-
mes post borationem eorum in fide resurrectionis.
surrectio- tum etiam ad demonstrandum amorem
nem? suum*

suum erga homines: cum quibus per quadraginta dies conversari voluit, ascensionem suam differendo, quamvis ei statim post resurrectionem congruebat locus cælestis. Quare item per 40. dies non plures nec pauciores vivum se exhibere discipulis voluit: quia ut habet glossa per 40. horas mortuus mansit. Dies pro horis commutati, ut pateret liberaliorem esse Deum in consolationibus dandis, parcio-
Quare per 40. dies.
 rem in tribulationibus immittendis. *Per 40. dies typus presentis sæculi quo Christus in Ecclesia conversatur potest etiã intelligi.*
 S. Thomas. Sis benedictus pro omnibus apparitionibus & argumentis resurrectionis tuæ Christe IESU! O quando & mihi apparebis in salutem! utinam post quadagesimam vitæ præsentis ascendam ad te, perpetuæ incorruptionis & gloriæ tuæ felicitate beandus.

Punctum 3tium. Ante ipsam ascensionem in cænaculo Hierosolymitano omnibus Apostolicis recumbentibus apparuit: cum quibus convalesci dignatus: locutus de regno Dei: incredulitatem exprobravit: sedere Hierosolymis & expectare adventum spiritûs S. & post acceptum Spiritum S. per totum orbem terrarum prædicare, baptizare & miraculis doctrinam comprobare præcepit. Tandem eduxit

De ASCENSIONE DOMINI.

eos in Bethaniam, quæ interpretatur domus obedientiæ, significans, quod per opera obedientiæ transaturi essent ad cælestia regna. Venitq; cum illis ad montem Oliveti. Per montem, eminentia Spiritûs in contemplatione; per olivas autem pinguis-
S. Bonav. guissimi spiritûs devotio intelligitur. Ulterius verò post ista non restat nisi saltus animæ ad Deum. Mons oliveti, locus ascensionis Christi: in cuius clivo Christus orabat, agonizavit, à Iuda traditus, à Iudæis captus ligatusq; est: ut intelligeremus eum per tales labores & dolores gloriam cælestem (quanquam absq; his propter vnionem hypostaticam sibi debebatur) meritoriè comparasse: nosq; similiter hoc & non alio itinere videlicet per labores & tribulationes, cælum conscensuros. Trahe me post te Domine IESU! educ me de tumultu curarum huius sæculi ad montem contemplationis. Da mihi pinguedinem spiritûs. Omne pondus terrenum, quod me gravat ad terram, tolle à me: ut ad montem hunc, & ex eo ad te liberè possim ascendere.

Pro eadem die.

De ipsius Ascensionis modo.

Considerā-
da in ascē-
sione Dñi.

Punctum unum. Videntibus illis elevatus est: relictis in terra vestigijs: erat autem

De ASCENSIONE DOMINI.

411

autem hora 6ta. *Videntibus illis.* O beatos oculos qui tale spectaculum videre meruerunt! Viderunt eum in gloria & claritate tali, qualem sustinere valuerunt. Vidit Abraham cum omnibus omnium fidelium turmis: vidit & gavisus est. Viderunt Apostoli cum ingenti discipulorum turba: viderunt & gavisi sunt. O quale gaudium illud! o felix hora Ascensionis! qua hora IESUS meus cubuit in meridie, in lecto crucis, hac eadem ad delicias Patris sui vadit. *Elevatis manibus benedixit eis.* Illis manibus quæ ad crucem erant elevatae & acclavatae, benedixit. Benedic & mihi Domine IESU, descendat super me benedictio illa tua: si quidem perpetuò durat ut revelasti S. Mechtildi. *Ferebatur in celum.* A quo ferebatur: & cuius virtute? à seipso: virtute divinitatis suæ: virtute item animæ suæ glorificatae moventis corpus prout vult. *ferebatur:* quia localiter & successivè movebatur de spatio in spatium; quod est de natura corporis. *Et nubes suscepit eum ab oculis eorum.* Cum iam alius elevatus esset, & Apostoli intensissime ipsum aspicerent, nubes suscepit eum ab oculis eorum. Quare? non ut esset vehiculum & adminiculum Christo ascendenti: sed in testimonium divinitatis eius, dicente Psalte de Deo: *Qui*

1mo.

2do.

3tio.

4to.

ponis

sto.

ponis nubem ascensum tuum. vt item declararet eundem se esse qui Moyfi locutus est in nube: & eundem se esse cuius gloria apparebat super tabernaculum in nube. Ascendens in altum captivam duxit captivitatem. hoc est, SS. Patres & vniuersam multitudinem hominum ab Adam ad vltimum iustum ex limbo eductorum, & ex captivitate diabolica in captivitatem suam, imò in libertatem summam assertorum duxit pro triumpho ad sedem regni sui, fecitq; conregnare secum.

bro.

psal: 46.

Punctum 2dum. Ascendit Deus in iubilo: & Dominus in voce tube. In quali iubilo? in iubilo animæ suæ. O quis intelligat, qualis fuit iubilus animæ Christi? In iubilo animarum cum Christo ascendentium, in iubilo Angelorum, in iubilo caelorum: Etenim celi distillaverunt à facie Dei Sinai, à facie Dei Israel. In iubilo demum Apostolorum & totius mundi. Nam ex anima Christi Domini gaudium & dulcedo redundavit primò in corpus ipsiusmet Christi, deinde in Angelos, item in Sanctos Christi comites, in Apostolos, in caelos ipsos, imò in totum vniuersum.

affectus.

O si & in me derives dulcedinem tuam IESU voluptas cordium! vtinam liqueat anima mea amore tui, gaudio de gloria tua! O si perpetuo iubilem ex te &

pro-

propter te! o vtinam sim inter millia læ-
tantium tuorum! Adiunge me & alliga
velut captivum ad currum tuum millibus
Angelorum & Sanctorum multiplicem. Tu
Domine fuisti in eis, hoc est, in Angelis &
Sanctis. quos ducebas ad cælum, fuisti in
eis velut in throno, velut in curru anima-
to, ille idem qui fuisti in Sina & Moyse
apparuiisti, ille idem qui in Sancto, hoc est,
in corpore suscepto ex Virgine MARIA
habitas & habitabis in finem. Habita eti-
am in me & habita in finem. Hoc deside-
ro, hoc rogo bone Iesu!

*Punctum 3tium. Prævenērunt Principes
coniuncti psallentibus in medio iuvenularum
tympanistiarum. Psal: 67. Ascendentem
Christum agmina Sanctorum psallentium
& iubilantium vnâ cum innocentibus (qui
vel propter teneram ætatem vel propter
servatam ab vtero matris integritatem,
vel propter vigorem spiritus, iuvenulæ;
tympanistrix autem propter carnem mer-
tificatam dicuntur) sequebantur. Princi-
pes autem Angelorum Sanctis coniuncti,
& innocentibus ad Angelicam puritatem
propius accedentibus mixti, prævenērunt
vtrosq; & bino clamore in honorẽ duplicis
Christi naturæ, portas æternales Regi glo-
riæ reserari ab assistentibus iugiter divi-
næ Maiestati spiritibus petierunt: non*

7mo.
Psalmum
hunc ada-
ptat S. Eli-
ron: ascen-
sioni.

quod egeret aliquo reſerationis miniſterio; ſed vt omnis ſpiritus ſuo obſequio Dominum veneraretur. Qui poſt interrogationem non ex ignorantia ſed ex amore & gaudio profectam, quis nam eſſet iſte Rex gloriæ; reſponſum accipientes, Dominum fortem & potentem, Dominum potentem in prælio (quod ſcilicet cum morte & inferno inivit) & rursus Dominum virtutum & quæ in cælis & quæ in terris ſunt, ipſum eſſe Regem gloriæ: protinus igneam romphæam amoverunt, hoc eſt, declararunt, ſanguine Chriſti reſtitutam eſſe iram Dei adverſus homines: recluſerunt ianuas cæli, hoc eſt, decretum de admittendis in poſterum hominibus in cælum dulci præconio manifeſtarunt. Statimq; omnes Angeli Deo & Agno cantica gloriæ cecinerunt.

Angeli non ſufficiunt tibi laudes canere
o dulcis IESU: ego viliffimus pulvis quid
faciam? ſilebo ſtupens & illud cum David
ruminans: Te decet hymnus, tibi ſilentium
laus Deus in Sion.

*Sic incipit
Pſalm. 64.
iuxta 70.*

PROFERIA VI.

De ijs quæ proximè poſt aſcenſionem facta.

Marci 16. **P**unctum unum. ſedet à dextris Dei. Filius Dei ingreſſus cælum, illico unitam

tam sibi fragilitatis nostræ substantiam in dextera gloriæ paternæ collocavit. Quid autem intelligitur per dexteram Patris? intelligitur beatitudo Patris: intelligitur etiam judiciaria potestas. Sedit ergo Christus à dextris Dei: quia manet incorruptibilis in beatitudine Patris: & quia veniet iudicaturus, qui venerat ante iudicandus. 2do. *dedit dona hominibus cælo investis*, distribuendo illis sedes & pro qualitate meritum, præmia gloriæ cælestis inter eos partiendo. Ecce quomodo officio suo functus est Iudex vivorum & mortuorum à Patre constitutus. Ad iudicem enim spectat & præmia & pœnas merentibus distribuere 3tio. Canticum gloriæ ab Angelis & hominibus celebratus: *Dignus est Agnus qui occisus est accipere virtutem & divinitatem & sapientiam & fortitudinem & honorem & gloriam & benedictionem.* Non quod virtutem & divinitatem & sapientiam & fortitudinem antea non habuerit: sed quod dignus esset hæc insignia per fidem credentium accipere: quatenus nimirum ipsum omnes agnoscerent, & confiterentur esse virtutem & sapientiam Dei, verumq; Deum & nemo auderet derogare divinitati eius. 4to. Ad Apostolos & discipulos omnes oculos in cælum defixos misit nuntios cum hac legatione

tionē: Viri Galilæi quid statis aspicientes in cælum. Hic IESUS qui assumptus est à vobis in cælum, sic veniet quemadmodum vidistis eum euntem in cælum. Ubi ascensio Christi cum adventu eiusdem futuro ad iudicandum comparata; vt visio ascensionis firmaret fidem adventûs 2di: & vt ille qui amabatur tanquā Pater ac Redemptor, etiam timeretur, tanquam Iudex. 7to. audistis nuntijs Apostoli & discipuli incipiente Matre Domini adoraverunt in loco vbi steterunt pedes Iesu: & osculati sunt vestigia eius monti impressa. Osculare & tu: & ora vt vestigia Christi perpetuò sint impressa cordi tuo; quo ea iugiter sequaris.

Punctum 2dum. 6to. Cum gaudio & lacrymis devotis regressi sunt conferentes inter se de vita passione & gloria IESU Christi. Intrarunt habitaculum suum manseruntq; & perseverarunt in orationibus cum MARIA Matre IESU expectantes promissum adventum Spiritûs S.

Vide iam anima mea quomodo qui se humiliat exaltabitur! IESUS infra omnia vsq; ad inferos se humiliavit & exinanivit: ideo super omnes cælos & super omnem creaturam exaltatus. Disce te elevare à terra, & ascensiones cordis quotidie facere, vt terra tibi modica imò punctum & ni-

hil cum omnibus bonis suis videatur: quò
 altius à terra fueris, eò minor tibi videbi-
 tur. Gaude quia redemptor tuus à dex-
 tris Patris sedet: ad hoc enim sedet, vt ti-
 bi repropitiè Patrem, teq; ad dexteram
 suam colloceat. Iubila cum Angelis & SS.
 omnibus. Et quia non sufficis ad jubilan-
 dum & psallendum Regi gloriæ, invita or-
 dines spirituum cælestium & omnium San-
 ctorum, vt tecum & pro te psallant, iubi-
 lent, benedicant Domino virtutum Chri-
 sto IESU. Dic: Psallite Domino qui a-
 scendit super cælum cæli ad orientem. O
 Cherybim, o Seraphim, o Throni, o Do-
 minationes: spiritus sublimissimi & Deo
 proximi qui continuò assistitis Altissimo;
 benedicite magnificate laudate Dominum
 mecum & pro me. Gaudeamus & exulte-
 mus, & demus gloriam ei: quia omnis
 pulchritudo eius exaltata est super fide-
 ra & species eius in nubibus cæli. Omnis
 enim pulchritudo Domini & species eius-
 dem est IESUS Christus splendor & figu-
 ra substantiæ Patris. O vos virtutes lau-
 date pro me virtutum Dominum. O vos
 Principatus & Potestates caritate eius qui est
 fortis & potens in prælio. O Archangeli
 & Angeli bene psallite ei in vociferatione:

*Sedenti in throno & Agno benedictio &
 honor, & gloria & potestas in secula seculor-
 um Amen.*

Dd

PRO

PRO DIE SABBATI.

De emolumentis Ascensionis Domini.

Punctum unum. Expedi vobis vt ego vadam. Ioan: 16. id est, prout explicat S. Thomas, vt recedam à vobis per Ascensionem. Ascensio Christi in cælum magis nobis utilis quam præsencia corporalis fuisset. imo. quidem quia per eam fides nostra, quæ est de non visis, augetur: spes subleuatur; per hoc enim quod Dominus IESUS naturam humanam à se assumptam in cælo collocavit, dedit nobis spem illuc perveniendi: charitas erigitur ad cælestia, iuxta illud: vbi est thesaurus tuus, ibi & cor tuum: crescit reverentia; dum iam non æstimamus Christum secundum carnem, sed secundum divinitatem reveremur: & damus gloriam in excelsis habitanti. 2do. quia per ascensionem viam nobis Dominus noster ad cælum aperuit secundum illud Michææ z. *Ascendit pandens iter ante eos.* Adam primus descendit imò lapsus de paradiso viamq; nobis stravit ad mortem & inferos: Adam secundus ascendit, iter ad vitam & cælum nobis aperiens. 3tio. quia sicut Pontifex in veteri testamento intrabat in sanctuarium vt assisteret Deo pro populo; ita &

Chri-

Christus intravit in cælum ad interpellandum pro nobis. Ipsa quippe representatio sui quò ad naturam humanam quam intulit in cælum est quædam interpellatio pro nobis. 4to. quia ascendit ut in cælorum sede velut Deus & Dominus constitutus, illinc divina bona hominibus mitteret. Ascendit super omnes cælos ut impleret omnia. scilicet donis suis secundum Glossam. Admirare divinam bonitatem: gratias age: gâude de gloria Christi Domini: pete fructus enumeratos Ascensionis eius.

S. Thomas.

Ad Eph: 4:

Pandum 2dum. Si abiero & præparavero vobis locum, iterum veniam, & accipiam vos ad me ipsum ut ubi ego sum & vos sitis. Ioann: 14.

Ascensio Christi est causa ascensionis nostræ, quasi inchoando ipsam in capite nostro cui oportet membra coniungi. Veniam & accipiam vos ad me ipsum? O verba amoris plena! venit ad nos IESUS Christus in mortē nostrā & accipit nos ad seipsum. O quot millia hominum iam ad se in cælum accepit! ante ascensionem eius nemo! illuc intravit etiam sanctissimus: post ascensionem patet cuivis aula cælestis. Unde S. Hieron: Ante Christum Abraham apud inferos: post Christum, latro in paradiso. Idem. Flamma illa romphæa custos paradisi & præsentia foribus

In Epitaph:
Nepotiani.

Cherubim, Christi restincta & reſerata ſunt ſanguine. Vide & admirare Dei miſericordiam atq; amorem erga nos: quia propter multam charitatem ſuam qua dilexit nos, convivificavit & coexcitavit nos, ſimulq; ſedere fecit in cæleſtibus in Chriſto IEſu. Et hoc ideo vt oſtenderet in ſeculis ſupervenientibus abundantes divitias gratiæ ſuæ ſuper nos in Chriſto IEſu vt ait Apoſtolus ad Ephes 2do. Dicit autem in præterito tempore: Coexcitavit & conſedere nos fecit: hic enim eſt mos ſcripturarum vt interdum futura tempore præterito declinentur. Quæ maior poteſt eſſe miſeratio & dilectio Dei ad nos, quam quod ſicut filium ſuum vivificavit: ſicut filium ſuum exaltavit, ita & nos ſedere; hoc eſt regnare faciet in cæleſtibus vna cum filio ſuo; idq; non ob noſtra merita, ſed ex mera bonitate ſua. Age gratias æterno Patri per filium eius. Age gratias & filio eius IEſu Chriſto quod tibi paradifum reſeraverit: quod impedimenta ingreſſus eius amoverit, quod tibi locum in cælo paraverit. Tota mente, toto affectu Chriſtum in cælos aſſumptum ſequere; vt commoratio & converſatio tua ſit ſolum cum ipſo.

MEDITATIONES

De gloria cælesti.

PRO DOMINICA infra Octavam ascensionis.

*Amabilis ob gloriam cælestem
persecutio.*

Punctum 1^{um}. *Absq; Synagogis facient* Ioann: 15.
vos. Non timet privari communione hominum qui Dei communione fruitur: nec turbatur, si nomen suum eicitur ab hominibus, qui recogitat copiosam sibi mercedem repositam esse in cælo propter persecutiones. *Beati estis cum maledixerint vobis homines propter me.* Cogita quanta patiuntur, & in quæ pericula se coniiciunt homines propter auram vanæ gloriæ; gloria verò æterna tanti non erit, ut pro ea patienter adversa toleremus? Gratiarum actio pro prædictione adversitatum facta nobis à Christo ex amore nostri.

Desiderium patiendi pro Christo. Aspiratio ad gloriam Dei.

Punctum 2^{um}. *Mittam vobis à Patre Spiritum veritatis.* O consolatio! Mittam vobis amicis meis, fratribus meis donum increatum scilicet spiritum veritatis qui veram doctrinam meam revocet in memoriam vestram qui & ipse vera vos doceat

De GLORIA CÆLESTI.

ceat: qui vera vobis gaudia afferat: [qui vos doceat de gloria mea & de gloria vestra quam vobis paraturus vado. Propositum adversa æquanimiter pro Deo & gloria cælesti tolerandi.

Exercitium: *Contemplatio gaudiorum cæli.* Tessera per septimanam quævis die crebrius replicanda, aliqua ex sequentibus:

Tu dux ad astra & semita sis meta nostris cordibus, sis lachrymarum gaudium, sis dulce vitæ præmium.

Recessisti consolator animæ meæ nec valedixisti: ingrediens vias tuas benedixisti tuis nec affui: renuit consolari anima mea, nisi de te dulcedo mea. S. August.

Sicut aquila provocans pullos ad volandum ascendisti: quis mihi dabit pennas & volabo & requiescam apud te.

PRO FERIA II.

De natura & loco cælestis gloriæ.

Punctum imum. Gloria cælestis est status quidam æternus, securus, immutabilis & expeditus ab omnibus malis, plenus verò bonis omnibus. Expende singulas excellentias huius statûs: æternitatem, securitatem, immutabilitatem, immunitatem ab omnibus malis, plenitudinem omnium bonorum. *Æternitas successio-*
nem

nem aut desitionem nescit: securitas nihil timet: immutabilitas detrimentum gloriæ non admittit: plenitudo omnium bonorum omne prorsus malum excludit, & vniuersorum bonorum quæcunq; desiderari possunt affluentiam comprehendit.

O felix status! quis non igitur pro eo consequendo omnia contemnat? IESU bone, quando stabo ad videndum te quando contemplabor gloriam regni tui!

Thomas à
Kem: l. 3.
de Imit.

Punctum 2dum. Locus cælestis, aut potius supra cælestis, quem Deus in habitationem electorum suorum creavit, est locus clarissimus, vastissimus, temperatissimus, firmissimus, pulcherrimus, amænissimus, deliciosissimus. Expende has singulas proprietates. imo. quia est clarissimus: absq; nocte & tenebris vllis perpetua die & luce coruscans. 2do: quia vastissimus; capacitatis immensæ. 3tio. quia temperatissimus; absq; æstate, autumno, hyeme, siccitate, humiditate, & alia insalubri temporum varietate. 4to quia firmissimus; absq; vlllo labefactionis aut concussionis periculo, aut ruinæ terrore. 5to. quia pulcherrimus: absq; tribulis & spinis; sed summa amænitate delectabilis. Expende item, locum istum non esse aliquam superficiemneccessario ambientem & continentem Sanctos. Corpora enim gloriosa non

indigent contineri à corpore cælesti, cum nihil recipiant ab ipso sed à solo Deo, mediante anima. Unde in Revelationibus S. Birgittæ Christus ipse dicit: *In cæ-*
lib: 6. c. 27. *lesti gloria non est terra subter, nec cælum superius sed ego ipse creator omnium, ego sum subter & supra: ego extra & intra. O locus amabilis! Deus cordis mei & pars mea Deus in æternum! concupiscit & deficit anima mea in atria tua. O quando transibo in locum tabernaculi admirabilis usque ad domum Dei!*

PROFERIA III.

De societate Sanctorum in celis.

P*unctum unum.* Societas & communio cælitum inter se, est supra captum nostrum iucunda. omnes enim sunt festivi atque gaudentes: omnes pulcherrimi absque macula, absque ruga, absque defectu omni. **O** bona in omnibus cum perfecta charitate. Sancti ornati stolis albis & palmas tenentes. Stolæ albæ lætitiā ac beatitudinem designant: palmæ, victoriā & triumphos. **O** quæ & quales palmæ illæ? quales stolæ? quo purius & pretiosius lavacrum, in quo tinguntur panni, eo hi pulchriores & cariore. Quid purius quid pretiosius sanguine Agni in quo SS. stolas suas dealbaverunt? Percurre mente cho-

ros Angelorum omniumq; spirituum cælestium: ordines item Patriarcharum Prophetarum, Apostolorum, Martyrum, Confessorum, Doctorum, Sacerdotum, Eremitarum, Virginum, Sanctorumq; mulierum & recogita quanta sit felicitas in tali consortio præsentem Dei vultum cernere & perpetuæ incorruptionis munere lætari. Aspira identidem ad hanc societatem: Mater sancta Hierusalem, Civitas Dei, quàm pulchra es & quàm decora in delicijs tuis! Gloriosa dicta sunt de te: sicut lætantium omnium habitatio in te. O quando vota mea confessiones & laudes reddam in conspectu populi tui Hierusalē!

Punctum 2dum. Expende quàm iucunda sit familiaritas & consuetudo inter Sanctos adhuc in terris degentes uti fuit inter S. Antonium & S. Paulum Patrem nostrum: uti fuit inter S. Thomam & D. Bonaventuram, inter Basilium & Gregorium Naziansenum, & alios multos. Si tam suavis societas Sanctorum in terris qualis putas in cælis erit? describit eam Augustinus in meditationibus metricè:

*Clari, vividi, iucundi, nullis parent casibus.
Absunt morbi semper sanis, senectus iuvenibus.
Hic perenne tenent esse: nam transire trasit.
Inde virent, vigent, florent: corruptela corrumpit.
Immortalitatis vigor, mortis ini, absorbit.*

Qui scientem cuncta sciunt. qui nescire nequeunt.

Nam & pectoris arcana penetrant. alterutrū. Vnum volunt. vnum nolunt: vnitas est mentiū. Avidi & semper pleni quod habent desiderant: Non satietas fastidit, neq; fames cruciat. Novas semper harmonias vox meloda concrepat.

Et in iubilum prolata mulcent aures organa.

Digna, per quem sunt victores, Regi dant præconia.

Regina Saba anima conversa, anima fidelis bene seipsam & sensus corporis regens, quomodo non deficiis considerando ordinem, venustatem, ornatum, & habitacula ministrorum Salomonis cælestis! Beati servi tui Domine, qui stant coram te semper. Beati qui habitant in domo tua Domine: in sæcula sæculorum laudabunt te!

PROFERIA IV.

De gloria animæ cuiusq; beati.

Punctum inum. Gloriam animæ beatæ per tres eiusdem spirituales facultates discurrendo expende. In primis expende gloriam memoriæ, quæ ita immergetur in abyssum divinitatis, & ita erit plena Deo vt non possit eius oblivisci, aut ad rem aliquam sine eo divertere. Continuo recordabitur beneficiorum & grati-

gratiarum omnium à Deo acceptarum atq;
exinde exultabit & gestiet ad iuges Deo
laudes, gratiasq; persolvendas. Accedet
& illud bonum memoriæ, quia omnia ab
orbe condito gesta, omnes omnium sæcu-
lorum historias complectetur. Quis ergo
illam vanis occupare velit, atq; ad divina
ruminanda seridò applicare abnuat, quam
confidit talibus donis à Deo munerandam.

Punctum 2dum. Expende gloriam intel-
lectûs ex clara visione Dei. Et imo qui-
dem videbit facie ad faciem SS. Trinita-
tem: & cognoscet quomodo Pater Filium
generat: & vterq; Spiritum Sanctum spi-
rat: & quomodo tres personæ vnus sunt
Deus. 2do. videbit omnes divinas perfe-
ctiones: sapientiam, bonitatem, charita-
tem, &c. 3tio. videbit altissima mysteria
Incarnationis, & stupenda humanitatis
Christi opera. 4to. videbit clarè secreta
Dei iudicia circa hominum gubernationē.
Accedet & illud bonum intellectûs quia
omnes scientias tam naturales quàm su-
pernaturales perfectissimè callebit, omnes
rerum naturas vires ac proprietates no-
scet. Infimus beatorum plura sciet & ex-
actius intelliget quàm Adam vel Salomon
sapientissimus. Revela oculos meos Do-
mine & considerabo mirabilia de lege
tua; vt postmodum in cælo considerem
mira-

DE GLORIA CÆLESTI.

mirabilia de divinitate tua. Faciem tuam illumina super servum tuum: & doce me justificationes tuas, per quas nunc iustificer, postea glorificer.

Punctum 3tium. Expende demum gloriam voluntatis quæ erit quoq; plena Deo, eiq; vnione perpetuâ arctissimè coniuncta. Ex tota fortitudine sua Deum diliget vt Patrem & amicum, vt sponsum & vltimum finem suum. Exquo imo. inexplicabiles voluptates percipiet. 2to. plenam satietatem omnium desideriorum & appetitionum obtinebit. 3tio. nullam contradictionem internam aut externam experietur. Quis ergo abnuat suam hic abnegare divinoq; conformare beneplacito voluntatem, quam sperat sine vilo fastidio inebriandam torrente voluptatis divinæ. *Propositum.* *Exercitium.* *Tessera* vt supra.

PRO FERIA V.

De gloria corporis cuiusq; beati.

Quatuor dotes corporis gloriosi. *Punctum 1mum.* Gloria corporis cuiusq; beati in duobus potissimum consistit, videlicet in dotibus & in sensuum delectiis. Expende imprimis 4. dotes corporis gloriosi. 1ma dos claritas cum ineffabili pulchritudine: per quam iusti fulgebunt sicut sol ad similitudinem corporis Christi.

Christi Domini. Tunc vulnera quæ quis in hac vita pro Deo accepit, erunt tanquam gemmæ pretiosæ: tunc tota structura corporis proportionem & harmoniam habebit admirandam: quantoq; quis beatiior erit, tanto magis hæc habebit. 2da dos impatibilitas seu immortalitas impatiibilis, per quam Sancti nullum sentient dolorem, aut infirmitatem: non nocebit illis ignis & aqua semper erunt in tali virore qui nullum detrimentum patietur. 3ta agilitas seu celeritas, per quam poterunt ab vno loco in alium quantumvis remotissimum instar scintillæ aut fulguris sine vlla defatigatione aut mora discurrere. 4ta dos est subtilitas per quam poterunt cælos penetrare, & quodvis aliud corpus sine impedimento. Quis hæc expendens ad maiorem Dei amorem non accendatur & ad mortificandam carnem non excitetur.

Punctum 2dum. Expende postea delectationem s. sensuum quam percipient beati ex proportionatis sibi obiectis. imo. visus ex aspectu tot glorificatorum corporum maximè Christi Domini & Beatissimæ Virginis Matris. 2do auditus ex mutuo colloquio vnanimi; concentu & laude Dei, nec non ex dulci concentu & sono orbium cælestium. 3tio. odoratus ex
suavil;

DE GLORIA CÆLESTI.

suavissimo gloriosorum corporum maximè Christi Domini & Beatissimæ Virginis odore. 4to. gustus ex quodam nectare cælico & perenni suavitate ac satietate quam absq; famè & fastidio palatum sentiet. 5to. tactus ex convenientissima sibi cælestis paradisi temperie, voluptatumq; totum corpus afficientium vbertate. Ad hæc audita inardescit animus cum corpore meo, iamq; illic cupit assistere ubi se sperat sine fine gaudere. Deus Deus meus, sitivit ad te anima mea: quam multipliciter tibi caro mea! Propositum. Tesseræ. Exercitium vt supra.

PRO FERIA VI.

De gaudio quod percipiet unusquisq; electus ex aliorum gloria.

Sanctorum in celis multitudo, qualitas. Ordo. **P**unctum unum. Expende quam ingentis gaudio perfruiturus sit quisvis beatorum de aliorum beatitudine. imo quia illorum numerus erit multus & planè infinitus. 2do quia qualitas eorum erit gratiosissima: omnes enim erunt nobilissimi, Sanctissimi, affabilissimi, speciosissimi. 3tio. quia ordinem inter se habebunt admirabilem: neq; etenim erunt æquales, sed diversitatem habebunt in pulchritudine & claritate iuxta gradus meritorum diversos: aliam eminentiam habebunt Angeli,

geli, aliam Archangeli, aliam Principatus, Virtutes, Potestates, Dominationes, Throni, Cherubim, Seraphim, Doctores, Sacerdotes, Religiosi, Virgines, Viduæ, & sic de cæteris. 4to. quia in tanta multitudine & varietate diligenter se mutuo, & unusquisque alterum velut se ipsum perfecte diligit, accedente summa voluntatum consensione, absque ulla repugnantia, ambitione aut invidia. O societas beata, in qua nec multitudo confundit, nec excellentia inflat, nec turbat varietas, nec inæqualitas affert dissensionem, aut amorem remittit! Si placet tibi anima mea adeo dulcis societas, crebro ad eam aspira; utque illi aggregeris, virtutes ipsius imitare.

Mutua dilectio.

Punctum 2dum. Expende quantum maius gaudium percepturus sit quisque electus ex eminentiore Beatissimæ Virginis DEIPARÆ tam in anima quam in corpore gloria, quæ aliorum beatorum non solum diuisim, sed etiam collectim sumptam gloriam superat. Quanto insuper abundantius habiturus sit gaudium de immensa sanctissimæ humanitatis Christi Domini tam quoad animam, quam quoad corpus gloria, quæ non solum beatorum omnium, sed etiam ipsius Beatissimæ Matris infinitis penè modis transcendit beatitudinem.

Gaudium de Gloria V. Beatissime.

De Gloria Christi Domini.

De GLORIA CÆLESTI.

O JESU & MARIA, dulces amōres
mei patiar ego, moriar ego amore vestris
totus sum vester nullus meus.

De gloria
ss. Trini-
tatis.

Punctum 3tium. Expende quanto de-
mum sublimius gaudium habiturus sit qui-
vis electus ex infinita & incomprehen-
sibili gloria ipsius Sanctissimæ Trinitatis,
quæ eminentissimè omnium beatorum fe-
licitatem in se continet. Et quidem tan-
tò sublimius erit gaudium cuiusq; beati,
quantò sublimius & amplius Creatorem
hîc præ omnibus creaturis diligit. Quam
ergo purè, ardenter, constanter à nobis
colendus, diligendus, & glorificandus
Deus, ex cuius visione inæstimabilem læ-
titiâ nos percepturos speramus. Propo-
situm. Exercitium vt supra.

PRO DIE SABBATI.

De æternitate cælestis gloriæ.

Punctum 1mum. Æternitas est inter-
minabilis vitæ tota simul & perfecta
possessio. Quare nulla datur in æternitate
successio, non it annus post annum, non
dies post diem, non hora post horam,
sed omnia simul habentur. Non datur
item in æternitate finis. Cogita mille an-
nos: decem, viginti, quinquaginta, cent-
um millia: cogita mille millia annorum:
quot sunt in vniversa terra minutissimæ
arenæ, quot guttæ in oceano, quot gra-
minæ

Æternitas
quid?

In æterni-
tate nec
successio,
nec finis
datur.

mina in campis, quot folia in arboribus: sint licet tot annorum myriades; nihil tamen per eas æternitati accedet aut decedet. O anima mea suspira semper ad æternitatem beatam!

Punctum 2dum. Pone tibi ob oculos omnia, quæ dicta sunt de natura, loco, societate gloriæ cælestis: item quæ dicta sunt de gloria animæ & corporis beatorum; & expende singillatim cuncta fore æterna. In hac mortali vita diuturnum nihil est. Voluptates, divitiæ, honores, familiaritates, omnia deniq; velociter transeunt; sed in cælesti gloria, & status æternus, & societas æterna, & gaudium animæ æternum, & dotes corporis æternæ; vniversa sine fine duratura, idq; absq; vilo fastidio & molestia. In hac vita & si grata quies, tamen nisi motu & agitatione interpoletur molestiam ac putrefactionem corporis adducit: at quies æterna nullam molestiam pariet, imò appetentiam sui & novitatem quandam æternam procreabit. O quam vani sunt filij hominum in delicijs suis, qui pro vnica momentanea voluptate vendunt æternam. O æternitas beata, quàm rarò versaris in mentibus hominum! *Propositum. Exercitium. Teste- ra vt supra.*

MEDITATIONES

De Spiritu Sancto.

PRO DOMINICA Pentecostes.

De circumstantiis adventus Spiritus Sancti.

Punctum unum. In Festo Pentecostes cum essent Apostoli cum Beatissima Virgine & multitudine discipulorum pariter in eodem loco, factus est repente de cælo sonus, tanquam advenientis Spiritus vehementis, & replevit totam domum. Considera 1mo. Spiritum Sanctum in die Pentecostes, id est in festivitate constituta in memoriam datæ legis venisse, ut per hoc daretur intelligi, quia ille venit ad imprimendam cordibus memoriam novæ legis datæ à Christo. Considera 2do. repente venisse, quia nescit tarda molimina Spiritus S. gratia. Considera 3tio. venisse in sono seu vento: quia Spiritus S. mundat animas, separans à tritico virtutum paleas vitiorum: quia item hominem vivificat, recreat, & refrigerat ab æstu libidinoso. 4to. venisse in vento vehementi ad notandam potentiam quâ Spiritus S. conversiones peccatorum, & in iustis virtutes varias operatur. Considera 5to. repletam esse totam domum ad expri-

Cur Spiritus S. venit in die Pentecostes.

Cur repente. Cur in sono.

Cur in vento vehementi. Cur repleta tota domus.

exprimendum. quod ad quem Spiritus S. ingreditur, omnes facultates eius donis suis implet: memoriam implet sanctis cogitationibus, intellectum pijs discursibus, voluntatem ferventibus affectibus, passionibus honestis appetitionibus, totum hominem cælestibus virtutibus. Invoca Spiritum S. & pete ut veniat in te cum donis & fructibus suis, teq; confirmet in amore Dei.

Punctum 2dum. Et apparuerunt illis dispersa lingua, tanquam ignis, sedens supra singulos eorum. Considera 1mo. Spiritum S. apparuisse in forma ignis ad significandum quod sicut ignis purificat, illuminat, accendit, in altum tollit, & transformatur in se quidquid ipsi coniungitur: ita quoq; Spiritus Sanctus eosdem effectus in anima operatur. Considera 2do. apparuisse in figura linguarum non cordium: quia Spiritus S. dabatur Apostolis, ut non tantum amarent, sed etiam ut suis linguis Christi legem passionem & mortem ac resurrectionem prædicarent. Considera 3tio. illud. *sedit supra singulos eorum* per quod insinuat quia Spiritus S. ita venit ad nos, ut super nos sedeat, hoc est, perpetuo quiescat nunquam recessurus nisi nos illum expellamus. S. Bonaventura sic meditatur: *Spiritus Sanctus apparuit*

Cur in forma ignis?

Cur in figura linguarum.

Cur sedit?

De SPIRITU SANCTO.

in igne ut calefaceret frigidos & in linguis
ut doceret ignaros, & in sono ut terreret re-
belles. Invoca Spiritum S. Ora ut te fri-
gidum calefaciat: ignarum doceat: tepi-
dum saluari timore concutiat: utq; per-
petuo in te velut in templo suo maneat.
Propositum custodiendi fervorem spiritus.
Exercitium fervor spiritus. Tessera per
septimanā frequenter repetenda eligatur.

Veni creator Spiritus: imple superna gra-
tia quæ tu creasti pectora.

O lux quæ illuminas omnia tota simul,
semel & semper, absorbe me in tuæ clarita-
tis abyssum ut videam vndiq; te in te, me in
te & cuncta sub te. S. August: in soli.

Da mihi te Deus meus: te enim amo, &
si parum est, amem validius. Currat vita
mea in amplexus tuos, nec avertatur, donec
abscondatur in abscondito vultus tui. Aug:
lib: 13. Confess.

PRO FERIA II.

De nominibus Spiritus Sancti.

Punctum unum. Considera imo quod
Tertia per tertia persona Sanctissimæ Trinita-
sona SS. tis procedens per modum amoris non ha-
Triadis nō bet proprium & peculiare nomen. Deum
habet pe- enim nominare sicut & cognoscere non pos-
culiare sumus nisi ex creaturis: & quia in creaturis
nomen. communicatio naturæ non est nisi per gene-
ratio-

rationem, processio in Divinis non habet proprium vel speciale nomen nisi generationis.

Unde processio, quæ non est generatio remansit sine nomine: sed potest vocari, & vocatur spiratio, quia est processio Spiritus.

Confidera 2do. Quamvis persona procedens per modum amoris, non habeat peculiare nomen, ex usu tamen Ecclesiæ & scripturæ accomodatur & appropriatur ei nomen Spiritus Sancti & quidem convenientissime. Quia nomen Spiritus in rebus corporeis impulsione quandam & motionem significare videtur: nam flatum & ventum, Spiritum appellamus: est autem proprium amoris quod moveat & impellat voluntatem amantis in amatum. Sanctitas verò illis attribuitur quæ in Deum ordinantur. Quia igitur tertia persona divina procedit per modum amoris qua Deus amatur, convenienter Spiritus Sanctus nominatur. S. Thom: 1. p. q. 36. art: 1.

Ex usu Ecclesiæ vocatur Spiritus.

Nomen Spiritus in rebus corporeis quod significat?

Item vocatur amor.

Punctum 2dum. Item Spiritus S. vocatur estq; amor tripliciter iuxta meditationem S. Bonav: essentialiter, personaliter, & exemplariter. Essentialiter vt Deus, personaliter vt persona, exemplariter vt exemplar amoris nostri: sicut enim ipse est amor Patris ad Filium, & vicissim Filij ad Patrem; ita in nobis omnis amor debet esse ex Deo, & ad Deum ordinari. Quia

Ecce

verò

verò amor habet rationem primi doni, per quod omnia dona gratuita donantur, ideo namq; damus aliquid gratis alicui, quia ei bonum volumus, atq; sic primum quod ei damus est amor ipse, quo ei bonum volumus: ideo Spiritus S. cum procedat ut amor, procedit etiam velut do-

Item donum Dei.

num primum. atq; idcirco etiam *Donum Dei* appellatur. Est Spiritus S. *Donum Dei* ad intra: quia Pater dat eum Filio, Filius dat eum Patri, dum se mutuo diligunt per Spiritum S. Est donum ad extra: quia se nobis in donis & fructibus suis commun-
nicat.

*Dexteræ Dei digi-
tus.*

Punctum 3tium. Vocatur in super *Dex-
teræ Dei* Digitus: quia ut ait S. Bonav. Sicut corporales res digito demonstrantur, ita per Spiritum S. ostenduntur res spirituales oculo spirituali. Item dicitur Paracletus,

*Paracle-
tus.*

id est consolator: quia consolationes celestes mentibus instillat. Vocatur etiam Paracletus idcirco, quia est amor: amor autem facit consolationem & gaudium: & alia quæ ipsi appropriantur, ex eo quia est amor, derivantur nomina. O Creator,

Effectus.

Spiritus move semper voluntatem meam, imò etiam rebellem impelle ad Deum: dirige & ordina me meaq; omnia: & fac me firmiter ac mundo corde adherere bono incommutabili. O amor qui semper ardes accende me,
totum

totum me occupa, totum absorbe; ut nulla pars mei vanis pateat amoribus. O complexus o sſaritas, o nexus Patris & Filij ita me coniunge Deo, ut nihil me possit ab eo separare. O donum primum, donum increatum, donum immensum: da te mihi Deus meus! O Pater eterne rogo te mitte mihi in nomine Filij tui donum hoc a te Filioq; tuo procedens personaliter: mitte mihi, & magnalia tua prædicabo; mitte mihi & cor meum, ac lingua mea ardebit amore tuo; mitte mihi & tota domus animæ meæ replebitur maiestatem tuam. O digitus Paternæ dexteræ, ne quaeso scribas contra me decretum æternæ damnationis, sicut contra Regem Balthasar scripsisti sed scribe me in libro vitæ. Ostende mihi viam per quam ambulem, & da gloriam in loco cælesti. O Paraclete! o consolator optime, o dulcis hospes animæ! o dulce refrigerium, verte mihi omnem amaritudinem in consolationem. Consolationes tuæ in hac lachrymarum valle lætificent animam meam antequam ad illud cæleste plenum gaudium intrare liceat.

PRO FERIA III.

De prædicatione & irrisione Apostolorum ipso die Pentecostes.

Punctum unum. Repleti Spiritu Sancto Apostoli ceperunt varijs linguis loqui
 Ecce 4 magna-

*Pro vari-
etate spi-
rituū mo-
torū lin-
guae vari-
a loquela.*

magnalia Dei. Considera imo. post ac-
ceptum Spiritum Sanctum Apostolos in-
capisse loqui: quia Spiritus S. non vult
sua talenta defodi in terram, sed statim
in salutem animarum promi. Considera
2do. varijs linguis locutos fuisse ad va-
rias gentes tunc Hierosolymis congrega-
tas catechisandas & in fide instruendas.
Considera 3tio. locutos esse magnalia Dei.
Nam quilibet Spiritus movet ad loquen-
dum quæ sua sunt: Spiritus mundi movet
ad loquendum de mundo: spiritus carnis
de carnalibus: spiritus superbix, de pro-
prijs excellentijs: spiritus divinus de mi-
sericordia, iustitia, alijsq; magnalijs divi-
nis. Loquere & tu quæ decent sanam do-
ctrinam: loquere magnalia Dei; vt pate-
at spiritum S. habitare in corde tuo ve-
lut directorem lingvæ tuæ. Considera
4to. omnipotentiam qua subitò Aposto-
los ex rudibus piscatoribus sapientissimos
Sancti Evangelij præcones reddidit: ex
imperfectis & timidis perfectos & fortes
ad subeundam mortem effecit. O quam
mirabilis artifex Spiritus iste!

Punctū 2dū. Apostoli prædicantes ab aliqui-
bus suspiciebatur & audiebatur, ab alijs ir-
ridebatur & mero pleni iudicabatur: quos
S. Petrus modestè ad monens prænuntiata
in vaticinio Ioelis effusionem Spiritus S.
hodie

hodie impletam esse deduxit non absq;
copioso fructu. Considera imo. quod nun-
quam desint mali homines, qui bonos ir-
rideant, carpant, & vexent. Considera
2do. Quàm necessaria sit vero animarum
zelatori tolerantia irrisorum, oblocuti-
onum, persecutionum, etiam tunc quan-
do speratus non sequitur fructus. Consi-
dera 3tio. energiam verborum S. Petri
ex motu Spiritus Sancti prodeuntium:
quorum virtute tria millia hominum, pri-
ma vice in Christum crediderunt; altera,
quinq; millia. O vis immensa Spiritus S.
in corda obduratissima! Propositum. E-
xercitium. Tessera sumatur ex hesternis
die.

PRO FERIA IV.

De triplici poculo Spiritus Sancti.

Punctum unum. Tria vt habetur in
revelationibus S. Mechtildi factis,
operatus est Spiritus sanctus in Aposto-
lis. imo. ita eos permutavit virtute sua
divinâ; vt de timidis & infirmis & sui a-
mantibus facti sint fortes & aduersorum
ac mortis ipsius tolerantissimi, imò inter
opprobria & supplicia gaudentes. 2do. si-
cut ignis ferrum à scoria purgat, ita Spi-
ritus S. Apostolos ab omni sorde purifi-
cavit & ad plenum sanctificavit. 3tio. sicut
aurum igne liquatum cuiusq; formæ in-
funda-

fundatur, eius imaginem in se repræsentat; ita Spiritus S. Apostolos igne sui amoris liquefactos, imagini divinæ conformavit iuxta illud: *Ego dixi dii estis*. Et nos hæc tria à Spiritu S. petere debemus, ut nimirum nos de infirmis fortes & animosos in adversis faciat: ut ad plenum purificet: ut conformet imagini divinæ; sic fiet mutatio dexteræ excelsi in nobis.

Punctum 2dum. In iisdem revelationibus habetur quod Spiritus S. tria pocula obtulit Apostolis. In 1mo propinavit ipsis vinum amoris divini, quod effecit, ut plane sui ipsius obliti sint, nec ullum commodum suum, sed solam Dei gloriam quæsierint. In 2do merum divinæ consolationis & dulcedinis præ qua desipuit ipsis omne mundanum gaudium. In 3tio nectar amoris cælestium: quo quasi in ebriati cælestia & cælestium conditorem per mille mortes quærebant. Pete quoque hæc pocula à Spiritu divino, ut ab ubere consolationis eius repletus non amplius terrenas iucunditates desideres.

PRO FERIA V.

De donis Spiritu Sancti.

P*unctum 1mum.* Dona Spiritus Sancti sunt habitus supernaturales quibus homo perficitur ad promptè obediendum
instin-

instinctui divino. Et sunt septem: donum sapientiæ, donum intellectus, donum scientiæ, donum consilij, donum pietatis, donum fortitudinis, donum timoris Domini. Per quatuor priora perficitur intellectus hominis ad cognoscendam speculative & practice veritatem divinam; per tria posteriora perficitur voluntas ad vivendum iuxta veritatem divinam. Per donum intellectus penetramus ea quæ sunt supra captum nostrum. Per donum sapientiæ, rectè iudicamus de Deo. Per donum scientiæ, humana ad fidem pertinentia cognoscimus per causas. Per donum consilij, dirigimur, quid agendum quid omittendum sit. Pietas misericordes nos facit: fortitudo animosos inter pericula mortis pro fide & iustitia: timor declinantes à malo. Confirere coram Deo debilitatem intellectus & voluntatis tuæ. Intellectus facillè errat: voluntas facillè labitur: ac proinde dona Spiritus S. humiliter pete.

Punctum 2dum. Considera contra quæ vitia dentur prædicta dona à Spiritu S. Nam vt ait D. Gregorius 2. Moralium. *Dat Spiritus S. sapientiam contra stultitiam, intellectum contra hebetudinem, scientiam contra ignorantiam, consilium contra precipitationem, fortitudinem contra timorem, pietatem*

*Quæ vitia
opposita
donis Spiritus S.*

Necessitas pietatem contra duritiam, humilitatem
donorum seu timorem Domini, contra superbiam.
Spiritus S. Considera deinde necessitatem horum do-
 norum. Psalmo enim 142. dicitur: *Spiri-*
tus tuus bonus deducet me in terram rectam
 quia scilicet ut S. Thomas explicat, in
 hereditatem terræ illius beatorum, nullus po-
 test pervenire nisi moveatur & deducatur
 Spiritu S. per dona sua. Quam igitur fre-
 quenter orare debemus ut hæc dona den-
 tur nobis. Ora nunc etiam, crebroq; ora
 & sine dubio Pater cælestis dabit Spiri-
 tum bonum cum charismatibus suis tibi
 timentis se.

PROFERIA IV.

De fructibus Spiritus Sancti.

Punctum unum. Fructus Spiritus S.
 sunt actus virtute Spiritus S. proce-
 dentes ab homine habentes in se perfecti-
 onem ac suavitatem. Operatio enim ho-
 minis si procedit secundum facultatem ra-
 tionis, vocatur fructus rationis; si verò
 procedit ab hominem secundum virtutem
 Spiritus S. vocatur fructus Spiritus S. qua-
 si cuiusdam divini seminis. Numerantur
 autem 12. fructus Spiritus S. ad Galatas.
 Charitas, Gaudium, Pax, Patientia, Lon-
 ganimitas, Modestia, bonitas, benignitas,
 Mansuetudo, Fides, Continentia, Castitas.
 Consi-

Considera ideo hæc vocari fructus Spiritus S. quia sicut in corporalibus fructus est, id quod ex planta vel semine productum, ad suam perfectionem pervenit & habet in se suavitatem: ita actus præfati Spiritus S. virtute à nobis elicitæ perfectionem in se habent & suavitatem. Suavis est charitas, suave gaudium, pax, patientia, &c. Ama hos fructus quia dulces sunt gutturi nostro spirituali.

Punctum 2dum. Fructibus enumeratis contrariantur opera carnis in eadem epistola ad Galatas recensita, quæ sunt: Fornicatio, immunditia, idolorum servitus, veneficia, inimicitia, contentiones, amulationes, dissensiones, animositates, hæreses, invidia, ebrietates, comestationes. Ex fructibus arbitror cognoscitur. Examina te an Spiritus S. cum suis fructibus, an spiritus malus in te habitet cum carnis operibus: & convenientes affectus elice.

PRO DIE SABBATI.

De missione Spiritus Sancti.

Punctum 1mum. Paraclitus autem Spiritus S. quem mittet Pater in nomine meo. Et: Paraclitus autem Spiritus S. quem ego mittam vobis à Patre. Missio in divinis duo importat: processionem divinæ personæ ab altera, & aliquem effectum aliquæ re-
 Missio du-
 o dicit:
 processio-
 nem &
 effectum
 paralit.

temporalem in creatura rationali. Quia ergo & Pater mittit Spiritum S: & Filius mittit eundem: sequitur quod procedit ab utroq;. Pater autem ut advertit August: lib, 2. de Trinitate cap: 5. Nunquam legitur esse missus quia a nullo procedit.

Missio duplex. Punctum 2dum. Missio inquantum importat effectum aliquem temporalem, duplex est: alia visibilis, qualis fuit missio Filij Dei in carne humana ad nos venientis, & missio Spiritus S. in specie visibili linguarum in Apostolos descendentis: alia invisibilis, quæ fit absq; vlla specie visibili: & hæc in qualibet collatione gratiæ sive primæ sive secundæ nobis contingit. Expende hic amorem Dei erga nos immensum, quando & Filium suum & Spiritum S. in causa salutis nostræ mittit. Gratias age: precare Patrem & Filium ut mittant tibi Spiritum S. qui admirabiles in anima tua operetur effectus.

MEDITATIONES

De Sanctissima Trinitate: & Sacramento Eucharistiæ.

PRO FESTO SS. TRINITATIS.

Deus unus & trinus: conditor hominis.

Pun-

P*unctum unum.* Dominus Deus noster vnus est in natura, trinus in personis, Pater, & Filius, & Spiritus S. hoc est, sunt in diuinis tres personæ inter se distinctæ; vna Deitatis natura, vna omnipotentia, æternitas, gloria, Maiestas, & cætera, quæ in Symbolo D. Athanasij habentur. Considera ab intelligentia nostra mysterium SSmæ Trinitatis absconditum esse vt cognoscentes ignorantiam nostram, captivemus intellectum in obsequium fidei & per fidem mereamur. Te *Affectus.* invoco o Beata Trinitas Pater, Filius & Spiritus S. Deus, Dominus, Paracletus: Genitor, Genitus, Regenerans: Verum lumen, ex lumine vero, vera illuminatio: Fons, flumen, irrigatio: à quo omnia, in quo omnia, per quem omnia: Vivens, vita viventium vivificator: tu es Deus & non est alius præter te. S. Augst: in medit.

Punctum 2dum. Hic Deus vnus & trinus creavit hominem ad similitudinem suam. Nam sicut in SSma Trinitate vna est natura divina & tres personæ distinctæ: sic in homine vna est anima spiritalis, & tres spirituales potentie, memoria, intellectus, & voluntas. Etiam processionum divinarum datur in homine similitudo. Nam in eo procedit verbum cordis

Imago SS. Trinitatis in homine.

cordis per intellectum, & amor procedit per voluntatem. Eiusdem Sanctissimæ Triadis est quoque in creaturis irrationalibus vestigium seu imperfecta similitudo quoad naturam divinam, inquantum apparet in illis intellectus producens: iam verò quoad tripersonalitatem, in quantum habent principium, speciem, ordinem. Principium Patrem, species sapientiam Patris, hoc est Filium, ordo quo quævis creatura ordinatur in bonum, monstrat amorem spiritum S. Quare ex omnium creaturarum conspectu excitanda est memoria, laus, amor SS. Trinitatis.

Punctum 3^{ium}. Hic idem vnus Deus & trinus peculiariter hominem ex gratuita bonitate & misericordia sua respexit & adamavit: Pater quidem creando illum, dotando, conservando. Filius redimendo, merita illi sua applicando, in coheredem regni ad sciscendo, Sanctissimæ Eucharistiæ participationem dando: Spiritus S. vocando, iustificando, tot donis ornando, dono perseverantiæ coronando. Adverte hic quod licet quidam effectus peculiariter singulis personis approprientur: tamen quidquid ad extra vna persona operatur, etiam aliæ inseparabiliter & indivisibiliter operantur. Elice actus fidei, laudis, adorationis Sanctissimæ Trinitatis

& de-

& desiderij videre eandem. Propositum versiculum. *Gloria Patri*, in officio divino devotè ac reverenter recitandi, similiter hymnum *Te Deum laudamus* post sacrificium Missæ vel tempore opportuno.

Exercitium? *Cultus specialis Sanctissimæ Trinitatis & desiderium videndi ipsam.*

Tesseræ crebrius repetendæ diebus festivitatem Corporis Christi antecedentibus:

Sanctus, Sanctus, Sanctus, Dominus Deus omnipotens.

Te invoco o Beata Trinitas, ut venias in me & me templum facias dignum gloriæ tuæ.
S. August. in meditat.

Deus immense à quo omnia: per quem omnia, in quo omnia, custodi me opus manuum tuarum. S. August. ibid.

PRO FERIA II.

Post Festum Sanctissimæ Trinitatis.
Baptismus & signum crucis fit in nomine Sanctissimæ Trinitatis.

Punctum unum. Data est mihi omnis potestas. Euntes ergo docete omnes gentes baptisantes eos in Nomine Patris, & Filij, & Spiritus Sancti. Considera imò bonitatem & amorem Christi erga nos. totam enim potestatem suam dirigit ad salutem hominum. Et tu quidquid potestatis ha-

Omnis potestas ordinanda ad Dei gloriam & proximi utilitatem.

tis habes, ad gloriam Dei & hominum vtilitatem dirige. Considera 2do. baptismum fieri in Nomine Patris, & Filij, & Spiritus S. quia opera S^mæ Trinitatis sunt indivisibilia ad extra. Quidquid Pater operatur, etiam Filius, etiam Spiritus S. in separabiliter operantur. Considera 3tio dici in Nomine Patris, &c. non in nominibus, ad ostendendum vnam esse trium personarum divinarum substantiam. Adora Sanctissimam Trinitatem, gratias agere Christo Domino pro manifestatione huius mysterij quod antea in veteri testamento fuit absconditum.

Punctum 2dum. Eadem verba in Nomine Patris, & Filij, & Spiritus S. adhibentur à nobis dum signum S. crucis facimus: quia nimirum tota Sanctissima Trinitas per crucem & mortem Christi Domini salutem nostram operata est: & quidquid virtutis habet crux, aut signum crucis, totum habet à Sanctissima Trinitate.

Innocentius lib. 2. c. 44. de Sacramento altaris. Et ideo etiam tribus digitis imprimendum esse signum S. crucis docet Innocentius Papa ad significandum mysterium S^mæ Trinitatis. per tres quippe digitos intelliguntur tres personæ, iuxta illud: *Qui tribus digitis appendit molem terræ.* Expende hinc necessitatem crebræ impressionis signi Sanctæ crucis. Nam per eam

& con-

& confitemur toties quoties Sanctissimam Trinitatem: & contra omnia mala armamur. Frequentem usum signi sanctæ crucis inculcant nobis Sancti Patres. Cyrillus ait: In fronte confidenter crucis signaculum imprimatur, in panibus comedendis, in poculis bibendis in egressu, in ingressu: ante somnum: recumbendo & surgendo: eundo & quiescendo. Et Hieronymus. Ad omnem actum ad omnem incessum manus pingat crucem. Examina te an crebro & cum qua reverentia signum crucis facere soleas?

Crebro
formada.

PRO FERIA III.

De processione divinarum personarum.

Punctū mū. Expende imo. etiā in veteri testamento mentionē fieri SSmæ Trinitatis sed subobscurē. Nam Gene: I. dicitur: In principio Deus creavit celum & terram: & spiritus Domini ferebatur super aquas. Nomine Dei intelligitur persona Patris: nomine principij intelligitur Filius, sicut ipsemet in Evangelio se principium dicit: Nomine Spiritus Domini intelligitur persona Spiritus S. In psalmo etiam dicitur: Verbo Domini celi firmati sunt, & spiritu oris eius omnis virtus eorum. Et apud Ezechielem: Sanctus, Sanctus, Sanctus Dominus Deus sabaoth. triplex repe-

Dux processiones in divinis. titio sancti ad tres personas refertur. Expende 2do. duas tantum esse processiones in divinis: dux enim tantum sunt actiones immanentes in natura intellectuali, scilicet intelligere & velle, secundum quas fiunt processiones in Deo ad intra: una processio fit per intellectum, & hæc vocatur generatio; altera per voluntatem & hæc vocatur spiratio.

Pannoni- us in Apocal: caput 4. sect: 2. puncto 4. *Punctum 2dum.* Considera Deum esse primum ens, & verum & summe bonum: à quo omnis entitas, veritas, & bonitas profluit. In quantum ergo est primum ens, & actus purus, intelligit: deinde in quantum est verum ens, seipsum intelligit, & intelligendo producit verbum de sua substantia, communicando ei totam substantiam suam: & quia eiusmodi productio fit secundum naturam, ideo verbum productum dicitur filius Patris dicentis generantisq; Præterea quia Pater novit se in filio non solum esse verum ens sed etiam summè bonum ideo diligit se in filio diliguntq; se mutuo Pater & filius, & sic se diligendo spirant summa virtute Spiritum Sanctum communicando ei totam essentiam suam per spirationem. Rogo Patrem per Filium: rogo Filium per Patrem: rogo Spiritum S. per Patrem & Filium ut omnia vitia elongentur à me & omnes virtutes plantentur in me. S. Aug. in meditat.

De SS. TRINITATE.

453

Punctum 3tium. Considera in Deo nul- *Excepta*
lam esse distinctionem & diversitatem ex- *distinctio-*
cepta distinctione personarum. Quare li- *ne perso-*
cet tres sint personæ, vnus tamen Deus: *narū nul-*
quia omnes tres personæ vnum sunt in na- *la in Deo*
tura, in omnipotentia, sanctitate & in o- *diversitas.*
mnibus alijs attributis. *Tres sunt qui testi-*
monium dant in cælo, Pater, Verbum, & Spi-
ritus S. & hi tres vnum sunt. Adora San-
ctissimam Trinitatem, confitere Patrem
à nullo procedere, Filium à Patre, Spiri-
tum S. ab utroq; gratulare quod Deus
posuit tenebras latibulum suum & lucem
habitat inaccessibilem, vt non possit à no-
bis nisi per fidem cognosci nec à bea-
tis possit comprehendi. Propositum &
Tessera vt supra.

PROFERIA IV.

*De imagine Sanctissima Trinitatis
in nobis.*

*P*unctum 1mum. Dixit Deus faciamus *Geness: 1.*
hominem ad imaginem & similitudinem
nostram. Considera hominem non secun-
dum corpus, sed secundum animam fa-
ctum esse ad similitudinem Dei. & qui-
dem ad similitudinem totius Sanctissimæ
Trinitatis, quod ex voce nostram colligit
Augustinus. Similitudo autem hæc in eo
stat quòd anima hominis habeat etiam
Lib: 3. de
Trin: 6. 2.

suam trinitatem, videlicet: memoriam, intellectum & voluntatem. Et hæc ante peccatum fuerunt in homine perfecta, integra, non obscurata non deformata: secus post peccatum: memoria oblivione, intellectus ignorantij, voluntas varijs scattet defectibus, ut planè vix appareat imago Dei in homine. Cogita quoties imaginem S^mæ Trinitatis in te deformabas: deformabas autem tunc quando memoriam & intellectum reminiscentijs, cogitationibus, & imaginationibus turpibus, voluntatem affectibus inhonestis sædabas.

Virtutes Punctum 2dum. Tria sunt quæ imaginem S^mæ Trinitatis renovant in nobis: *Theologi-* Fides, Spes, & Charitas. fides illuminat
æa reno- intellectum: *vant in no-* credite & intelligetis dicit scri-
bis imagi- ptura. Spes erigit memoriam. Charitas
nem S^mæ purgat voluntatem. *Trinitatis* Ubi est fides, ibi est
spes vestra, ubi charitas vestra: ibi habet
Deus imaginem suam. August: de Trinitate. Quare actus virtutum Theologicarum crebro eliciendi. Elice etiam nunc eisdem.

PRO FESTO,

SANCTISSIMI CORPORIS CHRISTI.

De admiranda panis in corpus conversione.

Punctum unum. Expende mysteria quæ in ver-

in verbis consecrationis latent & im- *Conversio*
 mis. considera non dixisse Christum, hæc *panis in*
 est figura aut repræsentatio corporis *Corpus*
 mei; sed hoc est corpus meum utiq; reale *Christi o-*
 & verum; aliàs verba cum re non con- *stenditur*
 venirent quod asserere est impium. Licet *ex verbis*
 enim ad nos sanctificandos & spiritali- *consecra-*
 ter nutriendos suffecisset hoc Sacramen- *tionis.*
 tum esse merum panem, sicut in baptismo
 pura aqua nos sanctificat; non tamen
 Christus satis habuit, sed proprio suo cor-
 pore nos nutrire voluit sicut mater ve-
 hementer filium amans non permittit ut
 ab alia nutrice lactetur. Fides. amor.

Punctum 2dum Expende item non di-
 xisse Christum: hæc est pars corporis mei
 aut carnis meæ, sed *hoc est corpus meum to-*
 tum integrum ac perfectum. Licet enim
 minima carnis eius particula ad nos san-
 ctificandos suffecisset; totam tamen cum
 omnibus sacratissimis membris nobis dare
 voluit, totum hominem qui eum recipit
 sanctificaturus. Amor. Gratitude.

Punctum 3tium. Expende vltima verba
 cōsecrationis, *quod pro vobis tradetur*, qui-
 bus significatur, sub speciebus Eucharisti-
 cis ipsissimum corpus illud esse quod ven-
 ditum à Iuda, flagellis concisum, cruci af-
 fixum. Hic vide quantum vult Christus ut
 memores simus passionis illius & immensi

amoris quo se in mortem pro nobis tradidit. Nam in memoriam tanti amoris hoc Sacramentum instituit. Fides. Amor.

Exercitium: devotio ad Christum in Eucharistia existentem.

Propositum crebro de die visitandi Sanctissimum Sacramentum actusq; virtutum theologicarum eliciendi.

Tesseræ ad Dominicam 3tiam post Pentecostea frequenter mente aut ore revolvendæ, pro placito hanc vel illam eligendo.

Ores mirabilis! manducat Dominum pauper servus & humilis. S. Thomas.

Isu quem velatum nunc aspicio: oro fiat illud quod tam sitio!

Ubi est absconditus pulcher quem desidero. S. August.

Lates dilecte candide sub albo panis signo
qui rubicundus roridæ eras in crucis ligno,
sub speciebus faciem quid abscondis formosam?
cur non ostendis speciem tuam tam gloriosam.
Ex officio.

PROFERIA VI.

Post Festum SS. Corporis Christi.
De attributo sapientia in Sanctissimo Sacramento.

Punctum unicum. Considera sapientiam Dei summè elucere in hoc Sacramento: tum quia in illo Christus & fidei nostræ

nostræ quæ solum est de non apparentibus, In SS. Sa-
 locum ac merendi occasionem reliquit; & cramento
 sensibus qui de accidentibus sibi notis iu- & fidei sa-
 dicant satisfacit: tum quia in eo & amo- risfit &
 rem immensum erga nos exhibet manen- sensibus.
 do nobiscum deferriq; se per plateas vi-
 cosq; sustinendo ad solatium nostrum; &
 maiestatem retinet, præsentiam suam spe-
 ciebus Eucharisticis velando: tum quia
 hoc Sacramentum miro & suavi modo in-
 stituit. miro modo; quia subutraq; specie
 & subquavis particula specierum totus &
 integer Christus perseverat. miro insu-
 per quia licet verum corpus & sanguis
 Christi sit sub speciebus, tamen à nullo o-
 culo corporali videri potest, prout est in
 hoc Sacramento, imò nec ab imaginatio-
 ne perceptibile est, nec ab intellectu ho-
 minis viatoris, sed à solo intellectu divi-
 no, & ab intellectu illustrato per lumen
 gloriæ. suavi modo; quia veram quidem
 carnem & sanguinem suum, in hoc Sacra-
 mento posuit, sed retentis panis & vini
 accidentibus, ne horrorem & nauseam a-
 liquam pateremur.

In eodem
 amor &
 maiestas
 cõveniunt.

Item ad-
 mirabili-
 tas & sva-
 vitas.

S. Thomas
 hic.

PRO DIE SABBATI.

Post Festum SS. Corporis Christi.

De alijs attributis divinis in San-
 ctissimo Sacramento relucens

Efs

Pun.

P*unctum unum.* Considera potentiam Dei in hoc Sacramento: quia panis & vinum transubstantiatur in corpus & sanguinem: quia totus Christus in alterutra & in utraq; specie, ac in qualibet divisionis particula: quia in tot particulis unus, atq; idem Christus, qui sedet ad Patris dexteram in specie propria: quia in hoc Sacramento accidentia manent sine subiecto quod non nisi per absolutam potentiam fieri potest: quia quamvis species sacramentales alterantur, franguntur, corrumpuntur, non tamen Corpus Christi. Verè fecit Dominus potentiam in brachio suo instituendo hoc Sacramentum.

Punctum 2duum. Considera item ineffabilem Dei bonitatem in hoc Sacramento elucentem. Quæ maior potest esse bonitas ad nos, quam quod Deus in Sacratissima Eucharistia dederit se nobis in cibum & potum pro præsentis statu viæ & peregrinationis nostræ, & in pignus, quod sit nobis futuris plena satietas & torrens voluptatis in patria. Con: insuper charitatem. Unio est effectus amoris: perpende quantopere Deus amat hominem quando eum sibi, factus eiusdem cibus, coniungit & in se ipsum quodammodo transmutat. Quid gossipio additur,
cum

cum musco vnitur, nisi eadem suauitas
& fragrantia. quid addi potest ferro cum
igni vnitur nisi vt candeat & ignescat.
Quid itaq; Domine superest illi qui te
cum coniunctus est, nisi vt fiat diuinus.
Ludovicus Granat: de vita Christi. cap. 32.

PRO DOMINICA

Infra Octavam Corporis Christi,
MEDITATIO

*De Sanctissimo Sacramento pro per-
agendis deuotè processionibus.*

Punctum unum. Considera imo. Quo-
modo Christus Dominus cum in ter-
ris degeret ambulavit per civitates, vi-
cos, plateas, synagogas & privatas do-
mos ubiuis beneficia impertiendo: quo-
modo item in Sanctissimo Sacramento
ambulat per templa & plateas catholi-
corum benefaciendo omnibus qui vivā
fide illum confitentur, adorant & toto
corde laudant. Quamvis autem copio-
sius dona sua tribuat ipsum sumentibus:
aliquam tamen partem impertit ipsum
comitantibus. Disce ea devotione & hu-
militate in processionibus illum comita-
ri, qua fuisses viventem in mortali cor-
pore comitatus, si habuisses eam fidem
quam nunc.

Punctum 2dum. Considera Patrem æternum hac celebritate velle reddere sanctissimæ humanitati Salvatoris nostri præmium & honorem pro ignominiosis illis protrusionibus & deductionibus ab horrore Gethsemani ad domum Annæ, Caiaphæ, Pilati, Herodis, & demum ad montem Calvariæ. Expende hæc laboriosa & infamia Christi itinera amore tui suscepta, & pro illis Christo in venerabili Sacramento existenti agere gratias. variosq; affectus ferventes offer, ut affectus fidei, amoris, gratitudinis, reverentiæ, humilitatis & huiusmodi. Propositum & Tesera ut supra.

PROFERIA II.

De prima Apostolorum & ipsius Christi, communione.

*In prima communi-
one quo
modo illu-
minati A-
postoli.*

P*unctum 1mum.* Considera quod Christus Dominus tradendo corpus suum, Apostolis præter transubstantiationem panis & vini in corpus suum, aliud omnipotentia suæ edidit miraculum scilicet illustravit intellectum rudium discipulorum extraordinario lumine ut viva fide crederent quod sub panis velo esset corpus magistri sui: ideoq; ea reverentiâ & amore quo ipsum prosequabantur, illud receperunt. Roga Dominum Jesum ut tibi fidem, timorem, amorem Aposto-

lorum tribuat quando communicas.

Punctum 2dum. Considera magnam dulcedinem & admirandos affectus quos Apostoli in prima illa communione senserunt, *Affectus Apostolorum.* qui sine dubio adeo fuerunt excellentes, ut ex eis cognoverint infinitam illius cibi excellentiam & utilitatem. Solus Judas in hoc divino cibo nullum gustum invenit, quia illum sumpsit sine fide, sine reverentia, sine amore. Poteris hic discurrere per omnes Apostolos, recogitando quos singuli affectus in hac communione elicuerint. v. g. S. Petrus elicit affectum fidei dicens: *Tu es Christus Filius Dei vivi.* S. Andreas spei, S. Joannes amoris, S. Matthæus humilitatis quod ad hominem peccatorem Deus divertisset. Poteris insuper perpendere, quos affectus Beatissima Virgo elicuerit, quam pie sentiant nonnulli in alio cœnaculo fuisse: & à Filio per manus S. Petri aut S. Joannis synaxim sibi missam accepisse. Quando communicas cura ut similes affectus elicias.

Punctum 3tium. Expende Christum Dominum nostrum iuxta communem sententiam accepisse frustulum unum consecrati illius panis ac se ipsum communicasse, quo Apostolos excitaret ad comedendum daretq; exemplum quâ reverentiâ

*Christus
Dñus
seipsum
com-
municavit.*

rentiâ & devotione panem illum sumere deberent. S. Hieronymus ad Lesbiam: Dominus IESVS Christus ipse conviva & convivium: ipse comedens & qui comeditur. Perpende diligenter quantam devotionem exhibuerit interius & exterius cum sacra- tus bolus ad os eius perveniret. Zelus imitandi.

PROFERIA III.

De Sacramentalibus panis & vini Speciebus.

Cur sub duplici spe- cie panis & vini Eucharistia Sacramen- tum insti- tutum.

Quare cõ- verso Eu- charistica invisibilis retentis

Punctum inueni. Expende 1mo. cur Dominus sub duabus distinctis speciebus Sacramentum hoc instituerit quandoquidem verè re ipsa cum corpore est sanguis & cum sanguine corpus; cuius duæ præcipuè sunt causæ. 1ma. vt ostenderet se nobis perfectum ministrare convivium: quod sinè cibo & potu distinctè propositis esse non potest. 2da. vt remisceremur suum sanguinem totum fuisse à corpore in passione separatum. Quare dum in Missa vides seiunctim hostiam sacram elevari & seiunctim sanguinem meminisse debes huius separationis, simulq; acerbissimæ passionis. Expende 2do. Cur Dominus hanc panis & vini in corpus suum conversionem voluerit esse invisibilem cuius duplex est causa. 1ma vt re- cens

recens & continuum humilitatis exemplum nobis præberet, externâ panis & vini figurâ divinitatis & humanitatis suæ celsitudinem contegendo. 2da. vt recens & continua heroicæ fidei eliciendæ occasio nobis suppeteret.

Punctum 2dum. Expende cur sub speciebus panis & vini potius, quàm sub aliarum rerum se nobis reliquit: cuius imitatio causa est vt indicaret se omnes effectus in anima efficere quos panis & vinum in corpore nostro efficiunt. huius namq; sacramenti gratia nutrit, conservat, augget vitam nostram spiritualem, dat robur, cor lætificat. 2da. vt significaret quòd sicut panis efficitur ex multis granis, vinum ex multis uvis; ita divinus hic cibus & potus requirit corda fidelium adunata, causatq; ac simul significat unitatem Ecclesiæ collectæ ex multis fidelibus ad vitam præordinatis. 3tia. quia species panis & vini optime figurant passionem Christi Domini, quæ in hoc Sacramento memoratur. Nam species panis exprimit corpus Christi tritum, molitum, pistum in passione, assum igne amoris divini in camino, id est in ara crucis: species vini designat sanguinem qui de uva scilicet Christi corpore in torculari crucis à calcantibus Judæis expressus est.

Cur non sub aliarum rerum speciebus instituitur? sed sub specie panis & vini?

Effectus panis & vini.

Materia panis & vini.

Figura panis & vini quædrant Eucharistia.

De SS. CORPORE CHRISTI.

Age gratias Christo Domino pro hoc Sacramento & pro tali modo institutionis ejus. Ora ut ei per hoc Sacramentum magis semper ac magis uniaris fructusq; & effectus ejus abundantius & abundantius participes.

PRO FERIA IV.

De potestate data Apostolis, & effectibus Sanctissimi Sacramenti.

Punctum 1^{um}. Ut hoc mysterium ad finem usq; mundi in Ecclesia frequentaretur, consecravit Dominus Apostolos, fecitq; Sacerdotes dando eis potestatem conficiendi corpus suum per ea verba: *Hoc facite in meam commemorationem. Et usq; hodie per successores Apostolorum Episcopos eandem potestatem dat Presbyteris.* Vbi expende immensam erga genus humanum Domini nostri charitatem. quia non Angelis sed hominibus dedit hanc potestatem: quia item hanc potestatem non restrinxit ad certum numerum personarum hostiarum, locorum, temporum; ut tamen decentissime tantum mysterium celebraretur, determinationem loci & temporis ad peragenda sacrificia reliquit Ecclesiae. Benedictus Deus qui dedit potestatem talem hominibus.

Punctum 2^{um}. Expende multiplices effectus

fectus huius Sacramenti. Quia enim Chri- *Sanctissi-*
 stus continetur in eo, sicut hic visibiliter *mum Sa-*
 in mundum veniens contulit vitam gra- *cramentu*
 tiae mundo, ita sacramentaliter in homi- *operatur*
 nem veniens vitam gratiae operatur in ipso *effectus in*
 Deinde, quia hoc Sacramentum est re- *homine,*
 memorativum passionis Domini, quem *quos Chri*
 effectum passio Christi fecit in mundo, eun- *stus in mū-*
 dem hoc Sacramentum facit in homine. *dū veni-*
 3tio. quia hoc Sacramentum traditur per *ens contu-*
 modum cibi & potus effectum quem cibus *lit mūdo.*
 & potus materialis facit quantum ad vi- *Item quos*
 tam corporalem, sustentando, augen- *Passio e-*
 do, reparando & delectando; facit *iussē con-*
 hoc Sacramentum quantum ad vitam *tulit mū-*
 spiritualement. 4to. quia traditur sub speci- *do.*
 ebus panis & vini, talium scilicet rerum *Item quos*
 quae ad unum rediguntur ex multis, ope- *cibus &*
 ratur effectum unitatis & dilectionis inter *potus ope-*
 fideles. Vide quam diversos operetur *ratur.*
 effectus caro Christi & caro Adæ. Caro *Item quos*
 enim Adæ hoc est ab Adam descendens *panis &*
 cum primum unitur animæ a Deo creatæ; *vinū in se*
 illico culpam originale & omnium ma- *ostendit.*
 lorum ac miseriarum reatum inducit in
 animam: at verò Caro Christi attingen- *Caro ve-*
 do in communione sacra animam nostram, *teris, &*
 facit eam participem gratiae, omniumq; *novi Adæ*
 bonorum, meritum, & thesaurorum *quantum*
 Christi. Gratias age, ama pro tanta bo- *discrepēt?*

nitate, precare ut omnes effectus Sacramenti huius semper percipias.

Effectus SS. Sacramenti principalis & directus est augmentum gratiae seu charitatis: secundarius & consequens ex principali, est remissio culpae & poenae pro modo dilectionis

Punctum 3^{ium}. Facit autem Sacramentum hoc effectus suos dupliciter: uno modo per se, ex virtute sua propria: alio modo quasi ex quadam concomitantia, ex virtute sua propria facit illum effectum ad quem est institutum: est autem institutum ad spiritualiter nutriendum per unionem cum Christo & cum membris eius, ad instar cibi corporalis qui non aliter nisi unitus cum eo qui cibatur, nutrire solet. Et quia haec unio fit per charitatem, ex cuius fervore aliquis consequitur remissionem non modo culpae, sed etiam poenae; inde est quod per quandam concomitantiam ad principalem effectum, homo consequitur in hoc Sacramento remissionem non solum culpae, sed etiam poenae, non quidem totius sed secundum mensuram suae dilectionis & fervoris. Cura ergo & propone hoc Sacramentum semper cum ferventi dilectione suscipere, ut per illud non solum culpae, sed etiam poenae dimittantur tibi.

Pro Octava SS. Corporis Christi.
Duplici modo SS. Sacramentum praeservat à peccato secundum conditionem & dispositionem hominis.

Pun.

Punctum 1^{um}. Hic est panis de cælo de- Sicut cor-
scendens, ut si quis ex eo māducet non mor- pus dupli-
iatur. Peccatum mortale est mors animæ. ci modo
A qua præservat hominem hoc Sacramen- præserva-
tum duplici modo sicut etiam duplici mo- tur ab in-
do corpus præservatur ab interitu, scilicet teritu: ita
internè & externè; internè per cibum & anima du-
medicinā, inquantū per hæc natura homi- plici modo
nis roboratur adversus debilitatē & mor- præserva-
bos: externè per arma; inquantum per hæc tur a mor-
munitur corpus contra exteriores impu- te virtu-
gnationes. Sic igitur & Sacramentum te SS. Sa-
Eucharistiæ dupliciter hominem præser- cramenti.
vat à peccato. imo. quidem coniungen-
do ipsum cum Christo ac proinde robo-
rando ipsius vitam spiritualem per modum
cibi & medicinæ. 2do. modo per hoc quod
sit signum Dominicæ passionis, per quam
victi sunt Dæmones, repellens ab ho-
mine impugnationes eorum. Perpende
an post usum frequentem sis stabilis in
amore Dei, an verò recidives in peccata?
An item factus sis diabolo terribilis, vel
verò impugnationibus eius succumbas? si
adhuc imbecillis es, non Sacramentum
virtutem perdidit, sed tua malitia & so-
lloientia invaluit.

Punctum 2dum. Sacramentum hoc
est quidem de se præservativum à pec-
cato, relinquit tamen liberum arbi-

trium homini & non aufert possibilitatē ad peccandum. Sacramentum enim hoc operatur suos effectus in homine iuxta conditionem hominis. Homo autem in statu viæ, huius est conditionis, quod eius voluntas libera potest inflecti & ad bonum & ad malum. Item Sacramentum hoc operatur suos effectus secundum dispositionem hominis. Tria porro sunt (vt ait S. Bonav: in fasciculario) quæ a te exiguntur huius sacramenti digna susceptio, scilicet ad dignā corporalem munditiem, puritatem conscientie, & actualem devotionem. Vide cum quali externa honestate, cum quali puritate conscientie, & cum quali devotione accedere soles. Si tepidus, si negligens, si imparatus accedebas; dole, emenda. purius, humiliter, & ferventius accede.

PRO FERIA VI.

Post Octavam Corporis Christi.

De varijs nominibus SS. Sacramenti in Evangelio expressis.

Punctum imum. Vocatur hoc Sacramentum panis imo. ideo quia sicut panis confirmat & corroborat hominem; ita Eucharistia corroborat eundem vt sit fortis ad faciendum bonum & declinandum à malo 2do. ideo quia sicut panis prolongat vitam hominis, ita Eucharistia

Sanctissimum Sacramentum vocatur panis quod

re?

stia vitam æternam præstat. 3tio. sicut panis est vna massa ex multis granis facta, ita Eucharistia omnes fideles in vnum corpus compaginat. Ita accede ad hunc panem, vt fructus eius percipias: & vt in fortitudine eius pertingas ad montem Dei Horeb, hoc est, ad gloriam cælestem.

Punctum 2dum. Vocatur item Manna, quia sicut manna fuit panis absq; igne, absq; clibano manibus Angelorum formatus: ita Eucharistia fit in manibus presbyterorum velut Angelorum, sola virtute verbi divini, absq; omni prorsus labore humano: & sicut in manna fuerunt accidentia sine subiecto, fuit sapor caponis, & non fuit capo: fuit sapor attagenis, & non fuit substantia eiusdem: fuit sapor bovinæ carnis, & non fuit ibi bovina caro: ita in Eucharistia accidentia sunt panis & vini. vt color, sapor, odor, &c. non est tamen substantia panis & vini. Verè misericors & miserator Dominus, memoriam fecit suorum mirabilium in hac esca cælesti!

Punctum 3tium. Vocatur in super testamentum: sicut enim morituri in testamento omnia quæ habuimus, charis nostris resignamus: ita Christus moriturus pro nobis omnes divitias suas in hoc Sacramento ex ineffabili amore nobis reliquit:

Gg 3

hic

Vocatur
manna
quare?

Vocatur
testamen-
tum?

quare?

hic corpus suum, hic sanguinem suum, hic concomitanter divinitatem suam, hic merita passionis suæ, hic gratias omnes, hic bona omnia naturæ gratiæq; recondidit & donavit nobis. Vocatur etiam

*Vocatur
cæna.*

cæna, quia sicut cæna sumitur à ieiunantibus, ita & hoc Sacramentum; sicut à cæna itur ad quietem; ita ab hoc Sacramen-

*Cur Sanctissimum
Sacramentum vocatur cæna
& quidè
magna.*

to ad requiem æternam. Et quidem magna cæna. Magna ob magnitudinem personæ facientis ipsam: magna quoq; ob magnitudinem eorum quæ hic apponuntur: magna insuper quia sufficit toti mundi imò infinitis mundis.

Affectus gratiarum actionis, amoris, oblationis sui ipsius, vicissim Christo Dño. Propositum & tessera ut supra.

PRO DIE SABBATI.

Post Octavam Corporis Christi.

*De alijs extra sacram scripturam
appellationibus eiusdem.*

*Vocatur
hostia.*

Punctum unicum. Sacramentum hoc in quantum est commemorativum præteritæ Dominicæ passionis, quæ fuit verum sacrificium, vocatur hostia: in quantum significat præsentem unitatem Ec-

*Vocatur
cōmunio
& synaxis.*

clesiasticam cui homines aggregantur per hoc Sacramentum, vocatur communio vel Synaxis: in quantum præfigurat futu-

ram fruitionem Dei, quæ erit in patria: *Vocatur*
vocatur viaticum, & hoc respectu voca- *viaticū &*
tur etiam Eucharistia, hoc est, bona gra- *Euchari-*
tia, quia gratia Dei, vita eterna. Voca- *stia.*
tur item in Græco Metalepsis, id est as- *Vocatur*
sumptio: quia per eam in cælum assumi- *Metale-*
mur. Expende hîc an sicut es frequens *psis.*
in usu huius Sacramenti: ita sis frequens
in rememoranda passione Christi & quàm
gratus sis eiusdem? an item vnitatem te-
neas cum alijs proximis fidelibus? an de-
mun aspiras ad fruitionem Dei? si effe-
ctus Sanctissimæ Eucharistiæ suis designa-
tos nominibus in te deprehendis, age gra-
tias: propone constantiam. si letus, dolo:
propone te ipsum probare prius, ne da-
mnationem tibi manduces, & bibas in
hoc Sacramento.

MEDITATIONES.

De attributis Divinis.

PRO DOMINICA III. post Pentecostea

De misericordia Dei.

Punctum. *imam. Erant appropinquant*
peccatores ad Iesum. Lucæ 6. Non fu-
issent appropinquant ad IESUM nisi
ipsum. Deum misericordem credidissent.
Expende quàm latè se extendat miseri-

cordia Dei ad peccata hominum ignoscenda: omnesq; eorum misérias sublevandas. 2do. quàm longa sit, quia ab æterno in æternum. 3tio. quàm sublimis: cui nulla paterna vel materna compassio potest cõparari. 4to. quàm profunda: quia se extendit ad ipsos damnatos quos infra condignum ponit. Nota. Quatuor dimensiones, de quibus ad Ephes: 3. metaphoricè solum Deo conveniunt.

S. Bonav: in compendio Theologicæ veritatis, latitudinem charitati, longitudinem patientiæ, sublimitatem sapientiæ, profundum iustitiæ Dei assignat.

Singulæ tamen dimensiones singulis attributis applicari possunt, in latitudine immensitatem, in longitudine æternitatem, in sublimitate inaccessibilitatem seu perfectionem infinitam, in profundo incomprehensibilitatem cuiusvis attributi intelligendo.

Punctum 2dum. Expende quomodo Deus hanc misericordiam suam hucusq; omnibus hominibus exhibuerit & exhibeat. Imo in operibus naturæ providendo paternè omnia necessaria, atq; à tot calamitatibus corporalibus præservando & liberando. 2do in operibus gratiæ vniendo personæ verbi naturam humanam, atq; culpas nostras, quibus æterna supplicia merebamur
abolent.

abolendo: præservando quoq; nos misericorditer à tot spiritualibus miserijs, uti peccatis, tentationibus, periculis salutis, ex ijsq; eruendo. O qualis abyssus Domine miserationum tuarum!

Punctum 3^{ium}. Expende quomodo eadem misericordiam Deus exhibeat in alio sæculo. Imo existentibus in purgatorio liberando eos per merita Christi, & vivorum suffragia, 2do. damnatis in inferno, puniendo eos infra condignum. Overè misericordia Dei superexaltat iudicium! Propositum gratulandi divinæ Maiestati & gaudendi de bonis eius ad intra & extra.

Exercitium: gratulatio & gaudium de perfectionibus divinis.

Tessera per septimanam quavis die crebro replicanda eligatur ex sequentibus.

Benedictus es Domine in firmamento cæli & laudabilis, & gloriosus, & superexaltatus in sæcula.

Benedic anima mea Domino. Domine Deus magnificatus es vehementer.

Uæ cæcitati illi quando non cognoscebam te, væ surditati quando non audiebam te, væ tempori illi quando non amabam te. S. Aug.

Tu esto nostrum gaudium, manens Olympo præmium, mundi regis qui fabricam, mundana vincens gaudia.

DE ATTRIBUTIS DIVINIS.
PRO FERIA II.

De potentia DEI.

Punctum 1^{um}. Expende magnitudinem potentiae Dei secundum 4. dimensiones: imo quàm lara sit; quia nihil ei impossibile, potestq; plures in infinitum & perfectiores creaturas, imò mundos absq; numero producere. 2^{do} quàm longa sit: quia durans ab aeterno in aeternum sine defectu, 3^{io} quàm sublimis seu perfecta quia ex se omnia potest absq; ullo labore & adminiculo. 4^{to} quàm profunda seu incomprehensibilis ut pote idē re, cum essentia Dei. Quam longè hæc potentia superat omnem potentiam creatam quæ limitata, defectibilis accidentalis est, & absq; adminiculo alieno nihil potest. Domine Deus virtutum quis similis tibi? potens es Domine: & veritas tua in circuitu tuo. Solus Filius tuus qui est veritas, te tuamq; potentiam comprehendit.

Punctum 2^{dum}. Expende quàm luculenter hanc suam potentiam nobis in tempore manifestavit. imo in operibus naturæ ut in creatione & conservatione mundi ac omnium quæ in eo sunt Angelorum, hominum, cælorum, elementorum, plantarum, arborum, animalium, &c. 2^{do} in operibus gratiæ, ut in opere redemptionis

his per incarnationem verbi, in opere vocationis ad fidem per pauculos rudes Apostolos; in opere iustificationis tam admirandas animarum conversiones in dies efficiendo; in opere vocationis ad religionem tam potenter ab amore mundi ad suum iugum trahendo. Sit gloria Domini in seculum: laetabitur Dominus in operibus suis. O si laetetur etiam non solum ex mea creatione & iustificatione sed & glorificatione.

Punctum 3tium. Expende quàm eminen-
ter hanc eandem omnipotentiam suam Deus nobis declaraturus sit in futuro, 1mo in resurrectione: eadem numero corpora quæ nunc in pulverem resolvuntur resuscitando. 2do in glorificatione corporum: dotibus gloriosis illa exornando, 3tio. in glorificatione animarum ad visionem Dei illas elevando, atq; ineffabilibus delicijs in æternum replendo. Quis non reverebitur, amabit, & glorificabit tantam potentiam, per quàm sperat ita se glorificandum?

PROFERIA II.

De sapientia DEI.

Punctum 1mum. Expende similiter magnitudinem sapientiæ Dei. Imo quàm lata sit: quia comprehendit non solum præterita, præsentia, futura, sed etiam omnia possi-

possibilia. 2do, quàm longa sit; quia ipsi Deo coæva. 3tio quàm syblimis; quia non aliunde non per acquisitionem, sed per essentiam habita. 4to quàm profund; quia nequit à creatura vlla comprehendi. Quàm longe sapientia Dei excedit sapientiam Cherubinorum, omne nq; aliam possibilem sapientiam! Et idcirco, Deus psalmo 79. dicitur sedere super Cherubim id est super plenitudinem scientiæ & super omnē intellectum. Et psal. 138. dicitur mirabilis scientia Dei, excelsior omnibus, ad quam nemo poterit pertingere & coram qua ne tenebræ quidē habent tenebras! O altitudo divitiarum sapientiæ & scientiæ Dei: quàm incomprehensibilia sunt iudicia eius & investgabiles viæ ipsius!

Punctum 2dum. Expende quomodo hanc suam sapientiam Deus nobis in tempore manifestavit. imo in operibus naturæ, vt in creatione, conservatione, & gubernatione mundi omniumq; quæ in mundo sunt. 2do in operibus gratiæ, vt in incarnatione verbi in Sanctissimo Eucharistiæ mysterio in ordinatione tot viarum, quibus electos suos ducit ad salutem. Quàm proinde amandus Deus & glorificandus præcipuè à te: cui occulta sapientiæ suæ præ tot alijs hæreseos vel ignorantiae tenebris involutis manifestavit!

Punctum 3^{ium}. Expende quomodo uberius thesauros infinitæ sapientiæ suæ referabit nobis in cælo, quando videbimus eum sicuti est, & in eo omnia mysteria abscondita à sæculo: omnia stupenda opera: omnem deniq; abyssum judiciorum & dispositionum divinæ providentiæ. Quàm promptè nunc ergo mysteria fidei credere, occulta judicia Dei revereri, providentiam eius in omnibus admirari, laudare, amplecti te oportet, qui hæc omnia postea clarè intueberis.

PRO FERIA IV.

De Bonitate DEI.

Punctum 1^{um}. Expende imo quàm lata sit, quæ habet in se eminenter boni omnis rationem non tantum honesti, sed etiam utilis & delectabilis. 2do quàm longa sit: nimirum Deo coæva & indefectibilis. 3tio quàm alta, quia non accidentalis, sed essentialis, & quæ nec augeri nec minui potest. 4to quàm profunda, quia non potest à creatura comprehendi. *Vere nemo bonus nisi solus Deus.* Quàm meritò ergo præ omnibus creaturis æstimandus, amandus, quærendus! Quàm indignum est spretâ bonitate divinâ momentaneas creaturarû oblectatiunculas aucupari! Bonus es tu: & in bonitate tua doce me justificationes tuas.

Pun-

DE ATTRIBVTIS DIVINIS.

Punctum 2dum Expende quàm variè Dominus Deus hanc suam bonitatem in tempore manifestavit. imo in operibus naturæ: vt in creatione gubernatione, conseruatione mundi & omnium rerum creatarum, impertiendo ipsis tot & tam eximias perfectiones, dotesq; naturales. 2dò in operibus gratiæ: vt in opere redemptionis, vocationis, justificationis, conferendo rationalibus creaturis tot & tam sublimia charismata; insuper seipsum per Incarnationem & Sanctissimam Eucharistiam, idq; ex gratuita sua bonitate. secundum misericordiam tuam memento mei tu: propter bonitatem tuam Domine.

Punctum 3tium. Expende quomodo deum eandem bonitatem suam in æternitate exhibiturus sit beatis, conferendo singulorum meritis proportionata dona gloriæ essentialis & accidentalis, æternumq; eos in statu beatitudinis conseruando. Si ideo aliquid est bonum quia sui communicativum: quanta Dei bonitas qui in omni rerum statu & ordine tantopere se nobis communicat?

Amo te Deus meus magisq; semper amare cupio: quia tu es reuera omni melle dulcior, omni lacte nutritibilior, & omni luce clarior. Vt tibi totus seruirem, omnia quæ

S. August: solil: c. 19. fecisti, in meum seruitium tradidisti.

PRO

PROFERIA V.

De charitate DEI.

Punctum 1^{um}. Recogita imo. quàm lata sit: quia se extendit ad omnes homines, quos vult salvos fieri: & ad omnia bona naturæ & gratiæ, quæ ex amore eiusdem dedit, dat, dabitq; in æternum. 2^{do}. quàm longa: quia æterna, nam ex quo Deus est Deus, amavit quos creare & salvare constituit. 3^{io} quàm sublimis: quia nulla creata charitas ei comparari potest. 4^{to} quàm profunda: quia Deus ipse est charitas. Pone ergo eum vt signaculum super cor tuum: vt signaculum super brachium tuum; vt semper cordi & operi tuo charitas Dei sit impressa.

Punctum 2^{um}. Recogita quomodo Deus hanc charitatem suam nobis in tempore manifestavit in operibus gratiæ, vt de operibus naturæ fileatur. imo. Pater mittendo filium, nosq; in filios & hæredes regni sui per eum adoptando. Vide qualem charitatē dedit nobis Pater vt Filij Dei nominemur & simus. Joan. 3. 2^{do}. Filius seipsum pro nobis in mortē tradendo, atq; in cibū sub speciebus Sacramentalibus communicando. 3^{io}. Spiritus S plurima divina charismata nobis tribuendo. O vti-

nam

De ATTRIBUTIS DIVINIS.

nam gratia Domini nostri IESV Christi & charitas Dei & communicatio S. Spiritus sit cum omnibus nobis.

Punctum 3^{ium}. Recogita quomodo eandem charitatem suam in æternitate exhibiturus sit electis. 1^{mo}. ineffabilis gloriæ suæ thesauros quo ad animam & corpus ipsis tribuendo. 2^{do}. se ipsum eis per amorem & fruitionem beatificam in omnem æternitatem tradendo, 3^{tio} familiarissimè cum ipsis agendo tanquam intimis amicis.

O quales deliciæ erunt, ab eo æternum amari in patria!

O Amor qui semper ferves & nunquam tepescis, accende me! accendar inquam totus à te, vt totus diligam te.

PROFERIA VI.

De longanimitate DEI.

Punctum 1^{um}. Longanimitas est sustinentia dilationis boni alicuius Deus ergo dicitur longanimis, quia diu expectat penitentiam & emendationem nostram quam nos de die in diem, de anno in vnum differimus. Expende quàm latè se extendat longanimitas Dei ad omnia omnium hominum peccata quantumvis enormia per diuturnum tempus toleranda. 2^{do}. quàm longa sit: quia infinita &

coacter-

DE ATTRIBUTIS DIVINIS.

438

coeterna ipsi Deo: qui quos tolerat in tempore, decrevit tolerare ab aeternitate. 3tio. quam sublimis: cui nulla paterna vel materna, nulla omnium hominum in unum aliquem transfusa patientia potest comparari. 4to. quam profunda: quia ne quidem per infinitas malitias quantumvis contumacissimas & obstinatissimas potest exhausti. O verè longanimis & multum misericors Dominus!

Punctum 2dum. Expende quomodo hanc longanimitatem à condito mundo hucusque erga tot peccatores exercuerit Dominus. imo. erga protoplastos misericorditer ipsis parcendo. 2do. erga Caimum & dissolutos homines diluvium praecedentes, non statim eos puniendo, sed centum annis & amplius per Noe monendo. 3tio. erga ingratum populum Israeliticum 40. annis in deserto eum rebellem sustinendo. 4to. erga tot impios reges, privatosque homines, abominanda eorum facinora plurimo tempore non infrequenter dissimulando. Quae mater has toleraret iniurias in unico filio, quas Deus quotidie tolerat ab ingratis mancipijs. O quantum misereris omnium, & nihil odisti eorum quae fecisti, dissimulans peccata hominum propter penitentiam.

Punctum 3tium. Expende quomodo e-

Hb

andem

andem longanimitatem Deus erga te hucusque à puero demonstrarit, tot tantaque peccata tua, ingratitudines & negligentias tam paternè sustinendo, toties ex casibus animæ & corporis te eripiendo. Benedictus sis Domine Deus meus. Nisi enim adiuvisset me, nisi sustinuisset me, paulominus habitasset anima mea in inferno. Expectas Domine ut miserearis nostri. Si peniteo parcis, si revertor suscipis, *instituta* per dum differo præstolaris. Sis ergo per
S. August. sæcula benedictus; & tene etiam rebellem voluntatem meam ne amplius defluam à stabilitate mea.
c. 7. Mod.

PRO DIE SABBATI.

De Iustitia Dei.

Punctum unum. Expende 1mo. quàm lata sit iustitia Dei, quæ se extendit ad omnia & singula hominum mala opera punienda & bona remuneranda. 2do. quàm longa, quia ipsi Deo coæterna. 3tio quàm sublimis, quæ exactissimè reddit unicuique iuxta opera sua: tam minima opera bona præmiat, quàm etiam minima peccata castigat: de verbo otioso strictam exigit rationem. 4to quàm profunda, quæ ex communi massa corruptionis alios eligit ad æternam gloriam idque gratis, alios mittit ad gehennam ob peccata eorum. Iustitia
 tua

tua sicut montes Dei, id est, altissima inaccessibilis, inscrutabilis. Da Domine in lumine vultus tui ambulare: & in nomine tuo exultare tota die vitæ meæ, ut inter tenebras sæculi huius quæ ex peccatis proficiscuntur, rectè cum adiutorio luminis à vultu tuo procedentis ambulans, & in te ipso inter adversa exultans, merear post modum in iustitia tua exaltari.

Punctum 2dum. Expende quomodo Deus hanc suam iustitiam ostenderit mundo. Imo. in plectendis malis meritis, uti pro-
to-parentum nostrorum, gigantum & omnium corruptorum hominum tempore diluvij: Sodomitarum, Beniamitarum & tot aliorum peccatorum. 2do. in remunerandis bonis meritis: uti Abrahami, Isaaci, Iacobi, Iosephi, Davidis, Tobie, Apostolorum, Martyrum, Confessorum, aliorumq; piorum hominum: nominatim istorum Sanctorum quorum hodie memoria agitur. *Iustus es Domine in omnibus vijs tuis, & Sanctus in omnibus operibus tuis!*

Punctum 3tium. Quomodo demum la-
culentius iustitiam suam manifestabit in futuro sæculo. Imo in reprobis rigidissime mulctandis. 2do in electis exactissime remunerandis. *Recipiet unus quisq; prout gessit in corpore, sive bonum sive malum.* Deus meus, firmamentum meum non iustifi-

cabitur in conspectu tuo omnis viuens. Quem si remotâ pietate iudicaveris, iustum inuenies? Licet in cunctis operibus sis mirabilis, mirabilior tamen crederis esse in operibus pietatis. fac ergo mecum secundum magnam misericordiam tuam.

MEDITATIONES

De præsentia Dei.

PRO DOMINICA IV. post Pente.
Dupliciter exit Christus ab homine.

Lucæ 15. **P**unctum 1^{um}. Exi à me Domine quia homo peccator sum. Precatio hæc magnæ humilitatis erat, sicut & illa centurionis: Domine non sum dignus ut intres sub tectum meum. Non exiit Christus à Petro quamvis rogabatur exire: placet enim Christo humilitas, & Petrus hac oratione non exitum Christi precabatur, sed indignitatem suam testabatur. stude imitari humilitatem Petri præcipue dum communicas. Amat Christus & inhabitat cor humile sicut diabolus superbum. Ubi enim inflatio, inanitas est: ubi autem inane est, diabolus nidum facere molitur. S. Augu-
ser: LIII. in Ioan.

Punctum 2^{dum}. Exit Christus & à iustis, & à peccatoribus: à peccatoribus dum le-
thaliter peccant exit per subtractionem gratiæ

gratiæ sanctificantis, ac providentiæ substantialis: à iustis verò exit per subtractionem consolationum, & immissionem aduersitatum, ob quam Psalmista dixit: *Deus meus quare dereliquisti me.* & Antonius M. *Ubi eras Domine Iesu?* sed hæc subtractio in maius meritum iustis cedit. Ora ne vnquam à te exeat priori modo; quòd si altero modo placet illi à te exire, ora vt nihilominus tibi assistat, & cum tentatione det proventum.

Punctum 3tium. Expende quòd Christus Dominus quantum ad naturam diuinam à nemine potest exire: diuinitas enim immensa est, & non est locus, quem non repleat. Time si peccator es, quia peccasti; time si iustus es, ne pecces: non potest enim tibi non adesse præsens Deus. Nihil Deo præsentius (ait Bernardus serm. 14. in Can:) & nihil in comprehensibilius. Quid namq; cuilibet rei præsentius quam esse suum? sanè esse omnium dixerim Deum, non quod illa sint, quod est ipse, sed quia ex ipso, & per ipsum, & in ipso sunt omnia. Propositum Deum præsentem vbivis, & in quòvis negotio potissimum sacro & arduo recogitandi. Exercitium: præsentia Dei. Tesserae otiidianæ.

Quo ibo à spiritu tuo, & quo à facie tua fugiam.

DE ATTRIBUTIS DIVINIS.

Oculi tui Domine lucidiores sole, circumspicientes vias hominum, & profundum abyssi: & in omni loco contemplantur semper bonos & malos.

O Iesu propè esto in animo meo, propè in auxilio: quia amore tui langueo, quia sine te morior, quia te recolens suscitor. Thom. à Kemp.

PROFERIA II.

De immensitate Dei.

Deus v-
biq.

tanquam
Dominus.

tanquam
testis.

tanquam
iudex.

Etiam me-
dullas ra-
dicū, hoc
est inten-

Punctum vnicum. Deus immensus est & ubiq; præsens, modo perfectissimo, æternum incommutabiliter & incomprehensibiliter. Ubiq; præsens est non quòd locus capiat ipsum, sed quòd ipse locum quemvis contineat. Est autem ubiq; imo tanquam Dominus potentissimus & abso- lutissimus omnium: in cuius manu vita & mors, cuius velle est posse: qui dat omni- bus vitam & inspirationem & omnia. 2do tanquam testis infallibilis omnium nostro- rum operum, cogitationum, desiderio- rum, intentionum. Oculis eius nuda & a- perta sunt omnia. ad Hæbr. 2. 3tio, tan- quam iudex iustissimus scrutans corda & renes. de quo August. in soliloqv: Utrum radix dulcis an amara de qua foris pulchra folia emittuntur, tu iudex interior melius no- sti: & etiam medullas radicū subtilius in- tueris

tionum &
primarum
cogitatio-
num intus-
etur.

стху.

стху.

Punctum 2dum. Considera, imo, quàm indignum est tantam maiestatem tam facile toties, tam graviter offendi, quæ nec quidem minimo veniali peccato offendenda esset etiam ob infinitorum mundorum conservationem. Cogita quantum scelus sit & quali morte piandum offendere per-

Hh 4

sonar

DE ATTRIBUTIS DIVINIS.

sonaliter Maiestatem regiam, caesaream pontificiam; quid verò maiestatem divinam? Considera 2do. quàm horrendum sit quodvis peccatum præcipuè gravius quo maiestas tanta offenditur, quæ vel semel læsa, extremis Filij Divini placari debuit supplicijs. Horror peccati dolor de eodem: propositum cavendi illud & occasiones: gratiarum actio Christo Domino pro placata Dei maiestate.

PROFERIA IV.

De præsentia Dei per versiculum.

Quis, quid, ubi, quibus auxilijs, cur, quomodo, quando.

Punctum unum. Considera tria prima verba: *Quis?* scilicet Deus infinitæ maiestatis & magnitudinis, infinitè fortis, iustus, sapiens: coram quo curvantur qui portant orbem, in cuius conspectu univèrsus hoc, est tanquam momentum statera: qui appendit terram ad nihilum. *Quid?* præsens est rebus omnibus: implet omnia intus & extra, continetq; omnia. *Ubi?* ubiq; præsens est, in cælo, in terra, in mari, in inferno in loco omni etiam abditissimo inde David: *Quo ibo à spiritu tuo, & quo à facie fugiam. si ascendero in cælum tu illic es, &c.*

Punctum 2dum. Considera duo sequen-
tia

tia verba: *Quibus auxilijs nullis, suâ virtute, suâ naturâ. Cur?* quia Deus est: quia magnus est sine qualitate, sicut bonus sine quantitate: quia nisi omnibus rebus coniunctus esset, quoad substantiam, vel quoad virtutem (virtus autem Dei est ipsa eiusdem substantia), omnes res deficerent in nihilum.

Punctum 3^{ium}. Considera ultima duo verba. *Quomodo?* per essentiam, per potentiam, per præsentiam. Rex in suo toto regno est per potentiam, in palatio per præsentiam, in loco quem occupat per essentiam: at vero Deus ubivis est triplici hoc modo. *Quando?* semper: in æternum. Adora, lauda, propone modestissime & sanctè te ubivis etiam in abscondito gerere. Tesseram accipe ex die Dñico.

PROFERIA V.

De exercitio præsentie divinæ.

P*unctum 1^{um}.* Considera ab exemplis quam sit necessarium & efficax ad fugam peccati exercitium præsentie divinæ. David ait: *Providebam Dominum in conspectu meo semper: quoniam à dextris est mihi ne commovear, hoc est nec peccem.* Et de iniusto ait: *Inquinatæ sunt viæ illius omni tempore quia non est Deus in conspectu eius.* Susannam à peccato retraxit præsentia

*Exercitium
præsentie
divinæ
quâ sit ne-
cessariū o-
stendit De-
vid.*

& exem-
 pla. *Media hu-
 ius exer-
 citij acqui-
 rendi.*

tia Dei. *Mala inquit. incidere in manus ve-
 stras, quàm peccare in conspectu Dei.* Mere-
 trix à D. Ephram. argumento divinæ præ-
 sentia ad pænitentiam conversa. Consi-
 dera 2do. media huius exercitij acquiren-
 di. 1um est petere illud à Deo frequen-
 ter. 2dum ante quodvis opus præcipue
 magis arduum facere sibi præsentiam Dei.
 3tium. ex conspectu creaturarum laudare
 Deum triplici memorato modo illis præ-
 sentem.

*Modus du-
 plex eius-
 dem.*

Punctum 2dum. Expende duplicem mo-
 dum exercitij huius: alium nudum, cum
 Deum nudè absq; affectibus nostræ devo-
 tionis præsentem cognoscimus: alium af-
 fectuosum, cum non solum cognoscimus
 seu recogitamus præsentem, sed etiam a-
 doramus, amamus, timemus & varijs af-
 fectibus prosequimur. 2dus hic modus per-
 fectior est & hominem ad omne bonum
 compendio quodam ducit. Recollige te
 si & qualiter modum hunc practicasti. O-
 ra ut in hoc exercitio sis frequentior ac
 ferventior. Observa autem quod affectus
 ad Deum præsentem suppeditabunt tria.
 hæc verba: *Nolo, volo, cupio.* Etiam nunc
 iuxta hæc verba affectus elice: & actum
 ejaculatorium ex die Dominico accipe
 crebroq; repete.

PRO FERIA VI.

De speciali praesentia divina.

Punctum unum. Qui manet in me, & ego in eo, hic fert fructum multum. Io. S. August. ann. 15. Manemus in Christo, cum sumus membra eius, manet autem ipse in nobis, cum sumus templum eius: Sumus porro Christi membra, cum ipsi per charitatem compaginamur. Verbo, nos manemus in Christo per charitatem: Christus manet in nobis per gratiam. Hic fert fructum multum, quia omnia opera, verba, cogitata hominis in gratia Dei constituti, sunt meritoria vitae aeternae. Vide quam pretiosi sint actus omnes iusti hominis: qui augmēto gratiae & gloriae divinae praemiatur.

Punctum 2dum. Perpende quod Deus in corde iusti sit praesens ut Pater, ut protector, ut frater, ut amicus, ut sponsus, ut medicus, ut doctor, & mille alijs titulis modisq;: ideoq; his omnibus modis eum nobis praesentem imaginari, & in eum affectibus ferri possumus. Et etiam secundum mysteria vitae ac passionis suae possumus Christum variē nobis imaginari praesentem sicut Sancti & Sanctae imaginabantur. Cogita Christum in cruce pendentem esse in medio cordis tui, ut possis dicere cum Apostolo: *Vivo ego iam non ego,*

vivit

Actus hominis iusti quam pretiosi.

Varij tituli & modi quibus possumus imaginari Christum nobis praesentem.

DE ATTRIBUTIS DIVINIS.

vivit verò in me Christus. Gratias age pro
præsentia speciali Christi in anima tua.
Ora ne vnquam discedat à te. propone
omnes peccandi occasiones vitare.

Punctum 3^{ium}. Expende varios alios
modos quibus Deum manere in anima in-
sti meditatur S. Bonaventura in compen-
Lib: 1. c. 7. dio Theolog: veritatis. Deus est in ani-
ma fidei ut sponsus in thalamo, rex in
throno, turre in castro. Sicut magister in
schola, fons in horto, lux in tenebris. Item
sicut thesaurus in agro, vinum in cellario,
carbunculus in auro. Item sicut manna in
arca, sigillum in charta, medicina in apo-
theca. Item sicut cythara in convivio,
imago in speculo, mel in favo. Item sicut
fructus in arbore, oleum in lampade, lili-
um in convalle. Ora ut Deus sit tibi o-
mnia in omnibus. & dic cum Thoma Kem-
penfi: *O quando veniet hæc beata & deside-*
Lib: 3. de *rabilis hora ut tua me saties præsentia &*
lmi: 6. 34. *sis mihi omnia in omnibus.* Tesseram ult-
timam ex die Dominico frequenter per
diem repete.

PRO DIE SABBATI.

*De præsentia Dei cum respectu du-
plici bonitatis divine.*

P*unctum 1^{um}.* Deus ubiq; est bonus
in se, & infinitè amabilis: ideoq; infi-
nito

aito si fieri potest amore diligendus. Ubique
 continet omnem rationem boni honesti,
 boni utilis, boni delectabilis; boni honesti;
 nam ubique est infinitæ maiestatis, infinitæ
 magnificentiæ, sapientiæ, sanctitatis, honestatis.
 boni utilis; quia ubique est infinitæ
 benignitatis, liberalitatis &c: boni delectabilis;
 quia ubique est infinitæ dulcedinis, pulchritudinis,
 suavitatis, amabilitatis &c: Considera 2do. Est item
 Deus ubique bonus quo ad nos, quia nullus
 locus est, in quo nobis non operetur bona
 triplicia: naturæ, gratiæ, & gloriæ. Vide
 quot bona naturæ in omni loco, in omni
 tempore de manu divina accipis. Vide
 quot bona gratiæ & gloriæ, ubique semper,
 etiam nunc tibi offeruntur. Age gratias,
 ama, peccata detestare.

Punctum 2dum. Expende quod Virgo
 Beatissima continua fuerit in exercitio
 præsentiae divinæ, & propter hoc exerci-
 tium abundaverit in perfectione. Hoc de-
 notant verba illa Ecclesiæ aut Angelorum
 admirantium pulchritudinem MARIÆ
 spirituales: *Quæ est ista quæ ascendit de
 deserto delictis affluens, innixa super dile-
 ctum suum.* Sensus verborum iste: Quæ est
 hæc Virgo, quæ è deserto mundi absque ces-
 satione ascendit ascensu fidei & morum
 ad cælestia: affluitque omnibus internis opi-
 bus,

*Virgo Be-
 atissima
 continua
 in exerci-
 tio præse-
 ntiae divi-
 nae.*

De ATTRIBUTIS DIVINIS.

bus, tota quanta circa dilectum suum occupata, & in illo intellectu ac voluntate sua recumbens. Imitare matrem; & intellectum ac voluntatem tuam in Deo bono, in Deo dilecto reclines. ut internis delicijs affluas. Propositum Tesseræ ut supra.

MEDITATIONES.

De Sanctitate Dei.

PRO DOMINICA V. post Pentec.

Iustitia Pharisæica damnatur.

Matth 5. **P**unctum 1^{um}. Nisi abundaverit iustitia vestra plus quam scribarum & Phariseorum non intrabitis in regnum celorum. Pharisæica iustitia in sola specie externorum bonorum operum sistit; & hæc cum suis cultoribus excluditur à regno celorum. Iustitia christiana in internis potissimum consistit actibus, quamvis & ad externos derivetur. Cogita qualem iustitiam habeas: an ad speciem & apparentiam bona opera externa facias: an verò soli Deo placere studeas?

Punctum 2^{um}. Satis putabant Pharisæi illo sæci ad iustitiam, non occidere opere, non præcepto: mæchari opere, proximum & amicum non odisse, non perierare: at iustitia Christi etiam iurare, irasci sine causa, vindictam prospirare, verba dicere opprobriosa, aspice-
re mu-

re mulierem libidinose, concupiscere e-
ximi tui, andem vetat. Porro perfectius longè est intellige-
abstinere etiam ab ira, quàm à solo exter-
bāt solum no homicidio: etiam ab aspectu mulieris, signa con-
quàm à solo opere carnali: etiam à iura-
cupiscen- mento quàm à solo periurio. Gressus me-
ria exter- os dirige secundum eloquium tuum Do-
na prohi- mine: & non dominetur mei omnis iusti-
beri, vt ta tia siue interna siue externa.

Punctum 3tium. Doctrinam suam de la, non ve
perfecta iustitia clausit Christus tali ex-
ro concu- hortatione: Estote ergo perfecti sicut & Pa-
piscentiā ter vester perfectus est. hoc est, perfectio & internam
iustitia Dei sit norma iustitiæ vestræ: & si-
Liranius cut Deus infinitè remotus est ab omni im-
parte 5. perfectione; ita vos, inquantum possibile,
coll: 110. sitis remotissimi ab omni culpa & occasi-
onibus suis. Gratias age Christo pro do-
ctrina: ora auxilium vt possis semper quod
perfectius est operari, idemq; propone.
Tessera per septimanam repetenda pro
placito hæc aut hæc:

O iustitia & innocentia creatrix, pulchra
& decora honestis luminibus: fac, serviamus
tibi in sanctitate & iustitia omnibus diebus
nostris!

Sancte Deus, sancte fortis, sancte immor-
talis miserere nobis.

Misericordissime Domine cuius voluntas
sanctificatio nostra, sanctifica me per omnia:

vt integer spiritus meus & anima & corpus
sine querela in adventu Domini nostri Iesu
Christi seruetur. I. ad Tessel: 5.

PROFERIA II.

*Sanctitas Dei ; causa sanctitatis
nostre.*

*Sanctitas
Dei est in-
finita.
indefecti-
bilis.
incompara-
bilis.
maxima.*

Punctum 1^{um}. Considera imo quia
Deus est summè & infinitè Sanctus
& perfectus ac proinde omnem rationem
bonitatis, sanctitatis & perfectionis in se
continet. Considera 2^{do}. quia creaturæ
respectu Dei, sicut non sunt ; ita etiam
non sunt bonæ nec Sanctæ Iob 15. dicitur.
Inter sanctos eius nemo immutabilis : & celi
non sunt mundi in conspectu eius. Conside-
ra 3^{tio}. quod omnes perfectiones, & vir-
tutes quæ in Deo sunt sit vnica realis per-
fectio & virtus sintq; ipsissima Dei essen-
tia : & quia quo magis aliquid vnum &
indivisum in se est, eò perfectius & vir-
tuosius est, sequitur, sanctitatem & iusti-
tiam Dei maximam ac infinitam esse ;
quandoquidem inter virtutes & perfecti-
ones eius vnitas maxima est, & qua ma-
ior dari non potest.

*Sanctitas
Dei est
causa san-
ctitatis
nostre.*

Punctum 2^{dum}. Sanctitas Dei est cau-
sa sanctitatis nostræ. Quod enim est ma-
ximum in vno quoq; genere, est causa ali-
orum in illo genere, & e converso ; Dei
autem

autem sanctitas maxima est: igitur causa *Efficiens, e-*
 est sanctitatis nostræ. Est autem primò *xemplaris*
 causa efficiens. ait enim Apostolus: Ipse *finalis.*
Deus sanctificet vos per omnia. 2da causa
 exemplaris: *Sancti estote sicut & ego sum.*
 3tio finalis: sanctitas enim nostra ad hoc
 dirigitur, ut per eam sanctificetur nomen
 Domini. Sancti ergo dicimur sanctitate
 divina, sicut primo principio exemplari, effe-
 ctivo & finali totius sanctitatis. Adora san-
 ctitatem Dei, gratulare, gaude, ora ut vi- *S. Thomas*
 ta tua exemplari tuo conformetur.

PRO FERIA III.

*Ex scripturis rationibusq; ostendi-
 tur divina sanctitas.*

Punctum unum. Non est Sanctus ut est
 Dominus. 1. Regum 2. & Exodi 15.
Magnificus in sanctitate. Magnificus dici-
 tur qui magnos sumptus facit ad magnum
 aliquod opus. Quos sumptus maiores fa-
 cere & ad quod maius opus poterat De-
 us, quàm quando ad redemptionem no-
 stram & restorationem mundi deprava-
 tissimi vnigenitum suum in quo sunt o-
 mnes thesauri sapientiæ & scientiæ Dei
 tradidit in mortem? Magnificus ergo in
 sanctitate, quia ad opera sanctitatis the-
 saurum suum in passione Christi aperuit,
 & pretium infiniti valoris effudit, nimi-

rum sanguinem Iesu Christi. Vide quomodo sanctitatem curare & custodire debeas, cum Deus omnes cæli divitias exposuerit ad eam tibi comparandam!

Punctum 2dum. Deus fidelis & absq. vlla iniquitate iustus & rectus. Dentor. 32. Sanctus & iustus idem sunt. Iustus autem dicitur à juxta secundum Aristotelem & Ethicorum. eò quod iuxta legum ordinationem vivat. Sed nostra Iustitia & rectitudo defectibilis est, quia possumus à lege deficere. At verò Deus qui sibi lex est, non potest velle nisi quod ratio suæ sapientiæ habet, quæ quidem est sicut lex iustitiæ secundum quam eius voluntas est iusta & recta, adeoq; non potest deficere à lege sua, neq; contra illam agere. Adora sanctitatem Dei: & propone quoties in trisagio vel Gloria Patri, vel quocunq; officij divini aut scripturæ versu sanctitatem Dei memorabis, cum devotione & summa cordis reverentia eam meminisse.

S. Tho: 1.
p. 9. 2.
art. 1.

Punctum 3rium. Discute etiam rationes, quæ ostendunt summam Dei sanctitatem. ima ratio est: quia Dei sanctitas est causa Exemplaris, efficiens & finalis omnis & totius sanctitatis creatæ: maximam itaq; oportet esse. Quod enim est causa aliorum in vno quoq; genere, maximum est in illo genere. Altera ratio, quia Deus est cau-

est causa æquivoca omnium rerum. Cum proinde in rebus creatis innumeræ cæq; admirabiles bonitates, perfectiones, virtutes reluceant: in Deo debent esse modo excellentissimo, & per consequens debet esse in eo summa, incomprehensa & infinita sanctitas. Nam causis æquivocis id proprium est, quod excellentiori modo contineant in se bonitates & perfectiones suorum effectuum, quàm ipsi effectus & causæ univocæ ipsorum. Vide hæc admirabiles sanctitates, virtutes, perfectiones Angelorum & hominum ab initio mundi, vsq; ad finem eiusdem viventium: omnes hæc excellentissimo modo & in infinitum perfectiori & perfectiori reperientur in Deo; & quæ in sanctis divisæ sunt, in Deo unica & simplicissima est sanctitas. Affectus vt supra. Tessera ex die Dñico.

PROFERIA IV,

De natura Sanctitatis.

Punctum unum. Sanctitatem duo perficiunt, mundities & firmitas. Per sanctitatem enim mens hominis adhæret Deo: adhærere autem mens Deo nequit absq; munditia; quia si careat munditie, iam non Deo sed terrenis rebus se se applicat: per hoc enim mens humana inquinatur, quod rebus terrenis iungitur, sicut

Sanctitatem duo constituunt mundities & firmitas.

Sanctitas pes per hoc maculatur, quod lutum con-
est, per tingit. Absq; firmitate etiam mens no-
quam mēs fra non impendit se suaq; ad Dei cultum
hominis se debito modo. Deus namq; est primum
ipsam & principium & ultimus finis noster: primò
actus su- autem principio & ultimo fini immobi-
os appli- liter & firmiter adstringi oportet. Recol-
tat Deo. lige te an vtrumq; habeas? es ne mundus
spiritu & corpore? es ne firmus in amore
Dei? potesne dicere cum Apostolo: *Certus
sum quia neq; mors, neq; vita separabit me
à Charitate Dei.*

Memento quia *Sanctum & terribile no-
men eius.* Sanctum sanctis: terribile pec-
catoribus. Hier: in psal:

Punctum 2dum. Considera quod in Deo
& munditia sit & firmitas modo excel-
lentissimo ac infinito: munditia; quia De-
us est actus purissimus compositionis o-
mnis & permixtionis expers & incapax;
firmitas: quia Deus est primum principi-
um & finis ultimus rerum omnium; quæ
sunt maximè immobilia. Mentē omnesq;
actus suos ad se solum applicat: *Univer-
sa enim propter se operatus est,* atq; immen-
so se amore ac incommutabili essentialiq;
amat: nec potest non applicari sibi ipsi.
Adora, gratulare, aliosq; affectus adhibe.

PRO FERIA V.

De interna munditia hominis.

Punctum imum. Qui viderit mulierem
 ad concupiscendum eam, iam mæchatus
 est eam in corde suo. Non sufficit ergo ad
 iustitiam munditia corporis; sed requiri-
 tur munditia mentis. Quare? quia debe-
 mus esse perfecti, sicut & Deus perfectus
 est: quidquid autem in Deo est, totum
 purum, imo & ipsa puritas est. Deinde
 quia gratiam Spiritûs S. mente recipimus:
 ideo primò & principaliter purificanda est.
 Insuper quia imaginem Dei in anima non
 in corpore portamus. Demum quia præ-
 stantior longè est oculus animæ quàm cor-
 poris. Si ergò oculus externus non pati-
 tur festucam aut minimas sordes, multò
 minùs oculus internus, mens videlicet,
 pati debet. Fiat cor meum immaculatum
 in iustificationibus tuis vt non confundar.

Punctum 2dum. Cogita gravitatem pec-
 cati interni, quando libidinosa cogitatio
 comparatur actuali adulterio. Cogita
 item ab immunditia mentis, ad immu-
 ditiem operis deveniri. Cogita demum
 templum Dei nos esse: domum autem Dei
 decet sanctitudo non in vnam alteramve
 diem, sed in longitudinem dierum, hoc est
 semper. Affectus & tessera fiant.

*Ad iustiti-
 am non
 sufficit mū-
 ditia ex-
 terna.*

*Gravitas
 peccati in-
 terni.*

*Sanctitas
 debet esse
 stabilis,
 & perpe-
 tua.*

PROFERIA VI.

*De sanctitate & virtutibus Christi
in cruce.*

Punctum 1^{um}. Considera quàm varias & eximias virtutes erga Deum Patrem Christus in cruce elicuerit. 1^{mo}. quidem obedientiam, quâ voluntatem Patris sui finaliter exequabatur. 2^{do}. amorem quo gloriam eius quàm maximè augeri sitiebat. 3^{io}. resolutionem, qua omnia tormenta tanquam è manu eius profecta placidissimè suscipiebat, & ad maiora se ac diuturniora offerebat. Considera deinde quàm purè, quàm intensè quàm constanter earundem virtutum actus iteravit? quantum nobis gratiæ & gloriæ per eos promeruerit? Fecisti IESU crucifixe de te ipso speculum animæ meæ, speculum amoris, obedientiæ, resignationis, orationis, aliarumq; virtutum. Da ut in hoc speculo me semper intuear, & quid desit mihi videam.

In passione Domini 3. oportet intueri, opus: modum, causam.

Punctum 2^{dum}. Considera virtutes quas in ordine ad seipsum elicuit. 1^{mo} humilitatem, qua semetipsum ad tantas irrisiones, opprobria, subsannationes, ad nuditatem, ad societatem cum latronibus, ad infamiam suspendij demisit. 2^{do}. patientiam, quâ acerbissimos, intensissimos, & diutis-

diutissimos in omnibus sensibus dolores In opere
sustinuit. 3tio. paupertatem, qua sine ve- patientia,
stibus vestitor fiderum pependit. Consi- in modo
dera post modum quam purè, intense, con- humilitas
stanter prædictarum virtutum actus eli- in causa
cuerit. O utinam vivam secundum exem- charitas
plar quod mihi in monte Calvariae mon- commen-
stratum est! datur.

Punctum 3tium. Considera virtutes er-
ga homines elicitas. imo. dilectionem non
solum amicorum, sed etiam inimicorum
pro quibus oravit. 2do. mansuetudinem,
qua tanquam agnus coram tondente se to-
to passionis tempore obmutuit. 3tio. pie-
tatem qua Matrem Virginem Ioanni com-
mendavit, & vicissim Ioannem Matri suæ,
4to. liberalitatem, qua cælum latroni
promisit, & sanguinè suum copiosè fudit. S. Bernardus
Apud Dominum misericordia & copiosa in cant.
apud eum redemptio. Verè copiosa quia
non gutta sanguinis sed vnda largiter per s. Thomas à
partes corporis emanavit. Kem; l. 2.

Verè in cruce tua Domine IESU sum-
ma est virtutis & perfectio sanctitatis.

Ago gratias pro virtutibus in cruce e-
licitis: & rogo, vt oratio pro crucifixo-
ribus, recommendatio Ioannis in tutelam
Virginis, promissio paradisi facta latroni
ad me quoq; derivetur.

PRO DIE SABBATI.

*De virtutibus Beatissime Virginis.**De invo-
catione
Matris
Virginis.*

Puncum unum. Considera imprimis virtutes quas habuit erga Deum, videlicet fidem, spem, charitatem & religionem. Expende in quàm eximio gradu habuerit eas: quàm purè intensè, constanter earum actus tum internos frequenter. Exclama corde cum S. Anselmo: *O benedicta super mulieres, quæ Angelos vincis puritate, Sanctos pietate?*

Punctum 2dum. Considera deinde virtutes illius erga seipsam, videlicet prudentiam, temperantiam, fortitudinem, humilitatem, castitatem, mortificationem & patientiam. Expende itidem in quàm perfecto gradu eas habuerit: & quam eximios tam internos quam externos earum actus multiplicarit. Merito Hieron: *Mariam si diligentius aspicias nihil virtutis est, nihil speciositatis, nihil candoris & gloriæ quod in ea non resplendat.* Epist: 10. ad Paulam.

Punctum 3tium. Considera simili modo quàm perfectæ fuerint in ea virtutes, quibus enituit erga proximos nimirum: iustitia; dilectio, obedientia, misericordia, modestia; demum expendere quomodo & internos & externos earum actus exercuerit.

erit. Prorsus quidquid in Maria gestum est, totum puritas & simplicitas, totam veritas & gratia, totum misericordia & iustitia. Hieron. de assum.

MEDITATIONES

De Beneficijs Divinis.

PRO DOMINICA VI. post Pent.

Dominus & Deus noster miseretur.

Præludium. Propone ante oculos mentales Christum Dominum dicentem: *Misereor super turbam, &c.* Deinde ora ut fructuose mediteris.

Punctum 1^{um}. *Misereor super turbam. Marci 9.*

Considera 1^{mo}. in Christo Domino. sicut vera fuit humanitas, ita verum fuisse compassionis affectum. Considera 2^{do}. non tantum internè compassum esse sed etiam opere succurrisse esurienti & deficiente multitudini. Multi inter homines sunt qui verbo condolent miseris, at non sublevant eorum miseriam cum tamen possint; talis compassio ficta est & hypocritica. Considera 3^{tio}. exemplo suo Christum nos provocare ad opera misericordiae.

Punctum 2^{um}. Considera 1^{mo} in Deo non dari misericordiam propriè dictam, inquantū hæc est dolor de aliena miseria:

dicitur

S. Thomas. dicitur autem Deus misereri propter amorem quo amat nos tanquam aliqua sui. unde illud: Miserationes eius super omnia opera eius, idem est cum eo versiculo: nihil odisti eorum quæ fecisti. Considera 2do. cur dicatur Deo proprium misereri & parcere? quia nimirum proprium est ei tanquam supremo bono creaturis se affundere, & quod plus est à miserijs eas per sua beneficia sublevare. Cogita à quod miserijs te divina bonitas hactenus sublevarit. Age gratias, cave ingratus esse. A. Etus ei aculatorius quem per septimanam frequenter usurpabis, erit aliquis ex subiectis.

O quam fecit mihi magna qui potens est.
& sanctum nomen eius!

Misericordissime tibi me commendo reddo & concedo, per quem sum, vivo & sapio.
S. August: in manuali.

Totus spiritus, totum cor, totum corpus, tota vita mea, vivat tibi vita mea dulcis: quoniam tu me totum creasti, totum libera-
sti, totum refecisti. Idem.

Quid retribuam Domino pro omnibus quæ
retribuit mihi.

PRO FERIA II.

De beneficio creationis.

Punctum unum. Perpende imo. quid
ab æ-

ab æterno vsq; ad diem Conceptionis tuæ fueris, nempe purum nihil quod qualibet creatura vilius est. 2do cum nihil esses, Deum ex mero amore creasse te, & totum tibi dedisse quod es. Quod ergo sis homo, intellectu, voluntate, memoriâ præditus: virtutum, gratiæ, & gloriæ capax: quod insuper vñ sensuum, & integritate membrorum pollens: quod non monstrosus: totum id Deo referre debes in acceptum. Quàm profusa Dei erga te liberalitas! Quanta ingratitude tua, si homo cum sis, more pecudis vivis!

Punctum 2dum. Perpende finem creationis tuæ qui est, imo: vt Deum creatorem tuum ex toto corde, tota anima, totisq; viribus ames. 2do vt omni humilitate ei seruias, mandata & iustificationes ipsius custodiendo. 3tio. vt post hanc vitam particeps æternæ felicitatis fias. Famulatur ergo tibi semper mens mea piissime. Suspiret tibi semper peregrinatio mea, ardeat in amore tui cor meum! Exteriora enim cuncta pro corpore meo creasti: ipsum verò corpus pro anima: animâ verò pro te vt tibi soli vacaret & te solum amaret, possidens te ad solatium, inferiora verò ad servitium.

Punctum 3tium. Perpende finem creationis aliarum creaturarum qui est, vt nobis

Finis creationis hominis.

August. in manuali cap. 4.

Soli. c. 20.

Finis cre- bis serviant & auxilio sint ad consequen-
ationis a- dum finem nostrum. Creavit enim Deus
liarū re- caelos, solem, lunam, stellas, elementa, va-
rum. ria animalium, plantarum, herbarum, la-
 pidum genera, partim ad necessitatem,
 partim ad honestam voluptatem nostram;
 dedit nobis ingenium, sanitatem, doctri-
 nam, honorem; ut hæc omnia deserviant
 nobis ad consequendam beatitudinem vl-
 timam.

S., August. Domine Domine, si tanta facias nobis in
 carcere quid ages in palatio: si tanta sola-
 tia largiris in die lachrymarum, quanta con-
 feres in die nuptiarum? Amer te ex illis &
 pro illis anima mea. Te semper quærat in
 omnibus, & quærendo non deficiat.

PROFERIA III.

De beneficii conservationis.

Sicut nul- **P**unctum unum. Considera Deum post-
lū est mo- quam te fecit ex gratuita bonitate
mētū quo sua, ex eadem ut te conservaret & guber-
homo non naret decrevisse, quod non est minus bene-
fratur ficium priore. Quod ergo temporis mo-
vel utatur menta habuit, habet & habebit vita tua,
pietate di- tot partes sunt istius beneficii: quia nul-
 lo illorum subsistere potuisses, si Deus ocu-
 los suos à te avertisset. Quam merito pro-
 inde sequendum tibi consilium est. D.
 Edmundi. Singulis momentis debes de Deo
 cogita-

cogitare, & loqui, propter tot beneficia, quæ vinâ sic tibi incessanter confert tam solícite ac si to- nullû de-
tius mundi esset oblitus. Rectè quidam san- bet esse mo-
ctus dixit: hominem non spirare toties, mēiū quo
quoties tenetur Dei sui recordari.

Punctum 2dum. Considera Deum omnia *sentē non*
alia conservare, vt deserviant ad conser- *habeat in*
vationem tui: cælum cum sideribus, tēr- *memoria*
ram cum hominibus, bestijs, fructibus, flo- *Augu. in*
ribus, coloribus, odoribus. Meritò ergo *Man: c. 29*
tibi cum Psalte exclamandum: Domine
quid est homo, quod memor es eius: omnia
subiecisti sub pedibus eius. Omnia pedibus
hominis subiecisti, vt solus homo, totus
tibi subiceretur. Aug: solil: c. 20.

Punctum 3tium. Considera quomodo
idem Deus ex eadem gratuita benignita-
te sua præservavit te hucusq; à tot tamq;
varijs casibus corporis & animæ, atq; à
morte ipsa, æternisq; supplicijs, in quæ in-
cidisses & nunc incidere posses, nisi te gra-
tia Dei retineret. Itaq; si liber es à calcu-
lo, leprâ, podagrâ, febri, alijsq; morbis:
si liber es à gravioribus peccatis, divinæ
gratiæ adscribe; quod è tot morbis, è tot
casibus & periculis evaseris, Dei miseri-
cordiæ imputa. Quot in alijs cernis, audis,
vides, legis, corporis & animæ misérias;
tot agnosce tibi à Deo exhiberi miseri-
cordias, dicens cum Propheta: Misericor-
diæ Domini quia non sumus consumpti.

De BENEFICIIS DIVINIS.

PROFERIA IV.

De beneficio redemptionis.

P*unctum unum.* Considera imo. à quo sis redemptus, nempe à Filio Dei creatore & conservatore tuo. Considera 2do. modum redemptionis. Cum enim sola voluntate, verbo vel nutu redimere te potuisset, sicuti mundum vno verbo fiat creavit, tamen per Incarnationē & copiosi sanguinis effusionem voluit te redimere. Considera 3tio. à quantis malis sis redemptus, videlicet à peccatis, à perpetua tyrannide & servitute diaboli, à supplicijs æternis. Quàm immensa, sublimis, longæva, incomprehensibilis misericordia, liberalitas, charitas Dei! qualem vicissim exigit à te gratitudinem & amorem!

Punctum 2dum. Perpende quòd potuerit te vna guttâ sanguinis sui in circumcissione effusi redimere; nihilominus voluit flagris concidi, colaphisari, sputis operiri, spinis coronari, funibus & catenis ligari, per plateas trahi, velut stultus illudi, latroni postponi, cruci affigi, aliq; ignominiosissima & durissima pati, ut ipsi in horto oranti sola cogitatio eorum sudorem sanguineum toto corpore explessent. Væ ingratis! Irritam quis faciens legem Moyse, sine vlla miseratione duobus

vel

vel tribus testibus moritur: quanto magis deteriora meretur supplicia, qui filium Dei conculcaverit, & sanguinem testamenti pollutum duxerit in quo sanctificatus est, & spiritui gratiæ contumeliā fecerit. ad Hebr: 10.

punctum 3tium. Considera quanta bona ex hac redemptione secuta. 1mo. ex mancipio diaboli factus es filius Dei: ex hærede æternæ damnationis, factus es hæres æterni regni: ex filio iræ, factus es particeps gratiæ & amicitiae divinæ. 2do. quod si in peccatum labaris, possis iterum per penitentiam in gratiam restitui. 3tio. quod in gratia existens possis augmentum eiusdem gratiæ & beatitudinis æternæ mereri. 4to. quod Sacramentorum potissimum verò Sanctissimæ Eucharistiæ communionē fruaris. Affectus convenientes eliciendi.

PROFERIA V.

De beneficio vocationis ad fidem.

P*unctum 1mum.* Considera imo. non prodesse beneficium redemptionis, nisi subsequatur beneficium vocationis ad veram fidem Catholicam, sicut enim emplastri nulla est utilitas, si non applicetur vulneri; sic nec passionis Christi, nisi applicetur animæ per fidem & Sacramenta.

Consi-

Vocatio ad fidem ad mere gratuitum donum Dei. Nemo namq; potest venire ad me (inquit Christus) nisi Pater meus traxerit illum: & sicut lapis naturâ suâ tendere sursum non potest, nisi

auxilio externo; sic nec homo mentem ad cœlestia elevare potest nisi dexterâ excelsi. Considera 3tio. necessitatem fidei quia sine hac impossibile est placere Deo.

Benedictus Deus qui dedit nobis donum fidei electum, & sortem in templo suo acceptissimam. Sap: 3.

Punctum 2dum. Expende raritatem beneficii huius. Quot namq; sunt millia non dico hominum sed nationum absq; fide pereuntium. Turcæ, Tartari, Persæ, Iudæi, Atheistæ, Hæretici propter defectum fidei damnantur. Redi in te ipsam, & cogita quanta gratia sit tibi præstata quod sis ex catholicis parentibus natus, baptisatus, in rudimentis fidei instructus, hucusq; Sacramentis & verbo Dei in Ecclesia nutritus. Age gratias, elice actum fidei, & propone non tantum corde credere, sed ore quoq; confiteri articulos fidei, & pro ea etiam vitam profundere si necesse sit. Ora, vt Deus confirmet propositum tuum. Ora, ne sis subtractionis filius in perditionem, sed filius fidei in acquisitionem animæ. ad Hebr. 10.

PROFERIA VI.

De beneficijs peculiaribus cuiq; proprijs.

Punctum 1^{um}. Considera peculiaria beneficia naturæ tibi à Deo data, quæ non sunt omnibus communia: vt quod infans non sis extinctus in utero materno, quod non sis natus ex parentibus infamibus, illegitimis, corpore vitiat: quod honestam habueris educationem, quod in tot casibus servatus sis: quod plures vitæ annos præ alijs vivas. Reflecte te supra alia naturæ dona tibi peculiariter data: & pro ijs agere gratias. Conditor noster ait Greg: Moral: 17. c. 2. *mira dispensatione, vivendi tempora impendit, vt longiora vitæ temporalis spacia aut converso fiant adiutorium salutis, aut non converso augmentum damnationis.* Quod dicitur de ætate, idem de alijs bonis desuper acceptis intelligendū. Vide quomodo spatijs temporalibus alijsq; donis usus es hucusq; an ad salutem, an ad damnationem?

Punctum 2^{dum} Considera beneficia gratiæ per te à Deo accepta, vt quod occasiones crebras habueris ad vitæ rectitudinem: quod sis à societate malorum liberatus: quod è periculo peccandi toties evaseris: quod à peccato, aut vitio, aut

*S. Berna:
in Psalm.
Qui habi-
tat.*

consuetudine prava sis erutus: quod in peccato gravi à morte præservatus: & quod multas alias de manu Dei gratias perceperis. Dic: Verè vigilat super me & vigilavit semper indefessus & pervigil ille singularis clemencie oculus, non dormit neq; dormitat qui custodit Israel: quia etiam non dormit neq; dormitat qui impugnat Israel. Verè non fecit taliter omni nationi, omni homini, sicut mihi fecit. Quid retribuam Domino? Calicem salutaris accipiam & sacrificium offeram in gratiarum actionem. Devotionem quoq; maiorem ad passionem eius habebō, per quam mihi promeruit omnia bona ipsamq; gloriam æternam.

PRO DIE SABBATI.

De prerogativis seu privilegijs Beatissima Virginis MARIE qua S. Bonaventura in speculo recenset.

Punctum unum. Privilegium primum MARIE est quod super omnes homines ab omni peccato purissima fuit. Ipsi servit illud? *Tota pulchra es & macula non est in te: nec videlicet macula originalis, nec mortalis, nec venialis.* 2dum est quod super omnes homines fuit gratia plenissima. Unde Hieron de Assumptione: *Ceteris inquit per partes præstatur* MARIE

MARIÆ verò se tota infudit plenitudo gratia.

Ave Virgo plena bonis

Gratiarum dives donis:

Opus Dei digitorum

Grande nimis & decorum.

S. Bonav:

in psalte:

novi.

Punctum 2dum. Tertium MARIÆ privilegium est, quod sola ipsa sit simul Mater & Virgo, gaudia Matris habens, cum Virginitatis honore. MARIÆ privilegium est, ait Bernardus, non dabitur alteri. 4tum quod Mater Filij Dei: cuius Pater solus est Deus. Hæc est, ait idem, excellens prærogativa MARIÆ, quod filium suum eundem cum Deo Patri meruit habere communem. Mattheus Evangelista contentus eo solo præconio MARIÆ! de qua natus est Iesus qui vocatur Christus. quia nulla prærogativa & excellentia maior cogitari potest: & ex hac omnes aliæ in MARIAM profluunt.

Serm: 8.

de Annun.

Ave Virgo intacta carens,

Da intacta Dei Parens,

Ut laus tua cum dulcore

Meo semper sit in ore.

S. Bonav.

Punctum 3tium. 5tum MARIÆ privilegium est, quod ipsa super omnem creaturam fuerit Deo familiarissima. Nam cum lactavit, fovit, educavit, amplexibus &

Bernar.

osculis contrectavit, imò & subditum habuit. Scitum quod ipsa super omnem creaturam sit potentissima apud Deum. Quid potentius Maria? quæ detinet si ium ne peccatores percutiat. 7mum. est quod ipsa inter Sanctos in gloria excellentissima sit. Quantum enim præ cæteris gratiæ, tantum & gloriæ nacta est singularis. Gratulare Virgini Beatissimæ quod supergressa sit omnes filias Hierusalem: terrestris, in donis gratiæ; cælestis, in donis gloriæ. Ora vt de plenitudine gratiarum & virtutum suarum tibi impertiat. Moveatur mare & plenitudo eius. Vas liquore plenum si moveatur, de facili effundit liquorem sic & Beata Virgo MARIA si moveatur precibus, effundet de suo liquore.

Psal: 95.

Ave digna omni laude

Casta Dei Mater gaude:

Et admitte vota precum

S. Bonav.

Ut sis semper Virgo mecum.

MEDITATIONES

De iisdem, alijsq; beneficijs divinis.

PRO DOMINICA VII. post Pent.

Arbor bona Deus.

Matth 7. **P**unctum inum. Arbor bona bonos fructus facit. Arbor bona, Deus est, quia nemo-

nemo bonus nisi solus Deus. Arbor altitudinis infinitæ: cuius aspectus in omnem terram: & rami eius (attributa) pulcherrimi: & fructus eius nimius: & esca omnium in ea: subter eam habitant bestię agri: (homines & animalia) & in ramis eius commorantur aves cæli (Angeli) Danie: 4. Fructus arboris huius sunt beneficia quæ mundo præstat: quot vero & quanta sunt? Discurre mente per cælos & elementa: hæc & omnia quæ in eis sunt ac fiunt, arbor ista produxit, producitq; in utilitatem hominis. Benedictus Deus in donis suis: & Sanctus in operibus suis!

Punctum 2dum. Arbor bona fructificat & obumbrat. Deus & cumulat bonis & protegit à malis. Idcirco devota anima: sub umbra inquit illius quem desideraveram. S. di, & fructus eius dulcis gutturi meo. Vide quomodo & quoties te protegit à malis culpæ & pænæ & cuiusvis miseriæ: quoties in die afflictionis factus est Dominus protector tuus, & eduxit te in arcto positum in latitudinem. Vide item quot & quantis te affecit bonis. Hoc ipsū quia nunc meditaris, quia oras, quia suspiras, fructus est huius arboris. Age gratias: ama, benedic: & lauda Dei bonitatem super te & super alijs creaturis.

Confitebor tibi Domine Deus meus in

De BENEFICIIS DIVINIS.

toto corde meo, & glorificabo nomen tuum in æternum: quoniam magnificata est misericordia tua super me.

O bonitas, bonitas semper antiqua & semper nova! S. Aug: Benedic anima mea Dominum & noli oblivisci omnes retributiones eius.

PRO FERIA II.

De beneficio creationis.

Punctum 1^{um}. Manus tuæ fecerunt me & plasmaverunt me. Quæ manus tuæ? Omnipotentia & sapientia. Omnipotentia, quia de nihilo: Sapientia quia tam aptè tam pulchrè tam ordinatè fecisti me Manus Dei juxta S. Bonaventuram super Lucam, gratia Dei est: Hæc me fecit, quia ante omne meritum meum me condidit. Manus in Deo secundum Theologos est virtus operativa, aut ipsa operatio. Illæ manus Dei fecerunt me, quæ operatæ omnia: quæ & Angelos fecerunt. Non enim minori potentiâ fecit me Deus, quàm Angelos. Qui plasmasti me, miserere mei!

*Oratio
Ithaidis.*

Punctum 2^{um}. Non tantum fecerunt me: sed & plasmaverunt manus divinæ. hoc est, composuerunt, formaverunt, figuraverunt, imaginem & similitudinem Dei in hoc plasmate expresserunt. Si manus tuæ fecerunt me & plasmaverunt me:

ergo-

ergone manus meæ opera mea, destruent aut deformabunt me? absit, absit, detestor omne peccatum. O Domine opus manuum tuarum sum, miserere mei: da mihi intellectum, non illum quem iam in creatione dedisti mihi, qui est potentia nobilissima animæ meæ; sed illum qui est donum Sanctissimi Spiritûs, lumen scilicet supernaturale, ad inquirenda, cognoscendaq; mandata tua: vt videam quàm sint honesta, pretiosa, iucunda, salutaria, suavia; vt tandem fiant super mel ori meo.

PROFERIA III.

De beneficio iustificationis.

Punctumimum. Iustificatio est translatio impij a statu peccati ad statum gratiæ & adoptionis filiorum Dei. In iustificatione tria hæc reperiuntur: terminus à quo, scilicet status peccati: terminus ad quem, scilicet status gratiæ: & subiectum quod transfertur, scilicet creatura rationalis. Considera imo neminem posse suis viribus iustificari sed ex mera Dei gratia & potentia iustificationem nostram procedere. Considera 2do. Iustificationem esse maximum bonum seu beneficium, quia nos liberat à maximo malo; hoc est ab odio & inimicitia Dei. Iustificati ergo ex fide pacem habeamus ad Deum per Do-

Tridentinum.

minum nostrum Iesum Christum: per quē & habemus accessum per fidem in gratiam istam. Rom. 5.

Punctum 2dum. Expende quanta bona iustificatio secum ferat. 1mo, reconciliat hominem Deo, & ex inimico facit amicum & filium Dei. 2do. liberat ab æterno supplicio quod per peccatum mortale merueramus. 3tio. reformat & renovat interiorem hominem, qui fuit per peccatum deturpatus & deordinatus; vnde iustificatus appellatur ab Apostolo *nova creatura*. hæc renovatio si fit per baptismum, vocatur regeneratio: si per penitentiam, vocatur resurrectio. 4to. facit Deum habitare in nobis. 5to facit nos viva membra Christi, & per consequens facit nos spiritu divino vivificari. 6to. confert nobis vitam æternam. Si enim cum inimici essemus, reconciliati sumus Deo per mortem Filij eius: multò magis reconciliati salvi erimus in vita ipsius. Rom. 5.

*Nova creatura
quæ?*

*Regenera-
tio & re-
surrectio
spiritua-
lis.*

Punctum 3tium Beneficium hoc maius est quàm creatio; quia vt habet S. August: in Ioannem. *Deus cælum & terram vno verbo solo creavit, vt verò hominem sanctificaret, sanguinē fundere, & tanta tamq; varia tormenta subire voluit.* Vide quo studio tantum bonum sit custodiendum! quantæ gratiæ, quàm crebrò pro tanto beneficio agen-

agenda! Age eas etiam nunc quod Deus toties te ex statu peccati eripuerit. pete ut in gratia te confirmet. Tesserā ut die Dominico.

PROFERIA IV.

*De beneficio vocationis ad statum
Sacerdotalem.*

Punctum 1^{um}. Dilexit nos & lavit nos à peccatis nostris in sanguine suo & fecit nos Deo nostro regnum & sacerdotes. *Apo. 1.* Argumentum 1^{um}. & effectus dilectionis Christi erga nos est, quia lavit nos, & lavit non à maculis corporis, sed à peccatis, quæ animam deturpant; lavit autem non qualicunq; lavacro, nec ipsa solum voluntate, sed in sanguine suo. Argumentum 2^{dum}. eiusdem dilectionis, quia fecit nos Deo nostro, regnum: ut in quibus antea diabolus & peccatum regnabat iam Deus ipse velut in throno suo regnet. Argumentum 3^{ium}. quia fecit nos Sacerdotes, omnes quidem fideles spiritualiter, nos verò qui ordinem sacerdotij suscepimus, sacramentaliter. Age gratias pro tanta dilectione.

Punctum 2^{dum}. Expende dignitatem statûs sacerdotalis. imo. ratione potestatis remittendi peccata. hæc siquidem potestas cum solius Dei sit, communicata est Apostolis, & in persona eorum omnibus.

Kk 5

Sacer.

Dignitas Sacerdotibus 2do ratione potestatis con-
sacerdota- ficiendi corporis & sanguinis Domini.
lis ex tri- 3tio. ratione officij eorum quod est di-
plici rati- spensare mysteria Dei nimirum Sacramen-
one. ta, offerre Sacrificia, & mediare per ora-
 tionem inter Deum ac homines. Expen-
 de item dignitatem Sacerdotalem omni
 regno & honore excellentiorem esse. Ex-
 pende demum qualem Sanctitatem tam su-
 blimis status exigat.

Clerice quære Deum, sacrisq; intende
Massenius. Sacerdos.

Eminet iste status: moribus adde decus.

PRO FERIA V.

*De beneficio institutionis Sanctissi-
 ma Eucharistie.*

Motiva **P**unctum unicum. Considera imo. Eu-
gratitudi- charistiam esse gratiam gratiarum, &
nis pro Sa- Sacramentum Sacramentorum, in quo Chri-
cramento stus habitat nobiscum, & dat se nobis in
Euchari- cibum & remedium: in quo item pro quo-
stia. tidianis delictis nostris quotidie immola-
 tur. Considera 2do motiva quæ in te ex-
 citent amorem devotionem & gratitudi-
 nem pro tanto Sacramento. Nam si tene-
 mur agere gratias pro nutrimento quo es-
 se conservatur, quàm grati tenemur esse
 pro cibo, quo divinius & melius esse nobis
 confertur, si ipse filius Dei egit gratias pro
 paucis.

paucis panibus hordeaceis: quantas gratiarum actiones nos debemus pro hoc pane supernaturali? si famuli serviunt Dominis pro eo quod alantur? quid nos facere convenit, qui pane Angelico & ipso corpore Christi satiamur? In carcere corporis huius duobus me egere fateor, cibo & lumine, cibo corporis tui & lumine scripturarum. Vtrumque mihi providisti.

Thomas à Kemp: lib. 4. c. 11.

PRO FERIA VI.

De beneficio prædestinationis.

Punctum unum. Beatus quem elegisti & assumpsisti: inhabitabit in atrijs tuis. *Electio seu prædestinatio quid?*
 Psal: 64. Electio ad gloriam est præparatio beneficiorum quibus certissime salvantur quicunque; salvantur; seu: est ordinatio alicuius ad gloriam æternam, & ad media in ordine ad eandem. Signa seu coniecturæ prædestinationis sunt: imo afflictio crebra æquo animo propter Deum tolerata. Patientia enim est ianua cæli, per quam ipsum etiam Christum oportuit intrare in gloriam suam. 2do. lubens verbi divini auditio. *Quæ eius signa?* Qui ex Deo est, verba Dei audit. 3tio. inimicorum dilectio: diligite inimicos vestros ut sitis filij (& consequenter hæredes) Patris vestri qui in cælis est. 4to. humilitas. 5to. devotio peculiaris ad passionem Domini, ad Sanctissimam Eucharisti-

Ludo: Gra charistiam, ad Beatissimam Virginem. 6to.
na: in Dñ. perseverantia in vit. bona. Qui enim
ce pec. multis iam annis in timore Dei vixit o-

mni studio peccata mortalia fugiens: piè
 potest credere, quòd confirmabit illum,
 Dominus vt vivat vsq; in finem sinè cri-
 mine. Benedictus es Domine quia nobis
 per Filium tuum dedisti accessum in grati-
 am istam in qua stamus & gloriamur in spe
 gloriæ filiorum Dei. Rom: 5.

*Que cir-
 cumstan-
 tia?*

Punctum 2dum. Expende circumstantias
 prædestinationis. 1ma est quis sit qui te e-
 legit? scilicet Deus infinitè beatus & di-
 ves. 2da quis sit qui electus est? est enim
 creatura misera, omnibusq; miserijs cul-
 pæ, pænæ mortis, peccati, inferni obno-
 xia; 3tia quam excellens sit ipsa electio ad
 tam sublimè finem, quo maior est nequit?
 4ta. quòd electio hæc sit gratuita & ante
 omne tuum meritum ex solo beneplacito
 seu proposito voluntatis divinæ. 5ta. est
 antiquitas electionis. Non enim incepit
 cum mundi constitutione sed ante: estq;
 ipsi Deo coæva 6ta. raritas beneficij hu-
 ius: multi namq; vocati pauci electi. 7ma.
 magnitudo impensarum quibus tibi hoc
 beneficium Christus promeruit, quæ sunt:
 vita, passio, morsq; illius. Admirare di-
 vinam bonitatem: Gratias age: ora, vt sis
 de ijs quorum nomina scripta sunt in li-
 bro vitæ. Tessera ex die Dominico.

PRO DIE SABBATI.

De eodem beneficio.

Punctum i^um. Beneficium prædesti-
nationis est beneficium beneficiorum
non tantum, quia est cæteris maius, sed
etiam quia est causa & fundamentum cæ-
terorum: quia enim prædestinatus es, id
circo creatus es, baptisatus es, iustificatus
es, &c. Quos præstavit, eosdem prædestina-
vit conformes fieri imaginis filij sui: quos au-
tem prædestinavit hos & vocavit: & quos
vocavit hos & iustificavit: quos autem iusti-
ficavit, illos & glorificavit. Cogita quàm
immensum sit hoc beneficium amari, & ab
æterno electum esse à Deo: quiescere in sua-
vissimo illius pectore vsq; ab annis æterni-
tatis: habitum esse pro filio Dei adopti-
vo tunc, cum filius eius naturalis genitus
est in splendoribus Sanctorum, qui præ-
sentes aderant in divino illius intellectu.

Punctum 2^um. Expende felicitatem cu-
iusvis prædestinati: beata terra quam cal-
cat, beatus panis quo vescitur, beata o-
mnia, quæ attrectat. Expende item quo-
modo revereri, amare, honorare vnum-
quemq; proximum debemus: quia tene-
mur piè credere vnum quemq; esse præ-
destinatum. Expende insuper debere nos
pro hoc beneficio iuges gratiarum actio-
nes

Affectus. nes fundere, & in spiritu exultare iuxta verba Salvatoris: *Gaudete quoniam nomina vestra scripta sunt in libro vite.* Benedictus Deus & Pater Domini nostri Iesu Christi, qui elegit nos in ipso ante constitutionem mundi, ut essemus Sancti & immaculati in conspectu eius? qui prædestinavit nos in adoptionem filiorum per Iesum Christum.

S. August. in Soliqu.

Verum quidem est Domine, quod quæ & qualia scripta sint de me in libro tuo, in secreto consistorii tui, ego ignoro, unde & valde timeo; consideratio tamen multitudinis miserationum tuarum, quæ apud te sunt, sublevant mentem meam, & præcedentia signa misericordie tuæ quæ me antequam nascerer prævenerunt, & nunc specialiter in me effulserunt: de futuris benignitatis tuæ melioribus & perfectioribus muneribus, quæ amicis tuis reservas, spem meam admonent, ut in te lætetur Deus meus lætitia sancta & viva, quæ semper lætificas iuventutem meam. O quando veniam Domine & apparebo ante faciem tuam!

Punctum 3tium. Arbor bona Virgo Maria: per quam fructum eius Iesum Christum in cælo possidebimus. Et radicavi in populo honorificato: & in parte Dei mei hæreditas illius. Eccl. 24. Populus in quo radicem figit devotio erga MARIAM hæreditabit partem Dei. *S. Mechtildis vidit*

vidit aliquando B. V. Mariam in similitudine arboris pulcherrimæ, super omnem terram extensæ, perlucidæ instar speculi: folia habebat aurea suavissimum sonum reddentia: & in eius summitate flos deliciosissimus erat qui totum orbem contegebat ac odore mirifico recreatur. Requiesce sub hac arbore per devotionem, & floris eius odore & decore frueris in æternum.

MEDITATIONES

Pro Via Purgativa.

USq; adeo excelsa & sublimis est mentalis orationis exercitatio, ut principalis eius doctor ductorq; alius non sit quam divinus ipse Spiritus, cuius inspiratione SS. Patres & didicerunt eam & eiusdem utiliter exercendæ multa magni momenti præcepta nobis relinquunt. Quibus ut accomodatam & suo digestam ordine materiam iuvenes viriq; Religiosi, imò quiq; Christianæ perfectionis studiosi habeant, ea subsequētib; meditationibus suggeretur. Materia Meditationum viæ Purgativæ est finis ad quem conditi sumus, -
item

item peccata, vitia, passionēs, tentationēs, impedimenta perfectionis, quatuor novissima, aliāq; ad compunctionem animi excitantia; de singulis conformiter ad cursum Evangeliorum dabuntur meditationes non incipientibus duntaxat, sed & proficientibus, imò perfectis etiam proficiuæ.

MEDITATIONES

De fine hominis.

PRO DOMINICA VIII. post Pen:

Homo villicus DEI.

Lucæ 16.

Punctum 1^{um}. Diffamatus est villicus quasi dissipasset bona Domini sui. Dominus noster, Deus est: nos villici eius. Villicus nihil habet nisi quæ Domini sunt: & nos nihil habemus, nisi quæ Dei sunt; bona animi, bona corporis, bona fortunæ, bona gratiæ credidit nobis. Villicus tenetur custodire bona Domini sui, & dare rationem villicationis suæ: & nos non abuti, sed uti licitè & honestè debemus donis divinis; dabimusq; rationem quæ & qualiter bona Dei administraverimus? Quando hæc ratio exigetur, quid dicam, aut quid respondebo?

Punctum 2^{dum}. Redde rationem villicationis tuæ. Villici non expectant donec Domi-

Dominus faciat cum eis rationem: sed ipsi secum quotidie faciunt calculum, an bona domini in integro sint. Et tu quotidie conscientiam tuam examina. Vide an gratiam Dei conserves, an bona Dei bene dispenses. Recogita frequenter, ad quæ finem factus sis villicus Dei & tot bona divina acceperis.

Propositum recogitandi crebrò finē creationis tuæ. Tesseræ per septimanam sæpè repetendæ.

Notum fac mihi Domine finem meum, ut sciam quid desit mihi.

Fecisti nos Domine ad te, & inquietum est cor nostrum, donec requiescat in te.

Ibi sit cor meum, ubi tu es thesaurus meus desiderabilis & incomprehensibilis, multumq; amabilis. S. August. in medit.

PROFERIA II.

De opere creationis hominis.

Punctum unum. Considera priusquam mundus creatus esset, ubi & quid tunc fuerit hæc mundi machina, quod nimirum merum nihil fuerit. Considera deinde, quod Deus sufficiens sibi ipsi, & infinitè ex se ipso beatus, neq; egens ullâ creaturâ, ex mera bonitate sua produxerit cælum & terram: atq; omnia quæ in eis sunt. Considera item quod Deus hoc universum pro-

Ante creationem mundi præter Deum nihil fuit.

*Non ex indigentia & dominio, omnia quæ in mundo sunt sub-
vlla sed ex ieccerit. O mira Dei bonitas & liberali-
mera boni- tas! o stultitia & ingratitudo nostra, dum
rate crea- bona à Deo accepta in offensam eius con-
vit mun- vertimus!*

*dum Deus Punctum zdum. Recogita quòd Deus
in habita- ex uno homine totum genus humanū pro-
culum ho- pagaverit, & mundum vniversum homi-
minis. nibus tam varijs in genere, in phisi in mo-
ribus, in proportionibus, in virtutibus in*

*Ex vno ho- loquela, in incessu & huiusmodi repleverit.
mine tot O admirabilis Dei potentia! Recogita
homines, deinde, quòd Deus ter optimus maximus
& rā di- suprema maiestas, infinita magnificentia
versos pro &c. ex nihilo abyssi ex vilissima mate-
pagavit. ria, ex limo ac sordibus, & corporeum*

*Etiam te simul & rationalem te fecit; vt corpore
ipsum. simul & intellectu constans actus atq; offi-
cia vtriusq; partis posses exercere. Age
gratias divinæ bonitati: agnosce vilitatem
In homine & dignitatem conditionis tuæ: vilitatem
& vilitas, ex parte corporis, dignitatem ex parte ani-
& digni- mæ. Propter vilitatem corporis, cave ne
tas. te extollas! propter dignitatem animæ: ca-
ve ne te ad turpia deicias.*

PROFERIA III.

De fine ad quem homo creatus.

Punctum unum. Expende imo. finem
hic

hic dici illum, cuius gratiâ aliquid fit; *S. August.*
 & quo perficiuntur homines ut plene sint, non
 quo consumuntur ut non sint. Expende 2do.

omnino debere esse aliquem finem ultimum vitæ humanæ: non enim potest dari
 processus in infinitum in finibus. Expende
 3tio. finem ultimum seu beatitudinem hominis non consistere in divitijs, non in honoribus, non in fama, non in potestate, non voluptate, non aliquo corporis aut animæ bono, non demum in aliquo bono creato. Ista enim omnia deserviunt tantum ad finem ultimum consequendum, imò quandoq; nos à fine ultimo abducunt. Cur ergo per multa vagaris homuncio querendo bona animæ & corporis tui. Ama unum bonum in quo sunt omnia bona & sufficit. Aug: in Manu: c. 24.

Finis noster ultimus in quo no consistat?

Punctum 2dum. Expende quòd solus Deus sit ultimus finis noster. Ultimus namq; finis noster ille est, qui totaliter & perfecte quietat appetitum nostrum. Nullum autem bonum creatum, sed solus Deus potest implere & quietare voluntatem nostram: quia solus Deus est omne & universale bonum. Vnde Psalmista de Deo: *Qui replet in bonis desiderium tuum.* Cor humanum in his caducis & transitorijs in quibus eius affectus captivi tenentur, veram requiem invenire non valet, quoniam

In quo consistit?

tantæ est dignitatis vt nullum bonum præter summum bonū ei sufficere possit. Aug: in manu. c. 25. Perpende item quòd omnia quæcunq; volumus & agimus, propter hūc vltimum finem velle & agere debeamus. Examina te, an omnia quæ faciebas, cogitabas, loquebaris, ad Deum eiusq; gloriam referebas? Dole quod multa propter fines alios feceris, dixeris, cogitaveris.

PROFERIA IV.

De fine ad quem cætera creatura condita sunt.

Punctum ium. Considera Deum creatorem cætera omnia, vt tibi ad finem tuum vltimum adipiscendum adiumento sint, omnia inquam, & quæ in cælo, & quæ in terra sunt, & spiritualia & corporalia. cuncta enim quæ in cælo & terra sunt necessitatibus vitæ nostræ succurrunt, simulq; nos provocant ad cognitionem & amorem Dei. Verè cæli & terra clamant vt amem te Domine! Considera item specialiter, quòd divina bonitas dedit nobis manus, quæ organa organorum vocantur, & rationem quæ est infinitarum conceptionum: vt rationis magisterio & manuum labore omnia necessaria nobis parare queamus. Quare id? vt confiteamur nomini sancto tuo, & gloriemur in laude tua

Pun-

Punctum 2dum. Ex creaturarum propter te conditarum conspectu: Disce 1mo. quàm munificum se & liberalem Deus in te monstraverit, dum in tuum vsum tantam admirabilium creaturarum varietatem creavit: quæ tibi servit, non solum ad vitæ conservationem, sed & ad voluptatem visus, auditus aliorumq; sensuum. Disce 2do. quàm exactè una quæq; creatura ex Dei præscripto, fini suo, in quem est condita insistet, tibiq; ancilletur; cum contra tu finis tui oblitus, eisdem creaturis ad offensionem Dei abutaris. Quàm meritò earum vsum tibi auferretur!

Punctum 3tium. Disce 3tio. non aliter creaturis uti, nisi in quantum tibi auxilio esse possunt ad finem tuum consequendū; & ideo si tibi magis conducit aspera quàm iucunda, illa elige: ut ægritudinem, paupertatem, contemptum, postpositiones tui jejunia. Disce 4to. vetitis creaturis, locis & temporibus nunquam uti; cum fini tuo ultimo directè adversentur. Disce 5to. indifferens esse ad illa omnia quæ libertati tuæ subiacet; paratusq; semper esse ad ea potius amplectenda quæ divinæ voluntati placent, quàm quæ sensualitati & voluntati tuæ arrident. Tessera ut supra,

Ex creaturis discenda.

1mo. quàm munificus Deus erga nos.

2do. quomodo creature irrationales ea faciunt ad quæ creatæ sũt

3tio. ut creaturis legitime utaris, eligasq; conducentiores salutis tuæ.

4to. ut vetitis abstineas.

5to. ut sis indifferens in adiaphoris.

DE FINE HOMINIS
PRO FERIA V.

De fine creationis nostræ duplici.

P*unctū 1mū.* Finis propter quē cōditi sumus, duplex: alius ultimus alius non ultimus. Ultimus, Deus est: hic enim est ultima beatitudo rationalis creaturæ: quia hic solus potest satiare potentias rationales, intellectum & voluntatem, quæ desiderant obiecta universalia. Considera hīc imo, quōd nulla voluptas, dignitas, felicitas creata, imō nequidem collectio omnium mundanorum bonorum satiare potest voluntatem hominis: quia nulla eiusmodi collectio est omne bonum, sed adhuc plura & plura in infinitum bona extra eam dari possunt. Considera 2do, exempla eorum qui in hoc mundo in affluentia bonorum & honorū videbantur felicissimi, & erant miserrimi: ut Alexander Magnus, ut Aman, ut Salomon, qui cuncta quæ sub sole sunt vanitatem & afflictionem spiritus vocavit.

Punctum 2dum. Finis noster non ultimus seu intermedius est servire Deo. Servitus autem Dei consistit in executione mandatorum eius. Percurre mandata Dei, & vide, an cuncta adamussim servaveris. Postea considera 4. ad observantiam mandatorum Dei nos moventia quæ juxta S. Bona.

Bonaven: de præceptis divinis, sunt: authoritas mandantis, utilitas observantiæ mandatorum, periculum transgressionis, irreprehensibilitas mandatorum. Discute singula: Deus mandat. Observantiæ præmium (Sap. 3.) longitudo dierum & anni vitæ (æternæ) & pax. Transgressorum vindex Deus: Ignis & sulphur & spiritus procellarum pars calicis eorum. Mandatorum honestas innumerabilis quia sancta, vera, justificata in semetipsa &c. Affectus competentes cum Tessera elice.

PRO FERIA IV.

De varijs medijs ad finem nostrum.

Punctum unum. Creavit me Deus ad hoc, ut mihi bonitatem suam æternaliter communicet: in quem finem ordinavit, & ordinat omnia illa, quæ mihi in rebus naturæ & gratiæ concessit & concedit bona. Quòd vivo quòd baptisatus, quòd eruditus fidei & morum dogmatibus, quòd artibus instructus, quòd in tali statu, in tali officio positus, quòd istâ vel illâ tribulatione visitatus sum, non alius finis est, quàm ut Deo meo in æternum fruam, eiusq; gloriam participem. omnia hæc media sunt, viæ sunt per quas benignissimus Dominus ducit me ad æternam beatitudinem.

Punctum 2dum. O si me super omnia recolligerem, quæ vel facio vel quibus vtor, vel quibus fungor, vel quæ intueor quòd ista sint æternæ felicitatis arrhæ, & quòd omnia hæc data & ordinata mihi sunt à Deo, vt cum ipso in æternum regnem: quos actus amoris, gratitudinis, iubili spiritualis exercerem! Etiam hæc meditatio mea, etiam hoc suspirium meum ad hoc mihi datum, vt me ad te ducat Deus meus finis meus, beatitudo mea. centrum meum, Sit ergo nomen tuum in sæcula benedictum. Actus ciaculatorius ex die Dominico crebro fiat.

PRO DIE SABBATI.

De fine ingressus in Religionem.

Finis religiosorum.

Punctum 1mum. Finis omnium hominum est exequi mandata Dei. At finis religiosorum est exequi etiam consilia & inspirationes Dei, habereq; voluntatem conformem cum voluntate divina. Ratio est: quia Religiosi debent esse perfectiores servi Dei, quàm cæteri homines. debent ergo non solum mandata Dei, sed & consilia, & nutus seu inspirationes facere. Nam perfectior servus ille est, qui omnes nutus Domini sui observat, quàm ille qui expressum mandatum expectat.

Quis servus perfectior?

Punctum 2dum. Considera quæ sint consilio

filia Evangelica: quæ excellentia & necessitas observationis ipsorum, tum ratione voti, tum ratione conducentiæ ad observantiam mandatorum. Considera 2do. Quis sit nutus seu inspiratio Dei? Ad discernendas inspirationes Dei à diabolicis hanc regulam habe: Quoties concurrunt opera voluntaria & obligatoria hæc debet eligi, illa relinquere. Inter obligatoria autem primum locum habent præcepta Dei. secundum præcepta superiorum. tertium ea quæ pertinent ad statum & Officium tuum. Inter voluntaria debent eligi privata & in quibus proprium commodum non spectatur: interdum tamen publica si nihil obstat, possunt esse magis meritoria quam privata.

Punctum 3tium. Expende imo. conformitatem voluntatis humanæ cum divina esse ultimum & præcipuum religiosæ perfectionis gradum. Expende 2do. ad eum per hos gradus perveniri: nimirum per calcata vitia & peccata, per mortificationes passiones & potentias, per virtutes acquisite. Redi in te ipsum & examina te qualiter servaveris consilia Evangelica, an ad nutus divinos promptus fueris, & voluntatē tuā habueris conformē cū divina.

Regula discernendi
inspirati-
ones Dei
à sugges-
tionibus
diabolicis
ex Duce
peccatorum
Lucavici
Granatensis.

Ad confirmationem
voluntatis
nostræ cū
divina
quibus pervenitur.

MEDITATIONES.

De miserijs vitæ humanæ.

PRO DOMINICA IX. post Pent.

Præludium 1mum. Statue ante oculos tuos hominem mendicum, ulcerosum, varijs infirmitatibus subditum.

Præludium 2dum. Pete gratiam ut ex consideratione miseriorum vitæ præsentis, contemptū tui, & constantem amorem Dei concipias.

Lucæ 19.

Punctum 1mum. Flevit Dominus sup̄ Hierusalem: feres & tu super te, si cognosceres te ipsum & miserias tuas. Quid enim est homo? Homo si sp̄ & es corpus, est sacculus stercorum, vas sterquilini, cor cha putredinis, vermium esca, morborum seminarium; si spectes animam, defectibilis & labilis in quodvis peccatum, ignorantis multis, obnoxius, instabilis & inconstans, ac passionum vicissitudine velut mare continuo fervens: si spectes quatuor eius humores, sanguineum, cholicum, melancholicum, & phlegmaticū hi sunt velut quatuor funeris nostri portitores, & quotidianos nos ad mortem trahunt: si spectes necessitates, hæ planè infinitæ sunt: necessitas edendi, bibendi, dormiendi, necessitas vestitium, medicinarum, vehiculorum &c. *Initiū necessariæ rei vitæ hominū, aqua, ignis*
 & fer-

& ferrū, sal, lac, & panis similaginu, & mel,
& botrusvæ, & oleū & vestimentū. Eccl: 39.
deniq; homo vanitati similis factus. Humi-
liatio & contemptus sui.

Punctum 2dum. Uæ mihi Domine, parce,
mihi Domine. ego cadaver putridum, esca ver-
minum, vas fetidum, cibus ignium ait S. Aug:
in soli: c. 2. Cadaver putridum sum: quid
enim in me nisi putredo omnis. cadaver
sum, qui vitam meam Deum meum toti-
es amisi: cadaver sum, qui tot morbis sca-
teo: non est autem vivere sed valere vita.
vermibus nunc corrodor, quid post mortē?
Eheu quā fateo, canis ego fatidus, mor-
tuus, putridus, quā fateo in corpore &
in anima. Quid tandem de me fiet? ci-
bus nunc sum ignium concupiscentiæ, fu-
turus cibus ignium infernalium nisi finali-
ter pænitentiam egero. *Isaiæ. 64.*
O JESU qui non
vidisti vllam corruptionem! o plasmator
mi restaura me: respice opus manuum tua-
rum. Et nunc Domine Pater es tu, nos ve-
ro lutum: & fictor noster tu, & opera manu-
um tuarum nos omnes. Ne irascaris Domine
satis, & ne vltra memineris iniquitatis nostræ.

Propositum quavis die carnem aliqua
ratione mortificandi somno, gulæ, sensibus
placita subtrahendo. Tessera per hebdo-
madam vsurpanda aliqua ex sequentibus.

Putredini dixi: Pater meus es, mater mea &
soror mea vermibus.

Do-

De MISERIIS HVMANIS

Domine quid est homo quia magnificas eum
aut quid apponis erga eum cor tuum.

Domine mi noverim me noverim te, nec aliquid cupiā nisi te: quis enim sum ego quis tu?

PROFERIA II.

De miseria natiuitatis & breuitatis vite humana.

3. Thomas

1. 2. 9. 83.

ar. 1.

Punctū imū. Meditare 1mo. concipi hominem in peccato originali quod per virtutem activam seminis cum natura humana traducitur in prolem. Quivis proinde homo in conceptu suo est mancipium diaboli & hæres æternæ damnationis. Meditare 2do. Hominem nasci cum summo dolore matris. nasci autem nudum, inermem, invalidum, foetentem. Meditare 3tio. Cuiusvis hominis eundem esse modum conceptionis & natiuitatis. Quanta libet ergo dignitate refulgeas, non te debes alijs anteferre: quia similiter vt alij conceptus natusq; es. Vnus est introitus omnibus ad vitam: & similis exitus. Sapient: 7.

Infantes sumus & senes videmur.

Punctum 2dum. De breuitate vitæ humanæ. Considera 1mo. rarò ad annum 70. aut 80. vitam humanam pervenire: ex qua si adhuc tempus infantie & pueritie & somni detraxeris, multò brevior erit. Considera 2do. quàm breve sit hoc spatium si cum æternitate conferatur. Considera 3tio. æternam sapientiam voluisse vitam nostram.

nostram temporalem esse brevem, ut hanc contemptam ad æternam aspiremus. His consideratis excita te ad contemptum tui ipsius & vitæ præsentis. Detestare superbiam memor illius distichi:

Unde superbit homo cuius conceptio culpa.

Nasce pena, labor vita, necesse mori.

Propositum & tessera ut in diei Domini meditatione.

PRO FERIA III.

De miseriâ incertitudinis & fragilitatis vitæ humanae.

Punctum ignum. De incertitudine vitæ humanæ. Considera imo. breviter vitæ nostræ, forte tolerabiliorem futuram fuisse, si certi essemus nos v.g. 50. vel 60. annis victuros: at negata est nobis certitudo ista: nescimus diem & horam exitus nostri. Incertum est quo tempore, an in pueritia, vel adolescentia, vel senectute: an hyeme vel æstate: an domi vel peregrè: an mane vel vespere sumus morituri. Item incertum, quomodo? an subito, an morbo an submersione, an globo, an gladio vitam finiemus? Considera 2do. Deum voluisse nobis incertum esse exitum vitæ, ne prætentiam differamus, ne graviora crimina præteritis adiiciamus, & ne in bonis operibus tepescamus, sed semper vigilantes, sem-

Tempus & modus obitus nostri incertus.

Cur incertus terminus vitæ nostræ?

semper ferventes in timore & tremore salutem nostram operemur.

Punctum 2dum. De fragilitate vitæ humanæ. Fragilitatis & brevitatis vitæ humanæ symbola: Somnus, bulla, vitrū, glacies, flos, fabula fœnum. Umbra, cinis, punctū, vox, sonus, aura, nihil. Cōsidera 1mo. vitā humanam non tantū brevem & incertam esse sed etiam fragilem: & quidem ratione cor-

Verè non poris fragilis est: nam pestilens odor, asperior àër, sol ferventior sæpè vitam non solum pueris sed etiam viris eripiunt. Item unde gloriatur animæ, quæ etiam levibus tentativietur in onibus sæpè succumbit: propter quod peccata in mundo tot tantaq; sunt; & stultorum id est peccatorum infinitus numerus.

Esti ex nobis fragiles tamen in Christo sumus for- Fragilitas autem hæc & facilitas ad peccandum procedit ex peccato primi parentis, per quod natura nostra corrupta, est ad malum facta proclivis. Considera 2do quod quanquā ex nobis fragiles sumus, per Christi gratiam seu auxilium omnia possumus & declinare mala, & facere bona.

Contemne te ipsum: in solo Deo spem tuam colloca. Propone infirmitates tuas recognoscere & in illis solis gloriari. Ora ut inhabitet in te virtus Christi.

PRO FERIA IV.

De miseria inconstantia & fallacia vitæ humanæ.

Punctum unum. De inconstantia vite humana & rerum mudanarum. Considera 1mo. vitam humanam illam quoq; habere miseriam, quod mutabilis sit, & nunquam diu in eodem statu permaneat. Homo enim nunc sanus est, mox æger: nunc lætus, mox tristis: nunc timidus, mox audax: nunc vult, nunc non vult: nunc ridet, nunc flet: vno verbo tot sunt mutationes quot occurrunt circumstantiæ hominem alterare valentes. Considera 2do. quanta mutatio eveniat etiam in rebus maximis, ut in regnis, in imperijs: quomodo de gente in gentem transferantur. Monarchia huius mundi migravit à Chaldæis seu Babylonijs ad Persas: ab his ad Macedonas: ab his ad Romanos. Sic Deus transfert regna atq; constituit Daniel. 2. ubi quatuor principalia imperia somnium sunt, & pulveri raptò assimilantur. Quod si imperia sic mutantur quid de minoribus dominijs & familijs? quid item de privatis hominum personis dicendum. O si possemus in talem ascendere speculam, de qua univèrsam terram cerneremus: iam tibi ostenderem totius orbis ruinas, gentes gentibus, & regnis regna collisa: alios torqueri, alios necari, alios absorberi fluctibus, alios ad servitutem trahi: hic nuptias. ibi planctum: illos nasci, istos mori: alios affluere delitijs, alios mendicare: & non

Xer.

Zachar: 6

Ezech. 1.

Osæ 6.

Apoc: 6 re

gna cõpa-

rantur ro

tis, curri-

bus, nubi-

bus, equis

currenti-

bus, voci

alarum,

percutien-

tium alte-

rà ad alte-

ram &c.

Hier: In E-

pit Nepo-

tiani

Xerxis tantum exercitum, sed totius mundi homines qui nunc vivunt in brevi spatio defuturos. O verè nihil durabile in hoc mundo! Sola charitas nunquam excidit, hæc semper vivit in pectore, & utinam vivat.

Punctum 2dum. De fallacia bonorum mundanorum. Considera imo. hanc miseriam longe peiorem esse superioribus. Nam quæ admodum iuxta vulgare dictum: Sanctitas ficta, est duplex iniquitas: sic ficta apparensq; felicitas duplex est miseria. Vnde enim verò tam longa Dei nobis obrepit oblivio, unde amor honorum, divitiarum, voluptatum, unde nulla mortis reminiscencia, nisi quia falsò putamus vitam nostram fore diuturnam; fallaciterq; credimus divitias, voluptates, honores, esse vera & stabilia bona. Considera 2do. falsam esse felicitatem in rebus creatis ex eo ipso, quia postquam eas nacti sumus, confestim nos afflictionibus periculis, curis, invidijs, laboribus & mærore gravant. Sic officia ac dignitates videntur res esse speciosæ, cum sint curis & laboribus plenissimæ. Protestare quod ad cuncta bona mundi si tibi affluent nolis cor apponere: sed ad solum Deum, qui est bonum, verum, supremum, incommutabile.

PROFERIA V.

De multitudine miseriarū huius vitæ. Misericordia o-

Punctum 1mum. Considera 1mo. Etiam in omnibus cō-

munes.

ampli vita nostra sit brevis cum omni-

bus suis solatijs: revera tamen longa est

propter frequentes & multas miseras:

propter timores, dolores, mæores, ægri-

tudines, labores. Quantas molestias susti-

net homo, ut panem lucretur. Aviculæ &

bestiæ sine sudore necessaria sibi parant: Laborum.

solus homo noctes diesq; sudare debet.

Considera 2do. calamitatem hominum ex

casibus varijs morborum, bellorum, pesti-

lentialium, inundationum, furtorum, in-

fortuniorum, propter quæ homo vitam

incipit à fletu Propheta calamitatis suæ ut

eum vocat S. Aug: de civitate Dei. Bernar:

de cōsideratione lib: 2. Homo, inquit, natus

de muliere, & ob hoc cum reatu. brevi vivens

tempore, ideoq; cum metu. repletur multis mi-

serijs, & propterea cum fletu. & verè multis

quia corporis & animæ simul. Flere incipit

infans in vigilia, ridere in somno, ad indi-

cādū, miseras mūdi, veras esse miseras: sed

gaudia falsa & quasi in somno cōtingentia.

Punctum 2dum. Præter hæc omnia sin-

gularum ætatum percurrere miseras. Con-

sidera 1mo. quid aliud est infans nisi be-

stiola rationis expers in specie humana: Ætatum

quid juvenis nisi equus indomitus? quid

singularū.

Statuum.

senectus nisi morborum officina. Considera 2do. singulorum statuum ærumnas & quòd nullus suâ sorte sit contentus, sed ad altiora cum animi inquietudine aspiret. Homines mundani sunt sicut infirmus qui ex vno latere voluit & revolvit se in aliud, sperans maiorem quietem quam non invenit. Considera 3tio. Deum tot amaritudinibus miscuisse vitam nostram, ut ab eius amore nos advocaret, & ad vitam æternam omnium miseriarum expertem alliceret.

*Cur amara dulci-
by mixta
in hoc mû-
do.*

Aspiratio ad vitam cælestem. Propositum cum tessera ut supra.

PRO FERIA VI.

*Quòd semper miser & miserabilis
homo.*

Punctum 1mum. Attende quid fuisti *Quid eras?* ante ortum, quid nunc es, quid post *quid es?* mortem eris? profecto erat tempus quan- *quid eris?* do non eras: postea de vili materia factus es & menstruali sanguine in utero materno nutritus: deinde miserijs huius vitæ & peccatis expositus es: postmodum vermis & cibus vermium futurus es in tumulo. Quid igitur miselle superbis homo? Post

D. Berna: hominem vermis, post vermem fætor, & hor- *in medir.* rer. Sic in non hominē vertitur omnis homo.

Punctum 2dum. Humiliatio ergo tua in *Quilibet medio tui.* Vides certè ex his quæ dicta homo est sunt vberem materiam & causam humili- *sibi humi-* ationis ac contemptus tui ipsius in te ma-

mere. Speculum hominis est alter homo. *liationis*
 Siquis alius est leprosus, morbidus, vnde- *causa-*
 quaquè contemptibilis; talis etiam tu es, *Alter ho-*
 & omnibus miserijs ac defectibus sive *mo est itē*
 physicis, sive moralibus, quos in alio hor- *causa hu-*
 res tu ipse obnoxius es. Dilce ergo ob- *miliatio-*
 temperare o pulvis! disce te humiliare terra & *nis nostra*
 humus, & sub pedibus omnium incurvare. Con *Thomas à*
 temptus tui: amor & reverentia ad alios: *Kempis.*
 odium peccati & illecebrarum corporis.

Propositum & tessera vt supra.

PRO DIE SABBATI.

Quo in respectu homo apud Deum.

Punctum unum. Quid est homo quia ma- *Deus Ma-*
 gnificas eum aut quid apponis erga eum *gnificat*
 cor tuum? Considera quòd licet homo tan- *hominem.*
 tæ sit vilitatis, Deus verò infinitæ maie-
 statis ac excellentiæ; tamen eum Deus ma-
 gnificat: cuius verbi energiâ indicatur,
 hominem apud Deum in insigni quadam
 estimatione haberi. An non magnificat seu
 magnificat nos Deus, dum nos tam miseros
 ex natura, gratiâ sua donat: dum vsui no-
 stro & dominio mundum subijcit: dum pre-
 tii sanguinis vnigeniti sui nobis applicat:
 dñi sedes nobis in cælis parat. Non se desperet
 humana fragilitas: vnigeniti sãgvinẽ cõsideret,
 & in pretio suo cõspiciat, quàm magna est quæ
 tanti valet. Gregor: Moral: lib: 27. c. 8.

Punctum 2dum. Considera quod non

Apponit tantum magnificet hominem Deus, at etiam
erga eum am cor suum apponat ad eum, quæ verba
cor suum. ostendunt intensum quædam & tenerissimum
 amorem Dei ad hominem. vt mater teneris-
 sum affectum suum monstrat erga filium
 cum ipsum pectori apprimat: sic & Deus
 teneritudinem suæ dilectionis monstrat
 tali loquendi modo. An non apponit cor
 suum ad hominem Deus, quando eum con-
 tinuò portat in brachijs providentiæ suæ
 specialis: quando eum amicissimè invitat
 ad mensam Angelicam corpore & sanguine
 suo reficiendū, modo suavissimo: quan-
 do usque ad consummationem sæculi eum
 eo mansurum se promittit: quando tam
 dulcibus verbis de nobis loquitur. Hierem-
 iæ 3. *Si filius mihi honorabilis Effraim,*
puer delicatus: quia ex quo locutus sum de eo
adhuc recordabor eius: idcirco conturbata
sunt viscera mea super eum: miserans mise-
rebor eius.

Causa a- Punctum 3^{ium}. Considera quare Deus
moris Dei hominem tantopere amat & æstimat? ho-
erga ho- norat scilicet imaginem & similitudinem su-
nem. am in nobis. ait S. August. Si Deus nos ho-
In Solilo. norat, cur nos non honoremus proximum?
 cur nobis ipsis per peccatum & mores
 honestos probum ac ignominiam facia-
 mus? Amor Dei: amor & proximi: fuga
 peccati & occasionis peccandi. Propositum
 & Tessera vt supra. MEDI-

MEDITATIONES

De gravitate peccati.

PRO DOMINICA X. post Pent.

De gravitate peccati ex natura eiusdem.

Praeludium 1mum. Constitue te veluti reum innumerabilium peccatorum catenis vinctum, timentem ac tremementem coram Christo in throno instar Iudicis sedente, & contra peccata pertonante.

Praeludium 2dum. Pete gratiam agnoscendi detestandi & cavendi peccata.

Punctum 1mum. Publicanus nolebat in Cælum oculos levare, sed continuo dicebat. *Deus propitius esto mihi peccatori.* Luce 18. Unde tanta compunctio Publicani? ex eo quia recogitabat peccati malitiam, recogitabat quoq; se peccatorem esse, & sic indignum se cæli aspectu iudicabat. Ut & cum Publicano compungaris, atq; de cætero peccata caveas: Expende imo. quid peccatum! est enim dictum vel factum vel concupitum contra legem Dei. Expende 2do. quantum malum sit peccatum: est impudens à Deo fuga, & ad creaturam summa divinitatis despicientiâ adnegio. Est iactura divinæ gratiæ & amici-

*Descripti-
ones pec-
cati mor-
alis.*

*Ex deser-
to Asceti-
co P. Mei-
sseder.*

*In omni
peccato
superbia
ingratitu-
do, stulti-
tia.*

tia. Est morbus cui nihil medebitur, nisi sanguis Christi. Confusio naturæ, quæ hominem cælo natum iumentis insipientibus comparat. Mors quæ solus Deus te exortare potest. Proditio quæ mentis nobilitas perfidè traditur diabolo. Sacrilega profanatio templi Dei. Furtum quod te ipsum Deo cui totus devinctus es, impiè subtrahis, & diabolo mancipas. Adulterium quo anima in baptismo iurata Deo fidem violat, & sese periura promittit vanissimis creaturis. Est noxa talis quam nec Angeli nec hominis intelligentia comprehendit. Est demum crucifixio filij Dei & eiusdem irrissio. His exemplis elice actum contritionis, & protestare Eleasaro coram Angelis omnibusque creaturis, quod malis præmitti in infernum quàm prævaricari legem Dei.

Punctum 2dum. Expende in omni peccato includi superbiam, ingratitudinem, stultitiam. Superbia includitur, quia peccator erigit se contra Deum: contemnit præcepta divina: dorsum quodammodo obvertit Deo iuxta illud Hier: 2. *Verterunt ad me dorso sua & non facies suas:* sicut Synagoga rebellis Deo proterve contemnebat: *non serviam:* ita & anima peccatrix hoc idem opere ipso dicit. Includitur ingratitudo. Peccator enim pro beneficiis crea-

creationis, conservationis, redemptionis, sanctificationis, & alijs incessabilibus beneficijs gravissimam iniuriam Deo reponit, dum ipsum vltro deserit, & præcepta eius sanctissima violat. Unde S. Paulinus ait: *Quid tam superbum imò quid tam ingratum videri potest, quam adversus eius vivere voluntatem, a quo ipsum vivere accepit: quam illius præcepta despicere, qui ideo aliquid imperat, ut causas habeat remunerandi. Neg, enim obsequij nostri indiget Deus, sed nos indigemus eius imperio. Includitur stultitia: Mandata enim Dei sunt desiderabilia super aurum & lapidem pretiosum, & dulciora super mel & favum, hoc est super omnes divitias & voluptates mundi appetibilia: quanta ergo dementia, illa cum præmijs æternis contemnere? Benignissime Domine omnia conclusisti sub peccato ut omnium miserearis: miserere ergo mei. Averte faciem tuam à peccatis meis, ad me autem eam converte. Drachma tua sum: erue me de stercore, absterge sordes meas. Ovis tua sum: erravi: accipe me in humeros. Filius tuus sum: peccavi in cælum & coram te, fac me sicut unum ex mercenarijs tuis. Si iniquitates observaveris quis sustinebit? Astra enim ipsa non sunt munda in cōspectu tuo. Propositum: actum contritionis sapienter de*

*Ad Celan-
tiam.*

die & nocte eliciendi. Tessera alterutra vel utraq; frequentanda.

Deus propitius esto mihi peccatori.

O mi Iesu qui vesceris vescorq; ad mensam tuam voluptuose, fac ne amplexer stercora.

PRO FERIA II.

De gravitate peccati ex parte maculae.

*Macula
peccati.*

Punctum imum. Ex fructibus malis, mala arbor cognoscitur. Fructus seu effectus peccati est quod fœdissimè maculet animam. Macula autem peccati est defectus nitoris in anima, ob recessum à lumine naturali & divino, ex adhæsione ad res creatas. Maculae huius enormitatem expende ex his: imo. Nemo cum ea cœlum intrabit. Nil enim coinquinatum il-
Quam de- luc intrabit. Et solus ille requiescet in mon-
formis. te sancto. Dei, qui ingreditur sine macula;
& operatur iustitiam. 2do. tanta est eius
turpitudine, ut Deus non possit quidquam
producere tam fœdum sicut est ipsa. 3tio.
quia maculam hanc solus Sanguis IESU
Christi Domini nostri eluere potest: qui
solus emundat nos ab omni inquinamen-
to carnis & spiritûs. 4to. quia David tan-
topere ingemiscit & petit se mundari ab
ipsa. Et non contentus flumine lachry-
marum, in quo per singulas noctes stracu-

tum suum natare faciebat, amplius & amplius se à Deo lavari postulat. Etiam tu cum lachrymis ora, suspira, geme vt te abluat Iesus Christus in sanguine suo, vt omnes peccatisordes ex te abstergat. Proponere peccati fœditatem fugere, & insuper alios ab ea revocare.

Punctum 2dum. Expende & contra pulchritudinem quâ privatur anima per maculam peccati. Tum quia ei nulla inter res corporeas par esse potest pulchritudo: tum quia solus Christus novit eandem & tanti eam facit, quod paratus erat etiam pro vna anima penas omnes mortemque pati, nec semel tantum, sed multis & innumeris vicibus quemadmodum revelavit B. Baptistæ Veronæ: tum quia lumen rationis, & multo magis lumen Spiritus S. à quo utroque lumine anima nitorem & pulchritudinem suam desumit inestimabile & incomprehensibile est. Quàm pulcher hic mundus, dum à sole sereno refulget! sed o quàm pulchrior anima dum à lumine rationis & à lumine Spiritus S. irradiatur. Tum quia anima carens peccati maculâ vocatur à Spiritu S. in sacris Scripturis pulchra, formosa, decora, immaculata, candidior nive, nitidior lacte, alijsque præconijs venustas eius describitur: & contra in peccato existens vocatur pol-

Pulchritudo anime.

Teretius in Idiora.

luta, turpis, maculata, in iniquitate in sanguine iacens, in tenebris, in nocte, in ignominia, & nuditate constituta.

*Colloquium
seu Affectus.*

Quid feci Domine, quid feci cum peccavi? animam meam imò tuam quia à te conditam, à te tanta pulchritudine ornatam sedavi spurcissime? verumtamen tu promissisti: *Si fuerint peccata vestra sicut phaniceum, velut nix dealbabitur.* Igitur lava me Domine, ut super nivem dealber. Tu iussisti: *Lavamini mundi estote* sed quomodo ego me lavare possam? si laverò me nitro, si herbam borith multiplicaverò, si aquam maris in fletus exhausto: nihil proficio. In solo lavacro pretiosi sanguinis tui me ablucere valeo. Miserebere ergo mei, qui vnica stilla sanguinis tui totum mundum purificare potes? emunda me ab operibus mortuis, nimirum peccatis, ad serviendum tibi Deo viventi cum Patre & Spiritu S. in sæcula sæculorum.

PRO FERIA III.

De gravitate peccati ex parte peccatorum.

*Triplex
peccati
pana-*

Punctum imum. Reatus ad penam etiam effectus peccati. Penæ autem triplices ob peccatū incurruntur: aliæ à se ipso, aliæ ab homine, aliæ à Deo. Quia enim qui peccat, insurgit contra rationem,

nem, contra legem humanam, contra legem divinam, cum deberet esse subiectus & rationi, & legi humanæ, & legi Divinæ; ideo & à ratione, & ab homine, & à Deo deprimitur. Sicut etenim in rebus naturalibus, ita & in humanis hoc fit, ut contra quod aliquis insurgit, ab eo detrimentum patiatur. Imprimis ergo pænæ peccati quas peccator patitur à se ipso, sunt: Remorsus conscientiæ. de hoc Augustinus: *Omnis inordinatus animus, ipse sibi est pæna.* & Bernardus *Infernus animæ est rea conscientia.* Item horror novissimorum, mortis, iudicii inferni: Obcecatio: facilius in peccata graviora aut similia prolapsio, obduratio, desperatio. Pænæ ab alio homine ob peccatum incurruntur, quas iustitia humana decernit, ut sunt: censure Ecclesiasticæ, degradationes, privationes officiorum, carceres, virgæ, securæ, rotæ, rogi, & innumera alia supplicia. O quàm verum est illud Apostoli ad Rom: *Tribulatio & angustia in omnem animam operantis malum.*

Punctum 2dum. Pænæ quæ à Deo violatæ legis suæ inferuntur, sunt in duplici classe: aliæ quæ in hac vita, aliæ quæ in altera irrogantur. In hac vita sunt: ablatio ab homine gratiæ sanctificantis, & consequenter filiationis ac hereditatis di-

vinæ:

*Peccato
punitu
& a se
ipso, &
iustitia
mana
à iustit
divina*

vinæ: subtractio actualium auxiliorum, & paternæ providentiæ ac protectionis specialis: permissio graviorum peccatorum morborum, infortuniorum, mortisq; immissio. In altera vita sunt: pœna damni quæ consistit in privatione visionis divinæ, omniumq; gaudiorum cœlestium: pœnæ sensûs, seu cruciatuum quibus & anima & corpus torquebuntur. O immensam peccati gravitatem! o quanta stultitia, credere hæc & peccare! O Domine Deus! Pater misericordiarum, longanimis & multum misericors: tu per Prophetam tuum dixisti: *Convertimini & redite ab iniquitatibus vestris & non erunt vobis in tormentum impietates.* Ecce Dñe convertor ad te: detestor abominandas iniquitates meas; non sint itaq; mihi in tormentum, non secundum iniquitates meas, sed secundum miserationes tuas infinitas fac mecum.

PROFERIA VI.

*De gravitate peccati ex parte sup-
plicij Angelorum, protoplastorum
& aliorum hominum.*

Punctum unum: Meditare quàm rigidè Deus peccatum castigaverit in Lucifero & socijs eius Angelis, qui licet omnibus naturæ & gratiæ donis in sua
crea-

creatione ornati essent, tamen ob vnam, superbam cogitationem sine spe veniæ deturbati sunt de cælo ad teterrimum sempiternæ gehennæ carcerem. O quam horrendum est ~~in~~idere in manus Dei viventis! Meditare item quàm severè divina iustitia in protoparentibus nostris peccatum multavit. Hi enim ob transgressionē præcepti Divini eicecti sunt ex paradiso: ærumnis, laboribus, morbis, mortalitati, erroribus, concupiscentijs, peccatis expositi & addicti cum tota sua posteritate. Reddit Dominus hominibus secundum actus suos & opera Adæ, & secundum præsumptionem illius. Eccl: 35.

Punctum 2dum. Recole quàm graviter præterea varijs sæculis varia peccata Deus punivit. Nam tempore legis naturæ totum mundum perdidit diluvio, Sodomam & Gomorram igne & sulphure concremavit: tempore legis scriptæ Dathan & Abiron murmurantes terræ hiatu perdidit, Saul inobedientem regno privavit. Davidem bellis & pestilentia punivit: tempore legis novæ in mendacium Ananiæ & Saphiræ morte subitanæ animadvertit. Ignis, grando, fames, & mors, omnia hæc ad vindictam creata sunt bestiarum dentes, & scorpj, & serpentes, & romphææ vindicans in exterminio impios. Eccl: 39.

O pec-

O peccatum quantæ malitiæ es, si talibus supplicijs, in tempore, & gravioribus in eternitate plecteris? Tessera. Propositum vt in meditatione diei Dominicæ immediate præcedentis.

PROFERIA V.

De gravitate peccati ex parte vilitatis humane, & Maiestatis Divina; & de gravitate eiusdem ex parte cause impulsivæ.

Punctum unum. Expende imo. quid sit Deus? quantum ad naturam ineffabilis, summus, infinitus, immensus, sapientissimus, potentissimus, optimus, maximus. Quantum ad tripersonalitatem, incomprehensibilis: A quo omnia, per quem omnia, in quo omnia sunt. Expende 2do. quàm indignum sit ab homuncione vilissimo tantam maiestatem contemnere & offendi! Cogita quàm grande piaculum esset, si vnus calo iacens in sterquilinijs si. mo regem, personam tam excellentem invaderet, colaphisaret, vulneraret; omnes tantum facinus horrent. Quid verò est Peccatum rex respectu Dei? Peccatum eò gravius quòd plures est, quo plures tangit. Et ideo peccatum tangit, eò in personam publicam puta regem vel principem, vel quemcunq; alium qui in se totam

totam multitudinem repræsentat, gravi-
us est, quam peccatum in personam priva-
tam. Quantæ ergo malitiæ & gravitatis
est peccatum quodvis, ex eo quod sit offen-
sa Dei: tangit enim omnes creaturas; quia
iniuria Creatoris, est iniuria & læsio cre-
aturarum: unde etiam in iudicio omnes
creaturæ armabuntur in ultionem offen-
sæ divinæ adversus peccatorem. Hic re-
cogita quomodo Angeli, quomodo Sancti,
quomodo dæmones, elementa aliæq; cre-
aturæ armabuntur ad faciendam vindi-
ctam in nationibus & quibusvis homini-
bus perversis. Concipe odium peccati: pro-
pone illud cum occasionibus suis vitare.

*Læso Dei
est læso o-
mnium cre-
aturarū.*

Punctum 2dum. Considera inde quoq;
cognosce fæditatem & indignitatem pec-
cati, quia propter levem causam quandoq;
perpetratur: crescit enim procul dubio
iniuriæ magnitudo, si levi de causa irro-
getur; Expende igitur quam ob causam
Deum tuum offendisti? propter modi-
cam & fædam carnis voluptatem: pro-
pter honôris auram; propter vile vni-
us alteriusvè nummi luccillum: pro-
pter exiguum propriæ voluntatis gu-
sculum: ac deniq; propter res abiecti-
ssimas instar fûmi prætereuntes, quæ in
Dei comparatione ita sunt ac si non es-
sent. O laborem vesanum! o insanam
com-

*Quadruplex
plex lucrū
peccati.*

commutationem? derelinquere Deum pro
desiderijs bonorum caducorum. Anima
mea si fatuum tibi videtur factum Elau,
qui primogenita sua pro lentis edulio ven-
didit: multò magis fatuè agis, cum cælum
propter huius vitæ commoda vendis. Ex-
pende item lucrum peccati. 1um lucrum
est quia gratiam Dei, quæ dicitur semen
æternæ gloriæ amifisti. 2dum. quia reatum
æternarum pænarum incurristi. 3tium quia
remorsum conscientiae contraxisti. 4tum
quia famam apud homines perdidisti. A-
gnosce, dole, emenda. Propositum & tes-
sera ex die Dominico immediato.

PRO FERIA VI.

*De gravitate peccati ex parte Chri-
sti pro ipsis passi.*

Punctum 1um. Considera tantam ef-
se gravitatem peccatorum nostrorū,
ut necesse fuerit Christum Dominum pa-
ti & mori ad satisfaciendū iustitiæ Divinæ
pro ipsis. Ille enim propriè satisfacit pro
offensa, qui exhibet offenso id quod offen-
sus æquè vel magis diligit, quàm oderit
offensam. Nulla porrò pura creatura po-
terat Deo offenso tale quid præstare pro
peccatis hominum. Christus autem ex
charitate & obedientia patiendo, maius
Deo aliquid exhibuit, quàm exigeret re-
com-

*S. Tho: 3.
p. 9. 48.
art. 2.*

compensatio totius offensæ ab humano genere Deo illatæ. 1mo. quidem propter magnitudinem charitatis ex qua patiebatur. 2do. propter dignitatem vitæ quam pro satisfactione ponebat, quæ vita Dei & hominis fuit. 3tio. propter generalitatem passionis & magnitudinē doloris assumpti. Age gratias. Christus exolvit quæ tu in primo parente rapuisti. Totum ergo te illi in servitutem dedica. Offer æterno Patri in satisfactionem pro tuis peccatis charitatem & obedientiam eius. offer vitam ipsius omnesq; dolores & mortem ipsam.

*Christi satisfactio
superat of-
fensam to-
tius gene-
ris huma-
ni.*

Punctum 2dum. Quam gravis sit peccati & quam dura conditio, prodit remediū magnitudo. Considera quot quantosq; filius Dei incarnatus in pueritia in commoditates sustinuerit: quos quantosq; in adolescentia & juventute labores ac iniurias tolerarit: quot quantosq; cruciatus tempore passionis in anima & corpore omnibusq; potentijs membris & sensibus passus sit ad expianda omnium nostrum peccata, & tua quidem in particulari, quæ assidue oculis eius obversabantur. Si innocentissimus ille Agnus enormia tormenta passus pro alienis peccatis: quid tibi pro tuis faciendum? Considera item quod Christus propter peccata nostra ab instanti

*S. Aug ser-
in Epiph:
30.*

Nn

conce-

Nicolaus conceptionis suæ ne quidem ad momen-
 tyranus in tum absq; acerbissimo Martyrio fuerit,
 colloquio quod præter suam futuram passionem, Ma-
 peccatoris trisq; compassionem, causabant omnium
 & crucifi- electorum suorum prævisa martyria quæ
 xi. plenissimè vt & illi, imò acrius & intensi-

lesus Chri- ctum quàm ipse se amare posset. Vere ini-
 stus non fu quitates nostræ congregaverūt super Chri-
 it vna ho- stum flagella & ipse ignoravit crimen o-
 ra absq; mne. nostris tamen flagitijs repletus fuit.
 passione Elice actum contritionis & ora: *Querens*
 quo ad vi- me sedisti lassus redemisti crucem passus, tan-
 xit. Tho- tus labor non sit cassus. Adde propositum
 à Kemp. & tesseram ex die Dominico.

PRO DIE SABBATI.

De peccato veniali.

Punctum unum. Peccatum veniale est
 dictum factum vel concupitum præ-
 ter legem Dei. Dicitur præter legem Dei
 non contra. Nam non est contra finem legis,
 nimirum charitatem, sed duntaxat contra
 debitum modum rationis à lege intentum,
 quia vel prævenit deliberationem vt fit

Habitua- in venialibus ex imperfectione actus: vel
 lis tamen materiā ad finē suum non refert actu vt fit
 ordinatio in venialibus ex genere suo. Differt ergo
 fit ad Deū à mortali quia hoc simpliciter & perfecte
 in veniali con-

contra legem Dei est: veniale verò tan- bus: quia
tū secundū quid, scilicet secundū im- charitas
perfectum quia in deliberatum motum aut quam ve-
secundū imperfectam materiam, qualis niale non
est, mendacium jocosum, risus superfluous, excludit
verbum otiosum. Delicta quis intelligit. A- habitua-
proprijs & alienis, ab occultis & manife- liter ordi-
stis, à mortalibus & venialibus parce ser- nat ad De-
vo tuo. um.

Punctum 2dum. Cavendum esse summo-
pere veniale discere ex autoritatibus. S.
August: tract: in Ioann: 12. ait: Peccata
minima si negliguntur, occidunt. intelli-
ge, dispositive. Idem in lib de pœnit. Pec-
cata venialia si multiplicentur, decorem no-
strum ita exterminant ut à cœlestis sponsi
plexibus nos separent. privando scilicet
nos cœlestibus consolationibus vel ad mor-
tale inducendo. Quare iuxta eundem ti-
menda ruina multitudinis si non magnitudi-
nis. Hieron: Non considerandum inquit
quod sint parva sed quod magnus sit Deus
cui displicent S. Greg: scribit periculosi-
tis aliquando esse veniale quàm mortale
sed quod hoc facile notetur, illud non
item. Minutissima sunt grana arenæ, &
tamen si multa mittantur in navem, mer-
gitur. S. Thomas: Augmentata dispositio-
ne vel habitu per actus peccatorum veniali-
um, in tantum potest crescere libido peccandi

quod ille qui peccat, finem suum constituat in peccato veniali. Quare mens Deo dicata sic caveat minora vitia ut maiora? Quid enim refert perire ab vno vrsu vel à multis culicibus.

Punctum 3tium. Quàm grande sit malum ideòq; summè cavendum, omne etiam minimum peccatum dilce item ex rationibus. Imò. quia est malum culpæ quod excedit omnia mala pænæ. vnde præstaret millies mori imò totum orbem perire quàm deliberatè venialiter peccare. 2do. quia disponit ad mortale sicut morbus ad mortem. *Qui enim confvescit in minoribus voluntatem suam debito ordini non subycere, disponitur ad hoc vt etiam voluntatem suam non subyciat ordini ad ipsum vltimum finem.*

Eccl: 18. Ordo autem ad vltimum finem est charitas. Qui spernit modica paulatim decidet. 3tio. quia gravissimis in purgatorio expiatur pænis. Theodorici Traiectensis Episcopi servus ad vitam redux dixit: Si ex omnibus mundi lignis vnus ignis fieret, mallet in eo vsq; ad iudicij diem ardere quàm per spatium horæ illo igne id est purgatorij vri. Ex gravitate pænæ intellege gravitatem culpæ venialis & eam omni studio cave.

MEDITATIONES

De peccatis Capitalibus.

PRO DOMINICA XI post Pent.

De Cenodoxia.

Punctum 1^{um}. Curaturus Dominus *Marci 7.*
 surdum & mutum duxit eum de tur-
 ba seorsum, & postquam curavit eum præ-
 cepit discipulis ne cui dicerent. quare id
 ut discamus fugere inanem gloriam. Con-
 sidera imo quid sit inanis gloria? est enim
 vitiosus seu inordinatus appetitus mani-
 festationis excellentiæ propriæ. Confide-
 ra 2^{do} omnem illam esse vanam gloriam
 quam ex rebus caducis ab hominibus ca-
 ptamus non referendo ipsam ad gloriam
 Dei vel utilitatem proximi.

Punctum 2^{dum}. Expende cenodoxia,
 hoc est inanis gloriæ malitiam: quia o-
 mnia bona opera reddit infructuosa & pri-
 vat merito: quia item est peccatum capi-
 tale; habet enim filias inobedientiam, ia-
 ntiam, hypocrisim, contentionem, per-
 tinaciam, discordiam, & novitatum præ-
 sumptionem. Ex filialibus agnosce matrē:
 & si detestaris filias, detestare & matrem.
 Propositum conveniens eliciatur. Tesse-
 ræ pro tota septimana.

Averte faciem tuam à peccatis meis, &
 omnes iniquitates meas dele.

Nn 3

Via

Eccles: 10.

Via peccantium complanata lapidibus: & in fine illorum, tenebrae & inferi & pena.

PROFERIA II.

De Avaritia.

Filia Avaritia.

Punctum 1mum. Adducunt ei surdum. Quis surdus iste nisi avarus? hic enim surdus est ad preces pauperum. Considera 1mo. quid sit avaritia? est inordinatus appetitus habendi. Considera 2do. cum sit capitale vitium quas habeat filias? filiae eius sunt: proditio, fraus, fallacia, periuria, inquietudo, violentia, & contramiscericordiam obduratio. Expende singularum malitiam & disces quam sit res detestabilis avaritia.

Punctum 2dum. Expende malitiam avaritiae: 1mo. quia tantas nequitias parturit. 2do. ab Apostolo comparatur idololatriae, seu servituti idolorum. 3tio. quia avari plerumque morte pessimâ moriuntur. Hic exempla de Iuda, de Anania & Saphira, de divite Evangelico, de proprietariis Religiosis percurrere. Certè misericordes felici fato moriuntur: ergo avari, infelices. Detestare avaritiam: propone, si religiosus es, abhinc omnia in manus superioris consignare.

PROFERIA III.

De Luxuria.

Punctum

Punctum imum. Apprehendens eum de turba seorsum. Peccatum luxuriæ in turba incurritur, extra turbā seorsum sanatur. Egredimini de ea (de Babylone, de turba) populus meus: ne fortē mollescat cor vestrum. Ier: 51. Considera imo. luxuriam esse appetitum inordinatum delectationum venerearum. Considera 2do. esse peccatum capitale, & habere filias has: cæcitatem mentis, inconsiderationē, præcipitantiam, inconstantiam, amorem sui, odium Dei, amorem præsentis sæculi, horrorem futuri. Quanta mala ex luxuria!

Punctum 2dum. Expende malitiam & fæditatem luxuriæ. Nam non solum animam sed & corpus & famam hominis commaculat: deinde hominem bestiis assimilât: item facile ad consuetudinem peccandi, & demum ad desperationem inducit. Expende 2do. luxuriam curari & caveri non nisi per fugam: ait enim Apostolus: *Fugite fornicationem*: fuge ergo & tu: fuge non tantum opus, sed & cogitationem. Ito seorsum ex turba cum Salvatore, ut te per dona Spiritus sui sanctificet. Propositum fugiendi occasiones & conversationes sæculi.

PRO FERIA IV.

De Gula.

Nn 4.

Pun-

*Filie Gu-
la.*

Punctum unum. Tetigit linguam eius. Tangendo sanavit linguam muti, ut ostenderet (ait Chrysostomus in Matth:) carnem suam salutiferam virtutem habere. Non solum muti, sed & gulosi cuiuslibet lingua & guttur indiget à Christo tangi ne cibo & potu nimio delectetur. Considera imo. gulam esse inordinatum edendi & bibendi appetitum. Considera 2do. vitium hoc esse capitale & habere filias: ineptam lætitiā, scurrilitatem, immunditiam, multiloquium & hebetudinem mentis circa intelligentiam. Examina singula.

Punctum 2dum. Expende malitiam gula: disponit enim hominem ad luxuriā: privat usu rationis per ebrietatem: ex hominibus facit porcos. Epicureos: morbos varios generat: & ante tempus mortem adducit. Detestare ebrietatem. ora & propone sobrietatem ac frugalitatem.

PRO FERIA V.

De Ira.

Punctum unum. Venit per sidonem ad mare Galilee. Per mare cor hominis significatur. Cor impiorum quasi mare fervens. hoc frequenter commovetur & agitur iræ vitio velut vento validissimo: non quiescet nisi IESUS ad illud veniat.

Consi-

Considera 1mo. iram esse appetitum vindictæ: est autem ira vitiosa si fiat contra moderamen rationis. Habet filias: Rixam, tumorem mentis, contumeliam, clamorē, indignationem, & blasphemiam. Considera 2do. malitiam iræ, facit enim hominem sui impotem: facit item stultum: quia passim in scripturis iracundus vocatur stultus: facit quasi ebrium, ira enim est ebrietas animi: inducit hominem ad homicidium & blasphemiam, quæ sunt gravissima peccata.

Punctum 2dum. Expende media frænandæ iræ. 1mum est frequenter & ferventer orare virtutem mansuetudinis, 2dum est sincera dilectio proximi. Non irascimur: facile ei quem diligimus, 3tium humiliter de se sentire, & dignum se reputare quacunq; læsione. 4tum recogitare quod à Deo non ab homine veniat tibi hoc vel illud flagellum. 5tum recogitare quod iuste hanc vel illam injuriam patiaris. Ora Dominum IESUM vt ad cor tuum velut ad mare veniat: & silebunt omnes fluctus eius.

Media frænandæ iræ.

PROFERIA VI.

De Invidia.

P*unctum 1mum.* Bene omnia fecit. Vox hæc fuit discipulorum & devotæ plebis non invidorum Phariseorum. Hi enim

Nn s

(quod

(quod invidis omnibus proprium est) opera Christi optima non solum non laudabant, sed abscondebant, extenuabant, traducebant. Considera imo. invidiam, esse tristitiam de bonis proximi. Considera 2do. eam vitium esse capitale & habere filias: Odium, susurationem, detracti-
Filia invidiæ. onem, exultationem in adversis proximis, afflictionem in prosperis.

Punctum 2dum. Expende malitiam invidiæ: quia contrariatur charitati proximi, sine qua nemo potest salvari: quia item est vitium merè diabolicum, & per illud similes diabolo efficimur: quia insuper summè torquet etiam ipsum invidum. Actus convenientes eliciantur vt detestatio invidiæ, & omnium eius filiarum: amos proximi. tristitia in adversis eius.

PRO DIE SABBATI.

De acedia.

Punctum 1mum. Solatum est vinculum lingvæ eius. Acediosus omnis, mutus est ad laudes divinas; loquetur verba salutaria & pia, si tangatur virtute Christi. Considera imo. acediam esse tristitiam de bono spirituali. Capitale peccatum est. habet filias: Malitiam, rancorem, pusillanimitatem, desperationem, torporem circa præcepta, evagationem mentis circa illi-
 cita.

cita. Considera 2do. gravitatem acediae: quia imprimis contrariatur charitati divinæ, cuius est gaudere de bonis Dei: quia deinde producit pessima vitia quæ filiae eius vocantur: quia insuper omnis acediosus propter suam pigritiam est nauseabilis & putrescit non solum in spiritu sed & in carne.

Punctum 2dum. Expende media resistendi acediae: imum. est merces æternæ gloriæ. 2dum. exempla Christi, Sanctorum, & fratrum tibi conviventium. 3tium. temporalis gloria apud homines quam appetere propter ulteriorem finem, nempe Dei gloriam, & hominum utilitatem est honestum & licitum. Affectus convenientes elice, & novum fervorem propone assumere.

MEDITATIONES.

De effectibus seu potius defectibus ex peccato provenientibus.

PRO DOMINICA XII. post Pent.

De quatuor plagis anime.

Punctum imum. Homo quidam descendens ab Hierusalem in Iericho, id est, (vt exponit Beda) in defectum peccati, incidit in latrones, qui eum expoliaverunt, & plagis impositis abierunt semivivo reli-

Luce 10.

¶ 1^o. Latrones sunt peccata tum originalia tum personalia; hæc exspoliaverunt & vulneraverunt hominem, scilicet *exspoliaverunt in gratuitis & vulneraverunt in naturalibus*. Latrones sunt etiam diabolici. Quoties hi traxerunt te & non sensisti, vulneraverunt & non doluisti. Vita Hiericho, locum suspectum, locum latrocinij & sanguinum.

Punctum 2^{um}. Plagæ per peccata homini impositæ sunt duplices: aliæ ex parte animæ: nimirum infirmitas, ignorantia, malitia, & concupiscentia, quatuor plagæ quatuor potentijs animæ inflictæ. Rationem vulneravit ignorantia, voluntatem malitia, irascibilem quæ debet ordinari ad ardua, infirmitas, concupiscibilem concupiscentia. Vulneratio autem ista nihil aliud est, quàm privatio proprii ordinis in viribus animæ. concupiscibilis enim debet subijci irascibili, irascibilis voluntati, voluntas rationi, ratio Deo. Aliæ plagæ homini impositæ per peccatum sunt ex parte corporis: & istæ sunt omnes defectus, & miseriæ corporales, vt mors, morbi, fames, sitis, &c. Vide quanta mala in animam & corpus hominis inducit peccatum. Propositum alienas misérias & defectus sublevandi. Tessera pro tota septimana eliquatur ex his.

Deus meus misericordia mea, oro te per dilectum filium tuum, da mihi misericordiae opera, pietatis studia: reseca à me erga proximos duritiam.

Domine Iesu fac ne vnquam claudam viscera mea à necessitatem patiente fratre. S. Aug: in med: c. 2.

O gaudium cordis mei, & lætitia spiritus mei, diligam te toto corde meo, toto animo meo, totis medullis & visceribus meis, quia tu prior dilexisti me: diligam & proximum meum sicut me ipsum, quia tu sic insisti. S. August: in Soliloq:

PROFERIA II.

De operibus misericordiae.

Punctum 1^{um}. Defectus seu plagæ animæ impositæ (de quibus in meditatione priori) sublevantur per opera misericordiae spiritualia quæ sunt septem: Opera misericordiae spiritualia.
Docere ignorantem, consulere dubitanti, consolari tristem, corrigere peccantem, remittere offendenti, portare onerosos & graves & pro omnibus orare. Examina te an dicta opera beneficentiæ exercueris; si ita, age gratias Deo: si secus, dole & emenda.

Punctum 2^{dum}. Defectus seu plagæ corporales proximi sublevantur à nobis per opera misericordiae corporalia, quæ sunt itidem septem: Pascere esurientem, potare sitientem, vestire nudum, colligere hospitem, Corporalia visita.

DE PLAGIS PECCATI.

visitare infirmum, redimere captivum & sepelire mortuum. Examina te an videns his defectibus aut horum aliquo vulneratum proximum præteristi, sicut Sacerdos vel Levita? an verò misericordiâ motus es ad instar Samaritani? Si misericordem te fuisse invenis, Deo age gratias, qui omnia bona operatur in nobis; si durum, dole & emenda. Propositum & tessera vt heri.

PROFERIA III.

De motivis miserendi.

P*unctum unicum.* Considera 1mo. defectus & miseras alias esse tuas: quia earum principia & causæ in te quoque sunt: & si nunc non pateris defectus quos in alio vides, brevi forsitan patieris. Considera 2do. Christum esurire in esurientibus, sitire in sitientibus, nudum esse in nudis, hospitem in hospitibus. Considera 3tio. dona quæ tibi divinitus dantur, sunt quidem tua quantum ad proprietatem (sive proprietas sit in particulari sive in communi) sed quantum ad usum, sunt etiam aliorum, qui ex eo quod tibi in bonis tuis superfluit sustentandi & fovendi sunt. Unde S. Basilii dicit: *Si fateris bona temporalia tibi divinitus provenisse, an iniustus est Deus, inæqualiter res nobis distribuens? cur tu abundas, ille verò mendicat,*
nisi vs

nisi ut tu bonæ dispensationis merita conse- In serm:
quaris, ille vero patientia bravij decoretur. ad divites
Est panis famelici quem tu tenes: nudi tui avaros,
ca quam in conclavi conservas: discalceati super illud
calceus, qui penes te marcescit: indigentis. Lucæ 12.
argentum quod possides humatam: quo cir- destruam
ca tot iniuriaris, quot dare valens es. Con- horrea
sidera 4to quia misericordi homini afful- mea.
gebit misericordia Dei in hora mortis
iuxta illud: Beatus qui intelligit super ege-
num & pauperem, in die mala liberabis eum
Dominus. Considera 5to. Christum mise-
ricordes singularibus encomijs in iudicio
extremo honoraturum, duos durissimè
fulminaturum. Affectus convenientes e-
lice cum proposito & tessera ut supra.

PROFERIA IV.

De impedimentis miserendi.

Punctum imum. Sacerdos viso saucio
pertransivit: similiter & levita. qua-
re? quia vel omnes vel aliquem ex obici-
bus miserendi habuerant. imus. est ava-
ritia: avari enim obdurati sunt contra mi-
sericordiam; quia obduratio contra mi-
sericordiam est filia avaritiæ. Epulo ava-
rus erat, ideoq; noluit misereri Lasari.
2dus est superbia: superbus namq; despi-
cit quemvis; & facilius indignatur, quam
aliquid pauperi dignatur dare. 3tius. est
amor

Imiseri-
cordia in
Ecclesiasti-
cis.

amor sui ipsius. Unde Apostolus 2. ad Timoth: 2. homines amantes seipsos vocat duos & sine benignitate.

Unde?

Punctum 2dum. Sacerdos tantum & Levita commemoratur absq; misericordia præterisse. Considera imo. inter Ecclesiasticos potissimum regnare avaritiam, quæ non finit quidquam boni indigentibus præstare; regnare item prodigalitatem, dum bona Ecclesiastica in canes, in luxuriosos in consanguineos prodigè effunduntur. Considera 2do. obligationem eorum.

Qua conscientia?

Sunt enim dispensatores bonorum Ecclesiæ; ad dispensatorem autem pertinet ut fidelis inveniatur, & fideliter dispense illis quorum sunt bona. D. Bernardus: Patrimonia pauperum sunt facultates Ecclesiarum; & sacrilega illis crudelitate surripitur, quid quid sibi ministri & dispensatores, non utique Domini & possessores, ultra victum accipiunt aut vestitum.

Qua damnatione?

Punctum 3tium. Considera damnationem eorundem. dicitur enim Matth: 24. Quod si dixerit malus servus in corde suo. Moram faciet Dominus meus venire; quod pertinet ad divini iudicii contemptum; & ceperit percutere conservos suos. quod pertinet ad

Matt: 12. Superbiam; manducet autem & bibat cum ebriosis, quod pertinet ad luxuriam; venit

et Do-

et Dominus servi illius in qua die non sperat Malū ser-
 & dividet eum, scilicet à societate bono- rum divi-
 rum, & partem eius ponet cum hypocritis, det Dñus
 scilicet in inferno. quod totum ex hoc est a-
 ponit S. Thomas de Ecclesiasticis. Dete- nimā eius
 stare avaritiam, superbiam, & amorem tui separabit
 ipsius. Si bona Ecclesie tenes, si superior à corpore:
 es, disce fidelis esse dispensator. ponetq; in
 inferno in
 ter infide-
 les & hy-
 pocritas.

PROFERIA V.

De correctione fraterna.

Punctum vnicum. Alligavit vulnera eius
 infundens oleam & vinum: ut per vi-
 num mordeantur vulnera, per oleum so-
 veantur. iuxta D. Gregorium lib: 8. Mora:
 Considera imo. correctionem frater-
 nam delinquentis esse remedium quod-
 dam adversus peccatum alitius; remedi-
 um autem hoc debere esse temperatum
 ex lenitate & severitate, ut neq; multā
 asperitate exulceretur proximus, neq;
 multā benignitate solvatur. Considera
 2do. correctionem esse actum charitatis,
 & ex charitate debere procedere. imò.
 correctio fraterna est maior actus chari-
 tatis, quā curatio corporalis infirmita-
 tis vel subventio inopiæ alienæ. Conside-
 ra 3tio correctionem fraternā esse de præ-
 cepto. Præcepit enim Salvator: si pecca-
 verit in te frater tuus, corripe eum inter te
 Oo & ipsum

22. q. 185.
art. 7.

*Præceptū
correctio-
nis per co-
actionem
ad solos
Prælatos
pertinet:
præceptū
correptio-
nis per ad-
monitio-
nē simpli-
cem perti-
net ad
quosvis
fideles.*

& ipsum solum. & S. Aug: de verbis Domini ait: Si neglexeris corripere, peior factus es quam qui peccavit. Porro præceptum correctionis non ad solos Prælatos, sed ad omnes prorsus homines pertinet, in quantum correctio tendit specialiter ad emendationem fratris per simplicem admonitionem non per coactionem. Unicusq; enim mandavit Dominus de proximo suo. Examina te an & qualiter peccantem corripueris: an verò potius eum iuveris in murmurando, in detrahendo, in calumniando. Propositum cum affectibus convenientibus fiat. Tessera ut supra.

PROFERIA VI.

De Samaritani misericordia: & de secreta atq; in debitis circumstantijs danda admonitione.

Punctum inimum. Samaritanus misericordia motus. Samaritanus interpretatur custos. Christus custos noster. Custos solet arbores & loca alta conscenderet ut videat & prævideat insidias. Ecce custos noster in alto, in arbore crucis ut nobis avertat insidias! Viso sauciato misericordia motus. O misericordia! ut vulnera nostra curaret ipse vulneratus est & attritus propter scelera nostra. Ut nos semivivificaret, ipse mortuus est. Vinum & ole-

& oleum sacrati sanguinis sui infudit nostris plagis: & sic nos sanavit reduxitq; ad Ecclesiam & communionem fidelium: commendavit stabularijs spiritualibus ut nostri curam haberent & duobus nummis veteris ac novi testamenti sustentarent ac corroborarent infirmos.

Punctum 2dum. Alligavit vulnera eius. hoc est, abscondit: *Secrera enim admonitio studet correctioni, parcat pudori.* Sic debemus conscientiam fratris emendare, ut servemus famam. Hæc enim necessaria est tum ipsi peccanti, nam præ timore infamiae, multi à peccato retrahuntur. Unde Hier: dicit: *Corripendus est secusum fratrem, ne si semel pudorem vel verecundiam amiserit permaneat in peccato.* tum illis etiam cum quibus vivit peccans. Nam infamato vno, alij infamantur. Vide qualis fueris erga famam fratris tui.

Punctum 3tium. Correctio fraterna non quolibet loco nec tempore quolibet fieri debet. Quia actus virtutum fieri debent observatis debitis circumstantijs, ut videlicet fiant ubi debent, quando debent, & secundum quod debent. Vnde quia correctio fraterna ordinatur ad fratris emendationem, tunc & illo loco adhibenda est, ubi speratur fratris emenda-

Necessitas famæ & quoad nos ipsos, & quo ad communitatem in qua vivimus.

tio secutura. Si autem probabiliter aestimatur quod peccator admonitionem non accipiet, sed ad peiora labetur, ab huiusmodi correptione supersedendum est. Examina te an opportunum tempus & locum quærebas emendationi fraternæ, an verò publicè quovis loco & tempore confundebas fratrem? an ex benevolentia admonebas vel ex indignatione?

PRO DIE SABBATI.

De dilectione proximi.

Punctumimum. Diliges proximum tuum sicut te ipsum. Quis proximus noster? respondet S. Hieron: in epistola ad Roman: *Omnis homo proximus esse censendus est.* Quid autem causæ ut diligas proximum sicut teipsum? quia convenit tecum in naturali Dei imagine, & in gloriæ æternæ capacitate. Ex eadem ratione etiam inimici nostri diligendi sunt. Diliges proximum tuum, sicut te ipsum. In hoc verbo ut ait Apostolus, instauratur omne mandatum, hoc est ut interpretatur D. Hieron: *Recapitulatur omnis iustitia in dilectione proximi: & iniustitia nascitur dum plus ceteris nos amamus. Qui enim sicut se diligit proximum, non solum illi malum non facit sed etiam bonum facit, quia & circa se utrumq; cupit impendi.*

Punctum 2dum. Quomodo debemus diligere proximum. imo. debet esse sancta dilectio proximi, ut scilicet diligamus proximum propter Deum, sicut & nos ipsos debemus propter Deum diligere. 2do debet esse iusta ut non condescendamus proximo in aliquo malo, cui solum in bonis favendum est. 3tio. debet esse vera. ut diligamus proximum non propter nostram utilitatem vel delectationem, sed duntaxat quod velimus illi bonum sicut nobis ipsis volumus. Nam cum quis diligat alterum propter suam utilitatem vel delectationem non verè ipsum sed potius se diligit. Examine te an & qualiter dilexeris proximum. Propositum & Tesseræ ut supra.

MEDITATIONES

In ordine ad pænitentiam.

PRO DOMINICA XIII. post Pente.

De lepra peccati.

Punctum unum. Occurrerunt ei decem viri leprosi. Spiritualiter per decem leprosos intelligitur universitas peccatorum contra Decalogum. ait S. Bonav. Considera imo. Peccatum seu transgressionem præcepti divini lepram esse: quia inficit ani-

Lucæ 17.

Super Luc.

nam hominis; quia abominabilem & fætidum reddit hominem non solum coram Deo sed etiam coram hominibus ipsis; quia item hominem segregat & longè ponit à Deo, & communionis precum Ecclesiæ facit exortem. Considera 2do. quomodo curetur hæc lepra? curatur enim per gratiam IESU Christi, dum in amara compunctione ad ipsum clamamus, & nos Sacerdotibus in confessione Sacramentali offendimus.

Punctum 2dum. Considera 1mo. qualem te gerere debeas in penitentia? debes enim à longe stare per humilitatem tanquam indignus Dei & hominum confortior: debes deinde levare vocem cordis ad Christum per contritionem: tandem cum fiducia debes petere animæ sanitatem. Considera 2do. qualem te gerere obligeris post acceptam à peccatis absolutionem: oportet vt ferventes & crebras gratias agas; vt summo studio cures non relabi, ne tanquam ingratus Christi indignationem incurras. Et ego leprosus sum. IESU præceptor miserere mei. Præcipe lepræ & discedet à me. O quoties mundaſti me! sis in æternum benedictus. Nunquam, nunquam discedam à te. Propositum: Contemptus mei ipsius. Tessera per septimanam replicanda:

Multi

Multi sunt & magni languores mei Domine,
multi & magni sunt sed amplior medicina
est tua. S. Aug: in Conf. lib: 1. in fine.

O lux cæcorum & virtus infirmorum Do-
mine Deus meus attende animam meam, &
audi clamantem de profundo. Idem. lib: 11.

Quis potest facere mundum de immundo
conceptionem semine non ne tu quis solus es.

PROFERIA II.

De Decalogo.

Punctum unum. Qui contra decalogum Glossa su-
peccant non amando Deum nec proxi- per Lucā.
mum, sub denario numero ad Deum clamant.
Considera imo. Decalogum fundari in il-
lis duobus primis & vniuersalibus præ-
ceptis legis naturæ: Diliges Dominum De-
um tuum ex toto corde tuo, & proximum
tuum sicut te ipsum. Considera 2do. omnia
præcepta Decalogi ad iustitiam pertinere. Præcepta
Nam prima tria præcepta sunt de actibus decalogi
religionis quæ est potissima pars iustitiæ ad iustiti-
4tum est actibus pietatis, quæ est secunda am perti-
iustitiæ pars. Alia verò 6. de actibus iustitiæ nent.
communiter & propriè dictæ, quæ indiffe-
renter omnibus suum debitum reddit.
In tribus primis præceptis præcipitur re-
cta ordinatio ad Deum: in 4to ad paren-
tes: in sex alijs, ad proximum. Ex quibus
duo vltima sunt de actibus internis; quatu-
or verò priora sunt de actibus externis.

Da mihi Domine intellectum & scruta-
bor legem tuam & custodiam illam in to-
to corde meo.

Punctum 2dum. Considera quæ vitia
præceptis divinis damnantur & prohiben-
tur. imo præcepto damnatur superstitio,
eiusq; species omnes: vt idololatria, divi-
nationes, observationes. Omnes enim su-
perstitutiones procedunt ex aliquo pacto
cum dæmonibus: vel tacito: vel expresso:
& ideo omnes intelliguntur prohiberi in
hoc quod dicitur: *Non habebis Deos alie-
nos coram me.* 2do. præcepto error nefan-
darum hæresum (vt ait S. Aug:) vel irre-
ligiositas: circa assumptionem divini ho-
minis. 3tio. amor huius sæculi. 4to. im-
pietas. 5to. luxuria operis. 6to. crudeli-
tas. 7mo. rapacitas. 8vo. falsitas. 9no. co-
gitatio adulterina. 10mo. cupiditas. Ri-
nare conscientiam tuam ne forte vitio-
rum istorum aliquod lateat in ea: si ita
dole & cura extirpare: si secus, age Deo
gratias & omni custodia serva cor tuum.

*De decem
hordis.*

PRO FERIA VI.

*Peccata ob ingratitudinem re-
viviscunt.*

P*unctum 1um.* Et novem vbi sunt?
Expende quanta sit paucitas grato-
rum, quanta multitudo ingratorum pro
bene-

beneficio iustificationis. nam plurimi non agunt gratias pro remissione peccati, & quod gravius, redeunt ad peccatum, quod maximæ ingratitude est. Per omne namq; peccatum redditur homo ingratus Deo qui peccata remisit. Benedic anima mea Domino & noli oblivisci omnes retributiones eius. Qui propitiatur omnibus iniquitatibus tuis: qui sanat omnes infirmitates tuas. Qui redimit de interitu vitam tuam: qui coronat te in misericordia & miserationibus.

Punctum 2dum. Expende quatuor esse peccatorum genera per quæ ob ingratitudinem alia reviviscunt. 1um est odium fraternum. servus enim cui Dominus omne debitum demiserat, traditus est toribus & iussus de integro solvere; propterea quod ingratus præstiti sibi beneficii fratrem suum tyrannicè tractasset, repetendo ad eodem debitum. 2dum est apostasia à fide. 3tium contemptus confessionis. 4tum dolor de pænitentia acta. Vide ne aliquo modo lepra peccatorum tuorum ad te redeat. Fuge odium fraternum: ne Deus, rigidus fiat exactor à te etiam eorum quæ tibi dimisit. Gratiarum actio pro toties tibi dimissis peccatis: detestatio omnis peccati: dilectio fraterna: odium & contemptus tui ipsius. *Tessera sumatur ex die Dominico.*

Quatuor genera peccatorum ingratitudinis, reviviscunt præteritum operantia.

DE PÆNITENTIA.
PROFERIA IV.
De Confessione.

Confessio-
nis obsta-
cula qua-
turr.

Punctum 1^{um}. Ite ostendite vos sacer-
dotibus. Quanti sunt qui lepram Sa-
cerdoti ostendere non eunt turpitudinem
suam celantes. Considera impedimenta
Confessionis. quæ sunt: 1. no. verecundia.
2do. perversa consuetudo & inolitum a-
liquod vitium; quod deferere mors quæ-
dam videtur. 3tio. potentia dæmonis, qui
cum habeat imperium quoddam in pec-
catorem, facile eum retrahit à confessio-
ne. 4to. perturbatio potentiarum animæ
in peccatore. Nam per peccatum intelle-
ctus obscuratur, voluntas debilitatur, ap-
petitus ad malum inclinatur: Sic difficul-
tas oritur ad Confessionem faciendam.
Vide ne impingas in aliquem obicem!

Inactiva
ad Con-
fessionem.

Punctum 2^{um}. Expende quanta stulti-
tia erubescere confiteri peccatum homini
quod toti mundo in iudicio Dei palam fiet.
Vulnera & corruptiones corporis non e-
rubescimus medicis ostendere: corrupti-
ones animæ Sacerdotibus ostendere cur
verecundamur? Expende item illud scri-
pturæ: Qui abscondit scelera sua non diri-
getur, scilicet ad vitam æternam. Qui au-
tem confessus fuerit & reliquerit ea, mise-
ricordiam consequetur. Propositum exactæ
con-

[Proverb:
28.

confessionis. Tercera ex die Dominico.

PROFERIA V.

De resuscitato Lasaro.

Punctum 1^{um}. Sacramenti pæniten-
tiæ maior ad huc in Lasaro resusci- *Sacramē-*
tato quàm in antelatis leprosis adumbra- *ti pænité-*
tio. Languēbat Lasarus; ex languore *tiæ typus*
mortuus, dumq; dies alter & tertius à *in Lasar-*
morte transisset fætebat. Et tu ex languo- *ro.*
re seu tepore spiritûs in mortem pecca-
ti venies; quod si in hac diutius hæseris,
fætebis & coram Deo per malam consci-
entiam & coram hominibus per malam
famam. Mala conscientia & mala fama quid
olidius?

Punctum 2^{um}. Prodiit Lasarus ligatus
manus & pedes. *Solvite eum.* ait Christus,
& *finite abire.* Ligaturæ istæ sunt vin-
cula peccatorum & pravorum habituum,
quibus ligantur manus ne bene operentur,
ligantur pedes, hoc est, affectus ne bene
velint. In morte namq; peccati nemo quid-
quam bene & meritorie operari valet, sed
ne velle quidem. Hæc tamen vincula iussu
Christi, accedente Sacerdotum absoluti-
one dirumpuntur. O IESU mi dirupisti
toties vincula mea! tibi sacrificabo hosti-
am laudis: fac ne illis amplius implicer!

Punctum 3^{ium}. Manducavit Lasarus
redivivus cum IESU. Totum id nobis

scum spiritualiter agitur, quidquid cum
 Laisaro actum. Langvemus, dum tepidi
 ad proximam spiritualem mortē disponi-
 mur: morimur, cum in peccatum labimur:
 fatemur dum pravæ consuetudinis & ma-
 læ famæ tetro odore male olemus: relu-
 scitatur, dum ad vocem Christi, hoc est,
 ad eius excitantem gratiam à peccato per
 contritionem, erigimur: solvimur, dum
 Sacramentali confessione & absolutione, à
 vinculis censurasum & peccatorum absol-
 vimur: mensæ cum Christo accumbimus,
 dum Sacrosanctam Eucharistiam percipi-
 mus. O si eo fructu quo Laisarus! O JE-
 SU mi ita conforter cibo, hoc cælesti, ne-
 vnquam in languorem spiritus incidam.
 Tessera, vt supra.

PRO FERIA VI:

*De filio prodigo ad contritionem,
 excitandam.*

Punctum. immum. Filius prodigus acceptus
 à Patre substantiæ portione abiit in re-
 gionem longinquam. Refer hoc ad te & ex-
 pende beneficia, quæ à Domino Deo tuo
 accepisti. imo. à Patre æterno quod te
 ex nihilo ad imaginem suam vt cum illo
 post mortem regnares creavit; quod om-
 nes creaturas etiam Angelos sanctos in
 ministerium tuum deputavit: quod hac-
 tenus

tenuis paternam curam circa te quasi solus in mundo esses gessit. Percurre hęc annos, loca, itinera, habitationes, occupationes, studia, officia; & recale, quo pacto tibi semper rum corporis tum animę necessaria suppeditavit. 2do. à filio Dei quod pro te ab æterna damnatione redimendo de calis descenderit, tot ærumnas in pueritia, in iuventute pertulerit, tot fatigationes & iniurias in virili ætate suscepit, tantum lachrymarum, sudoris, sanguinis effuderit, & demum tam acerbā crucis mortem subierit. 3tio à spiritu S. quod te ex tot millibus hominum, qui ob dei defectum damnantur elegerit, & in gremio Ecclesię nasci voluerit, quod tot illustrationibus & impulsionebus ad feriam vitę emendationem excitavit: insuper ad statum Religiosum, statum perfectiorem & securiorem è tot periculis sæculi evocarit, tamq; benignè ad maiorem perfectionem quotidie animet, exstimulet, adiuvet. Quid est quod ultra facere debuit animę tuę & non fecit? Laus. Gratiarum actio.

Punctum 2dum. Filius prodigus acceptam à Patre substantiam petulanter & luxuriose absumpsit. Refer hoc ad te, & expende malitiam & ingratitude tuam, quia immemor tot acceptorum beneficiorum
toties

toties Deum tuum offendisti. imo, personam Dei Patris, abutendo creaturis eius, finem ultimum spernendo, pro paterna providentia raro ac negligenter gratias agendo. his expensis dic: Pater peccavi in cælum & coram te, peccavi contra beneficia tua: doleo, doleo quod te Deum meum offenderim. 2do. personam Filij Dei frigidè cum amando imitari nolendo, lacrymas, ærumnas, sudores eius vilipendendo, imò peccatis tuis rursus crucifigendo, sanguinemq; eius conculcando. His expensis erubescere de tepiditate tua, incusa induratum cor tuum, quod ex passionibus Christi non emolliatur, & elice actum contritionis. 3tio. personam Spiritus S. præcludendo illi cordis tui ianuam sacrasq; eius inspirationes toties abijciendo. His similiter ponderatis excita in te compunctionem. O Sponse amabilissime quàm infidelis fui erga te, qui sic me dilexisti. En corde contrito revertor ad te: ne proijcias me à facie tua. doleo. da quod iubes, & iube quod vis.

Punctum 3tium. Pater videns à longe revertentem, misericordia motus recepit in gratiam, amplexatus est, vestimentis ornatus inquit. Expende hoc & refer ad Deum Patrem nostrum optimum, qui te & alios peccatores cum adhuc longè sunt, intue-

DE PÆNITENTIA.

191

etur: & misericordiâ motus auxilio suo
præventos benignè amplectitur delicto-
rumq; oblitus, in gratiam denuo recipit.
In colloquio prostratus humillimè coram
illo, admirare tantam bonitatem illius
in te indignissimum: interroga quid in te
viderit tantæ benignitatis provocativum:
gratias age: propone & protestare quòd
nolis ab eo amplius separari.

Pater noster, &c. Ave Maria, &c.

PRO DIE SABBATI.

*De penitentia fructibus ex parabola
de arbore fici.*

Punctum unum. Arborem fici quidam ha-
bebat plantatam in vinea sua. Consi-
dera imo. quòd cum esses arbor infru-
ctuosa, & quoad omnia frutex inutilis,
æternus Pater familias oculos in te con-
iecit, atq; ex sterili terra, id est ex sæculo
nequam, in quo tanquam arbor mala for-
tè deputandus eras æternis inferni igni-
bus, transtulit te infinita sua gratiâ in vi-
neam Sacræ Paulinorum Religionis eo
fine vt bonos fructus faceres. Considera
2do. quòd ex parte Dei sic te transferen-
tis nihil defuerit, quò fructus bonos pro-
ferres: quia vinea in qua te posuit, vinea
sancta est, sanctis legibus munita, quo-
tidiano psalmorum cantu iucunda, varijs
morti-

Mundus
terra ste-
rilis.

Religio vi-
nea.

mortificationibus confita oratione mentali & vocali pinguis, frequenti Sacramentorum usu facunda, & alijs sacris exercitijs abundans ita vt arbores possit producere altissimas, pulcherimas, fertilissimas: insuper in eo cæli aspectu posita, vt nulli in ea existenti Deus optimus desit, quin ipsum suæ gratiæ influxu continuo irriget. Accedit assidua cultura superiorum, & cura tum animi tum corporis. Quantos ergo fructus fecisse te hactenus, tot annis par fuit.

Punctum 2dum. Et venit querens fructum in illa & non invenit. Considera imo. an revera possit tot annos aliquem profectum & fructum in vinea sacre Religionis feceris: quod vt facilius assequaris, reflecte oculos in anteaactam vitam tuam, commemora loca & conventus in quibus fuisti, personas cum quibus vixisti, officia quæ gessisti, occupationes quas habuisti. Considera 2do. te non solum Deo & Religioni infructuosum fuisse, sed & damnosum & iniuriosum tot negligentijs & imperfectionibus, quas in observatione Regulæ & constitutionum in choro, in dormitorio, in refectorio, in oratione & in iniunctis tibi officijs commisisti. Considera 3tio. damna quæ ex tuis imperfectionibus orta sunt. Nam Deum privasti gloria,

gloriâ. sanctos læticiâ, auxilijs mundum, domesticos exemplo, religionem ornamēto, superiores gaudio, teipsum meritorum thesauro; sed & Deum ipsum offendisti, sæculares & fratres scandalifasti, religioni labem aspersisti, superiores mæiore complevisti, vitam ipsam inter varios conscientie remorsus traduxisti. Cōtricio. Dolor. Propositum.

Punctum 3tium. Dixit itaq; ad vinea cultorem: *succide illam, ut quid etiam terrâ occupat.* Considera 1mo. quàm multis tepidis Religiosis ita acciderit, qui cum viderētur arbores vel vites ob talenta speciosæ, subito Deo succidente prostrati sunt & ex viventium numero exclusi, ne frustra vineam sacram occuparent, & temporalia bona à pijs fundatoribus ad Dei gloriam & utilitatem proximi promovendam data, ad suam damnationem consumerent. Considera 2do. quòd & quoties hanc sententiam contra te ferri mereris; attamen Deus longanimis & multum misericors adhuc sustinet & expectat emendationem tuam, ac serium ferventemq; in perfectione profectum. Novit nimirum mutare sententiam si tu no-

*Ambro: in
Luc: 6. 1.*

Cultorem, rogando vt pro te intercedat, dicatq; Domino: *Dimitte me etiam hoc anno, & fodiam circa eam, quatenus dignos penitentiae proferat fructus, ad quod te paratum offeres.* Deinde conuertere te ad Christum cum supplici oratione, vt propitius sit tibi: cui offeres firmum propositum verae & solidae emendationis.

MEDITATIONES.

De præcipuo impedimento Christianae perfectionis, quod est sollicitudo circa temporalia.

PRO DOMINICA XIV. post Pent

De duplici servitute.

Mammon est nomen dæmonis tantis de diuitijs malè acquirèdis et ideo nomen eius derivatur ad diuitias significandas & dicitur Mā-
Punctum imum. Non potestis Deo servire & māmōnæ. Avaritia seu appetitus habendi contraponitur Deo: vnde Apostolus eam vocat idolum, seu idolorum servitutem. Considera imo, Quid sit servire Deo? est enim facere mandata eius; quæ sint autem mandata Dei, decalogus ostendit. Servire autem Mammonæ est facere mandata eius. Considera 2do. mandata Dei esse contraria mandatis mammonæ. Nam Deus præcipit: Non habebis Deos alienos coram me. Diem Sabbathi sanctifices. Non furtum facies. Non

Non concupisces rem proximi tui. At ap-
 petitus habendi contraria his præcipit. Nā
 iubet pecuniam habere pro idolo: *Lir: p. 5.*
 iubet violare dies sanctos & in solitudine *col. 117.*
 nimia vivere: iubet furari, concupisce-
 re. Da mihi Domine diligere mandata
 tua super aurum & topazion: & omnem
 viam iniquam odio habere.

Punctum 2dum. Non potestis Deo servi-
 re & mammonæ. id est non tantum diffi-
 cile est sed plane impossibile simul & Deo
 servire & mammonæ. Considera quæ ser-
 vitus præstantior? servitus Dei facit tran-
 quillitatem conscientia: servitus mammo-
 næ facit inquietudinē & continuā curā pur-
 git & lacerat mentem hominis. Servi-
 tus Dei facit securitatem: servitus mam-
 monæ timorem. Servitus Dei mancipat
 Deo: servitus altera mancipat diabolo;
 illa ad coronas cælestes, hæc ad supplicia
 gehennæ ducit. Elige quæ placeat. pro-
 pone nimias sæculi curas abijcere; & su-
 persuam circa temporalia sollicitudinem,
 ut toto studio regnum cæleste & iustiti-
 am eius quæras.

Tesseram ex sequentibus aliquam in-
 tegrā septimanā frequentius rumina.

Magister suavissime da mihi circa mul-
 ta non occupari, sed unum solum necessari-
 um, hoc est Regnum Dei & iustitiam eius
 querere.

Pp 2

Bonum

mona vel

Mammon.

Lir: p. 5.

col. 117.

Mandata

Dei contra-

ria man-

datis mā-

monæ.

Effectus

servitutis

Dei contra-

rij effecti-

bus servi-

tutis mā-

monæ.

Bonum mihi diligere Iesū: nil vltra querere.
 Dulcis Christe bone Iesu dissolve me oro &
 vinculis, quibus constrictus teneor, vt relin-
 quens omnia ista tibi seruiam, tibi soli in-
 heream, tibi soli intendam. S. Augustinus

PRO FERIA II.

*Quæ sollicitudo illicita, & quæ mo-
 tiva ipsam fugiendi?*

*Sollicitudo
 quid?*

*redditur
 illicita tri-
 pliciter.*

*lib. 3. c. 17
 a Kemp:*

*Qui dedit
 animā &
 corp⁹ quo-
 modo non
 labit vi-
 tū & ve-
 stimentū?*

Primū imū. Nolite solliciti esse dicen-
 tes quid manducabimus, aut quid bi-
 bemus, at quo operiemur? Considera 1mo.
 sollicitudinem ex vi nominis esse quan-
 dam solertiam citam ad prosequendum ea
 quæ sunt agenda. Considera 2do. sollici-
 tudinem circa res temporales fieri illicitā.
 1mo. si temporalia tanquam finem
 quæramus. 2do. si immoderato studio ea-
 dem procuremus. 3tio. si aliquis timeat ne
 facienti quod debet necessaria deficient.
 Domine maior est sollicitudo tua pro me
 quàm omnis cura quàm ego gerere pos-
 sum pro me. Iacto ergo super te curam
 meam.

Punctum 2dum. Expende motiva in E-
 vangelio posita, quæ nos impellunt ad
 cavendam sollicitudinem temporaliū. Imū.
 est quia maiora bona quàm sint scibus,
 potus, vestimentum & his similia, data

homini

homini à Deo præter suam solitudinē *Volatilia*
 scilicet corpus & anima. 2dum. est quia *celi & li-*
 Deus animalibus & plantis præter labo- *lia agri nō*
 rem ipsorū subvenit sufficientissimē iuxta *laborāt &*
 propotionem naturæ suæ: quanto magis *tamen illa*
 homini subveniet. 3tium quia Gentiliū *pascuntur*
 est qui divinam ignorant providentiam, *hæc vesti-*
 circa temporalia sollicitari non fidelium. *untur à*

Gratias age Christo Domino pro do- *Deo. Gen-*
 ctrina salutari. dole de nimia cura hæce- *tilium est*
 nus habita. propone primū Regnum Dei *sollicitari*
 & iustitiam quærere, & nihil de cultu di- *de tēpora-*
 vino in gratiam temporalium omittere *libus.*
 aut differre.

PRO FERIA II.I

*Duplicia sunt temporalia necessaria:
 & quam stulta ac nociva sollicitu-
 do circa ea.*

Punctū mū. Res circa quas solici-
 tantur homines, duplices sunt: aliæ
 naturales, aliæ artificiales. Priores sūt: ci-
 bus, potus, vestimenta, vehicula, habita-
 cula, & similia quibus homini subvenitur
 ad defectus naturales tollendos. Artifici- *Arist. 5.*
 ales sunt, pecuniæ quas industria huma- *Esbic.*
 na adinvenit ad facilitatem commutati-
 onis, vt sint quasi mensura rerum vena-
 lium, seu vt sint quasi fideiussor habendi
 Pro eo quodcunq; homo volverit.

*Tho: a Kep ad corporis sustentaculum pertinentia seruentur
l. 3. c. 27. ti spiritu; sunt onerosa.* Da Domine for-
menta hæc tēperatē quærere ijsq; tēpera-
tē uti, nō nimio desiderio implicari.

Punctum 2dum. Considera imo. stultum esse sollicitari nimie circa vtriusq; generis necessaria. Quid enim prodest homini, si universum mundum lucretur, anima verò suæ detrimentum patiatur. Stultum est sollicitari nimie de victu amictu & similibus necessarijs, cum providentia divinæ munus sit hæc nobis penes nostram moderatam curam subministrare. multo magis stultum sollicitari de pecunijs habendis aut coacervandis, cum hæc nō sustentent nec juvent naturam humanam secundum se, sed tantum necessaria vñsibus nostris per eas comparentur. Considera 2do. nocivam esse & animæ & corporis sollicitudinem superfluam; animæ; quia hæc retrahitur à studio supernorum: corpori, quia cum sollicitudo sit quædam inquietat attentio ad aliquid acquirendum vel faciendum, tabefacit hominem, curis extenuat, cogitationibus in diversa rapit, insomniam reddit.

PRO FERIA IV.

De causis sollicitudinis.

Punctum unum. Quanto magis vos mo-
ditæ

dicæ fidei. Diffidentia & timor defe- *Duo fontes*
ctūs, sunt duo fontes sollicitudinis. Ibi est sollicitudi-
maior sollicitudo circa temporalia, ubi nis, diffide-
minor fiducia in Dei providentia; simi- tia & ri-
liter ubi est timor maior ne aliquid desit mor defe-
ibi intervenit maior sollicitudo. Diffiden- ctūs.
tia opponitur fiduciæ, timor securitati.
Fiducia est robur spei proveniens ex aliqua *Fiducia*
consideratione quæ facit vehementem opini- quid? secu-
onem de bono assequendo. Securitas est qui- ritas.
es, a perturbatione timoris. Considera imo,
quantum malum sit diffidentia in Deo;
opponitur enim fidei & spei, sicut fiducia
includit in se fidem & spem; fiducia nāq; *Fiducia*
est, cum aliquis spem concipit ex hoc quod *fidē & spem*
credis verbis alicuius auxilium promittentis. *includit*
Considera 2do. ideo nos diffidere, quia
non consideramus promissionem Dei, quæ
certè facit vehementissimam persuasionē
de obtinendis illis quæ promissa sunt; vel
quia non firmiter credimus promissioni
Divinæ; propter quod nimie solliciti cir-
ca temporalia, vocatur à Christo modi-
cæ fidei. Habe ergò fiduciam in Domino ex
toto corde tuo & ne innitaris prudentiæ tuæ.
(quæ scilicet jubet sollicitari circa tempo-
ralia & varios modos ad illa acquirenda
monstrat) Prover. 3.

Punctum 2dum. Timor facit homines con-
siliarios inquantum scilicet curam habent

Arist.

ut possint evadere ea quæ timent. Nimi-
us ergo timor nimiam causat curam seu
solicitudinem. Considera 1mo. timorem
ex diffidentia procedere, securita-
tem ex fiducia. Considera 2do. timorem
hunc vocari humanū vel mundanum, esseq;
illicitum, quia per eum à Deo recedimus.
Considera 3tio. eiusmodi timidos incre-
pare à Christo. *Quid timidi estis modica
fidei.* & à Psalte: *Trepidaverunt timore
ubi non erat timor.* Actus fidei, spei, fi-
ducia in divina providentia: gratiarum
actio pro eadem, & quod nos securos,
& absq; solitudine voluerit esse.

PRO FERIA V.

*Bonitas Christi & duritia ac va-
nitas nostra.*

Punctum imum. Nolite solliciti esse quid
edatis. Quàm bonus Israel Deus! non
vult nos anxari & sollicitari de cibo
potuq; atq; alijs necessarijs: non vult af-
fligi ante tempus, sufficit, inquit, dici
malitia sua: evidentibus argumentis &
exemplis certificat nos de sua providen-
tia & sufficientissima rerum temporalium
subministratione. Quis tam bonus pater!
ad eū ut quæ mater tam tenere diligens filios! Pa-
sceretur rum id bonitati Dei ut nos pasceret e-
scæ u. scis naturalibus: etiam *declinavit ad nos
ut vesse.*

ut vefceremur. hoc eft, quemadmodum
exponit S. Hieron: dedit nobis efum cor-
poris fui ipfe cibus & conviua. O Nu-
tricius nofter, o Pastor nofter Chriſte
Ieſu quid faciam tibi, quid faciam pro
miſerationibus tuis. Ego merui furorem
iræ tuæ; & tu me portas in brachijs tuis:
tu exaltas iugum afflictionum & curarum
mearum ne premat me: inſuper declina-
ſti de cælo ut vefcereris mecum & ego
tecum. Sis. benedictus in ſecula. vtinam
in medio mei ſemper habites o ſancte ſan-
ctorum;

Punctum 2dum. Inter tantas bonitatis
divinæ erga nos divitias duritia & vani-
tas noſtra non vult intelligere, ut bene
agat. Impletur in nobis illud Oſeæ II.
neſcierunt, hoc eſt ſcire noluerunt quòd
ego curarem eos. Nam nihil proficiente
amabiliſſima Chriſti exhortatione, curis
ſeculi neglecto Deo & cælo implicamur,
& vaniſſimè circa temporalia conturba-
tur. In imagine pertranſit homo ſed &
frustra conturbatur. Quare? theſaurizat
& ignorat cui? In imāgine pertranſimus
quia ad inſtar umbræ quæ eſt imago cor-
poris, vel ad inſtar imaginis in ſomno ap-
parentis. In imagine pertranſimus, quia
in mundo qui eſt imago in qua cognosci-
bilibiter, videri poteſt Deus. In imagine

*Quomodo-
in imagi-
ne pertrā-
ſit homo?*

Pps

per-

pertransimus quia imaginem Dei portamus, & tamen vanè conturbamur congregantes cum nesciamus cui, an nobis an nostris, an furi an prædoni.

Punctum 3^{ium}. Filij hominum usque quo gravi corde ut quid diligitis vanitatem & quæritis mendacium. Vanitas perituras divitias quærere & in illis rare. Mendacium sunt phantasmata quæ in capite nobis formamus de divitijs nobilibus, voluptatibus. Gravitas res omnis extra centrum suum si autem vertatur centro, non. Centrum cordis homini, Deus. Si Deo non unitur o quam grave, & anxium est. vanitate & mendacio nunquid impleri potest? Beati miserunt (mundani) populum cui hæc oves boves promptuaria plena aurum argentum filij & filia & his similia: beatus populus cuius Dominus Deus eius.

PROFERIA VI.

Unus Dominus: & ingratitudo mundi erga ipsum.

Anima no-

stra aut a **P**unctum 1^{um}. Nemo potest duobus dominis servire. Duo domini sunt Christus & diabolus. ille verè, hic falso aut a Ty arroganter. His ambobus nemo potest rano vano valere. Imo, quia unus est altissimus

scatur.

mus

mus creator omnipotens & Rex potens *s. Aug: de*
 & metuendus nimis sedens super thronū *Iosepho &*
 & dominans. Deus. Eccl: 1. Si ergo alium *filij Israel*
 nobis. assumimus. Dominum, eo ipso. a pri- *multiplica*
 ore cum injuria & contemptu ipsius rece- *ris.*
 dimus. Duo domini absoluti & independen-
 dentes. qualis est Deus & qualis diabolus.
 vult esse. nequeunt respectu vnus esse: cū
 vterq; plenum dominium & plenum ser-
 vitium sibi vendicet. 2do. quia Christus
 & diabolus sunt sibi in omnibus contra-
 rij, vt lux & tenebræ vt arca. & Dagon.
 veritas. & mendacium, vita & perditio.
 Quæ autem conventio lucis ad tenebras
 &c. Christus exinanivit semetipsum formam
 servi accipiens; diabolus formam Dei
 rapere voluit. 3tio quia natura cordis to-
 tiusq; hominis est quod non possit dividi.
 Moritur si dividitur.

Punctum 2dum. Diabolus per concupi-
 scentiam subivgavit sibi hominem conci-
 tando ipsam adversus præceptum Dei.
 Hinc est quod diabolus & appetitus ha-
 bent dominium subordinatum in homi-
 nem. ita vt vnus alteri se accōmodet, dæ-
 mon appetitui, appetitus dæmoni: dumq;
 homo vni eorum servit, vtriq; servit. Ex-
 pende quanta injuria Dei sit dum nos di-
 abolo, spreto Deo & appetitui nostro spre-
 ta lege Dei subiicimus contra illud: Do-
 minum

minum Deum tuum adorabis. & illi
servies, & contra illud: Subter te
appetitus tuus. & tu dominaberis illius

Punctum 3^{ium}. In tantum successu
poris crevit injuria Dei & malitia nostri
appetitus ut mundus Christum verum
um post varias persecutiones crucifixum
illum, qui amore hominis homo factus
qui animam & corpus dedit nobis: ad
animam sustentandam dedit cibum & po
tum, ad corpus operiendum pelles
nos & telas: propter nos volatilia creavit
pascitque propter nos lilia herbasque & ar
bores innumeras produxit, demum seipsum
& sua omnia tradidit nobis. Quid
rò mundus? liliorum vestitorem denuda
vit: snavitatis fontem amaricavit: aucto
rem vitæ interfecit. Tu ipse quoties pec
cando Christum crucifixisti? Hæc cin
reddis. Domino popule stulte & insipiens

PRO DIE SABBATI.

*Mala solitudinis: & exempla e
iusdem fugienda.*

P*unctum 1^{um}.* Expende quantum sit
impedimentum salutis æternæ solici
tudo temporalium ex eo imprimis, quia
tam disertè & fortiter ab ea dehortatur
Christus Dominus. deinde quia suffocat
sementem verbi divini in nobis, adeoque

facit

facit, vt anima nostra vt pote non habens cibum suum spirituales moriatur. 3to. quia deprimit animam nostram, & gravat ad terrena, vt se liberè non possit ad cœlestia erigere. 4to. quia est quædam animi ebrietas & facit hominem obliuisci salutis æternæ, & eorum quæ ducunt ad salutem. Vnde Christus Dominus sollicitudinem temporalium componit cum ebrietate & crapula. *Attendite inquit, ne corda vestra grauentur in crapula & ebrietate & curis secularibus.*

Punctum 2dum. Percurre exempla quæ te moveant ad fugiendam superfluam sollicitudinem. Maria optimam partem elegit scilicet assidere pedibus Iesu per contemplationem & continuum regni cœlestis studium. David *fiducialiter inquit agam & non timebo; ne quid desit mihi ex rebus temporalibus.* Idem ait: *Iunior fui etenim senui & non vidi iustum derelictum nec semen eius quærens panem.* S. Paulus Primus Eremita non erat sollicitus vnde tractaret Antonium. S. Caietanus soli diuinæ providentiæ semper inhæsit, quæ sibi nunquam defuit. Nec tibi vnquam deerit. Age Deo gratias. erubescere de tua diffidentia, de tua proprietate, de tuis superfluis, propone maiorem fidem & spem in diuina providentia habere. Tesseræ vt supra.

MEDITATIONES

De Morte.

PRO DOMINICA XV. post Pent

*Quare Christus occurrit defuncto.**Præludia Historica.*Luce 7¹

Punctum 1^{um}. Ecce defunctus efferebatur. Occurrit Christus defuncto qui extra portam civitatis efferebatur quia Christus non vult ut extra memoriam nostram, quæ est porta quædam anime, mors exportetur, sed ut potius in memoria nostra maneat. Considera 1^{mo}. Memoria, Quid sit mors? est enim privatio vite. Considera 2^{do}. necessitatem memorie mortis. Nam imprimis retrahit à peccando. Memorare novissima & in æternum Memoria non peccabis. Deinde conservat hominem mortis re. in statu gratiæ. Cinis sustentat ignem: mem- trahit à moria vero cineris in quem convertendus est peccando, conservat gratiam ait Didacus. Insuper ad conservat contemptum rerum temporalium ducit. in gratia, Facile contemnit omnia qui se quotidie contemptum gemit moriturum ait S. Hieron.

Punctum 2^{dum}. Cogita maiorem mortem esse angustiam in morte quam eorum qui ex improvviso nec parati moriuntur. Beatus servus quem cum venerit Dominus eras & pulsaverit ianuam, invenerit vigilantem

ergo

ego miser & infelix ille quem imparam
& inopinantem mor adoritur. Ecce
in pulsis Domine Iesu per ægritudines
arias corpus meum: ego verò pessulis
avararum consuetudinum & vitiorum fir-
navi ianuam cordis mei; heu quàm pi-
et me aperire tibi! Misere: da vt pa-
tum sit semper cor meum in adventum
tuum: da vt cunctis diebus quibus nunc
silio expectem immutationem meã. Ex-
stiteris vel omnes, vel quæ placuerit per
permanam usurpa.

Domine Iesu libera me in illa hora quan-
circumdabunt me dolores mortis & peri-
cula inferni invenient me.

Benignissime Domine remitte mihi vt re-
gerer priusquã abeam: & amplius non ero.
Maria Mater gratiæ: dulcis parens clemẽ-
te: Tu nos ab hoste protege, & mortis ho-
suscipe.

PRO FERIA II.

De proprietatibus mortis: ubi e-
iam cautela datur pro bona morte.

Punctū mū. Prima proprietas mortis
quod sit certissimè futura. Ex quo
discce continuam mortis habere memo-
riam & serpentem imitari: qui ne audi-
et vocem incantantis obturat aures suas
terra & cauda. Incantator noster Diabo-
lus

Mors cer-
ta.

lus est. promittit longam vitam, honores, affluentiam in bonis. suadet contemptum Dei & mandatorum eius: sed non obstruere debemus aures terrâ recogitando quod terra sumus & in terram revertemur; caudâ seu finem vitæ, recogitando quod certissimè moriemur omnia prorsus hîc relicturi, & sola merita atq; demerita accepturi nobiscum. Disce item omnes mortes quas vides vel audis esse admonitiones de morte nostra seriùs aut citius ventura.

*Incerta
quoad tē-
pus, locū,
modum.*

Punctum 2dum. Altera proprietas mortis est, quod sit incerta quo ad diem locum & modum. Ex quo disce vigilandum tibi semper esse & in fide ac charitate divina bonisq; operibus ferventer persistendum imitandasq; formicas, quæ licet sint populus infirmus, congregant in messe cibum sibi. *Dum tempus habemus operemur bonum.* ad Galat. 6. Veniet hyems mortis in qua laborare non poterimus: veniet nox in qua nemo potest operari; tunc sero & infructuosè dolebimus quòd in tempore merendi, in tempore lucrandæ gratiæ & gloriæ stertebamus aut inutiliter dies horasq; impendebamus. Ergo emendemus in melius quæ ignoranter peccavimus ne subito præoccupati die mortis queramus spatium pænitiæ, & invenire non possimus.

Pun-

Punctum 3^{ium}. Tertia proprietas mortis est quod semel tantum subeunda sit. Ex quo discere quàm gravis sit error malæ mortis, qui per totam æternitatē corrigi non possit. Inquem ne impingas imitare lepulem, qui collocat in petra cubile suum: & piscem marinum qui tempore tempestatis ad hæret petrae nec se villo modo sinit ab ea avelli. Mare est sæculum præsens continuis tentationibus velut fluctibus fervens. Christo ergo, qui petra est, ita adhæreamus ut nos nihil ab ipso separare possit; & tunc nihil nobis mors ipsa nocebit. Felices nos! si hæc animalcula invalida, sapientibus tamen sapientiora fuerimus imitati. Dole de peccatis & negligentijs: propone ferventiùs operari salutem nullasq; meriti occasiones prætermittere: propone item ex morte aliorum visa vel audita excitare te ad penitentiam: ad contemptum mundi: ad amorem Dei cui omnia vivunt.

Semel tantum subeunda.

Lepus & polypus imitandi.]

Prov. 30.

PRO FERIA III.

De morte malorum.

Punctum 1^{um}. Considera quantum peccator cruciatum perversus homo sit habiturus in morte ratione præteritarum reum. imo. ratione peccatorum; quia tunc ex plurima memoriæ occurrent, etiam ea præteritis

Peccator in morte angustia- bitur ex

præsenti- quæ oblitus fuit, & quæ pro levibus an-
bus & fu- nullis habuit. 2do. ratione temporis & ne-
turis re- merendi occasionum; quia tunc desiderat ius-
bus. bit vel vnicum diem ex multis inaniter
 consumptis, & non dabitur illi: tunc vi-
 debit & planger temporis iacturam sed
 serò: videbit & dolebit quod Sacramen-
 ta non frequentarit, quod pietatis exerci-
 tia, orationē contentiones, ieiunia, morti-
 ficationes neglexerit. Cum dixerint pa-
 & securitas tunc repentinus malis super-
 veniet interitus sicut dolor in utero ha-
 bentis, & non effugient. Non simus ex
 quos dies illa sicut fur comprehendit. Si-
 mus filij lucis & diei non noctis & tene-
 brarum. Igitur non dormiamus sicut
 ceteri sed vigilemus & sobrij simus 1. a.
 Tess: 5.

Punctum 2dum. Considera quantam
 item afflictionem malus sit habiturus ex
 præsentibus nimirum ex separatione
 à voluptatibus, à divitijs, & ab amicis:
 vel maximè ex separatione animæ à cor-
 pore. Meditare demum quantam afflictio-
 nem sit habiturus ex futuris, nimirum
 ex reddenda ratione de verbo, cogitatione
 ne & opere: ex dæmonum occursum ex pa-
 tentis inferni hiatu. Hinc timor ingens
 sudor lethalis proveniet. Augebit timor
 rem vaftricies cacodæmonis, qui omnes vi-

res suas exeret ad hoc vt in desperatione
 nem inducat animam, scelera & diuinæ
 iustitiæ rigorem exaggerando; propter
 quod in hoc puncto etiam sanctissimi non-
 nunquam concuti solent vti patet in S.
 Hilarione. O JESU Fili Dei per tuam
 agoniam pelle à me timores & dolores
 mortis. Domine Dñe virtus salutis meæ,
 obumbra super caput meum in die belli,

PRO FERIA IV.

De morte iustorum.

Punctum iunum. Considera mortem li-
 cet malis vt dictum est sit horrenda,
 pijs tamen non esse formidabilem: impri-
 mis ratione præteritarum rerum, puta
 peccati, temporis, occasionum; tum quia
 si quæ habuerunt peccata, per penitenti-
 am emendarunt; tum quia tempus utili-
 ter expendere studuerunt; tum quia occa-
 siones merendi non neglexerunt, atq; id-
 circo confidendo in diuina misericordia
 tantam sentient pacem ac consolationem
 vt omni metu depulso initium quoddam
 beatitudinis videantur sibi degustare. Sic
 Paula moriebatur omnia pacata & tran-
 quilla habens. Sic Ambrosius, non timeo
 iniquiens, mortem quia bonum Dominum
 habemus. Sic Martinus spectra inferni se-
 cure pellens. Moriatur Domine anima

mea morte iustorum! In pace in idipsum dormiam & requiescam. O in pace o in idipsum! Tu es idipsum valde qui non mutaris & in te requies obliviscens laborum. Aug: Conf: l. 9. c. 4.

Punctum 2dum. Considera quomodo bonus Christianus ratione presentium hoc est, ratione omnium rerum caducarum, nullam afflictionem sit habiturus in morte, qui eas contempsit in vita: sed ne ex parte rerum futurarum affligetur propter firmam spem & fiduciam in misericordia Dei, in meritis IESU Christi & Sanctorum patrocinij. Accedet ad tranquillitatem animi, testimonium bonae conscientiae. Consolabuntur se timorati illi Apostolico: *Hac est gloria nostra testimonium conscientiae nostrae: quoniam in sanctitate & sinceritate & gratia Dei conversati sumus in mundo.*

2. Cori: 1.

PROFERIA V.

De morte per circumstantias loci temporis, occasionis & modi.

P*unctum 1mum.* Considera imo locum mortis incertum esse. Incertum enim an domi, an foris, an in monasterio, an extra: an in lecto nec ne: an inter bonos nec ne morieris? Quando vnus miles alterum evocat ad duellum non designando locum

locum & tempus ad conflictum, semper
& vbivis armatus vterq; ac paratus cer-
tamini incedit. Mors nos evocat ad vlti-
mum & periculosum conflictum: locum &
tempus non assignavit; vbivis & semper
parati esse debemus. Considera 2do tem-
pus quoq; summè incertum esse, quando,
quo mense, quo die; an hodie an cras, an
hoc anno morieris? Repete memoria
exempla (quæ quilibet plurima habere po-
test obvia) multorum qui cum minimè
sunt, extincti sunt. Et memento dum
te cubitum ponis contra repentinam mor-
tem imprimere crucem fronti dicendo:
IESUS NAZARENS, REX JUDÆO-
RUM: quod fætitabat S. Edmundus ab
ipso IESU edoctus.

Punctum 2dum. Considera imo occasi-
ones causasq; mortis innumeras esse, &
quidem tam intra te quam extra te. Intra
te sunt humores quatuor continuè secum
pugnantes. Item passionες ex iisdem hu-
moribus ortum ducentes. Item morbi va-
rij. Extra te sunt odor pestilens, regula
desuper cadens, casus inopinatus &c.
Considera 2do. modum mortis. Morieris
aut potius moribundus iacebis hoc mo-
do: Caput grave sensibus destitutum at-
tollere non poteris, oculi stupebunt,
frons sudabit, vultus nigrescet, frige bunt
manus,

manus, pulsus arteriarum cessabit, cor nimium palpitabit, guttur phlegmate op-
plebitur, pedes tumescunt: denique miser-
ram unam ex te ipso spectantibus exhibe-
bis catastrophem. Hæc quantum ad cor-
pus: quantum ad animam timebis propter
peccata tua Deum iudicem, sententi-
am eius, inferni pericula. Verè tunc di-
cere poteris: *Circumdederunt me dolores
mortis & pericula inferni invenerunt me*

Affectus convenientes eliciantur cum
cessera.

PRO FERIA VI.

De triplici morte.

Apoc: 1.

Punctum unum. Qui vicerit, non lædetur
à morte secunda. Mors est triplex: pri-
ma separatio à vita gratiæ; & hæc in scri-
pturis propriè vocatur mors: secunda est
separatio à vita naturæ; & hæc vocatur
dormitio vel somnus: tertia est separatio
à vita gloriæ. Qui ergo vicerit mundum
carnem, diabolum, non lædetur à morte
secunda; quia hæc ei nihil nocebit. Eti-
am vulnera IESU Christi non sinunt læ-
di à morte. O IESU protege me in ultima
hora radijs vulnerum tuorum. Aperi mi-
hi latus tuum. O si audiam vocem illam
quam audivit tuus Avertanus: *Veni dilectus
anima intra hoc apertum latus.* Quam dul-

cis

cis & secunda mors mihi erit!

Punctum 2dum. Iustorum animæ in manu Dei sunt, & non tanget illos tormentum mortis. O felices Iusti quos gestant manus divinæ! Non tantum non affliget, sed ne quidem tanget ipsos mortis tortura. O IESU in manibus tuis apertis & perforatis absconde me à facie accipitris infernalis. ibi tutus quiescam! Tantus labor tuus Domine IESU non sit in me cassus!

PRO DIE SABBATI.

Quare semper parati esse ad mortem debemus.

P*unctum 1mum.* Expende, semper nos debere paratos esse ad mortem. imo. quia ita vult & præcipit Christus Dominus dum ait: *Estote parati, quia quæ hora non putatis veniet filius hominis.* 2do quia dispositio bona ad mortem aut rarissimè aut nunquam sub tempus mortis evenire solet in ijs qui ad horam obitus differunt penitentiam. Fatuis Virginibus dum se primò parant in adventu sponsi, clauditur ianua regni cælestis. Et frequentissimè fit, quòd antequam Sacerdos confessionem excepturus veniat, ægrotus expirat.

Punctum 2dum. Considera item ideo te venisse ad Religionem, ut semper ad mortem paratus sis. Considera demum tales

De conve-
nientia
decē prae-
ceptorum.

& in tali statu fermè semper inveniri ho-
mines moribundos, quales & in quali sta-
tu ordinarie vivebant. Si pecus esse non tri-
mes, vel saltem mori sicut pecus time ait S.
August. Ora Beatissimam Matrem ut as-
sistat tibi in hora mortis? Ora item & cre-
bro suspira secutus exemplum Hugonis
à S. Victore, ut ultimus cibus tuus sit Satis-
sima Eucharistia: ultima cogitatio tua
sit passio Christi: ultimum verbum tuum
sit dulcissimum nomen IESU.

MEDITATIONES

De vitio Superbiæ.

PRO DOMINICA XVI. post Pentecostea.

Quid & quotuplex Superbia?

Punctum unum. Et ecce hydropicus ante
illum. Quis iste hydropicus nisi super-
bus? Sicut enim hydropicus tumet cor-
pore, ita superbus tumet animo. Consi-
dera 1mo. quid sit superbia? est appetitus
inordinatus propriæ excellentiæ unde su-
perbus nominatur ex hoc, quod per vo-
luntatem tendit supra id quod est. Consi-
dera 2do. quotuplex est superbia? est
enim duplex: prima carnalis per quam
extollitur homo de bonis carnalibus: al-
tera spiritalis per quam extollitur de
bonis

bonis spiritualibus, & hæc periculofior quia occultior. Quid est omnis caro in conspectu tuo. Nunquid gloriabitur lutum conera formantem se. Isaïæ 29.

Punctum 2dum. Expende species superbiae quæ sunt quatuor: prima, cum quis bonum aliquod habere se à semetipso æstimat: secunda, cum quis bonum aliquod credit quidem desuper sibi datum, sed pro suis meritis, illud se accepisse putat: tertia cum quis iactat se habere quod non habet: quarta cum quis despectis cæteris singulariter appetit videri habere quod habet. Discute conscientiam tuam ne fore aliqua species superbiæ hæreat in animo tuo. Ora ne veniat tibi pes, hoc est affectus superbiæ. propone omnem fugere superbiam & aliquam ex subiectis testem frequenter per septimanam adhibe.

Domine non exaltetur cor meum, neque oculi mei sint elati.

Mihi autem absit gloriari, nisi in cruce Domini nostri Iesu Christi, per quem mihi mundus crucifixus est, & ego mundo.

Redemptor mi expelle à me spiritum superbiæ, & concede propitius thesaurum humilitatis tuæ. S. August: c. I. medit.

PRO FERIA II.

*De signis & gradibus superbia:
ac humilitatis.*

S. Bernar-
duſ tract:
de gradi-
bus hu-
militatis. **P**unctum unum. Signa & gradus superbiae sunt duodecim: Curiositas, mentis levitas, inepta lætitia, iactantia, singularitas, arrogantia, præsumptio, desensio peccatorum, simulata confessio, rebellio, libertas, peccandi consuetudo. Fac supra te reflexionem, ne forte hi gradus reperiantur in te aut omnes aut aliqui.

S. Basilii
in regula. **Punctum 2dum.** E contra gradus humilitatis sunt etiam duodecim: corde & corpore semper humilitatem præferre defixis in terram aspectibus: pauca verba & rationabilia loqui non clamorosa voce: non esse facilem ad risum. His tribus gradibus humilitatis opponuntur imi tres gradus superbiae. Curiosus enim non figit in terram aspectum, sed inordinate circumspicit. levis mente superbe se habet in verbo. ineptè lætus, facile ridet. Taciturnitas vsq; ad interrogationem: cui opponitur iactantia. tenere quod communis regula monasterij tenet: cui gradui opponitur singularitas, per quam vult aliquis sanctior aut maior apparere.

Punctum 3tium Reliqui gradus humilitatis sunt: Credere, & pronuntiare se
omni-

omnibus viliores: cui gradui opponitur arrogantia per quam se homo alijs præfert. inutilem se ad omnia & indignum reputare, & confiteri: cui gradui opponitur præsumptio, per quam aliquis reputat se sufficientem ad maiora. Confessio peccatorum: cui opponitur defensio eorundem. patientia in duris & asperis: cui simulata confessio opponitur, dum nimium quis pœnam subire detrectat pro peccatis quæ simulatè confitetur. Obedientia: cui opponitur rebellio. Abnegatio propriæ voluntatis: cui opponitur libertas. timor Dei: cui opponitur peccandi consuetudo. Examina te an gradus humilitatis maneant in te. Ora, propone. reseram adhibe.

PROFERIA III.

De gravitate peccati superbiæ.

Punctum unum. Considera in superbia maximam esse gravitatem ex parte aversionis à bono incommutabili hoc est à Deo. Nam in alijs peccatis homo avertitur à Deo vel propter ignorantiam, vel propter infirmitatem, vel propter desiderium alicuius boni creati: iam verò superbiendo, ideo solum avertitur à Deo; quia ipsi & regulæ eius non vult subijci. Considera & inde gravitatem

*Superbiæ
gravitas
ex directa
aversione
à Deo.*

*Ex eo
quod Deus*

illi resiste- tem superbiæ, quia nulli alteri peccato
re dicitur. dicitur Deus resistere. O qui humilia re-
Ex eo qui spicis & alta à longe cognoscis, superbi-
a in reme- am omnem longe fac à me.

dium eius. Punctum 2dum. Gravitas superbiæ & in-
peccata de patet, quia Deus superbos permittit
carnalia à ruere in peccata carnalia, quatenus sic
Deo per- cadentes à maiori malo superbiæ resipi-
mittitur. soant & sanentur, sicut medicus in reme-
Ex eo qui dium maioris morbi permittit ægrotum
a est initi- labi in minorem infirmitatem. Item gra-
um omnis vitas superbiæ inde liquet, quia super-
peccati. bia initium est omnis peccati. Nam & di-
Ex eo qui- abolus & primi parentes per eam lapsi
a est signū sunt. Item quia ut ait D. Gregorius: Evi-
reprobati- dentissimum reproborum signum superbia est.

onis. Quare superbiam nunquam in tuo sensu aut
Tobia 4. in tuo verbo dominari permittas.

PROFERIA IV.

Mala ex superbia.

Punctum 1mum. Omnis qui se exaltat
humiliabitur. Humiliari capitur hic
in malam partem pro deprimi, vilificari
& multis malis affici. Considera quæ ma-
la homini contingant ex superbia. imo.
superbus despicitur ab alijs, & odio habe-
tur, & maledicitur. Nam initium omnis
peccati superbia est: & qui tenuerit illam ad-
implebitur maledictis. 2do. reputatur stul-
tus.

Luce 14.
Superbus
alijs exo-
sus.

stultus.

tus.

tus. Si enim ubi humilitas ibi sapientia inquietus. igitur è conuerso ubi superbia ibi stultitia. 3tio. temper est inquietus & anxius sicut humilis est quietus. 4to. est rixosus & iracundus. Nam inter superbos semper iurgia sunt. 5to. diabolo similis efficitur. sicut etenim diabolus noluìt alijs similis esse, sed soli altissimo; ita superbus non sum inquit sicut ceteri hominum. 6to. in proximo periculo peccandi constituitur. Proverb. 17. Quia altam facit domum suam querit ruinam & Prov: 16. Ante ruinam exaltatur spiritus; ut signum sit proximi lapsus superbia præcedens. Detestare superbiam. propone cavere.

Punctum 2dum. Climacus mala superbie in hac descriptione includit: Est Dei abnegatio, inventio demonum, aspernatio hominum, condemnationis mater, sterilitatis augmentum, laudum progenies, divini adiutorij expulsio, stuporis precursor, lapsuum ministra, casus materia, iracundie fons, simulationis ianua, firmamentum demonum, delictorum custos, duritie & crudelitatis artifex, compassionis & misericordie ignoratio, amarus exactor, immitis iudex, Dei adversatrix. Discute diligenter & videbis singula hæc quadrare superbie.

Rixosus &
iracundus
Diabolo
similis.
proximus
ad peccan-
dum.

De SUPERBIA.
PRO FERIA V.

Mensa Christi superbiam excludit.

Lucæ 14.

Punctum 1^{um}. Cum invitatus fueris ad nuptias, recumbe in novissimo loco. Nuptias celebrat Christus cum animabus nostris, quoties ad altare sancta mysteria sumpturi accedimus. Si quando certè tunc necessaria humilitas. Quis enim quid & cui & quem ob finem tunc cōiungit. Filius Dei se nobis coniungit ut vnum fiamus cū ipso sicut ipse vnum est cum Patre suo.

Punctum 2^{dum}. Considera ex parte Christi quanta humilitas in hoc Sacramento, quia se Maiestatemq; suam sub minutis speciebus posuit & occuluit: quia se omnibus etiam malis tradit sumendum, tractandum, manducandum: quia se per vicos, plateas, & casulas pauperes portare permittit. O Maestas Dei tanto opere humiliata!

PRO FERIA VI.

Media refrananda superbia.

Punctum 1^{um}. Perpende quo nam pacto motus superbi reprimi possunt? Reprimuntur imo. consideratione propriæ infirmitatis secundum illud: Ecclesiæ 10. quid superbis terra & cinis? 2^{do} consideratione magnitudinis divinæ. secundum Iob 15. Quid timeat contra Deum spiritus tuus

tuus? 2tio. consideratione imperfectionis bonorū de quibus superbit homo; secundū illud Isaia 64. *Quasi pannus menstruata, noster.* De Domine non altū sapere sed timere.

Punctum 2dum. Motus superbiæ reprimuntur item consideratione exemplorum humilitatis, præcipuè vero Christi Domini, qui cum esset Rex gloriæ, tamen humiliavit semetipsum vsq; ad mortem. Hic percurre actus humilitatis Christi Domini sub tempus passionis eiusdem. Pete virtutem humilitatis: propone omni studio ipsam colere.

PRO DIE SABBATI.

De ambitione.

P*unctum 1mum.* Dicebat autem & parabolam ad invitatos intendens quomodo primos accubitus eligerent. Luca 14. Cupidi erant honoris hi invitati: ambitionem eorum Christus sua exhortatione damnavit. Quid est autem ambitio: nihil aliud nisi vitiosus honoris appetitus. Considera quòd honorem præstamus alteri in testimonium excellentiæ ipsius: illud autem secundum quod homo excellit, non habet à seipso sed à Deo. Unde Apostolus: Quid habes, quod non accepisti? Si autem accepisti, quid gloriaris? atq; idcirco ex omni eo in quo quis præcellit, hono-

*Exaltetis
nostris so-
li Deo ho-
nor? &
proximo
utilitas.*

honorem non sibi arrogare debet sed in Deum refundere. Considera item bonum vel bona per quæ quis supereminet inter alios, non ideo dari à Deo ut homo placeat sibi seq; supra ceteros efferat, sed ut alijs proffit & ex talentis sibi creditis juvet & tutetur proximos. Consideremus igitur quæ
S. Gregor: accepimus atq; in eorum erogatione vigilemus
hom: 9. *Punctum 2dum.* Appetitus honoris ex
Libido ho- triplici capite fit inordinatus. 1mo. Si ali-
noris vn- quis appetit testimonium de excellentia
de vitiosa quam non habet. 2do. Si cupit honorem non referendo ipsum in Deum. 3tio. si in ipso honore quiescit non referens ipsum ad utilitatem aliorum. Introspecte teipsum & disce alijs iuxta monitum evangelij dare locum. Fuge honorem. Quam multis honor, occasio exitij fuit. S. Aug: ser: 13. in Matth. Si in honore es, solius Dei gloriam & proximorum utilitatem propone curare. Adijce orationem: Domine Pater & Deus vitæ meæ ne derelinquas me in cogitatu maligno: extollentiam oculorum ne derideris mihi: & omne honoris desiderium prævium averte à me.

MEDITATIONES

De extremo Iudicio.

Ecclesi: 23.

PRO DOMINICA XVII. post Pentecostam.

De ex-

*De iudiciaria potestate Christi
Domini.*

Preludium 1mum. Imaginare Christum
Dominum in throno iudiciario sedentem.

Preludium 2dum. Pete ut timore iu-
dicii suorum configat carnes tuas.

Punctum 1mum. *sede à dextris meis.*

Dominus ad emendandum errorem *Marr: 21.*

Pharisæorum circa Christum, videtur textu

Davidico; *Dixit Dominus Domino meo: sede*

à dextris meis. *Dextera Patris significat*

gloriam divinitatis secundum Damascenū.

beatitudinem Patris secundum Augusti-

num & iudiciariam potestatem secundum

eandem. Nomine sessionis intelliguntur

duo: quies & regia seu iudiciaria potestas.

Secundum utramque intelligentiam conve-

nit Christo sedere ad dexteram Patris:

quia & manet seu quiescit æternaliter in

beatitudine Patris tanquam æqualis ipsi;

& habet ab eo iudiciariam potestatem.

Expende quod soli Christo non Angelo,

nec homini ulli competat sedere ad dex-

teram Patris. Nam solus est in æqualitate

Patris secundum divinitatem: & solus est

in excellenti possessione divinarum bo-

narum præ cæteris creaturis secundum

humanitatem. Unde ad Hebr: 1. dicitur:

ad quem enim angelorum aliquando dixit:

Rr

sede

*Dextera
Patris
quid?*

sede à dextris meis: id est vt exponit Gloſſa, mihi ſecundùm diuinitatem equalis: vel in meis potioribus bonis.

Cur & quot nominibus conuenit Christo iudiciaria potestas?

Punctum 2dum. Considera 1mo. Christo Domino tanquam filio Dei iudiciariam potestatem propriè attribui, quia ad iudicium formandum requiritur sapientia; ipse autem est sapientia genita, & ueritas à Patre procedens; atq; ipsum perfectè repræsentans. Considera 2do. Christo vt homini conuenire iudiciariam potestatem, ex eo quia est caput totius Ecclesiæ; & quia Deus pedibus eius omnia subiecit. Considera 3tio. quòd quanquam iudiciaria potestas debebatur Christo, & ratione diuinæ personæ & ob dignitatem capitis; tamen ex merito etiam eam obtinuit, vt nimirum secundùm Dei iustitiam index esset qui pro Dei iustitia pugnauit & vicit, & iniustè iudicatus est. *Sedebit index* ait S. August: *qui stetit sub iudice damnabit verò reos. qui falsò factus est reus.* Vide qualem iudicem habiturus sis: peccata misericordiam: cave nunc iram eius incurrere. propone fugere omne peccatum: & clementiam Christi pro die iudicii sub tempus missæ deprecare. Tesseratam quampiam ex subiectis per septimanam frequentabis.

Iustæ index ultionis, donum fac remissionis ante diem rationis.

Non

Non intres in iudicio cum servo tuo
quia non iustificabitur in conspectu tuo
omnis vivens.

Vae mihi misero cum venerit dies iudicii & aperti fuerint libri conscientiarum, cum dicetur de me: *Ecce homo & opera eius?* S. August.

PROFERIA II.

De necessitate & causis universalis iudicii.

Punctum unum. Necessitas iudicii universalis exinde ponderanda quod de nulla re antequam consummata sit in se & in suis adiunctis, possit perfectum formari iudicium. Homo autem licet consummetur secundum se per mortem vivit tamen & remanet in aliquo sui, nimirum vel in memoria & exultatione quam de ipso aliquando contra veritatem retinent homines, vel in filiis qui sunt aliquid Patris & quorum multi mali sunt ex bonis parentibus, & è contra: vel in effectibus suis, ut in hæreticis vivit hucusq; deceptio facta per hæresiarchas; & in universis fidelibus manet fructus prædicationis Apostolorum: vel in honore aut ignominia corporis: vel in rebus temporalibus in quibus affectum suum vivens defixerat. Antequam ergo hæc omnia finem suum habeant

De IUDICIO EXTREMO.

beant, quem non habebunt donec temporis huius cursus durat, perfectum & manifestum de homine dari nequit iudicium. Necessarium proinde est universale iudicium in fine mundi. *Aspice in me & miserere mei secundum iudicium diligentium nomen tuum.*

Punctum 2dum. Ultra causam universalis iudicii superius expressam, sequentes assignantur. 1ma est: ut sententia in particulari iudicio lata confirmetur. 2da. ut gloria humanitatis Christi IESU non solum bonis in caelo sed & impijs in terra ubi eius ignominia fuit publica, innotescat iuxta illud psalmi 96ti. in quo adventus Christi ad iudicium describitur: *Viderunt omnes populi gloriam eius.* ubi praeteritum pro futuro ponitur & iuxta illud Apoc: 1. *Ecce veniet cum nubibus. Et videbit eum omnis populus & qui eum pupugerunt.* O Deus cuius misericordia superexaltat iudicium: & qui paratus es salvare per clementiam quos non salvas per iustitiam: miserere mei, salva me. Videam te illa die propitium non offensum: videant hi oculi mei regem gloriae in decore suo.

Punctum 3tium. Tertia universalis iudicii causa, ut toti universo palam fiat iustitia Christi: & cognoscatur Dominus iustitiam faciens qui nunc ignoratur misericordiam volens. *Et revelabitur quasi*
aqua

aqua iudicium: & iustitia quasi torrens fortis. Sicut aqua si labatur in pronum quæ prius texerat nudat: sic iudicium Dei nudabit omnia hominum opera, & cogitata apparebitq; iustitia eius omnibus & ei tanquam torrenti forti nemo obsistet. Cur enim Christus retinuit cicatrices quinque vulnerum suorum? potissima ratio est ut eas præsentet in vniuersali iudicio quod omnibus pateat quàm misericorditer saluentur qui saluantur, & quàm iustè damnantur qui damnantur! vnde secundum August: sic allocuturus est reprobos: Ecce hominem quem crucifixistis: videtis vulnera quæ inflixistis: agnoscitis latius quod pupugistis: quoniam per vos & propter vos apertum est nec tamen intrare voluistis. O Bone IESU exaudi me: intra vulnera tua absconde me: nec permittas me separari à te.

Hieron.

Lib: 2. de
Symb. c. 8.

PRO FERIA III.

De processu iudicij vniuersalis.

Punctum unum. Considera quomodo ad vocem Archangeli omnes mortui in istu oculi resurgent & ad iudicium comparebunt. Animæ damnatorum ascendent ex inferno & accipient corpora patibilia fetida & horrenda; animæ verò beatorum descendent de cælo & accipient corpora impatibilia splendens & glori-

Mortuorū resur-
rectio.

Rr 3

riosa:

riosa. O quantum sibi mutuo gratulabun-
 tur beati. Tunc exultabunt omnia ligna
 silvarum à facie Domini quia venit: quo-
 niam venit iudicare terram, intellige li-
 gna rationalia ob gratiam Dei vitalia &
 viridia. E contra damnati: unusquisq; ad
 proximum suum stupebit: quasi parturi-
 ens dolebunt. Congregabuntur autem iu-
 dicandi in vallem Iosaphat. Congregabunt
 omnes gentes & deducam eas in vallem Iosa-
 phat & disceptabo cum eis ibi. Ioelis 2. Si-
 cut enim Christus operatus est salutem
 in medio terræ ita in medio eiusdem (in
 quo iacet vallis hæc cum vicina Hierusa-
 lem) congruum est vt iudiciū finale faciat
 Punctum 2dum. Considera iudicis ipse
 us adventum. Veniet è cælo in corpore
 glorificato, splendidissimo, in maiestate &
 virtute magna, in comitatu cælestis exer-
 citus, cum sēbus populi & principibus eius
 vt ait Iſaias. Veniet præcedente cum ve-
 xillo sanctæ Crucis quod iustis erit iucun-
 dum & amabile, horribile impijs; sicut &
 aspectus, ipse Christi blandus erit probis
 terribilis reprobis. cuius figura fuit cæ-
 lum Israelicis serenum, Egyptijs tempe-
 stuosum: veniet & sedebit in throno ma-
 gno candido in lucidissima nube. Asses-
 ses habebit Beatissimam Matrem, Aposto-
 los & Apostolicos viros qui omnia pro-
 pter

Iſaia.

Iosaphat
idē quod
iudicium.

Iudicis ad-
ventus.

Iſaia. 3.

De Iudicio EXTREMO.

638

pter Christum reliquerunt. O quantus tunc erit religiosorum honor qui in hoc mundo abiecti vixerunt!

Punctum 3^{ium}. Discute iudicii processum. Imo Angeli exhibunt & separabunt malos de medio iustorum, statuantes oves à dextris, & hædos à sinistris. 2^{do}. libri aperientur, hoc est manifestabuntur conscientie tam bonorum quam malorum in totius vniversi præsentia. 3^{io}. probi laudabuntur, reprobi obiurgabuntur à Christo. Domino cum exprobratione beneficiorum ipsis collatorum. Quæ tunc mens probis, quæ reprobis? 4^{to}. sententia decretalis proferetur primum de bonis postea de malis vt intelligamus propensorem esse Deum ad præmia reddenda, quam supplicia. Sententiam illico sequetur executio. O IESU benignissime miserere mei dum tempus est miserendi; ne damnes in tempore iudicandi.

*Iudicii
processus.*

PROFERIA IV.

De verbis quæ Christus proferet.

P*unctum 1^{um}.* Sermo Christi ad electos hic erit: Venite benedicti Patris mei, possidete regnum quod vobis paravi. Esurivi enim & dedistis mihi manducare. Sitivi & dedistis mihi bibere. Nudus eram & cooperuistis me. Hospes eram & collegistis me.

Rr 4.

Infr.

*Christus
esurit.*

Infirmus & in carcere & visitastis me E contra ad reprobos: *Ite maledicti in ignem eternum. Esurivi enim & non dedistis mihi manducare, &c.* Considera 1mo. quia Dominus noster IESUS Christus esurit in nobis cibum illum de quo ipse: *Meus cibus est vt faciam voluntatem Patris mei.* Esurit ergo vt divinam faciamus voluntatem in cuius executione tota iustitia & sanctificatio nostra consistit. Esurit item cibum corporalem in pauperibus quibus per esculenta tenemur, si possumus, subuenire.

Sitit.

Considera 2do. quia sitit salutem nostram: sitit nobis applicari merita passionis mortisq; suae per nostram cooperationem. Illa enim vox *sitio* in cruce prolata, significauit vehemens Christi desiderium, quo cupiebat mortem suam omnibus nobis cedere in vitam eternam. O quae nostra ingratitude? quae malitia in hac siti Christum non reficere? quae nostra in die iudicii, erubescencia, quod Christo sitienti poculum amoris non porrexerimus: imò verò fel & amaritudinem offensarum illi propinauerimus. Sicut item Christus in quouis paupere corporalem potum & pro frigida haustu regnum caelorum pollicetur.

Da Domine in minimis tui tibi ipsi cibum & potum spiritualem ac materiale ministrare.

Punctum 2dum. Nudus Christus est comparative ad malos qui non sunt vestiti indumento gratiæ justificantis. Cum in alios morum vitæq; probitatem exemplo & exhortatione superinducimus, Christi ipsum vestimus. Si grave pro alijs huiusmodi indumentum non curare, quid erit veste innocentiae & stolæ iustitiæ verbo aut exemplo pravo alios exuere? Certè tales in iudicio velut spoliatores & denudatores ipsius Christi judicabuntur. Materialiter nudus Dominus noster in nudis qui non habent vestem quâ membra tegant & frigus arceant. Hospes Christus qui stat toties pulsâtq; ad ianuam cordis nostri per inspirationes suas, & reijcimus eum aut mox eijcimus admissum, dum post penitentiam relabimur in peccatum. Etiam corporaliter Christus hospitem agit in ijs qui tecto egent: quibus si duri sumus, Christo duri sumus. Infirmus Christus atq; incarceratus in infirmis fidelibus & peccatoribus: quos si non solamur verbo salutis, si non instruimus in spiritu lenitatis, si non corripimus secrete, iudicii reatum incurrimus. Est insuper corporaliter infirmus & incarceratus Christus in membris suis infirmantibus atq; incarceratis. Visita, solare vt laudem à Christo iudice & mercedem æternam reportes

Nudus

Hospes

Infirmus
& incarce-
ratus

Rt s

Pun-

Punctum 3^{ium}. Considera quomodo
Electorum affligentur damnati videntes. tenerrimam
exultatio. benevolentiam Christi ad electos audi-
 entesq; encomia eorum in theatro celi,
 in facie totius mundi recitata ab ipso.
Uenite benedicti &c. Esuriri enim &c. O
 quis tunc dolor quæ confusio quis me-
 tus in reprobris! Videntes turbabuntur
Reproborum timore horribili & mirabuntur dicentq;
lamentati intra se: *Hæ sunt quos habuimus aliquan-*
ones. *do in derisum. Nos insensati vitam illorum*
æstimabamus insaniam & finem illorum si-
ne honore. Ecce quomodo computati sunt
 inter filios Dei, & inter sanctos sors illo-
 rum est. omnesq; lamentationes Sapientie
 s. descriptas incipient in iudicio, conti-
 nuabunt per æternitatem in inferno.
 Considera deinde quàm sit vtile & ne-
 cessarium opera misericordie tam spiri-
 tualia quam corporalia exercere, liqui-
 dem nihil aliud in tribunali vltimo lau-
utilitas daturus, & præmiaturus Christus nisi co-
operum mi rum cultum, nihil aliud exprobraturus ac
sericordie. puniturus nisi eorum neglectum. Ne aver-
 tas itaq; faciem tuam ab egeno. Esto pu-
 pillis misericors vt pater & pro viro matris
 illorum: & eris tu velut filius Altissimi &
 miserebitur tui magis quam mater Eccl. 4.

PRO FERIA V.

De iudicandis.

Punctum 1mum. Donec ponam inimicos tuos scabellum pedum tuorum. Mat: 22. Quatuor erunt ordines iudicandorum. Proborū duplex, alius iudicabit cum Domino, alius iudicabitur à Domino. Perfecti iudicabunt, imperfecti iudicabuntur. Reproborum item duplex: qui intra ecclesiam sunt, hoc est fideles, iudicabuntur & damnabuntur: qui verò extra ecclesiam, absq; iudicio damnabuntur. Licet autem non omnes ex his iudicabuntur iudicio disceptationis: Qui enim non credit iam iudicatus est Ioan: 3. &: Qui audit verbum meum, ait Dominus, & credit ei qui misit me, in iudicium non venit sed transiet à morte ad vitam Ioan: 5. omnes tamen iudicabuntur iudicio retributionis: quia vnusquisq; recipiet prout gessit in corpore sive bonum sive malum. Ne perdas cum impijs Deus animam meam.

Iudicium duplex: disceptationis & retributionis.

Punctum 2dum. Etiam inimicorū Christi quadruplex partitio. 1mi. sunt Iudæi qui perpetuo nomen Christi blasphemant: & super quos tanquam hæredes sceleris patrum suorum perpetuò sanguis Christi durat. 2di. sunt infideles omnes vt Atheistæ, Pagani, & quicunq; baptismum

non

non suscipiunt, nec credunt in nomine vnigeniti Filij Dei. Tertij Hæretici & Schismatici qui vestem Christi Ecclesiam videlicet perversis dogmatibus lacerant. 4ti. mali Christiani qui Christum in cordibus suis rursus peccatis crucifigunt. Hi omnes in iudicio extremo erunt scabellum pedum Christi tuncq; implebitur illud: *Calcavi eos in furore meo.* Isai: 23. Esto nunc scabellum pedum Christi, membrorum Christi. humilia te omnibus propter Christum: & tunc honorificabit te coram Angelis suis.

*Qualiter
se habebunt
inimici
Christi in
iudicio.*

Punctum 3tium. Quomodo se habebunt inimici Christi in iudicio? 1mo. nudi stabunt cum timore & tremore vt audiant vocem iudicij qui ad vocem præcepti & consilij obturaverant aures suas. Timebunt faciem irati Iudicis Dei Hominis dicentq; montibus, cadite super nos & collibus operite nos. 2do. excusare se conabuntur: Domine quando te vidimus & non ministravimus tibi, sed Christo morstrante iustos & reponente in pauperibus suam personam aut honorificatam aut contemptam esse, iustis etiam contra eos in constantia stantibus, oppilabunt os suum 3tio. planctu magno flebunt & lamentabuntur. Non odio peccati plangent sed odio iusti iudicij Dei qui tunc in zelo magno

nescit

nescit parcere fontibus. 4to. ignis ante Ju- Pannon:
dicem præcedens inflammabit in circu- in apocal:
itu inimicos eius, ignis confusionis, ignis
furoris Domini, ignis mundi ardentis,
ignis demum gehennæ. Reconciliare nunc
Christo Domino & usq; in finem vitæ cu-
stodi præcepta eius ne inter inimicos ipsi-
us, æternaliter colloceris.

PRO FERIA VI.

Quam tremendum iudicium ultimum.

Iunctum inum. Er non poterant ei re- Iudicium
spondere verbum Matt: 22. Obmutue- ultimum
runt Iudei ad interrogationem Domini: terribile
quis verò non obmutescet in iudicio un- ratione
dequaq; terribili? Terribile erit ratione magnitu-
magnitudinis iræ Dei ad quam totus aspe- dinis iræ
ctus, tota maiestas erit composita. A facie Dei.
eius contremiscet terra, sol & luna obrene-
brabuntur & stellæ retrahent splendorem su- Joel. 2.
um. Si Daniel, si Joannes maiestatem &
aspectum terribilem Angelorum sustinere
non valuerunt, quomodo nos Dei susti-
nebimus? Merito Job dicebat: Oculi tui
in me (scilicet irati) & non subsistam.
Terribile erit ratione obiurgationis. Ob- ratione ob-
iurgatio Petri ita perculit Ananiam & iurgatio-
Saphiram vt subito morerentur: quid fa- nis
ciet obiurgatio Christi? vox Domini quã
tumvis mansveti Iudæos in horto prostra-
vit: quid faciet iracundi? Si miti scisci-
tan-

S. Ansel: pharisæi: irato & judicanti num valebi-
in medit: mus respondere? O lignum aridum &
 inutile æternis digni ignibus, quid re-
 spondebis in die illa cum à te exigetur
 usq; ad istum oculi omne tempus viven-
 di tibi impensum, qualiter à te fuerit
 expensum?

ratione *Punctum 2dum.* Terribile item judici-
sententia: um ultimum ratione sententiæ de qua
 illud Joelis 3tio. Dominus de Sion rugiet &
 de Ierusalem dabit vocem suam & move-
 buntur celi & terra. Si horror ingens
 invadit hominem quando contra ipsum
 fertur ab homine iudice sententia mor-
 tis & supplicij temporalis: quid fiet quã-
 do Deus Iudex sententiam mortis æternæ
 & suppliciorum gehennalium pronuntia-
 bit! Talem ergo habeamus cogitationẽ
 juxta consilium Ammonis Eremitæ qualem
 malefici incarcerati qui non nisi de ju-
 dice, de decreto, de pænis quas metuunt,
 aut de modo evasionis, cogitant: sic &
 nos de judicio extremo & sententia eius
 cogitemus quovsq; in carcere corporis te-
 nemur, & dum tempus habemus, opere-
 mur bonum.

ratione *Punctum 3rium.* Terribile demum erit
circumstã- ratione circumstantiarum quia ignis in
tiarum. conspectu judicis exardescet, & in circu-
 itu

itu eius tempestas valida: quia cælum & terra, aqua sol & luna, dies & noctes & totus mundus stabit adversum nos, in testimonium peccatorum nostrorum vt ait S. Chrysostomus super Mathæum: quia hinc erunt accusantia peccata, inde terrens iustitia: subtus patens horridum chaos inferni, desuper iratus iudex intus urens conscientia, foris ardens mundus vt medietur S. Anselmus. Vbi tunc latebo? vbi apparebo? Latere erit impossibile, apparere intolerabile. Ingredere in petram Christum per devotionem & abscondere in fossa humo (lateris eius) à facie timoris Domini & à gloria maiestatis eius monet Isai: cap: 2do. Ibi me nunc abscondam: & tunc securus ero.

PRO DIE SABBATI

Christus etiam Angelorum Iudex.

Punctum unum. Christus non solum hominum Iudex sed & Angelorum in cuius rei signum dicitur Apoc: 7. Omnes Angeli stabant in circuitu throni: per thronum autem iudicium seu potestas iudicialia significatur. Et verò si inferiora pulchro ordine reguntur à Deo per superiora: necesse est omnia regi & iudicari per animam Christi quæ est supra omnem creaturam. Expende quod Christus Dominus

Vnde Christo Domini no iudicialia potestas supra Angelos.

minus vt homo habet iudicandi potestatem supra Angelos propter tria. imo: propter propinquitatem naturæ assumptæ ad Deum: Non enim Angelos sed semen Abrahæ apprehendit. 2do. propter humilitatem passionis per quam meruit exaltari supra Angelos vt dicitur ad Phil: 2. 3tio. propter dignitatem capitis supra homines circa quos & boni & mali Angeli coperantur, mali nocendo, boni salubriter ministrando. si ergo iudicabit homines, iudicabit quoq; Angelos hominibus seu benè seu malè ministrantes. O Administratorij spiritus ita ministrare nobis vt nos hæreditatem salutis, vos autem augmentum gloriæ capiat. *panctum 2dum.*

Recole subesse bonos Angelos iudicio Christi quantum ad accidentalia præmia. quæ sunt gaudia de salute hominum: subesse quoq; demones quantum ad accidentales pænas quibus torquentur vel hic vel in inferno. Sub sunt etiam Angeli iudicio Christi quantum ad præmium essentiale quod est beatitudo æterna, & quantum ad pænam essentialem quæ est damnatio æterna. Sed hoc iudicium factum est per Christum in quantum est Verbum Dei ab initio mundi. Time Deum offendere. Si enim Virtutes celorum id est Angeli coram eo commo-

commovebuntur, quid tu miser humuncio?
Commenda te Angelis custodibus & pro-
pone sancte te coram ipsis gerere ut & ti-
bi & illis gaudia caelestia adaugeas. Aspi-
ra & ad Reginā Angelorum: *Inflammatus
& accensus per te Virgo sum defensurus in die
iudicii.*

MEDITATIONES

De Iudicio particulari.

PRO DOMINICA XVIII. post Pen.

*Arcana patebunt. remissio non
dabitur.*

Praeludium 1^{um}. Imaginare animam
tuam corpore egressam mox statui co-
tam tribunali divino astante Angelo bo-
no & malo.

Praeludium 2^{dum}. Pete gratiam cogno-
scendi quia aequitas indicia Dei & nun-
quam à iustificationibus eius declinandi.

Punctū 1^{um}. Cum vidisset Iesus cogitati-
ones eorum. Matt: 9. In iudicio parti-
culari non solum IESUS sed & Angeli nec
non homines simul iudicandi videbunt co-
gitationes tuas. Ait enim Augu: epist: 6.
Cum venerit Dominus, & illuminaverit ab-
scoudita tenebrarum & manifestaverit co-
gitationes cordis: tunc nihil latebit proxi-

num in proximo nec erit quod quisq; suis aperiat & abscondat alienis. Tunc patebit quid, quoties, quibus in circumstantiis peccasti. Expende quis stupor quis rubor erit de occultis nunc criminibus coram Deo & Angelis eius verecundari? Quid facietis aut quomodo abscondetis peccata vestra coram Deo & Angelis eius? Ecce Deus Iudex timete eum. Efdreæ 4.

Punctum 2dum. Remittantur tibi peccata tua. In iudicio amplius non erit gratia remissionis. Media nocte cum sponsus noster & simul Iudex veniet, claudetur foris tuis virginibus hoc est peccatoribus ianuæ seu introitus ad misericordiam, ad remissionem, ad gratiam. Nunc ergo remissionem quære: nunc surge è peccato: tolle lectum prævæ consuetudinis & vade in domum cordis tui: munda eam scopis penitentiae, corona virtutibus. Propone neminem temere iudicare ut iudex iustus secundum promissionem suam te non iudicet. Affectus convenientes elice.

*Peccata
in Spiritu
S.*

Punctum 3tium. Si alia peccata non remittuntur in iudicio: quid de illis dicendum de quibus Christus ipse prædixit quod nec in præsentis nec in futuro seculo remittuntur: & vocantur blasphemiae in Spiritum Sanctum. Et sunt sex: Desperatio, Præsumptio, Impenitentia, obstinatio, im pu-

impugnatio agnitæ veritatis, invidentia Patri ap-
 fraternæ gratiæ. Sex enim requiruntur ad propria-
 remissionem peccati: duo ex parte Dei re- tur potē-
 mittentis, misericordia condonans & iu- tia: Filio
 stitia obligans ad pœnam: duo ex parte sapientia:
 eius cui remittitur, scilicet dolere de præ- spiritui S.
 terito, cavere de futuro: duo ex parte ipsi- bonitas:
 as formæ remissionis, fides & charitas. De- ideoq; in
 speratio spem in misericordia Dei, præ- Patrē pec-
 sumptio timorem iustitiæ, impœnitentia catur cum
 dolorem de peccato commisso, obstinatio ex infirmi-
 propositum non peccandi, impugnatio ve- tate, in Fi-
 ritatis, fidem, invidentia crescentis divi- liū cum ex
 næ in hominibus gratiæ, charitatem per ignorātia,
 contemptum abijciunt. Atq; idcirco pec- in Spiritū
 cata hæc, irremissibilia: quia ex malitia S. cum ex
 & contemptu abijciunt id sine quo remit- malitia &
 ti non possunt: sicut morbus dicitur in- contemptu
 curabilis eo quod tollat id sine quo sanari peccatur.

Miserere Domine dum tempus est mi-
 serendi, ne damnes me in tempore iudi-
 candi.

Domine ne infurore tuo arguas me,
 neq; in ira tua coripias me.

PROFERIA II

Iudicium statim fit post mortem.

P*unctum 1mum.* Iudicium particulare ex nunc fit post mortem quia unicuique homini mortuo absque mora fit retributio premiorum vel penarum. Latro qua die expiravit, eadem accepit paradisum. Dives ut primum mortuus, sepultus est in inferno. Et Apostolus 2. Corinth: 5. ait: *Audemus & bonam voluntatem habemus magis peregrinari à corpore & presentes esse ad Dominum.* ac si diceret: postquam animæ nostræ per mortem peregrinantur hoc est separantur à corpore, illico præsentem sumus ad Dominum videmusque faciem eius. & in Apoc: c. 5. dicitur, quod singulis sanctis datae sunt stolæ singulæ. Quare singulæ cum domestici Dei vestiti debeant esse duplicibus? quia nimirum Sancti primum in anima recipiunt gloriam. Erit, cum & corpora nostra recipient suam stolam: quando videlicet resuscitabuntur ad vitam.

Punctum 2dum. Cur anima statim subit iudicium post mortem? Quia cum non sit ex se mutabilis nisi propter corpus, statim separata à corpore habet statum immutabilem: ideoque accipit iudicium suum. sed corpus manet mutabilitati subiectum

Etum vsq; ad finem temporis & ideo oportet quod tunc recipiat suum præmium, vel pænam. Expende hîc, iudicium particulare brevi subeundum esse iuxta illud Apocal: 22. *Ecce venio cito & merces mea mecum est dare unicuiq; secundum opera eius.* Merces mea mecum est id est digna retributio pro meritis atq; demeritis singulorum. O si ita dispositus sim vt possim cum Ioanne dicere: *Veni Domine Iesu.* O Alpha & Omega! primus & novissimus, principium & finis! O radix & genus David, o stella matutina veni Domine IESU & me lotum in sanguine tuo introduce in civitatem tuam.

PROFERIA III.

De examine & sententia iudiciij particularis.

Punctum unum. Anima defuncti post separationem sui à corpore instantaneè sistitur iudicio divino rebus omnibus visibilibus nudata & solis actionibus suis vestita. Expende iudiciijhuius processum per accusatores, testes, probationem & examen. Accusatores erunt: Diabolus, Conscientia, Angelus Custos. Testes erunt creaturæ vt sunt sol, parietes, & alia in quorum præsentia peccavimus. Probatio evidens habebitur ex antea

vitæ historia in corde hominis clarissime descripta. Examen erit de omnibus malis commissis, bonis omissis, talentis suffossis aut in malum conversis, tempore inutiliter, aut quod gravius, in pessimis rebus consumpto. Examinabuntur cogitationes, intentiones desideria, verba & opera. Discutientur ipsæ etiam orationes, mortificationes, eleemosynæ & quæcunq; iustitiæ nostræ iuxta illud. *Cum accepero tempus ego iustitias iudicabo.* Quid sum miser tunc dicturus, quem patronum rogaturus?

Punctum 2dum. Iudex recensabit beneficia naturalia & gratuita quæ tibi præstitit ut creationem, conservationem, regenerationem per baptismum, vocationem ad religionem, initiationem per sacros Ordines, & alia quæcunq;. Exprobrabit coram Angelis & Sanctis ingratitude & mala opera tua dicendo: *Ecce homo & opera eius.* Ecce homo à me creatus, redemptus, iustificatus, tot donis ornatus, & opera eius qualia! Hæc & hæc fecisti & tacui. Existimasti inique quod ero tibi similis, scilicet iniquus peccatorum tuorum fautor? Quid dices, quid facies quando te arguet & statuet contra faciem tuam Deus. Væ ergo mihi si peccata mea non deslevero. Væ mihi si me-

dia nocte non surrexero ad confitendum *s. Ambro-*
tibi. Væ mihi si dolum proximo fecero. *ius super*
 Væ mihi si non locutus fuero veritatem? *Lucam-*
 Ad radicem securis posita est. faciat fru-
 ctum qui potest gratiæ: qui debet, pæni-
 tentiæ.

Punctum 3tium. Procedetur deinde ad
 Pronuntiationem sententiæ ex omni par-
 te formidabilis. Imo. ob constantiam iu-
 dicis. quia nullis precibus, lachrymis, in-
 tercessione vel excusatione à iusta senten-
 tia ferenda abduci poterit. 2do. ob magni-
 tudinem rei. quia non agetur de pecunia
 agris vel aliqua re transitoria sed de sum-
 mis bonis vel summis malis in omnem
 æternitatē duraturis. 3tio. ob immutabili-
 tatem. quia sententia semel latata nullo
 modo retractari poterit. O quanta trepi-
 datio miseram animā occupabit quando in
 eam iudex iussus irrevocabile proclamabit
 sententiam: Discede à me in ignem æter-
 num Diabolo & Angelis eius præparatum.
 E contra quanto exultabit gaudio quando
 audiet: Veni benedicta Patris mei: possi-
 de regnum tibi paratum à constitutione
 mundi.

Commissa mea pavesco: & ante te erubesco
dum veneris iudicare noli me condemnare.

PROFERIA IV.

*De rigore eiusdem & de modis
evasionis.*

Punctum 1^{um}. Expende quàm formidandum iudicium particulare ratione rigoris in examinandis & puniendis etiam minimis delictis. Sophon: 1. dicitur: *Scrutabor Hierusalem in lucernis: & visitabo super viros defixos in facibus suis.* Scrutari porro in lucernis est minimè quæq; peccata indagare. Non enim lucerna adhibetur ad quærendum aliquid magnum sed ad minutum. Quodsi minimè discutientur strictè, quomodo magna? In Babylone quid tutum: si Hierusalem metret scrutinium. Ob hunc rigorem S. Petrus dixit iustum vix salvandum. si iustus inquit ille, vix salvabitur: impius & peccator ubi parebunt? & S. Augustinus: *Væ etiam laudabili vitæ si remota misericordia discutias eam.* Hic introspecte teipsum & scrutare peccata tua: ne Deus ea scrutetur.

*S Bernar-
dus.*

Punctum 2^{um}. Expende quid agere soleant rei ante iudicium. imo iudicis favorem aucupantur. Favebit tibi iudex Christus si nunc mandata eius custodias facietq; te transire à morte ad vitam iuxta promissum suum. Ioann: 5. Indulgebit tibi

tibi si indulgentias st. tionibus & varijs devotionibus ac bonis operibus annexas atq; in formula indulgentiarum ultimate stabilita (quam si non habes, cura vt habearis) descriptas lucrari non negligas. Imò non iudicabit te si alterum temerè non iudices. 2do. patronos sibi quærunt: concilia & tu tibi Virginem Beatissimam S. Michaelem Archangelum, Sanctosq; tutelares. 3tio. conveniunt cum adversa parte. Adversarius tuus conscientia est ne te accuset in iudicio, convenias cum ea; convenies autem per pœnitentiam, & per cautionem ne quid deinceps contra eam agas. O SS. Angeli custodes nostri defendite nos in prælio, vt non pereamus in tremèdo Dei iudicio. Tessera vt supra.

PROFERIA V.

Balthasar rex dum convivatur iudicatur. Etiam tu in Eucharistico convivio iudicaris.

Punctum unum. In convivio contra Balthasar Regem scriptum est decretum: *Appensus es in statera, & inventus es minus habens. Divisum est regnum tuum, & datum est Persis & Medis.* O quàm tremebat Balthasar dum umbram tantum modo manûs divinæ spectaret: quid ego faciam,

Sss

aut

aut quomodo subsistere potero, dum videbo vivam manum Dei scribere contra me amaritudines? Quid faciam aut qualis ero, quando in statera rigidissimi iudicii divini appendar minus, imò nihil habens? quid faciam quando audiam: *divisum est regnum tuum*. regnum scilicet animæ & corporis & traditum hoc vermibus, illud dæmonibus; ut super animam miseram regnent tyrannicè in perpetuum dæmones; super corpus regnent in sepulchro vermes, donec & istud tradatur torturis dæmonum.

Punctum 2dum. In convivio Eucharistico in quo tam frequenter epulor, forsitan scribit manus divina contra me rigidum iudicii sententiam. *Qui manducat & bibit indigne, iudicium sibi manducat & bibit*, hoc est, condemnationem. Porro indigne iuxta Glossam manducat & bibit, qui in crimine est, vel irreverenter tractat. Ne me quoties in crimine fui! quoties irreverenter hæc sancta tractavi! Iudex est quem tenes, quem sumis: ille est qui & animam & corpus mittere potest in gehennam. Timor. præparatio ad sacram communionem vel celebrationem. Tesseræ.

PRO FERIA VI.

Christus iudicatur, ut tu clementiam merearis.

Punctum 1^{um}. Christus Dominus varia subivit tribunalia, & demum damnationem, ut tu in tribunali eius damnationem effugias. Percurre hic qualiter Christus tractatus in domo Annæ: qualiter iudicatus ac blasphemus & reus mortis proclamatus in domo Caiphæ: qualiter illusus apud Herodem: qualiter flagellatus, coronatus, damnatus in prætorio apud Pilatum. Quis igitur reatus esse ingratum?

Punctum 2^{dum}. Expende quomodo sustinere poterit impropria & exprobra-
 tiones Christi misera anima: *Quid feci ti-* *Exprobra-*
bi, aut quid molestus fui responde mihi? Quid tibi *Christi-*
sunt plagæ istæ in medio manuum mearum, *sti.*
 his plagatus sum à te pro eo, quod me diligere debueras. Sanguis meus quem pro te fudi fiat tibi in damnationem. Plaga Christum Crucifixum, ut in hora mortis in manus suas recipiat spiritum tuum. Precare ipsum ut per iudicium, quod coram tribunali Caiphæ & Pilati subivit in terris, sit tibi propitius: & non intret tecum in iudicium.

De IUDICIO PARTICVLARI.
 PRO DIE SABBATI.
*Christus ad iudicium particulare
 sicut fur veniet.*

*Quare
 Christi ad-
 ventus fu-
 ris adven-
 tui assimi-
 litur.*

Punctum 1mum. Ego venio sicut fur: be-
 atus qui vigilat & custodit vestimenta
 sua ne nudus ambulet, & videant tu pitu-
 dinem eius. Apoc: 16. Christus dicitur ve-
 nire quando novum aliquem effectum
 operatur in nobis. Veniet ergo ad nos
 quando separationem animæ nostræ à cor-
 pore operabitur. Considera. Adventum
 suum assimilat adventui furis: quia sicut
 fur inopinate venit; ita & ipse: sicut fur
 non venit nisi vt tollat res; ita Christus
 animam nostram tollere veniet: sicut fur
 pretiosa accipit, vilia & sordida proij-
 cit & contemnit; ita Christus animam in
 qua erit thesaurus gratiæ suæ accipiet, va-
 cuam & sordibus peccati fætentem relin-
 quet. O MARIA quando filius tuus ad
 me iudicandum veniet, etiam tu accurre
 & meam advocatam age.

Punctum 2dum. Beatus qui vigilat & cu-
 stodit vestimenta sua, &c. Vestimenta inte-
 rioris hominis sunt gratia sanctificans, &
 virtutes theologicæ ac morales: his desti-
 tuta anima dicitur nuda. Considera quan-
 ta turpitudine & opprobrium hominis ap-
 parere nudum in corpore coram homini-
 bus

bus præcipuè honoratis & probis. Considera deinde nuditatem animæ tanto esse deformiorem nuditate corporis, quanto anima nobilior est corpore. Quod itaq; opprobrium erit nudum & revelata interiori turpitudine apparere coram Deo, coram Angelis, coram Sanctis. Propone custodire gratiam iustificantem, & potius velle mori quam eam amittere. Ora Beatissimam Matrem vt tibi assistat in hora mortis, & meritis suis tuam protegat nuditatem. Tesseram ex die Dominico pro totius dici decursu accipe.

MEDITATIONES.

De Inferno.

PRO DOMINICA XIX. post Pent.

*Meditatio, de natura & igne
Inferni.*

Præludium 1^{um}. Imaginare te spectare vasta aliqua incendia & animas igneis inclusas ergastulis miserabiliter lamentantes; væ, væ.

Præludium 2^{dum}. Pete gratiam apprehendendi & mente revolvendi inferni pœnas vt à peccatis te coerceant.

Punctum 1^{um}. Projicite eum in tenebras exteriores: ibi erit fletus & stridor

Matt: 22.

dor dentium. Per tenebras exteriores intelligitur infernus, vbi nulla lucis vt internæ, ita & externæ erit communiō. Considera quid sit infernus? est enim quidam carcer igne & innumerabilibus supplicijs refertus, quibus afficientur, quicunq; in mortali peccato moriuntur. Sed status in quo peccatores bonis omnibus privantur, patiuntur verò omnia mala. Percurre mente quæcunq; mala: omnia in inferno & quidem incomparabiliter acerbiora inveniuntur. O Deus æternæ illuminatione me, vt pœnas æternas inferni agnosce, peccata vitem!

Punctum 2dum. Considera vim & ardorem ignis inferni in cuius comparatione teste S. Augustino noster ignis pius esse videtur. Considera item differentiam eius ab igne nostro: quia hic corpora solumurit; ille animam & corpus cruciat: noster consumit omnia, tartareus cremat sed non coneremat: noster ardet & lucet; tartareus ardet sed non lucet: noster crescit & deficit crescente vel deficiente paulo; tartareus divinâ iustitia inextinguibiliter nutritur. Quanti & quàm acres dolores vri extremum digitum per quadrantem, quanto maiores vri manum integram, & quanto adhuc maiores vri totum brachium, quam vero infandus cruciatus

elatus est vti totum corpus, licet ignis elementaris pictus in comparatione gehennæ vocetur? quale igitur erit tormentum gehennalibus totum hominem assari flammis?

Punctum 3^{ium}. Considera item eiusdem ignis in scriptura expressam vehementiam. Ait enim Isaias: *Quis habitare poterit ex vobis cum igne devorante, & cum ardoribus sempiternis.* Ad nos directam credamus interrogationem. Et Matth. 13. ipse Christus ait *quod in consummatione sæculi malos homines mittent Angeli in caminum ignis: ibi erit fletus & stridor dentium.* vbi per fletum & stridorē dentium atrocitas ignis immensa significatur, Dolor de peccatis & alij affectus convenientes eliciantur.

Propositum seriò examen quotidianum instituendi. Tessera per hebdomadam quâvis die frequentanda.

Domine hic vre, hic seca, modo in æternum parcas.

Num dominabis æterne Rex Israel, canem vnum pulicem vnum? S. Aug: in soliloqu.

Preces meæ non sunt dignæ, sed tu bonus fac benigne, ne perreni cremer igne.

PROEFRIA II.

De loco & tortoribus inferni.

P*unctum 1^{um}.* Considera incommo-
dita-

ditatem loci infernalis, qui iuxta Sanctos Patres in medio finu terræ iacet. 1mo. quia est subterraneus, obscurus, tenebrosus in quem nulla vnquam lux solis aut lunæ, aut stellarum ingreditur. 2do. quia est angustissimus in eoq; damnati sicut falsæ haleces in orca vel in fornace lateres constringuntur. 3tio. quia horridus, & nullam prorsus amœnitatem habens. 4to. quia perpetuis incendijs æstuans & nihil admittens refrigerij. 5to. fatidissimus: damnatorum enim corpora intolerabiliter fætebunt. O quam mollē iudicares quemcunq; mundi huius carcerem, si loci illius benè perpenderes sempiternum horrorem.

Punctum 2dum. Considera crudelitatem tortorum inferni, quorum primus erit dæmon, bestia immanis, homini inimicissima. *Sunt Spiritus qui ad vindictam creati sunt. & in furore suo confirmaverunt tormenta sua: & in tempore consummationis effundent virtutem.* Ecclesi. 39. 2dus damnatus vnusquisq; alter adversus alterum odio & maledictis furens. 3tius vermis conscientiae, qui infelicem damnatum horrendè laniabit. O anima mea insignita Dei imagine, redempta Christi sanguine, desponsata fide. dotata Spiritu, ornata virtutibus, capax beatitudinis: ama amato-
rem

rem tuum; time eum offendere, qui & te
& corpus potest perdere & mittere in ge-
hennam. Sic vive vt testimonium bonæ
conscientiæ semper habeas. Propositum
vt supra tessera vt supra.

PROFERIA III.

*De miseria cohabitationis: & pena
potentiarum internarum in
inferno.*

Punctum 1^{um}. Considera quanta sit
misera in stricto inferni loco inter
dæmones ac damnatos habitare. Imo ra-
tione confusionis: quia nullus ibi ordo,
nullus respectus dignitatis cuiuscunq; quæ
quis in mundo præfulsit. 2^{do}. ratione mu-
tui odij: quia omnes capitales ad invicem
hostes, mutuâ se rabie, odio, impatientia
infectabuntur. Pater filium, filius Patrem,
dominus subditum, &c. vicissim maledi-
cent & mordebunt: peculiariter verò qui
in hac vita inordinatè se dilexerunt, &
complices fuerunt in peccando, immeni
odio, & execrationibus adversum semeti-
psos furent. O maledicta societas! Ut
carbones accensi simul positi alter alterum
magis accendit; ita damnati simul consti-
tuti magis magisq; contra se ira & odio
exardescunt.

Punctum 2^{dum}. Considera deinde quan-

Tt

ta in

ta in internis animæ facultatibus pœnâ afficientur reprobi. imo. imaginatio torquebitur horrendis & melancholicis phantasmatibus. ex quibus consurgent gravissimi passionum impetus, crudelissimè animam lacerantes & torquentes. 2do. memoria cruciabitur continuâ præteritarum rerum & potissimum iudicis irati pro tribunali sedentis & sententiam detonantis recordatione. 3tio. intellectus angetur bonorum amissorum, & malorum impendentium in omnem æternitatem consideratione; & pertinacissimo iudicio iniuriarum sibi à Deo fieri. 4to. voluntas premeretur continuo Dei & SS. eius ac omnium hominum odio, inde quoq; affligetur quod mala quæ vult non possit implere. O Deus, adiuva me ut has potentias mortificari possim: quatenus in illis per misericordiam tuam præmier, non puniar per iustitiam. Propositum & Tessera ut supra.

PRO FERIA IV.

De penis in sensibus.

Punctum unum. Considera quæ pœnæ externis sensibus post diem iudicii irrogabuntur. Oculi torquebuntur horrendo fumo, & terribili damnatorum aspectuum infernalium aspectu: auditus audiet semper blasphemias, lamenta va-

ria, fletum & planctum, gemitum & vlu-
latum, stridores dentium & lamentabiles
cantilenas vae vae: nares replebuntur tetro
fœtore sulphuris & graveolentiæ ex da-
mnatorum corporibus: gustus in gutture
& lingua super fel & absinthium amari-
cabitur, caninamq; famem & sitim rabi-
dam sentiet: tactus à planta pedis vsq; ad
verticem capitis, præter ignem, corpore
toto ingentia tormenta patietur. Ibi itaq;
simul erunt oculorum, aurium, dentium,
capitis, gutturis, laterum, cordis, manu-
um ac pedum & cætorum membrorum
dolores. Si igitur vel vnus membri do-
lor adeo cruciat in hac vita: quid in infer-
no facient omnium membrorum dolores ag-
gregari. O infelices sensuales voluptates,
quarum finis inferi & pænæ!

Punctum 2dum. Univerſum hoc eſt ve-
lut Urbs aliqua. In vrbe eſt. 1mo. tem-
plum vbi feſtiva omnia. 2do eſt forum, *Mundus
eſt inſtar
vrbis.*
locus ſcilicet nundinarum, mercantiarum,
conventiculorum. 3tio. eſt carcer publi-
cis. Sic & in mundo, cælum, eſt auguſtiſ-
ſimum templum Dei vbi læta omnia: fo-
rum, eſt terra vbi negotiari iubemur. *Ne-
gotiamini dum venio.* Carcer publicus eſt
infernus. Iam cogita ſi horrendum &
atrox eſt torqueri in carcere per noctem,
aut horam aliquam, torqueri inquam fa-

cibus aut laminis candentibus ad latera ad motis: quid erit torqueri in inferno in anima & corpore, in potentijs & sensibus omnibus?

PROFERIA V.

De pana damni.

Pena damni **P**unctum unum. Pena damni consistit in visione Dei & perpetui cum omnibus Sanctis consortij privatione. Huius atrocitas ex triplici capite expendi potest. Imo ex eo quòd Sancti dulcedine cælestis patriæ affecti gravissimum sibi æstimarent infernum ea visione etiam ad modicum tempus carere. 2do ex eo quòd ipsi damnati gravissimè ferant se tanto bono privari, non quidem qua honestum est, sed qua utile, malique omnis exclusivum. 3tio. ex similitudinibus. Si enim tanto mærore afficiuntur homines, dum hæreditate spoliantur; si divitiarum, honorum, amicorum amissio adeo cor hominum premit & cruciat: si mors eò quòd animam separat à corpore & mundo, adeo est terribilis: quantum malum illud quòd hominem à Deo, à vita immortalis, à bonis æternis, quæ sunt supra sensum & captum humanum, separat.

Punctum 2dum. Hoc cogitate. ait S. Chrysost: si nullo aliquis ponat gehennas, nihil tale

ale dicturus est, quale est à beatæ illius gloriæ honore repellere, exosumq; esse Christo & Matth: audire ab illo: non novi vos. Ex quibus ver- Homil: 24
bis habes, omni & toto inferno gravius esse privari fruitione gloriæ Dei, & bonorum perennium, esseq; in perpetuo odio apud Deum. Hærebit per totam æternitatem in auribus, animisq; damnatorum illud: Non novi vos. eosq; immensè cruciabit. Hærebit & affliget illa Christi maledictio pro tribunali fulminata: *Item maledicti in ignem æternum, paratum diabolo & Angelis eius.* Affectus convenientes. Propositum. Tessera vt supra.

PROFERIA VI.

De utraq; pena.

Punctum imum. Qui pœnas dabunt in interitu æternas à facie Domini, & à gloria virtutis eius. 2. ad Thef. 1. Pœnas dabunt damnati, quas & quales illas? æternas in interitu. O pœnæ heu quantæ! quàm magnæ! hoc solo nomine infandæ quia æternæ: quid verò quòd æternæ in interitu, quod à facie Domini, quod à virtute Domini, ab ipsa omnipotentia Dei in damnatos exercitæ! Quo maior iudex, quo fortior & robustior minister iustitiæ, eò gravius supplicium: quid maius, quid fortius omnipotentia Dei?

Punctum 2dum. Quantum se glorificavit, & in delicijs fuit, tantum date ei tormentum & luctum. Apoc: 18. Luctus pertinet ad pœnam damni, tormentum ad pœnam sensus. Heu me quid cum illo agitur, cuius pœnis & plagis adstat Iudex virgetq; continuò acerbiores cruciatus. Adstabit Omnipotentia ipsa miseris damnatis: virgebit continuò immaniſſimas plagas & perpetuo repetet: *Date ei tormentum & luctum.* O misera voluptas! o maledictæ deliciæ! O IESU miserere, ne vnquam vox hæc tua cadat in me.

Punctum 3tium. Hæc omnia ait S. Chrysostomus, *quæ hic patimur merus ludus ac risus sunt, si cum illis supplicijs in contentionem venerint.* Percurre hic mente omnia exquisita supplicia, omnia pœnarum genera quæ fontibus & insontibus sive iustitia, sive tyrannis infligere solebat, soletq; & & stupebis super immanitate cruciatuum inferni, respectu quorum vniversa mundi huius mala & tormenta risus sunt. Percurre & passionem Domini & expende dictum illud: Si in viridi ligno hoc faciunt, in arido quid fiet?

O IESU da modo libenter mala quæq; ad salutem animæ meæ perferre, ne in æternum immensis illis vexer cruciatibus. *Propositum.* Tessera vt suo loco.

PRO DIE SABBATI.

De continuatione ac eternitate pænarum Inferni.

Punctum unum. Considera imo. quod *In inferno* pænzæ inferni in æternum continua- *nulla pæ-*
buntur. hoc est: etiamsi secundum mo- *narum in-*
dèrni temporis cursum loquendo milli- *terpolatio*
onibus annorum durabunt, tamen nequi-
dem ad horam vnam aut quadrantem ces-
sabit. Considera 2do. quod mutatio quæ *Mutatio*
in mundo levamini esse solet, in inferno *non allevi-*
augebit tormētum. Nam luxuriosi quem- *at sed ag-*
admodum habetur Iob 24. ad nimium *gravat*
calorem transeunt ab aquis nivium, vt à *pænas.*
calore magis vexentur obrepugnantiam,
quam cum frigore calor habet. Consi- *Vis senti-*
dera 3tio. quod vis sentiendi in damnatis *endi non*
non minuetur: ac licet supplicia adeo sint *minuitur.*
prolixa, & continuata, nunquam leviora
sient, nec minus sentientur, imò potius
quotidie nova esse videbuntur, novaq;
damnatorū impatientiā reviviscent. Quid
itaq; ad hæc anima mea? quomodo non
deficit spiritus tuus tantarum pænarum
acerbitatem, durationem, continuatio-
nem considerans? Si amarum est molli cu-
bare lecto per vnam noctem in aliquo
gravi dolore; quomodo sustinebis in æter-
no carcere in igneo lecto flammeis triden-

tibus à diabolis volui & revolvi. Misere-
re Domine : hinc vire, hinc seca, modo in
æternum parcas.

Punctum 2dum. Ignis accensus est in furo-
re meo, & ardebit vsq; ad inferni novissima
Deut: 32. Quousq; ardebit ignis in furo-
re Domini peccatis nostris accensus? ad
inferni novissima, usq; quousq; durabit
infernus. At quousq; durabit iste? in per-
petuas æternitates: scilicet quousq; Deus
ipse durabit. O novissima semper nova!
o finis sine fine! o ignis qui nunquam con-
sumis, nec consumeris! O quoties, ego
peccatis meis succendebam hunc ignem!
O quantam struem, quantum rogam mihi
in æterna tormenta præparavi! Miserere
IESU, dissipa hanc struem: fac me non in-
perpetuum incendium sed in æternum re-
frigerium pervenire. Reparatrix, conso-
latrix! desperantis animæ à pressura quæ
ventura malis est nos redime. Pro me pe-
te ut quiete sempiternâ perfruar. Ne tor-
mentis, comburentis stagni miser obruar.

MEDITATIONES

De Mortificatione.

PRO DOMINICA XX. post Pent.

De natura & motivis mortifi-
cationis.

Pun-

Punctum 1^{um}. Erat quidam regulus Ioann: 4. cuius filius infirmabatur. Infirmas corporis sanitas est mentis. Cum infirmor, Mortificatio quid? tunc potens sum. aiebat Apostolus. Infirmatur autem caro nostra cum mortificatur. Considera quid & quodplex sit mortificatio carnis. est enim refrenatio appetituum eius circa delectationes sibi convenientes. Dividitur in Positivam & Negativam. Negativa consistit in subractione delectabilium carni: Positiva in inflictione molestorum eidem. Actus mortificationis positivæ sunt: disciplinæ, cilicia, chaumeniæ, & similia; ad negativam autem mortificationem spectat à cibo, somno, potu, & alijs corporis commoditatibus moderata abstinentia. Moderata inquam. discretio enim & moderatio in mortificationibus requiritur, ne per nimias macerationes lædatur valetudo. Domine Pater æterne fac semper mortificationem IESU in corpore nostro circumferamus vt & vita IESU manifestetur in corporibus nostris. 2. Cor. 4.

Punctum 2^{um}. Expende motiva mortificationis: quæ sunt: imo. quia Christus Dominus eam verbo & exemplo docuit; creberrimèq; monet, vt unusquisq; tollat crucem suam, & sequatur ipsum. 2^{do}. quia Beatissima Virgo & Sancti omnes.

Tc

absq;

Motiva mortificationis.

absq; mortificatione & multa afflictione corporis non fuerint. Hic in mentem revoca obvias & notas Sanctorum mortificationes. vt S. Pauli Primi Eremitæ, S. Zoerardi & aliorum. 3tio. quia certum est nullum solidum progressum in vita meliori fieri posse absq; oratione & mortificatione. 4to. quia qui Christi sunt carnem suam crucifigunt: igitur non sunt de corpore Christi, sed de corpore Antichristi, qui carni suæ indulgent. 5to. quia caro nostra hostis est animæ: semper enim concupiscit adversus spiritum. Igitur mactanda & subigenda animæ vt pote domine suæ. 6to. quia vbi non est mortificatio, ibi est amor proprius: hic autem omnium malorum & peccatorum creditur fons esse. Examina te ipsum an castigas corpus tuum & in servitutē redigis? Ora: propone. & aliquam tesseram ex subiectis per septimanam crebro repete.

S. August. in Manuli. Dulcis Christe bone Iesu fac me amore & desiderio tui deponere onus carnalium desideriorum, & terrenarum concupiscentiarum.

O via veritas & vita Christe Iesu da mihi odissē hic animam meam, vt eam in vitam eternam custodiam.

O Mater dolorosa fac vt portem Christi mortem, passionis eius sortem.

De MORTIFICATIONE
PROFERIA II.

667

De mortificatione sensuum exteriorum.

Punctum 1um. Sensus externi sunt: *Quare necessaria*
visus, auditus, gustus, odoratus & *cessaria*
tactus. Considera necessariam omnino esse *mortifica-*
mortificationem sensuum: hi enim sunt *tio sensu-*
quædam ianux seu fenestrix per quas pec- *um?*
catum ad animam ingreditur. *Intravit mors*
per fenestras nostras. Facile irruit hostis in *quia sunt*
civitatem, ubi portæ patentis sunt. Dein *ianua pec-*
de nihil est in intellectu, quod non præ- *cari.*
fuerit in sensu. Anima ergo non cogno-
scet, nec volet quidquam illicitum si ipsi *2do. ideo*
sensus non porrexerit. Aduva me Domi- *quia sunt*
ne ut sensus meos exhibeam servire iusti- *prodromi*
tæ in sanctificationem; non iniquitati, ad *Intellectus*
iniquitatem.

Punctum 2dum. Expende exempla eo-
rum qui lapsi sunt, & videbis omnes fe- *3tio quia*
rè cecidisse ex neglecta custodia sensu- *multi per*
um suorum. Ita primi Parentes, ita Giga- *eos lapsi.*
tes, ita David, ita Salomon & innumeri
alii: ideq; Iob pepigerat fœdus cum ocu-
lis suis ne cogitaret de virgine. S. Hieron:
Ne inquit per diem videas, quod nocte co- *Ad Ne po-*
gites. Idem auditum mortificari vult dum *tianum.*
ait: Cave ne aut linguam aut aures habeas
prurientes id est ne aut ipse detrahas, aut a-
lios audias detrahentes. Examina te qua-
liter hactenus sensus tuos custodieris: &

ora

ora: Te IESV deprecamur supplices. nostris ut addas sensibus nescire prorsus omnia corruptionis vulnera.

PRO FERIA III.

De mortificatione passionum.

Ioan. 4.

Passio
quid?Passiones
vndecim.

Punctum unum. Hora septima reliquit eum febris. Per febres intelliguntur passionēs: quia sicut per febres nimis incallescimus aut frigesimus; ita & per passionēs diversimodē alteramur. Considera quid & quodplex sit passio: est enim motus animæ cum transmutatione seu alteratione corporis. Duplices autē sunt passionēs: aliæ prosecutivæ boni, aliæ declinativæ mali. Item aliæ in irascibili potentia, aliæ in concupiscibili. In concupiscibili tres sunt coniugationes passionum scilicet amor & odium: concupiscentia & fuga: gaudium & tristitia. Similiter in irascibili sunt tres: scilicet spes & desperatio: timor & audacia: & ira, cui nulla passio opponitur. In univēsum vndecim numerantur passionēs hoc ordine: Amor & odium: desiderium & fuga: spes & desperatio: timor & audacia: ira: gaudium & tristitia, quæ duo consequuntur ad omnes passionēs. Ne quæso passionēs peccatorum operentur in membris meis ut frustificent morti. Rom: 7.

Punctum 2dum. Considera mortificationem passionum esse summè necessariam: quia passiones nisi refrænentur, maxime nocent corpori & animæ: disponuntq; hominem ad mortem & animæ & corporis. Ex amore qui est passio læsiva amantiss, multi mortui: ex ira multi apoplexia tacti: ex lætitia & tristitia vehementi non pauci extincti. Revoca in memoriam exempla huc spectantia quæ meminisse potes: & propone passiones in fræno tenere; nominatim verò hanc vel illam quæ te maxime infestat.

Necessitas mortificationis passionum.

PROFERIA IV.

De mortificatione tristitia.

P*unctum unum.* Tristitia est deiectio animi propter malum coniunctum apprehensioni. Potest esse de præsentī, præterito, & futuro malo. Vis enim cognoscitiva & apprehensio interior potest percipere & præsens & præteritum & futurum malum: dolor autem corporalis qui percipitur sensu exteriori nempe tactu, non potest esse nisi de præsentī. Considera mala tristitiæ. Ex tristitia enim proveniunt deliquia, apprehensiones, illusiones diabolicæ, tentationes variæ, desperationes, ineptitudo & torpor ad divina, contemptus salutarium consiliorum, atque

Tristitia quid?

quàm latè se extēdit?

Mala tristitiæ.

*A tristitia
festinat
mors Ec-
cles: 38.*

*Sæculi
tristitia
quæ?*

atq; adeo periculum salutis æternæ. Ex eadem passione promanant aliquando morbi diuturni & graves, imò & mors ipsa corporalis. Unde Apostolus 2. Corinth: 7. *Tristitia sæculi mortem operatur* scilicet & animæ principaliter, & ipsius etiam corporis. Est autem tristitia sæculi, omnis illa mæstitia, quæcunq; ex affectibus mundanis oritur. hoc est, quæ fit non ob Deum offensum, sed vel ob amissum aliquod creatum bonum, vel ob non acquisitum, vel certè ob alienam felicitatem. S. Hieronymus exponens præfata Apostoli verba ait: *Sæculi tristitia est de amissis rebus proprijs, aut de alienis non invasus dolere: vel de alterius felicitate torqueri. Secundum verò Deum tristitia est sive propria sive aliena lugere commissa.* Lætifica animam servi tui quoniam ad te Domine animam meam levavi.

*Media con-
tra tristi-
tiam.*

Punctum 2dum. Expende media tristitiæ. 1mum. & efficacissimum Oratio. Tristatur quis? preter, ait S. Iacobus in sua canonica. 2dum est aperire alijs quid te torqueat. 3tium est ad honestam confabulationem cum familiaribus se conferre. 4tum recogitare quòd Deus nolit nos esse tristes, sed lætos, sicut ipse est æterna & infinita lætitia. 5tum. sæpius orare hunc versiculum: *Benedictus es Domine in*
firma-

De MORTIFICATIONE.

671

firmamento celi, & laudabilis & gloriosus in secula, & recogitare Christum esse firmamentum caeleste, cui omnes electorum animae vt stellae sunt infixae, nec per vlla adversa, imò neq; per ipsa peccata possunt ab eo finaliter decidere. Propone fugere tristitiam, & in tristitia orationi impensius vacare iuxta exemplum Christi Domini, qui positus in agonia prolixius oravit.

Ex libr:

gratiarū
spiritua-
liū S. Me-
chil: l. 4.

c. 7.

PROFERIA V.

Contra scrupulos.

Punctum unum. Expende quid sit scrupulus? est enim opinio peccati cum anxietate quadam. Expende mala scrupulorum. Cum namq; scrupulus idem sit quod timor peccati vbi hoc non est, omnia illa mala ex scrupulis oriuntur, quae oriuntur ex nimio timore. Deinde quia scrupulus est tristitia & anxietas quaedam imprudens, omnia illa mala proveniunt ex scrupulis, quae proveniunt ex tristitia & sunt supra enumerata. Accedite quia inquietant mentem hominis, & privant hominem pace cordis, quae est quaedam beatitudo vitae. Sicut autē Spiritus S. in pacato corde amanter habitat; ita spiritus malignus in corde semper anxio & inquieto. Tandē quia

Mala scrupulorum
eadē quae
timoris &
tristitia.

Insuper
scrupuli
inquietant
mentem
hominis:
& minuit
spē in misericordia
Dei.

quia minuunt spem in Dei misericordia: timor enim opponitur spei. Deus qui dixit de tenebris lucem splendescere ipse illuceat in cordibus nostris ad illuminationem scientiæ claritatis suæ, vt clare sciamus quid bonum quid malum sit in conspectu eius: & vbi timor non est non trepidemus timore.

Remedia *Punctum 2dum.* Expende remedia conscientie scrupulose, quæ sunt: scrupulos contemnere: contra illos agere: mentem ab illis planè tanquam à turpibus cogitationibus auertere: iudicio confessi

Age secū- aut viri prudentis stare: assuefacere se ad
dum consi- sequendas sententias mitiores: non iudi-
lium sapi- care quidquam esse mortale peccatum nisi
entum & certò scias; quousq; autem fluctuas animo
depone an- de hoc aut illo peccato esse mortale aut
xietatem non, eousq; nescis certò esse mortale: oti-
& scrupu- um fugere, quia implet phantasiam scrupu-
lū: quia pulosis cogitationibus. extirpare scrupu-
gratiam lorum fontes, qui sunt tristitia & timor
Dei impe- inordinatus. Latetur cor meum vt time-
dit, & at No men tuum.

mentis de *Punctum 3tium.* Expende privilegia
uotionem scrupulorum quæ sunt: 1mum, non tene-
destruit. ri eos adhibere diligentiam, nisi valde
Ihom. à mediocrem in examinandis suis moribus
Kemp. lib: & vita. 2dum. non teneri eos confiteri,
4. de Imi: nisi quæ iurare possunt esse mortalia, &

anquam se ea confessos. Quare scrupulos & dubia non debent confiteri, ne & se ipsos & confessarios suos sine fine fatigent. Ora Deum ut te liberet à vana anxietate conscientiae; ut possis in serenitate animi & tranquillitate cordis, expediri orationi & contemplationi insistere.

PROFERIA VI.

De mortificatione intellectus.

Punctumimum. Mortificare intellectum nihil est aliud quam eum ita moderari, ut non erret vel deficiat in actibus suis. Actus porro intellectus practici sunt hi: consulere, iudicare, præcipere; qui etiam accensentur prudentiae, si adiunctam habeant rectitudinem. Vicia intellectus memoratis actibus opposita sunt: præcipitatio, inconsideratio, inconstantia, negligentia. In 1mo est defectus consilij. in 2do defectus inquisitionis veritatis. in 3tio recessus à determinatione aliqua. in 4to defectus promptæ voluntatis. Gradus per quos intellectus descendere debet ad operationem externam, sunt hi: Memoria præteritorum, intelligentia præsentium, consideratio futurorum, ratiocinatio conferens vnum alteri, docilitas per quam acquiescat sententijs maiorum. Ita igitur moderandus intellectus ne præcipitanter

Actus intellectus practici nec non prudentiae.

Vitia intellectus.

Va

ne in-

Ecclesi: 1.

ne inconsideratè ne inconstanter, ne negligenter, ne pertinaciter se habeat. *Scientiam & intellectum prudentiæ compartiarur mihi sapientia tua Domine!*

Punctum 2dum. Frænandus item intellectus à vitijs oppositis prudentiæ habentibus quandam similitudinem cum ipsa, & sunt: prudentia carnis quæ est habitus quærendi bona carnis velut finem ultimæ. Astutia quæ est habitus ad finem aliquem bonum vel malum consequendum excogitandi vias seu modos non veros sed simulos & apparentes. Dolus qui est executio astutiæ per verba. Fraus quæ est executio astutiæ per facta. Sollicitudo nimia intemporalibus. Propone hæc sicut & prius ora intellectus vitia cavere. Insuper scito quo fine nosse quæq; oporteat. *Sunt enim qui scire tantum volunt ut sciant: & turpis curiositas est. & sunt qui scire volunt ut sciantur, & turpis vanitas est. & sunt qui scire volunt ut scientiam vendant & turpis quæstus est. & sunt qui scire volunt ut ædificentur, & prudentia est.* S. Bernardus in Cantica.

Finis sciendi quis debet esse.

Punctum 3tium. Mortificandus quoque intellectus. Imo. in aviditate sciendi. propter quam multa nos obruimus lectione & caput fatigantes, & è memoria cito perdentes lecta. *Habent in epulis suis & animi quædam*

De MORTIFICATIONE.

675

dam luxuriam ait Aug: de beata vita, si
 ultra modum & voraciter in eas irruant, ex
 qua valetudini mentium non minus, quam ab
 ipsa fame metuendum. 2do. mortificandus
 in sensu & iudicio proprio, ne nimis tena-
 citer ei adhæreat sed sit docilis iuxta iam
 dicta. Si Deus inter nos, necesse est vt relin-
 quamus etiam quandoq; nostrum sensum pro-
 pter bonum pacis. 3tio mortificandus, dum
 perit libido inter homines se sciolum &
 sapientem monstrandi, exemplo ipsius I E-
 SU Christi qui ob crucis supplicium fa-
 ctus est stultitia gentibus. Nec tantum
 intellectus sed & sensum discite à I E S U
 crucifixo mortificationem. Oculi eius
 sanguine suffusi & Matrem dolentem aspi-
 centes, aures senticeto septæ & blasphe-
 mijs oneratæ, gustus siti aridus & felle
 amaricatus, odoratus calvarijs fætentibus
 offensus, tactus crucis pondere, clavorum
 fixura & vulnerum recrudescencia cruci-
 acus, clamant hæc omnia vt non obedia-
 mus concupiscentijs corporis nostri. Si
 complantati fiamus per mortificationem si-
 militudini mortis eius, simul & resurrectio-
 nis erimus. Rom: 6.

Thom: à
 Kem: l. i.

Iesus Chri-
 stus cruci-
 fixus exē-
 plar morti-
 ficationis.

PRO DIE SABBATI.

De mortificatione voluntatis.

Punctum unum. Mortificanda etiam
 Vv 2 volun-

Actus vo-
luntatis
qui?

voluntas propria, hoc est voluntati divi-
næ & superiorum subiicienda & ita mo-
deranda ut non quod caro sed quod lex
Dei iubet sequatur. Tu ergo fili post con-
cupiscentias non eas & à voluntate tua
avertere. Eccl: 18. Disce voluntates tu-
as frangere & ad omnem subiectionem te
dare. Thom: à Kemp. lib: 3. Considera
actus voluntatis esse: intentionem, electi-
onem, consensum & usum qui est applica-
tio alicuius rei ad operationem. Hi ergo
actus ut sint recti debent conformari vo-
luntati seu legi divinæ: ideoq; nihil de-
bemus intendere, nihil eligere nulli con-
sentire, nullo uti nisi iuxta legem De-
i quæ voluntatis divinæ est index. En servus
tuus ego paratus ad omnia quoniam non de-
sidero mihi vivere sed tibi utinam digne &
perfecte? Tua voluntas mea sit: & mea tu.

Thom: à am semper sequatur.

Kem: l. 3. Punctum 2dum. Expende exempla qua-
te permoveant ad voluntatis propriæ mor-
tificationem. Christus Dominus non su-
am sed Patris voluntatem semper facie-
bat. Non quero (ait Ioan: 5.) voluntatem
meam, sed voluntatem eius qui misit me. Be-
atissima Virgo Mater Christi, voluntatis
Divinæ in verbo divino manifestatæ cu-
stos manebat æterna. Nullus Sanctorum
propriæ voluntatis amator fuit. Expende
item

item mala quæ proficiſcuntur ex voluntate propria. Qui enim ex propria voluntate operatur, facile errat: ſecus qui ex obedientia. Deinde amator propriæ voluntatis nunquam proficiet: imò in gravia labetur. Ait enim Caſſianus: A multis Senioribus Monachis multa experientia comperum, Monachum nullatenus prævalere ad perfectionis culmen aſcendere, nec iram, nec triſtitiam, nec ſpiritum fornicationis extinguere, ſed nec veram humilitatem cordis, nec cum fratribus firmam diuturnamq; concordiam poſſe retinere: ſed nec in cænobio quidem diutius permanere, qui voluſtates ſuas non prius didicerit ſuperare. Propone voluntatem tuam divino & ſuperiorum arbitrio ſubijcere.

MEDITATIONES

De vitijs avaritiæ & immiſericordix.

PRO DOMINICA XXI. poſt Pen.
De Avaritia.

Punctum unum. Servus conſervum debitorem ſuffocabat dicens: Redde *Matt: 18.*
quod debes. Avaritia fuit cauſa huius violentiæ & inhumanitatis. Nam violentia & *Avaritia*
obduratio contra miſericordiam, ſunt *radix o-*
avaritici filii. Expende gravitatem avaritix *mnium ma-*
lorum euy

ritiæ. imo. quia est *radix omnium malorum* secundum Apostolum 1. ad Timotheum ultimo. dicitur autem radix ad similitudinem radicis arboreæ: quoniam sicut hæc alimentum præstat toti arbori; ita cupiditas habendi nutrit omnem nequitiam. 2do quia *avarus nihil est scelestius*. Nam scatur bona quæ sunt infima inter humana bona. 3tio. quia *avarus etiam animam suam venalem habet*. hoc est vitam suam exponit periculis pro pecunia. 4to quia avarus comparatur ab Apostolo idololatraz sicut enim hic servit idolo, ita ille pecunijs. Da Domine ut mores mei sint sine avaritia contenti præsentibus.

Punctum 2dum. Expende item gravitatem avaritiæ respectivè ad proximum quia ex hac multa in proximum nocumenta derivantur, scilicet: proditio, violentia, inhumanitas, rapacitas, circumventio proximi per fraudem, per fallaciam. Iudas per avaritiam prodidit Christum. Ananias & Saphira mendacio & periurijs vti propter avaritiam: propter eandem rapinas Antiochus exercuit: Servus in hoc dierno Evangelio memoratus violentiam intulit conservo propter eandem. Detestare avaritiam tantorum malorum matrem: & illico omnia resignare in manus superioris statue. Tessera:

Inclina.

*Inclina cor meum Deus in testimonia tua
& non in avaritiam.*

*Bonum mihi lex oris tui super millia auri
& argenti.*

*Domine Domine virtus salutis meæ te so-
lum diligam, & proximum propter te: ex
divitijs autem & alijs omnibus bonis laudet
te anima mea, sed non infigatur illis glutino
charitatis. S. August.*

PRO FERIA II.

De motivis fugienda avaritia.

Punctum unum. Motivum unum. ni- Præter De
hil prodest homini si univcrsum e- um nihil
tiam mundum lucretur, animæ verò suæ profut cæ-
detrimentum patiat. Motivum 2dum tera.
quia nihil intulimus in hunc mundum, Nihil ex-
& haud dubiè nihil inde exportabimus portabim9
ad sepulchrum. 3tium quia avari privant ex hoc mū-
se quiete & pace animi. Avaritia enim do.
ingerit homini sollicitudinem & curas su- Avari in-
perfluas. unde Prou: 25 dicitur: Con- quieti.
turbat domum suam qui sectatur avariti-
am, qui autem odit munera vivet. 4tum. Avarorū
quia avari & proprietarii plerumq; mor- mors mi-
te infelici & miserabili moriuntur Væ ei serabilis.
Habacuc 2. qui multiplicat non sua! vs-
quequo aggravat contra se densum lutum.
Nunquid non repente consurgent, qui mor-
deant te: & suscitabunt lacerantes te, &
eris in rapinam eis.

Exempla interitus Avarorum. Punctum 2dum. Expende exempla interitus avarorum: quomodo Iudas interijt, quomodo Ananias & Saphira, quomodo dives Evangelicus, cui dictum: *Stulte hanc nocte animam tuam repetent a te, & hæc quæ congregasti cuius erunt:* quomodo item Rex Antiochus, & innumer alij. Noli imitari in moribus, ne & in morte imiteris. dic cum David: Inclina cor meum Deus in testimonia tua & non in avaritiam.

PROFERIA III.

De camelo ad foramen acūs comparato: & de Lazaro portato ab Angelis in sinum Abrahe.

Punctum 1mum. Facilius est camelum intrare in regnum cælorum. Dives omnis Camelus est gibbo avaritiæ & appetitu pecuniarum tumens, plurimisq; peculij & supellectilis sarcinis onustus: porta & via quâ itur ad cælum angusta est instar foraminis acūs; quomodo ergo dives per eam intrabit ad regna cælestia? Et si tam arduum est diviti seculari ad cælum pervenire: quid putas de divite Monacho, cui præter avaritiam, etiam violatio juratæ paupertatis damnationem ministrat? O IESV libera me ab omni onere & appetitu proprij; ut instar nudi &

di & tenuis serpentis per angustam cæli viam possim ad regnum æternum perrepere.

Punctum 2dum. Factum est vt moreretur mendicus, & portaretur ab Angelis in sinum Abrahæ Lucæ 16. Divitem ceu animal quoddam portentosum gibbosumq; relinquunt Angeli: at verò pauperem suis excipiunt humeris & deportant ad cælum. *Sinus Abrahæ.* Considera 1mo. sinum Abrahæ esse locum quietis Sanctorum ante mortem & resurrectionem Domini: qui instar Abrahæ in Christum credendo & præcepta Dei custodiendo ex hac vita migrarunt. Considera 2do. quis honor animæ mendici mortui? quo solennius & honoratius funus est, eò honoratiores adhibentur baiuli sandapilæ: in elevationibus autè cinerum Sanctorum, in translationibus sacrarum reliquiarum ipsi etiam summi sacerdotes, Duces & Reges sua sacro oneri supponunt brachia, at vero animæ pauperis defuncti, throni & principatus cælestes deserviunt. O felix mendicitas!

*Anima La-
sari qua-
les habet
portito-
res.*

PROFERIA IV.

Quid & ubi paravit Deus pauperi?

Punctum 1mum. Parasti in dulcedine tua pauperi Deus. 57. Parasti in dulcedine tua pauperi Deus, quid illud? na-

Vu 5

scio

scio dicere, cogitare & cognoscere non valeo, sed & Propheta non valuit. Parasti sine dubio thesauros inæstimabiles & bona invisibilia: sed quæ illa & quanta? oculus videre, audire auris, cor comprehendere non valet.

Punctum 2dum. Vbi parasti? in dulcedine tua. O locus quàm felix, quàm beatus, quàm dulcis es, qui mera dulcedo appellaris. In dulcedine paravit: & in sua dulcedine paravit Deus bona pauperi. Dulcedo Dei quæ & quanta? in hac paravit bona pauperi, illa quæ solus novit, tanta quanta solus novit. Cui parasti? Qui propter te, reliquit omnia, tu ei ex te dedisti omnia: qui temporalia deseruit, ei æterna contulisti. O beata paupertas!

PRO, FERIA V.

Probro Deus afficitur dum pauper despicitur.

P*unctum unum* Qui calumniatur egentem exprobrat factori eius. qui despicit pauperem, probro afficit factorem eius. proverb. 17. Qui vituperat aut damnat opus, factorem eius vituperat aut damnat. Cum ergo sit factor pauperis Deus: qui hunc contemnit, subsannat, eijcit; Deum ipsam contemnit, subsannat, eijcit.

Exami-

Examina te qualis hactenus erga pauperes
& per consequens erga Deum ipsum fueris.

Punctum 2dum. Considera quod solus
Deus & creaturæ rationales sint ex cha-
ritate diligendæ, non autem bona crea-
ta, vñ divitiæ & similia: hæc enim non
possunt communicare nobiscum in bea-
titudine æterna. Quantumcumq; ergo sit
aliquis pauper, teneris eum diligere: è
contra quantumcumq; alius sit dives &
splendidus, non plus teneris diligere
eum, quàm pauperem. Recollige te qua-
lis hactenus erga pauperes & calamito-
sas ac morbidas personas fueris. Propo-
ne indifferenter & æqualiter omnes dili-
gere, & pauperibus secundum possibilita-
tem subvenire.

*Solus Deus
& creatu-
ra ad æ-
ternā bea-
titudinem
cōdita ex
charitate
diligendæ.*

PRO FERIA VI.

*De crudelitate & sævitia: & quod
passio Christi corda saxeā emollit
ad misericordiam & clementiam.*

P*unctum 1mum.* Patientiam habe in
me & omnia reddam tibi. Ipse autem
noluit, sed abiit & misit eum in carcerem.
Vide quomodo cupiditas radix fuerit grā-
dium malorum in hoc avaro servo, ni-
mirum ingratitude, immisericordiæ,
crudelitatis sævitæ ac demum exitij pro-
prij. Considera imo. crudelitatem esse
quan-

*Crudeli-
tas quid?*

*eius cry-
mum.*

*Sævitia se-
u feritas
quid.*

quandam austeritatem animi, per quam aliquis fit promptus ad pœnas augendas. Considera 2do. quod sicut costa sævem habent saporem, cruda horribilē & asperum: ita clementia dulcis est diminuendo pœnas; crudelitas verò à cruditate nomen suum derivans atrox est puniendo immoderate. Considera 3tio. sævitiam seu feritatem dici, secundum quam aliquis in infligendis pœnis non considerat culpam eius qui punitur, sed suam delectationem ex cruciatu alieno quærit, quod proprium est bestiis. Detestare iram quæ crescit in odium & trabem facit de festuca. Convesce & propone dulcedinem animi ad alios habere.

3. P.
9. 4. 4.
ar. 4.
ad 3.
Miracula
circa pas-
sionem Do-
mini, &
mysterium
eorum.

Punctum 2dum. Ad duritiam cordis ex qua crudelitas & sævitia oritur arcenda aut deponendam iuvat meditari de passione Domini: quæ etiam lapidea corda emollit & mansvescit, ut claret ex miraculis, quæ circa mortem Christi Domini facta sunt: Velum templi divisum est ad ostendendum refectionem mysteriorum legis. Aperta sunt monumenta ad ostendendum quod per mortem Christi mortuis vita daretur. Terra mota est & petra scissæ sunt ad ostendendum quod lapidea corda hominum per passionem eius emollirentur: & quod totus mundus virtute passionis eius in melius

lius esset commutandus ait S. Thomas. Virtute Passionis Dominicæ velum dividitur, atq; ad propitiatorium quemvis admittit: tu propitiari fratri tuo, proximo tuo recusabis? Sepulchra mortuos dimittant liberos: tu in fratrem sævies, eiq; ad sepulchrum viam sternes? Terra movetur, petra scinduntur: tu durus atq; implacabilis manebis? Totus mundus per mortem Christi correctus & restauratus: tu in malitia perseverabis?

Doces me o virtus & sapientia Patris ex cathedra crucis viam perfecti amoris: referas mihi mysterium legis de diligendo proximo, quando & oras pro crucifixoribus tuis, & grande peccatum eorum excusas, & pro nobis omnibus ingratis ac sceleratis animam pretiosam ponis. Absit, absit vt nolim intelligere & opere implere doctrinam tuam. Emolli viscera mea virtute, quâ saxa emollivisti. Aperi cor meum ad affectum benevolentia, os meum ad verba amoris, manus meas ad opera beneficentia erga proximos etiam eos qui me offenderunt; sicut sepulchra aperuisti. Tu qui commovisti terram & conturbasti eam: da terreno cordi meo sanctam contritionem; & sana in me contritiones malas quibus alios contere & affligere cogitavi vnuquam. Disrumpe velum

Colloquii.

psal. 79,
secundum
L. XX.

velum cæcitatis meæ internæ: *Ostende mihi duritiam meam* ut ab ea per gratiam tuam recedens, potari viro compunctionis tuæ merear.

PRO DIE SABBATI.

*Nocumenta aliena, & immiseri-
cordia cavenda.*

Punctum unum. Misi eum in carcerem donec redderet ei debitum. Ipse exactor ipse iudex, ipse minister iustitiæ. In corpore tria sunt, quibus noceri possit: integritas corporalis, cui detrimentum affertur per occisionem vel mutilationem: deinde delectatio seu quies sensus, cui opponitur verberatio, vel quidlibet sensum dolore afficiens: tandem motus & usus membrorum, qui impeditur per ligationem vel incarcerationem, seu quancumque detentionem. In his ergo omnibus non licet nocere alteri nisi propter pœnam iustam. Pœna autem iusta non potest infligi nisi ab habente iurisdictionem supra reum. Detineri tamen aliquis potest ad catenam magni alicuius vitandi mali. Vide num alicui in his tribus non nocuisti? Si nocuisti, dole: propone satisfacere & in posterum à nocumentis aliorum cavere.

Punctum 2dum. Serve nequam, nonne oportuit te misereri conservi tui, sicut & ego tui misertus sum. Tradiditq. eum Dominus terroribus. Considera imo. cum rigidis & crudelibus rigidè procedere Deum. Du-ros durissimum manet iudicium. Considera 2do. sicut misericordes felici fato cedunt, ait enim Hieron. Non memini me legisse mala morte mortuum, qui opera misericordiæ fecerit. ita immisericordēs pessimā morte abripi. Propone diligenter & frequenter examinare conscientiam tuam quid & quantum Deo debeas, ne in rigorem examinis eius venias: & hanc aut similem adijce orationem. Ego sum servus ille nequam. Confiteor quia toties omne debitum dimisisti mihi: toties mihi enormia peccata remisisti. Confiteor quia post tantas tuas erga me miserationes adversus conservos meos durus & immisericors fui. Parce Domine malo iam ipse mori, quam membra tua, servos tuos, immisericorditer tractare.

O refugium peccatorum Virgo DEL-pa-
para intercede pro me ad Filium tuum
Regem & Iudicem meum. Tota eius
figura in cruce sub qua stetisti spirabat
amorem. Caput inclinatum: manus ex-
pansæ: pectus apertum, omnia hæc si-
gna fuerunt ardentissimi amoris ad ho-
mines

Colloquiū.

mines. Per talem & tantum amorem obsecra vt patientiam & misericordiam super me habeat.

O Angeli Dei Sanctiq; omnes etiam vos rogo: ne quaeso accusetis me coram Domino vestro & meo, sed potius orate pro me, vt esto ingratus & indignus, inveniam misericordiam in iudicio eius: orate ne tradat me tortoribus sicut merui, sed vt vobis me associet; quod in aeternum vna vobiscum misericordias eius decantem.

MEDITATIONES

De tentationibus, scandalo & hypocrisi.

PRO DOMINICA XXII. post Pentecostea
De tentationibus.

Punctum unum. Pharisei cum Herodianis venerunt ad tentandum Christum. Considera imo. quid sit tentatio? est enim experimenti sumptio de aliquo. Considera 2do. causam tentationis esse triplicem: carnem, mundum, diabolum. Considera 3tio. tribus modis perfici tentationem: suggestionem, delectationem & consensu. Christus suggestionem mali sentire potuit, sed non delectationem, nec consensum. Idem ab hoste externo tentari potuit, & tentatus est sed non a carne.

*Tentatio
quid? quo
tuplex causa
ipsius?
quoruplex
modus?*

ne. Considera 4to. tempus vitæ præsen- *Christus &*
 tis esse tempus tentationum: atq; idcirco *carne non*
 vita præsens vocatur tentatio & militia. *potuit tē-*
 Quare noli mirari nec turbari si crebro *tari.*
 tenteris, sed stude semper armatus esse &
 viriliter ac legitime certare vt coroneris.
 Veniet tempus pacis quando non iam
 pugnabis, sed in gloria cælesti numera-
 bis triumphos tuos.

Vtilitas tē-
tationum
 Punctum 3tium. Considera 1mo. vtilēs
 esse & convenientes homini teatationes.
 Qui enim tentatus non est qualia scit? Ec-
 cles: 34. Et pertinet ad conditionem huma- *S. Thomas*
 na naturæ vt ab alijs creaturis iuvare vel *22. de ten-*
 impediri possit in consecutione sui finis. Con- *tationib9*
 sidera 2do. tentationes in triplici esse dif- *primorū*
 ferentia. Nam aliæ sunt Incipientium, vt *parentū.*
 cædium in Spiritualibus, indiseretio in
 mortificationibus & precibus, scandalum
 si quid contra mentem suam viderint
 (hinc volunt statim magistri fieri aliorū)
 cupido spiritualium consolationum,
 conscientia inquietudo, seu scrupuli. Pro-
 ficientium: pusillanimitas, zelus inordi-
 natus in alijs redarguendis, tepiditas in
 injunctis officiis exequendis, amor nimi-
 us vnius loci, officij & similium, ambi-
 tio honorum, appetitus vanæ gloriæ.
 Perfectorum: occulta superbia, conficta
 imbecillitas & infirmitas, persecutio acer-

bior, desolatio interna. Vide quibus potissimum impugneris tentationibus: arma te ipsum contra illas oratione & mortificatione. Tesseræ: *Vita mea Deus meus illumina nos vt videamus laqueos, quos versutus hostis noster paravit in exterminium nostri: vt evadamus ad te latitia Israel.* S. August: in Solil:

Sub umbra alarum tuarum protege me à facie impiorum, qui me affixerunt.

Exultatio mea erue me a circumdantibus me.

PRO FERIA II.

Generalis De modis superandi tentationes.
modus superandi tē **P**unctum unum. Duplex est generalis modus tentationes vincendi: aut enim vincuntur per fugam, aut per resistētiā. Per fugam vincenda tentatio quando cogitatio illius de quo tentari-
tationes duplex: aut ut per fugam, aut resistētiā. xuriam: resistendo vincenda, quando per severans cogitatio tollit incentivum peccati, sicut in aedia. Speciales modi vincendarum tentationum sunt sequentes: Oratio, carnis mortificatio, firma fiducia & spes in Dei adiutorio, tesserarum & testimoniorum sacræ scripturæ in tentationibus usus, resistētia aut fuga statim in initio tentationis. *Mulier iuxta prædictio-*

ditionem in Genesi factam conerit ca- S. Thomas
 & serpentis, quando animalis pars nostra de tentati
 & diabolum statim in initio malæ svasionis ex one primo
 cludit. Considera exempla Sanctorum va- rum parē-
 rorum, qui fortissimè impugnationes mū- rum.
 di, carnis, diaboli represserunt finaliter
 ve S. Paulus primus Eremita, S. Thomas
 Aquinas, S. Franciscus & innumeri alij.
 Stude & propone imitari.

Punctum 2dum. Quoties obrepunt co-
 gitaciones malæ in materia luxuriæ aut
 quacung; alia, statim cogitatio abrumpen-
 da nec diabolo hæc aut illa proponenti
 respondendum. Superbus diabolus super-
 bē reiiciatur. Et hæc superbia sancta est
 si diabolo nihil respondeas. Noli curare lib. 4. c. 18.
 noli disputare cum cogitationibus tuis lib. 4. c. 10
 monet Thomas à Kempis, nec ad immiffas lib. 3. c. 6.
 à diabolo dubitationes responde. Non est
 quidquam de versutijs eius & phantasijs
 quantumlibet horridis & turpibus cu-
 randum. Contemnendus est miser & de-
 ridendus. Sibi imputa cum mala inserit &
 immunda. Dico illi: Discede à me se-
 ductor pessime non habebis partem me-
 cum sed JESUS meus erit mihi tanquam
 bellator fortis.

PROFERIA III.

De scandali natura.

Matth. 21

Punctum imum. Mittunt ei discipulos suos cum Herodianis. Pharisei non tantum discipulos suos sed & Herodianos scandalizarunt inducendo eos ad Christum tentandum. Considera 1mo. sicut se habet in via corporali obex, in quem viator impingens disponitur ad ruinam; ita in processu spirituali habet se scandalum quod latine vocatur offensio vel impatiens pedis. Scandalum porro sic definitur: est dictum vel factum minus rectum præbens occasionem ruinæ spiritualis. Considera 2do. stringi nos præcepto divino ad abstinendum ab omni eo quod proximum scandalizare potest. Ait enim Apostolus Ne ponitis offendiculum fratri vel scandalum. ad Rom. 14. Et 1. ad Thimotheum 5. ab omni specie mala abstinete vos. Tu Domine mandasti mandata tua custodiri nimis. Fac ergo ut illa nec in minimo, nec specie tenus transgrediar.

Punctum 2dum. Duplex autem est scandalum, activum & passivum. Activum est in eo qui scandalizat dans occasionem ruinæ, passivum est in eo qui scandalizatur. Aliud item scandalum Phariseorum, aliud parvulorum; scandalum, Phariseorum est, quod procedit ex malitia: quando scilicet aliquis ex doctrina alicuius recta sumit occasionem, ut impediatur salutem vel bona

bona spiritualia in alijs, & hoc scanda-
 lum contemni debet. Pusillorum scan-
 dalum est, quod ex ignorantia vel infir-
 mitate oritur. Quare *omnis ille qui scan-* *s. Hieron:*
dalifatur parvulus vocatur. Maiores enim in Matth.
scandala non recipiunt. Cura perfectus esse
 & solidus, ac stabilis in amore Dei, ut
 non sit tibi scandalum.

PRO FERIA IV.

De duplici scandalo activo & passi-
vo: quando & quod habet morta-
lem & specialem malitiam.

Punctum unum. Scandalum activum
 etiam si sit per accidens, hoc est e-
 tiam si præter intentionem operantis &
 conditionem operis sequatur ruina in a-
 lio, est peccatum mortale tunc, quando cõ-
 mittis actum peccati mortalis, vel quan-
 do contemnis salutem proximi, pro ea cõ-
 servanda non prætermittendo aliquid fa-
 cere quod tibi libet. Scandalum verò acti-
 vum per se, mortale est cum intendis a-
 lium inducere ad peccandum mortaliter
 vel cum intendis aliquem inducere ad pec-
 candum venialiter, per actum peccati mor-
 talis. Examina te ipsum, an & quoties a-
 lios ad ruinam traxeris sive per peccata
 sive per opera speciem peccati habentia.
 Dole: emendationem propone: protesta-
 re quod

Quando
Scandalum
& hoc &
illud, est
mortale.

re quod velis Deo animas quàm plurimas lucrari per exempla bonæ vitæ & per verba salutis. ad hoc lucrum, auxilium gratiæ divinæ implora.

Punctum 2dum. Nullum passivum scandalum est speciale peccatum; sed ad alia peccatorum genera reducitur. Item scandalum activum, quod fit præter intentionem agentis, vt cum quis non intendit dare alteri occasionem ruinæ, sed solum satiffacit voluntati suæ, non habet specialem malitiam: sed solum activum quod per se est, cum quis inordinato dicto vel facto intendit alium trahere ad peccandum. Vita & propone vitare utrumq; tam videlicet activum, quàm passivum: illud qui sanguinem hoc, perditionem aliorum quos scandalisavimus est requirit Deus nobis: hoc autem, quia si scandalisaris alio, non es verus Dei amator. *Falso dicitur: amor diligit qui scandalisatur in fratrem.* ait Hieron: in psalm: CXIX. Examinate an ad dandum vel accipiendum scandalum facilis fueris. Detestare malitiam scandali vtriusq; & actum dilectionis Dei & proximi elice cum protestatione, quod sicut tibi, ita omnibus & singulis hominibus desideras salutem animæ.

Solum scandalū activum quod vocatur per se, habet specialem scandalali malitiam.

Vtrūq; scandalum vitandū & quare?

PRO FERIA V.

De gravitate scandali.

Scandali
gravitas
imo. quia

Punctum unicum. Expende gravitatem
scandali. imo. quia contrariatur cha-
ritati proximi. 2do. quia vix illi per quem
scandalum venit: & expedit ei ut suspen-
datur mola asinaria in collo eius, & demer-
gatur in profundum maris. 3tio. quia scan-
dalum est peccatum in Christum. ait e-
nim Apostolus: Percutientes conscientiam
fratrum infirmam, in Christum peccatis. 1. est peccatū
Corinth: 8. 4to. quia propter illud im-
pediendum etiam spiritualia bona quæ
non sunt de necessitate salutis, vel occul-
tanda sunt, vel interdum differenda, quo-
usq; reddita ratione scandalū cesset, si au-
tem reddita ratione scandalum duret, iam
videtur esse scandalum ex malitia. Simi-
liter & temporalia bona debemus dimit-
tere tribuendo ea, si penes nos habemus: vel occulta
vel non repetendo, si penes alios sunt. 5to. quia
scandalum pervertit & perdit ferenda.
animas sanguine Christi redemptas. Qua-
re Apostolus ad Rom. 14. monet: Noli a verò bo-
cibo tuo illum perdere, pro quo Christus mor-
tuus est. Et: Bonum est non manducare
carnem: neq; bibere vinum, (neq; ali-
ud quidquam facere) in quo frater tuus
offenditur, aut scandalisatur, aut infirmatur.

contraria
tur chari-
tati proxi-
mi. 2do.
quia vix il-
li qui scā-
dalisat.
3tio. quia
est peccatū
in Christū.
4to. quia
propter il-
lud impedi-
endum eri-
am spiritu-
alia bona
omittenda
vel occulta
vel dif-
ferenda.
Temporali-
a verò bo-
na vel di-
mittenda
vel non re-
petenda.
5to. quia

perdit ani En ergo quæ pacis sunt sectemur : & quæ
mas à Chri ædificationis sunt invicem, custodiamus.
sto redem-

PROFERIA VI.

pras.

Cur Christus tentari voluit?

Math 21.

Punctum inum. Quid me tentatis hy-
pocrite? Christus Dominus tentari
voluit non solum ab hypocritis, sed eti-
am ab hypocritarum rege diabolo, à quo
& in ipsa cruce tentatus est. Expende
quas Chri cur Christus tentari voluerit? imo. ut
stus tenta nobis contra tentationes suo merito &
ri voluit? exemplo auxilium ferret. 2do. propter

Lib: 2. Spi

ritualium

Cap: 11.

chitildi tentatæ timidis & tristibus cogi-
tationibus dixit: Noli mirari si te istæ co-
gratiarū gitationes impugnant. Nam & diabolus me
tentabat, cum propter te penderem in cruce.
O quod solatium & fiducia nobis inde in
hora mortis nostræ!

Punctum 2dum. Diabolus qui consum-
mata in deserto omni tentatione ad tem-
pus à Christo recesserat, postea non ten-
taturus, sed apertè pugnaturus advenit
ad ipsum tempore passionis. Cōsidera imo.

etiam

etiam nos visibiliter à dæmone in hora
 mortis impugnandos. Quare bestiam hanc
 cruentam fortiter exemplo S. Martini
 rejicere debemus. Considera 2do. sicut
 Christus in sua passione videbatur tenta-
 ti tristitia & odio proximorum, in deserto
 autem tentatus est delectatione gulæ &
 contemptu Dei per idololatriam: ita ho-
 mines in morte tentari per tristitiam &
 desperationem, per odium proximorum,
 per contemptum Dei, per superbiam &
 confidentiam in meritis proprijs. Consi-
 dera 3rio. adversus omnes tentationes
 diaboli esse efficacissimum remedium con-
 fugere ad vulnera Christi crucemq; eius.
 Crux Christi est baculus, quo diabolus
 cum suis tentamentis pellitur & vincitur.
 Per signum Crucis de inimicis nostris li-
 bera nos Deus noster.

3. p. 9. 41

art. 3. ad

3.

S. August.

in Manus

cap. 22.

PRO DIE SABBATI.

De Hypocrisi.

Punctum unum Quid me tentatis hy-
 pocrita? Potissimum hypocrisim ex-
 probrat Christus Dominus Phariseis, ut
 ab ea avocet. Considera imo. ad hypo-
 crisim duo concurrere: defectum sanctita-
 tis & simulationem illius. Hypocrita er-
 go dicitur ille, qui simulat sanctitatem,
 quam tamen non habet (ob peccatum mor-
 tale

Hypocri-
 sim duo
 constitu-
 unt: simu-
 latio san-
 ctitatis &

Xx5

tale

defectus
illius.

Gravitas
hypocrisis
ex autho-
ritatibus.

tale) & nihil minus curat habere. Con-
sidera 2do. gravitatem hypocrisis ex sa-
cra Scriptura & Sanctis Patribus. Nam
Christus Dominus sepe numero *væ* dicit
hypocritis in Evangelio. Deinde Iob 36.
dicitur: *Simulatores & callidi provocant
iram Dei.* Item Iob 13. arcentur à visione
Dei hypocritæ omnes: *Non veniet in con-
spectu eius omnis hypocrita.* S. Hieron: in
Isaia cap: 16. ait: *In comparatione duorum
malorum levius est aperte peccare, quam san-
ctitatem simulare.* Idem super Iob. cap. 1.
*Simulata equitas, non est equitas, sed du-
plex iniquitas.* Idem super illud threno: 4.
*Maior effecta est iniquitas populi mei pecca-
to Sodomorum, peccato sodomitico præpo-
nit hypocrisim: Scelera animæ planguntur,
quæ in hypocrisim labitur: cuius maior est ini-
quitas peccato Sodomorum.* Deduc tunc Do-
mine in via tua, & ingrediar in verita-
te tua.

Punctum 2dum. Expende item ex ratio-
nibus gravitatem hypocrisis. Nam primò
Gravitas hypocrisis ex ratio-
nibus imo
quia ad-
versatur
veritati.
nibus gravitatem hypocrisis. Nam primò
opponitur directè veritati. Simulatio
enim propriè est mendacium quoddam in
exteriorum signis factorum consistens. Si-
cut autem mendacium oris est illicitum;
ita & mendacium operis. 2do. omnis hy-
pocrisis quâ intenditur defectus sanctita-
tis & simulatio eiusdem, est peccatum mor-
tife-

tiferum: quia nemo totaliter privatur sanctitate nisi per peccatum mortale. *Simulatio* Omnis est mens-
insuper simulatio sanctitatis adversans *daciū ope-*
charitati Dei vel proximi, veluti cum *ris.*
quis simulat sanctitatem ut falsam doctri-
nam disseminet, seu ut adipiscatur Eccle-
siasticam dignitatem indignus, sive quæ-
cunq; alia bona suum in ijs finem consti-
tuendo, est peccatum mortale. Aliàs de-
lectari in ipsa fitione sanctitatis salvâ cha-
ritate, potius est vanitas quàm malitia;
sicut etiam simulare perfectionem sancti-
tatis, quæ non est de necessitate salutis,
non semper est peccatum grave. Fuge si-
mulationem, ne væ à Christo audias. Ora
ad B. V. MARIAM pro vera sancti-
tate quia in ipsa est omnis gratia vitæ &
veritatis.

MEDITATIONES

De Morte.

PRO DOMINI XXIII. post Pent.

Non differenda penitentia.

Punctum unum. Domine, filia mea mo-
dò defuncta est; veni impone manum tu-
am. Matth: 9. Marcus Evangelista sic ha-
bet: *Filia mea in extremis est.* Quam Mar-
cus vocat moribundam, Matthæus mortu-
am, dicit. Solemus enim de aliquo letha-
liter

liter ægrotante mortiq; iam proximo dicere: *mortuus est homo*. Per hanc filiam intelligitur anima. Considera imo quòd anima recentè lapsa, facilius suscitetur ad pænitentiam quàm inueterata in malo: & hæc maior facilitas vel difficultas habet se ex parte animæ peccantis, non ex parte Dei à peccato suscitantis; cui omnia æqualiter possibilia & facilia sunt. Disce hinc quòd vitia statim ab initio è nobis debemus eradicare ne in consuetudinem abeant. Considera 2do quòd à nullo peccato & vicio possimus erui, nisi per manum Christi Domini. Ora eum vt imponat manum suam tibi, & te à morte peccati resuscitet, à periculo peccandi liberet, & in vita spiritali, hoc est, in gratia sua vsq; in finem conservet.

Punctum 2dum. Et deridebant eum. Christus deridetur eò quòd dixerit non esse mortuam puellam, sed somno soporatum. Considera imo. alium esse sensum mundi, alium Christi: aliter dormitionem à Christo accipi, aliter à mundo. Considera 2do Christi modestiam, deridetur & tacet: constantiam eiusdem dum contemptu sui non retrahitur à bono opere: humilitatem & patientiam, dum patienter sustinet sui derisionem. Vide quàm fortè contrarius

es moribus Christi? Erubescere, ora, propone has Christi Domini imitari virtutes.

Tesserae: Memento quæso quod sicut lutum feceris me & in pulverem reduces me: vitam & misericordiam tribue mihi.

O Resurrectio & vita Domine Iesu! veni impone manum tuam super me in hora mortis meæ & vivam.

PROFERIA II.

Quot & quam diræ consummationes malorum hominum.

Punctum imum. Nationis iniquæ diræ Consum-
sunt consummationes. Sap: 3. Psaltes matio seu
alijs verbis idem exprimit: Mors peccato- mors ma-
rum pessima. Non mala, sed pessima. Ex- lorū diræ.
pende quod consummationes reproborum
vocantur diræ. Imo. propter incredibiles imo pro-
cruciatus corporis in morte, cum omnia pter cru-
membra suis vexabuntur doloribus: co- ciatus cor-
tus corpus ardebit febribus: totus homo poris.
in lecto velut in ægvulco tormentis mor-
borum cruciabitur. Nascitur homo mun-
do cum incredibili pressura matris: nasci- 2do. pro-
tur idem æternitati cum incredibili pres- pter cru-
sura sui ipsius. 2do diræ propter crucia- ciatū ma-
tum malæ conscientiae: eò acrius mordebit la consci-
vermis malæ conscientiae, quod vivacius entia.
ibunt & redibunt in memoriam peccata 3tio. pro-
præterita. 3tio diræ propter amissionem pter amo-
præsen-

rem præ- præsentium, ut pecuniarum & volupta-
sentium. tum & rerum quarumlibet quas amasti.
4to. pro- 4to. diræ propter timorem futurorum: &
pter timo- maximè diræ propter patentis iam iamq;
rem futu- inferni conspectum. O quàm amara est
rorum. memoria talis mortis! O IESU per tuam
in horto & in cruce agoniam, miserere
mei in agone meo!

*Quare
mors pec-
catorum
vocatur
in plurali
consumma-
tiones?*

Punctum 2dum. Dicuntur consummati-
ones non consummatio: quia iniqua natio
id est peccatores non vna morte moriun-
tur. 1mo. enim moriuntur morte peccati,
amissâ gratiâ sanctificantē quæ est vita ani-
mæ. 2do. consummantur morte corporis,
dum eorum anima separatur à corpore.
3tio morte gehennæ dum separantur à vi-
ta gloriæ, ac deiciuntur in infernum.
Heu quàm diræ sunt istæ consummationes
seu mortes? dira mors peccati privans
animam gratiâ: dira mors carnis privans
corpus animâ: dira dirissima mors gehennæ
privans hominem gloriâ. O IESU per
mortem tuam dirissimam libera me à mor-
te peccati: libera me à cruciatibus mortis:
fac in pace in idipsum dormiam & requi-
escam. Mors carnis sit mihi somnus & dor-
mitio non pressura, nec consummatio.
Mors naturalis sit mihi ostium & transi-
tus ad vitam gloriæ. Fac IESU per pijs-
simam misericordiam tuam.

PRO FERIA III.

*Hora mortis est tempus tenebrosum
& longum.*

Punctum 1^{um}. Si multis annis vixerit homo, & in omnibus letatus fuerit: meminisse debet tenebrosi temporis, & dierum multorum in quibus vanitatis arguentur præterita. Eccl: II. Considera imò. tempus mortis vocari tempus tenebrosum, quia offundit tenebras oculis cum primum caligant, deinde cæcitiunt: offundit tenebras intellectui & memoriæ. Tenebræ incutiunt timorem tædium & mærorem, vt experimur de nocte: & illud tempus tenebrosum pavere, tædere, & mæstos esse nos faciet. O quis explicet quomodo homo moribundus sit pavidus, mæstus, tædiosus! ipse Christus IESUS imaginem temporis huius in se expressit, quando ante mortem crudelem pavebat, mærebat, tædioq; angebatur in tantum, vt sudor sanguineus ex ipso prorumperet. Unde quæso etiam in moribundis illi sudores? ex nimio pavore & mærore.

Punctum 2^{dum} Considera imò horam mortis vocari dies multos: quia præ nimis doloribus & angoribus dies etiam pauci videbuntur multi: vna septimana imò nox vna, integer annus reputabitur.

Confi-

Confidera 2do. quia tunc omnia præterita cognoscentur vana fuisse, quæcunque non pro Dei gloria gesta aut cogitata sunt. Vanæ apparebunt curæ, divitiæ, gaudia, honores, & huiusmodi. O IESU mihi da mihi ita vivere ut in illis summis doloribus & angustiis habeam refrigerium ex testimonio bonæ conscientiae: da mihi non in vanitatibus vitam ducere, ne afflictissimos dies meos ultimos magis affligat male acta vita mea.

PROFERIA IV.

Stulti in tempore non suo moriuntur.

Punctum unum. Ne impiè agas multum. & non sis stultus: ne moriaris in tempore non tuo. Eccl: 6. Quæ ista stultitia est quæ mortem accelerat? Sapientia in sacris literis est timor Domini, qui consistit in observantia præceptorum divinarum iuxta illud Iob 28. Timor Domini, ipsa est sapientia: & recedere à malo intelligentia. Et Proverb: Sapiens corde, præcepta suscipiet. id est, opere implebit. Stultitia ergo est non timere Dominum: nec curare, sed contemnere mandatorum eius observantiam.

Punctum 2dum. Ne moriaris in tempore non tuo. Terminus vitæ humanæ sunt 70 aut 80. circiter anni; ad hunc non pervenit;

nit, quicumq; modo præfato stultus est. Quot videmus extingui homines in ævo immaturo? ille moritur 20. annorum, ille 30. quare? quia forsan indignum se reddidit longiore ævo. S. Hieron: ad Paulum Concordientem ait: *Humana vite brevitæ, peccatorum damnatio est.* Vis diu vivere? noli esse stultus. Deum time & mandata eius custodi. IESU sapientia increpanda mihi intellectum, vt sciam mandata tua, & sciam practicè opereq; ipso. Da mihi vt maturus in sanctitate, maturo ævo, si tibi placet, moriar.

PRO FERIA V.

Beati in Domino morientes.

Punctum unum. *Beati mortui qui in Dño moriuntur.* Per mortuos hoc loco intellige vel vitâ functos: vel morientes seu moribundos: vel eos qui spiritualiter mortui sunt: hoc est mortui peccatis, mundo, & sibi ipsis, scilicet voluntati & iudicio proprio. De talibus loquitur Apostolus: *Mortui estis & vita vestra abscondita est cum in Domino Christo in Deo.* ad Coloss: 3. In Domino no mori est in iustitia Domini mori. Iustitia autem hæc, est fides per charitatem formata: Iustus enim ex fide vivit. In Domino mori (ait Pannonius) est diem suum obire in statu salutis, in charitate, in divini nominis

Apo: 14.

Per mor-

tuos qui

intelligū-

tur?

tur?

tur?

tur?

tur?

tur?

tur?

tur?

tur?

tur?

tur?

tur?

tur?

minis confessione, in mentis ad Deum conversione. Beati ergo omnes illi, qui moriuntur in Domino. O verè beati: quia beatitudinis auctori animam reddunt, quam ab eo acceperant: beati, quia Deo felicitatis fonti cui coniuncti sunt in morte per charitatem, in æternitate coniunguntur per gloriam: beati quia à modo hoc est à tempore vitæ præsentis transacto requiescent à laboribus suis, & in perpetuo refrigerio erunt.

Requies Sanctorum quæ? *Punctum 2dum.* A modo iam dicit spiritus (id est Spiritus Sanctus) ut requiescant à laboribus suis. Sed non sufficit ad felicitatem Sanctorum, quòd iam non fatigabuntur laboribus & doloribus: ampliorē requiem felicitas Sanctorum qui in

Sicut Deus in se solo requiescit & se fruendo beatus est: ita & nos per solam Dei fruitionē beati effici-mur. Domino moriuntur habebit, requiem mirum ipsius Dei. Sicut Deus requiescit in se ipso & sui fruitione beatus est: ita & Sancti in Deo requiescent, & sic requiescendo non tantum labore & dolore non prementur, sed etiam immensā beatitudine & affluentia bonorum omnium perfruentur. Requies dupliciter accipitur, vno modo pro cessatione ab operibus: alio pro impletionē desiderij. utroq; requiescent Sancti. imò. quia feriantur ab omni opere fatigante. 2do. quia totum desiderium eorum in possessione Dei replebitur.

Festi-

Festinemus ergo ingredi in eam requiem:
festinemus inquam passibus fidei & bono-
rum operum.

O qui requievisti die septimo ab omni opere, & requievisti in te ipso, ut pote non indigens ad beatitudinem tuam creaturis sed tibi ipsi sufficiens & implens desiderium tuum: quando facies me requiescere in teipso? Rogo te per miserationes tuas infinitas ne finas me esse de numero eorum quibus iurasti in ira tua quod non introibunt in requiem tuam. Pissime Domine cuius voluntas sanctificatio nostra, præsta per bonitatem tuam; ut donec hodie cognominatur, non obdurer fallacia peccati: aufer à me incredulitatem omnem: aufer duritiam cordis; ut semper voci tuæ obediens, tecum & in te requiescam perenniter.

Punctum gratium. Opera illorum sequuntur illis. Ad quid sequuntur? non ut in ipsis iterum exerceantur homines in altero sæculo: sed ut præmientur & coronentur propter ipsa. Considera sicut dum operarius redit ex agro aut vinea, sequuntur ipsum labores eius, ut de illis mercedem accipiat: sic & quemlibet iustum, dum ex hoc mundo tanquam ex vinea redit ad domum Patrisfamilias, sequuntur opera eius. O quam in tempore receptionis mer-

cedis vellem me plurimum laborasse! Ergo dum tempus habemus operemur bonum ad omnes. Considera item sicut beati qui in domino moriuntur, quia opera illorum sequuntur illos ad saluationem: ita maledicti qui in peccato gravi moriuntur, quia opera illorum sequuntur illos ad damnationem. Ora & continuo ac flagrantissimis precibus ora vt in Domino moriaris. Fidem cum charitate custodi, & frequentibus actibus renoua. Mortuus esto peccatis, mundo, tibi ipsi, vt possis dicere cum Apostolo: *Vivo ego, iam non ego, vivit vero in me Christus.* Sic fiet quod in Domino morieris.

PRO FERIA VI.

Qualiter nos ad mortem disponere debeamus Christus Crucifixus docet.

Punctum imum. IESUS crucifixus a morientibus facienda imo confessio. compunctionem & confessionem peccatorum misericorditer operatus est in latrone à dextris pendente, vt in periculo mortis accuratam peccatorum confessionem faciamus cum communione sacra & extrema vnctione, cum crebris item actibus contritionis, & tesseriis penitentialibus: quales sunt: *Miserere mei Deus. Deus propitius esto mihi peccatori. Digna quidem factis*

factis reciperem si me damnares: verum tamen memento mei & admitte me in regnum tuum. Deinde in cruce continuò oravit & affectus ardentissimos elicuit. Imitare: *2do. actum Virtutum Theologicarum.* & affectus virtutum Theologicarum crebro elice cum protestationibus te potius mori velle, quàm Deum deferere & à fide, spe, ac charitate Dei desciscere. Protestare te mori in fide sancta Catholica quàm IESUS Salvator noster docuit: Apostoli disseminarunt: Sancta Romana tenet Ecclesia. Dic: *In fide & amore illius vivo & morior qui dilexit me & tradidit semetipsum pro me.* 3tio. petijt veniam crucifixoribus. Et tu condona omnes à quocunq; tibi illatas iniurias & offensas: ora pro omnibus & deprecatio offe- quicunq; te offenderunt: deprecare etiam omnes seu præsentes seu absentes quos aliquando offendisti, iniuriasti, scandalizasti. Dic: Pater æterne dimitte omnibus qui me vnquam in quacunq; re læserunt, sed & mihi dimitte, qui toties proximum meum offendi in corpore & anima ei nocendo.

Punctum 2dum. 4to. oravit ad Patrem: Deus Deus meus vt quid me dereliquisti. hoc 4to. Inuocatio ad- est: ad quid me dereliquisti, & persequen- intorij di- tium furori exposuisti, nisi vt membra vini- mea, servos meos pro quibus patior non derelinquas, sed eos à persequentibus pro-

tegas. Imitare & ora Patrem æternum vt te protegat in hora mortis tuæ. Dic: *Deus Deus meus ne derelinquas me. Circumderunt me dolores mortis, & pericula inferni invenerunt me. O Domine libera animam meam.* 5to. Matrem suam, Ioanni, & in persona Ioannis nobis omnibus pro Matre dedit. vult ergo vt eam oremus quatenus nobis tanquam Mater assistat. Quare dic: *Monstra te esse Matrem, &c. Maria Mater gratiæ, &c. Sancta Maria Mater Dei ora pro nobis peccatoribus nunc & in hora mortis nostræ. Amen.* Invoca etiam S. Angelum custodem & SS. Patronos vt tibi periclitanti assistant. 6to, sitim gloriæ divinæ & salutis humanæ expressit: & similem sitim in te excitare voluit. Tu ergo pariter sitim tuam ac desiderium ad Deum contestare: *Sitivit in te anima mea: quam multipliciter tibi caro mea. Quemadmodum desiderat cervus ad fontes aquarum, ita desiderat anima mea ad te Deus!*

Punctum 3tium. 7mo. Spiritum suum in manus Patris commendavit docens quòd illi à quo conditi sumus, & qui est principium ac finis noster, spiritum nostrum, offerre & humiliter commendare debeamus. Fac itaq; similiter & dic: *In manus tuas Domine commendo spiritum meum. Adiunge gratiarum actionem: Benedictus sis,*

pro

pro omnibus beneficijs, quæ tota vita omnibus annis, mensibus, diebus, horis, & momentis, quo ad animam & corpus accepi: & quæ per totam æternitatem vt spero in misericordia tua, & meritis IESU Christi filij tui accipiam. Offero ergo tibi animam meam, corpus meum, spiritum meum: offero me totum; & offero per ipsum IESUM Christum & cum ipso IESU Christo filio dilectionis tuæ; vt per ipsum ad te redeam, per quem à te, cooperante Spiritu Sancto creatus sum: Qui tecum vivit & regnat in vnitæte eiusdem Spiritus S. Deus in sæcula sæculorum Am.

Si tempus & vires patientur, lectio vel auditio passionis Domini adiungatur. Deum cum frequenti Nominis IESU invocatione memento promissionis qua Christus promisit relinquentibus mundum, vitam æternam.

Memento item Indulgentiæ plenariæ pro articulo mortis: & pro ea consequenda absolutionem pete; & expecta cum cetero accenso adventum sponsi.

PRO DIE SABBATI.

*Virgo Beatissima propitia servis
suis in hora mortis.*

Punctum unum. In me omnis spes vitæ.
Beatissimæ Virgini hæc verba attri-

Yys

buun-

gvo. Lecti
vel audi
tio passi
onis Do-
minicæ.
Ultimo m
moria pa
ssionis Ch
risti & in
dulgentiæ
plenariæ
Cerei ac
censio.

buuntur ab Ecclesia. Vita præfens, mors est potius dicenda quàm vita: vita autem æterna verè & simpliciter vita dici debet. Huius vitæ spes est post Christum in Virgine Beatissima. Considera 1mo. mortem esse transitum ad hanc vitam. Considera 2do. diabolum vel maxime in morte insidiari hominibus, vt eos impediat ab ingressu ad beatam vitam. Considera 3tio. Virginem Beatissimam spem nostram apparere hominibus morti propinquis; vt eos tutetur ab hostibus malignis, & introducat ad vitam æternam. Hinc Virgo superbenedicta vocatur à S. Ephrē. *Auxiliatrix in extremo vitæ periculo animas conservans, & tenebrosos atq; horrendos pessimorum demonum aspectus procul repellens. Appare & mihi a solatium humani generis.*

*Grieskiv-
cher in hi-
stor. Thal-
lenst.*

Punctum 2dum. Revolve mente apparitiones Matris Dei factas moribundis, quas legisti vel audisti: vnam adduco. In Thall Fratri Ioanni victori agonisanti apparuit diabolus ex adverso lectuli. imq. in specie gigantis terribilis: 2do in specie draconis hiantis & ignem vomentis: 3tio. in specie bilanciis grandis. pendulæ. Populit demonem cum suis. terriculamentis Mater Dei apparens infirmo: quam ille digito monstrans, & pulchra Domina; in-
gemi-

geminans, in gaudio incredibili expira- *Eggerer in*
 vit. In Monasterio Rhemetensi quoties *historia*
 aliquis infirmorum moriturus esset, cam- *Rhemetesi*
 panula penes miraculosam Marianam sta-
 tuam in pariete pendens, nemine trahente
 movebatur, & longisculum sonum edebat
 fratres convocans ad auxilium ægroti.
 Mariæ opus hoc erat migranti è corpore
 animæ non per se solum sed & per con-
 cubernales succurrentis. *Verum hanc Ma-*
trēm dixerimus ait Eggerer filios suos in ex-
trema necessitate haud deserentem. Dulcis
parens clementia! tu nos ab hoste protege &
mortis hora suscipe.

Punctum 3^{ium}. Meditare quid facien-
 dum sit, ut te apparitione suâ dignari ve-
 lit in hora mortis tuæ Mater Divina. Ipsa
 met apud Ludovicum Blosium testatur:
 Ego omnibus qui mihi piè deserviunt volo fi-
 delissimè in morte tanquam Mater adesse,
 eosq; *protegere & consolari.* Et S. Mechtil-
 di precanti ut sibi in morte adesse vellet
 faciam inquit, sed tu quotidie tria *Ave*
Maria ores. 1^{um}. ut per potentiam mi-
 hi à Patre æterno in cælo & terra conces-
 sam pellam à te in hora mortis omnem
 contrariam potestatem. 2^{dum}. ut per sa-
 pientiam & abundantissimam luminis glo-
 riæ claritatem mihi à filio Dei collatam,
 per quam omnes Sanctos supero in cogni-
 tione

tionē ac fruitionē Sanctissimæ Trinitatis
 & cælum vniuersum illumino, assistam ti-
 bi irradians te, ne fides tua aliquo errore
 tentetur. 3tium. vt per suauitatem mihi à
 Spiritu S. plenè infusam per quam poss
 Dominum fui, sumq; dulcissima & beni-
 gnissima, adsin tibi infundens animæ tuæ
 suauitatem, per quam omnis pæna, & ama-
 ritudo mortis fiat tibi præsuavis. Fac &
 tu similiter: pie deservi Beatissimæ Matr
 ora ad ipsam vt edoctus es. Monstra te ef-
 se filium eius in vita, vt ipsa in morte
 tua monstret se Matrem tuam. Ora eti-
 am nunc ad clementissimam Dominam se-
 cundum exemplar quod tibi monstratum
 est: & propone singulis diebus sic orare.
 Obserua. Si plures quā 24. fuerint Dominica
 post Pentecosten, sumentur pro illis Meditatio-
 nes secundum cursum & tenorem Evangelio-
 rū ex via illuminativa post octavā Epiphaniæ.

MEDITATIONES

Ad timorem Domini excitantes.
 PRO DOMINI: XXIV. post Pent.
*De signis Iudicium & mortem præ-
 cedentibus: & cur Christus præ-
 dixit perituri mundi præcur-
 rentia mala?*

Punctum unum. Homo alterius hominis brevis morituri signa potest nosse, *Signa an-* eiusq; imminentem mortem prædicere: at *recedent-* perituri mundi signa solus Deus novit; *tia iudiū.* quæ etiam palam fecit in Evangelio hodierno. Signa autem ista sunt: 1^{um} abominatio desolationis stans in loco sancto. 2^{um}, persecutio & tribulatio qualis non fuit ab initio mundi. 3^{ium}, seductio hominum per falsas doctrinas & falsa miracula pseudoprophetarum, & pseudochristorum. 4^{um}, defectio luminarium cæli. 5^{um}, apparitio crucis in cælo. Expende iisdem, signis præveniri mortem microcosmi.

Abominatio desolationis erit, esseq; solet in homine morti vicino, hoc est: *Eadem si-* horror & abominatio vitæ otiosè negli *gna mor-* genter & malè in loco sancto, in Religi- *tem cuius-* one, in Ecclesia Dei transactæ; ex qua ne- *vis homi-* gligentia secuta est in anima solitudo vir- *nis præce-* tutum; vitæ autem & monstra vitiorum *dunt.* animam occuparunt. Tribulationem & angustiam patietur homo supra omnes vitæ suæ angustias. Dubitationes de fide, & falsa dogmata atq; errores obtrudet diabolus. Luminaria oculorum deficient. Ultimò Christus in cruce ex sententia quorundam apparebit. Quæ tunc mens homini erit? Ora vt tibi Christus appareat in saluationem.

Pun-

Punctum 2dum. Quare Christus prædicere voluit pereuntis mundi mala? Ratio 1ma est vt nos ab eius amore compescat. 2da vt si Deum metuere in tranquillitate nolumus, saltem vicinum eius iudicium, vel persecutionibus attriti timeamus. 3tia. vt eo minus perturbent venientia, quo certius fuerint præscita. 4ta. vt discant homines qualiter se in medijs illis malis gerere debeant, hoc est: vt fugiant ad montes spei & fiduciæ in Dei misericordia: in domo Ecclesiæ maneant: vt firmiter in fide & doctrina Christi persistent: vt à corpore eius non permittant se segregari. Gratias age Christo pro hac denuntiatione malorum, quam fecit ex amore tui. Ora vt tibi det fiduciam in aduersis, constantiam quoq; ac fortitudinē, ne te vlla mala à Christo separent.

Exercitium: Timor Domini. Tessera per septimanam crebro repetendæ:

Quis non timebit te o Rex gentium, qui potes & animam & corpus perdere, & mittere in gehennam?

Confige timore tuo carnes meas: à iudicijs enim tuis timui.

Magna sunt iudicia tua Domine Deus meus, iudex iuste & fortis, qui iudicas æquitatem: quæ cum considero contremiscunt omnia ossa mea. S. August.

PRO FERIA II

De natura & necessitate timoris
Domini.

Punctum 1^{um}. Timor est motus appetitus sensitivi, fugiens malum futurum arduum. Considera imo. timorem Domini esse triplicem: Servilem, Initialem, Filialem qui etiam dicitur castus & reverentialis. Timor filialis refugit malum culpæ. Timor servilis refugit malum pænæ. Timor initialis refugit utrumq; dicitur autem Initialis, eo quod competit statui incipientium, inquit us inchoatur quidem timor ex charitate non tamen est perfecte filialis. Timor mundanus sive humanus non est timor Domini, sed tyranni: semperq; est malus: quia propter pænâ, quam metuit recedit à Deo. Introspecte te & examina, an & qui timor Domini in te moneat? Protestare coram Angelis, & Sanctis omnibus quod nolis recedere à Deo in quibuscunq; tandem tyrannorum minis: pete fortitudinem cum alijs donis Spiritus S.

Punctum 2^{dum}. Expende necessitatem timoris Domini. imo. quia præcipitur à Deo Deut: 10. Et nunc Israel quid Dominus Deus tuus petit a te, nisi ut timeas Dominum Deum tuum. 2^{do}. quia Timor Do-

Triplex est
timor Dñi.

Timor mū
danus nō
est timor
Dñi sed
tyranni

*Timor Dñi
quomodo
initium sa-
pientie.*

*Timor cū
spe cōfere-
tur.*

*Timor præ-
sumptionē
excludit.*

mini est initium sapientie. Psal: 110. Vbi sapientia fumitur non solum vt est cognoscitiva Dei, sed etiam vt est directiva humanæ vitæ; talis autem sapientie, timor servilis est initium dispositivè filialis, effectivè. 3tia quia sicut spes præmiorum, ita & timor pænarum inducit ad observantiam præceptorum. 4to quia sicut spes excludit desperationem ita timor præsumptionem. 5to quia vt ait S. Thomas, timor Dei comparatur ad totam vitam humanam sapientiâ Dei regulatam, sicut radix ad arborem. Unde dicitur Eccl. 1. Radix sapientie est timere Dominum: & rami illius longævi.

Pete a Deo donum sapientie & timoris Domini.

PRO FERIA III.

De inductivis ad timorem Domini.

Punctum unum. Timete Dominum omnes sancti eius. Ad timorem Domini concipiendum vel augendum Considera opera iustitiæ Divinæ in scripturis posita, quæ sunt: damnatio Luciferi cum Angelis, pænæ primorum Parentum, vniuersale diluvium, Sodomitarum aliorumq; malorum hominum horrenda perditio, propter varia & præcipuè ad calum clamantia peccata. quæ sunt 4. Homici-
dium

dium, oppressio pauperum, merces operariorum defraudata, vitium carnis contra naturam. Mors, sanguis, contentio & triumphica oppressiones, fames, & contritio & flagella: super iniquos creata sunt hæc omnia & propter illos factus est cataclysmus. Eccl: 40.

Punctum 2dum. Considera item opera iustitiæ divinæ extra scripturas: 1um. est permissio tibi crebra peccati in mundo. Percurre mente loca varia publica: recogita quot quantavè peccata in ijs patrentur. Redi in te ipsum, & examina te quoties & quam graviter peccasti. Time quia peccasti. Ora ne amplius pecces. 2dum est permissio peccati etiam in ijs, qui diu sanctè vixerunt. 3tium. est paucitas salvandorum: Multi enim vocati pauci electi. O quale ex hoc ultimo, timoris motivum! Verè iudicia Dei abyssus multa. Tessera vt supra.

PRO FERIA IV.

Serviendum Domino in timore & exultatione.

Punctum 1um. Servite Domino in timore & exultate ei cum tremore. Servitium nostrum quod Domino impendimus debet esse temperatum ex timore & exultatione. Timere debemus quia nescimus

Incertitudo electionis nostrae facit timorem: spes exultationem.

Timor filialis crescit spe & exultatione crescente.

è contra servilis.

scimus an simus de numero electorum: exultare, quia speramus in misericordia Dei nos per merita Christi salvandos esse. Incertitudo electionis facit timorem: spes facit exultationem. Considera 1mo. quia spes divina nunquam confundit, ideoq; parit exultationem. Considera 2do. quod sicut spes debet esse ordinata, ne in presumptionem vergat: ita & timor ne in pusillanimitatem transeat. Considera 3tio timorem filialem componi cum spe & exultatione, cumq; crescere crescente spe. Nam quanto aliquis certius expectat consecutionem boni alicuius per auxilium alterius, tanto magis veretur eum offendere vel ab eo separari. E contra timor servilis opponitur spei, & eo crescente spes ac exultatio minuitur. Ora ut det tibi Dominus timorem filialem qui cordis lætitiā non excludat, sed inducat & augeat; vt possis Domino servire cum timore & simul cum cordis iubilo.

PROFERIA V.

De pusillanimitate.

Marth. 24

Punctum vnicum. Propter Electos breviantur dies illi. O gaudium! o consolatio! Postquam prædixit Christus Dominus mala prævenientia finem mundi, statim

statim adiunxit brevem esse futuram durationem horum malorum: idq; propter electos. Quare autem? imo. vt ostenderet in quo amore & honore sint electi apud Deum. 2do. vt sciremus brevem esse pressuram malorum quousq; electi inter eos sunt: æternam verò; postquam illi segregati fuerint ad dexteram Iudicis. 3tio. vt nos à pusillanimitate & omni inordinatione timoris avocaret. Pusillanimitas porro est quædam parvitas animi per quam quis recusat in id tendere, quod est potentie suæ commensuratum. Vel: est timor deficiendi in his quæ quis falso æstimat excedere suam facultatem. Qui sanas contritos corde & alligas contritiones eorum: libera me à timore vano. Esto mihi in Deum protectorem & in locum munitum vt salvum me facias.

Punctum 2dum. Expende gravitatem & nocivitatem ipsius. Nam imo. servus qui acceptam pecuniam Domini sui fodit in terra, nec est operatus ex ea propter pusillanimitatem, dure increpatur & puni-
tur à Domino. Matth: 25 & Lucæ 19. 2do. pusillanimitas est gravius peccatum quam præsumptio: quia per ipsam recedit homo à bonis quod est pessimum. 3tio quia homo in tristitijs & pusillanimitate po-

*Causa ob
quis præ-
dixit Chri-
stus abbre-
viandos di-
es illos in
gratiâ e-
lectorum?*

*Pusillani-
mitas
quid?*

*Mala pusil-
lanimita-
tis.*

*Pusill ani-
mitas gra-
vior quã
præsumptio.*

Eadē ad
desperati-
onē ducit.

Impedit
Cōtemplati-
onem.

fitus, facile in desperationem labitur si-
cut in delectationibus existens efficitur
maioris spei. 4to. quia pusillanimitas im-
pedit contemplationem, & sanctas cogi-
tationes: impedit actus internos & ex-
ternos virtutum variarum. Nam homo
affectus aliqua passione, ea præcipuē co-
gitat, quæ spectant ad illam passionem:
vnde in tristicijs constitutus non de fa-
cili aliqua magna & iucunda cogitat, sed
solum tristitia nisi se per vim abstrahat
à tristicibus cogitandis. Similiter ergo af-
fectus aliquis timore, non nisi phantasi-
as meticulosas in mente volvit. Elice a-
ctus spei & fiduciæ: derestare pusillani-
mitatem. dic cum Apostolo: *Omnia pos-
sum in eo qui me confortat.* Ora ut sis de
numero electorum.

Causa
mortis
Christi in
Cruce.

PRO FERIA VI.

*Cur Christus in cruce pati & mori
voluit.*

Punctum imum. Tunc parebit signum fi-
liae. Exē. *lij hominis.* Matth: 24. Non tantum
plū nostrū signum crucis parebit, sed & causæ eius
2da. victo in cruce pati voluerit? Quarum ima. est
ria diabo- exemplum virtutis: ut videlicet non me-
li in ligno. tueremus genus mortis etiam maximè e-

xecra..

& formidabile. 2da. vt diabo- 3tia. San-
 lus qui in ligno vincebat in ligno quoq; *ificat io*
 per Christum vinceretur. 3tia. vt Chri- *aeris*
 stus sanctificaret aërem pendendo in eo, 4ta. ascen-
 qui sanctificaverat terram & mare am- *sus noster*
 bulando in eis. 4ta. vt ascensum nobis *ad cælum*
 pararet ad cælum per crucem, velut per *ita. quia*
 calam. 5ta. quia hoc genus mortis com- *crux totū*
 petit vniversali saluationi totius mundi. *mūdū in se*
 Nam, figura crucis à medio tactu in qua *exprimit.*
 tuor extremitates partita, significat vir- *6ta. vt ex*
 tutem & providentiam eius, qui in ea *pansis ma*
 pependit, vbiq; diffusam. 6ta. vt Chri- *nib9 Chri-*
 stus in cruce expansis manibus moriens *stus utrūq;*
 altera manu veterem populum, alterā eos *populum*
 qui ex gentibus, sunt traheret. *attrahe-*
 Punctum 2dum. 7ma. ratio quia hoc *ret.*
 genus mortis diversas designat virtutes: 7ma. quia
 Non frustra, ait Augustinus, tale genus *crux vari-*
 mortis Christus elegit: vt altitudinis & *as virtu-*
 latitudinis, & longitudinis & profunda- *tes signi-*
 tis de quibus Apostolus loquitur, Magi- *ficat.*
 ster existeret. Nam latitudo quæ est in eo
 ligno quod transversum desuper figitur,
 ad bona opera pertinet, quia ibi exten-
 duntur manus: longitudo longanimitati
 & perseverantiæ tribuitur: altitudo quæ
 est in ea parte, quæ à transverso ligno
 sursum tendit, significat spem supernorū:
 illud demum quod in terra fixum ocul-

3va. Figu-
ra crucis
in veteri
testamēto

tatur, profunditatem denotat gratiæ. Verè lignum in quo fixa fuerunt membra patientis, etiam Cathedra fuit Magistri docentis. 3va. est quia genus hoc mortis plurimis figuris respondet. Ediluvio genus humanum arca lignea liberavit. Moyses expansis manibus penes virgam oravit. Lex Dei in arca lignea inclusa: per quæ omnia ad lignum crucis quasi per quosdam gradus venit. Gratias age Christo quod tale genus mortis elegerit. Venerare ubiq, crucem propter tanta mysteria.

PRO DIE SABBATI.

Christus quia se humiliavit exaltatus.

Punctum imum. Et videbunt filium hominis venientem in nubibus celi cum virtute multa & miestate. Quia Christus in passione humiliavit se infra suam dignitatem præcipue quantum ad quatuor: idè per suam passionem meruit exaltari potissimum quantum ad quatuor. Hæc autem sunt, in quibus se humiliavit Christus. imo in passionem & mortem tradidit semetipsum cui non erat obligatus. 2do. In sepulchro corpus suum poni voluit & animam

animam in inferno. 3tio. Confusionem & opprobria sustinuit. 4to. Humano tribunali se subiecit cui non subiacebat, secundum quod ipsemet dixit Pilato: *Non haberes potestatem in me, nisi tibi datum esset desuper.*

Punctum 2dum. Expende quæ meruit per hanc humiliationem sui. 1mo resurrectionem gloriosā. 2do. ascensionem in cælum. 3tio. confellum in dextera Patris & manifestationem suæ divinitatis. 4to. judicariam potestatem iuxta illud Job 30. *Causa tua quasi impij iudicata est: causam iudiciumq; recipies.* Resurrectio morti; ascensio descensui ad sepulchrum & inferos: confessus à dextris Dei & manifestatio gloriæ suæ, confusio: judicaria potestas subiectioni potestati iudicis terreni retributa. Expende hic quod judicaria potestas Christo competeat & propter capitis dignitatem (quia nimirum Christus est caput omnium hominum & Angelorum) & propter plenitudinē gratiæ habitualis: tamen insuper obtinuit ipsam ex merito passionis secundum illud *ego vici, & sedi in throno Patris mei.* Apoc. 1. Per thronum autem intelligitur iudicaria potestas. Stude & tu humiliari, ut increaris exaltari. Ora Christum ut *Majestas* eius judicaria fiat tibi amabilis &

*Christus
Dominus
meruit sibi
judiciariā
potestatem*

salutaris. Ora & mercedem eius cum S. Joanne Chrysoſtomo; Eccleſiæ noſtræ decus gloria & firmamentum, aſſidue pro nobis precare. JESVM Filium tuum & Dominum noſtrum vt per te miſericordiam inuenire in die iudicij poſſimus:

Finis Meditationum totius Anni





MEDITATIONES

PRO FESTIS.

PRO FESTO ASSUMPTIONIS BEATISSIMÆ VIRGINIS.

Preludium 1mum. imaginare te videre Virginem inter choros Angelorum & Sanctorum ascendentem.

Preludium 2dum. Pete gratiam fructuosè meditandi.

P*unctum 1mum.* Expende gaudium ineffabile Matris divinæ, quod habuit ex primo intuitu inaccessibilis claritatis divinæ, in qua velut in speculo lucidissimo cognovit æternum Dei erga se ipsam amorem, æternamq; sui in Matrem Verbi electionem. Expende item gaudium quod habuit ex dulcissima salutatione Filij sui, qui eam salutavit & excepit secundum magnitudinem Omnipotentia suæ, secundum artificium sapientia suæ, & secundum immensitatem sui delicati amoris. Gratulare Matri Virgini gaudia hæc. Saluta tu quoq; eam, & adora in throno sidereo confidentem.

Ex lib: Gratiarum S. Mechthildis Gaudium Virginis Assumptæ imo. ex intuitu claritatis divinæ. 2do. ex Salutatione Filij sui. 3tio. ex osculo anime sue à SS. Trinitate im-

Punctum 2dum. Expende 3tio gaudium quod Virgo Beatissima habuit in assumptione sua, dum anima eius à SS. Trinitate prædulce osculum accepit. in quo

4to. ex a- divinx dulcedinis gustum tam affluen-
 bundantia tem habuit, vt ex redundantia eius mel-
 amorisquo lisui facti sint cæli. Expende 4to. gau-
 anima sua dium eius quod habuit ex plenitudine a-
 fuit iplera moris, quo inquantum possibile est crea-
 turæ capere, anima ipsius impleta; corq;

5to. ex glo-
 ria & sple-
 dore cor-
 poris.

liquefactum in tantum, vt Sanctorum
 multitudo ex eius ardore, novo quodam
 fervore incanduerit. Expende 5to gau-
 dium quod habuit ex splendore divino
 totum corpus ipsius penetrante & illu-
 strante, ita vt cælum à gloria eius illu-
 straretur & illustretur. Age gratias Deo
 pro collata Virgini tanta gloria tantisq;
 gaudijs. Gratulare Virgini Matri: pre-
 care vt ex redundantia gaudiorum ipsius
 tu quoq; implearis. Tessera per octi-
 dum usurpandæ.

*O clemens, o pia, o dulcis Virgo Maria:
 illos tuos misericordes oculos ad nos converte.*

Dignare me laudare te Virgo sacrata.

*O Maria flos Virginum velut rosa vel li-
 lium: funde preces ad Filium pro salute
 fidelium.*

!

Pro Die II. Infra Octavam.

Punctum imū. Multæ filiæ congregave-
 runt divitias: tu supergressa es univer-
 sas. Prov: 31. Per filias non solum intel-
 ligitur sexus muliebris sed & masculinus.

multi

Multi certè & mltæ congregaverunt spirituales divitias virtutum, gratiarum & demum gloriæ cælestis: at sola & unica Virgo MARIA supergressa est univas. Univas non singillatim tantum, sed etiam collectim acceptas; vt rotam Ecclesiam militantem ac triumphantem meritis, virtutibus, gratijs, prærogativis, gradibus gloriæ superet sola atq; vnica Virgo MARIA.

Punctum 2dum. Benedixisti Domine terram tuam. avertisti captivitatem iacob psal: 34. Quæ est terra ista quam benedixit Dominus? Non terra hæc materialis, non humanum genus: quia & illa & hoc subiacet maledictioni divinæ. Terra hæc MARIA est. O verè superbenedicta, quæ non spinas peccatorum, non tribulos maledictionum, sed JESUM Salvatorem nostrum germinavit. Non solum benedixit eam Dominus, sed & avertit captivitatem ab ea. Omnes nos captivi diaboli concipimur & nascimur: hæc immunis fuit diabolicæ captivitatis. Omnium nostrum corpora post mortem captiva & corrupta in pulvere terræ tenentur: ipsius corpus non permisit Dominus videre corruptionem. Affectus & tesseram vt supra adhibe,

PRO FESTIS
PRO DIE III.

Punctum Unicum. Ego Mater pulchra & dilectionis & timoris & agnitionis & sanctæ spei. Eccl: 24. Ipsa est quæ suis precibus imo & exemplo vitæ suæ generat in nobis tanquam fecunda mater dilectionem pulchram quia castam: generat item in nobis timorem Dei sanctum & filialem qui in re idem est cum dilectione Dei: illa fidem & agnitionem mysteriorum divinorum: illa spem sanctam in nobis parit. O Mater pulcherrima pulchros hos fetus produce in anima mea. Ingenera pectori meo triadem virtutum Theologicarum cum perpetuo timore Domini. O pulchra o serena, o jucunda, o dulcis Mater! sic peto sic desidero: da mihi, potes enim, pulchram dilectionem cum dono timoris Domini: da mihi fidem cum dono scientiæ intellectus, consilij & sapientiæ divinæ: da mihi spem sanctam cum dono pietatis & fortitudinis. Potes inquam hæc præstare: Data enim est tibi à Filio potestas in cælo & in terra. Sicut Filio data à Patre. Telle sera vt in festo.

PRO DIE IV.

Punctum unum. In me omnis gratia veritatis & veritatis. Eccl: 24. Gratia veritatis &

tæ & veritatis est gratia vitam & veritatem in se habens. Gratia mundi huius, gratia hominum, gratia bonorum temporalium non habet vitam in se manentem, nec vllum facit vivere: imò multos exanimat, vt tot loqvuntur experientia & historia. Non habet virtutem, quia fallax, quia fucata. promittit dulcedinem at replet amaritudine: promittit durare, at vix paret cum disparet, vix allabitur cum dilabitur. Gratia porro spirituales, illustrationes intellectus, motiones voluntatis, habitualis sanctitas, virtutes omnes & quæcunq, charismata Spiritus Sancti, vitæ & veritatis gratia sunt; quia vitales, à vita scilicet procedentes, & vitam conferentes; quia veræ & solidæ; quia hominem ad perfectam satietatem & beatitudinem disponentes. Hæ omnes in Beatissima Virgine reperitur; quia gratia plena salutata est ab Angelo; & quia vult ait S. Bernardus, *ceteris sanctis per partes, MARIE autem tota se infudit plenitudo gratiarum.*

*Punctum 2dum. In me omnis spes vitæ & virtutis. Eccl. 24. Potentia & bonitas spem procreant. Potentia & bonitas MARIE in causa est quod spem nostram post Christum in ea collocare debeamus. Potest enim nobis vitam & virtutem p-
mncm*

mnem impetrare: insuper vult, quia bona, quia misericors, quia clemens est.

O spes & fiducia nostra! mortui sumus, da vitam nobis. Aruit virtus nostra. restitue illam. Vita dulcedo & spes nostra, salve & salva nos. Tessera ut in festo.

Pro die V.

Punctum unum. Ego quasi aqueductus exivi de paradiso. Eccl: 24. Aquæ ductus suppeditat aquas hortis, & quibusvis locis irrigandis, & cuicumq; vsui humano. Aqueductus mysticus, MARIA est: aquæ, gratiæ & dona divina sunt: hæc per MARIAM ad nos velut per quandam aureum quia purissimum canalem derivantur. Quid magis necessarium vitæ vsuiq; humano quam gratia Dei? sine hac nihil possumus ad salutem prout oportet, operari. Vis aquam hanc salientem in vitam æternam haurire? accede ad aqueductum: accede per orationem, per humilitatem, per devota suspiria.

Punctum 2dum. Paradisus est hortus seu locus deliciarum. Intelligitur per eum essentia divina, in qua nimirum omnium deliciarum ubertas concluditur. Ex hoc paradiso exivit per æternam electionem MARIA: ex hoc omne datum & omne donum divinum per MARIAM
velut

velut aquæductum ad nos defluit. Hinc discis quòd Deus totum nos ex meritis Christi habere voluit per preces MARIE.

Heu me totus squalor, totus aridus infructuosus sum! Plane lignum siccum, nullum spiritualis vitæ succum habens maneo ideoq; in ignem æternum proijciendum, nisi o clemens, o pia, o dulcis succurras Virgo MARIA.

O Aquæductus! aperi mihi venam aquarum vitalium: refrigera me calentem concupiscentijs: irriga me arentem ad divina: recrea languentem: excita & resuscita sensibus spiritualibus destitutum: vivifica me: corrobora me: refice me in vitam æternam!

Pro die VI.

Punctum innum. Astitit Regina à dextris tuis in vestitu deaurato circumdata varietate. Psal. 44. Standi situs ad auxiliandum & intercedendum accommodatus est. Dicitur ergo astitisse à dextris Filij sui Virgo Beatissima, vt per hoc demonstretur, quod ideo translata sit in cælum cum anima & corpore vt pro nobis fiducialiter intercedat. Regina cæli, Regina terræ, Regina vocatur, quia vere est Regina omnium Creaturarum. Dextera præcedentiam honoris significat. A dextris ergo astitit, quia omnes ordines

Colloquium

in secreta
orat: vigi
lia Assum
ptionis.

dines Angelorum & beatorum præcessit. In vestitu deaurato luminis gloriæ, circumdata varietate prærogativarum, titulorum, adoremur apparuit in cælo. O Regina idcirco afficisti à dextris Filij tui ut succurras: ergo succurre miseris. Sub tuum præsidium confugimus, ne despicias deprecationes nostras.

*Turriam
triplex ne
sestias.*

Punctum 2dum. Sicut turris David collum tuum, quæ edificata est cum propugnaculis. Cantic: 4. Turres in vrbibus ac fortalitijs solent esse ad munitionem, ad ornatum, ad doctrinam: de duobus primis clarum est, de tertio non dubium. Docent enim turres præcipuè lampadibus de nocte coruscantes quam viam viator tenere debeat. Virgo beatissima in Ecclesia ad munitionem est, quia ipsam in omnibus malis tutatur: vnde etiam terribilis hostibus nostris dicitur velut castrorum acies ordinata. est ad ornatum: quia ipsa est gloria Hierusalem cælestis & terrestres, ipsa honorificentia populi nostri, ipsa decus nostrum. est ad doctrinam: quocirca in hebræo textu legitur. *Collum tuum sicut turris David quæ edificata est ad Talphiot.* id est ad doctrinam seu documenta, eò quod Virgo Beatissima doceat nos viam rectam salutis, doceat virtutes, doceat mandatorum & consiliorum observan-

*Pannonig
in Cantica*

tiam

tiam. O Collum Ecclesiæ Christo Domino capiti nostro proximè cohærens. O turris David esto semper præsidium meum, decus meum, institutio mea: tu defende, tu orna, tu doce.

Pro die VII.

Punctum unum. Tota pulchra es amica mea, & macula non est in te. Cant: 4. Pulchritudo corporalis consistit in claritate & membrorum convenientia seu proportionem. Si quis enim cæcus sit esto alioquin insignem habeat symmetriam corporis, pulcher non erit. Similiter pulchritudo spiritualis fundatur in lumine rationis & convenientia actionum motuumq; omnium cum eodem lumine. Virgo Beatissima limpidissimum & clarissimum habuit supra omnes homines lumen rationis. Lumen item supernaturale vberimum ex dono intellectus. Omnes quoq; actiones, motus gestusq; cum hoc utroq; lumine summè erant in ea proportionati. Igitur pulcherrimam fuisse pulchritudine spirituali necesse est, ut taceam de pulchritudine corporali.

Punctum 2dum. Amica Dei dicitur Virgo ob plenitudinem charitatis & benevolentie quæ erat in Virgine erga Deum & vicissim in Deo erga Virginem. Mutua

commu-

communicatio bonorum inter amicos: hæc in tantum processit inter Mariam & Deum, ut MARIA quidem carnis suæ substantiam Filio Dei: hic autem se gloriamq; suam Mariæ communicaverit.

Punctum 3^{ium}. Macula non est in te. nec macula originalis, nec macula personalis nec mortalis, nec venialis in Virgine. Tota igitur pulchra. O cæli terræq; pulchritudo, me sordibus vndequaq; inquinatum ne despice! tu tota pulchra es; ego totus spurcissimus. valet tamen pulchritudo tuâ spurcitiem meam abstergere. Ergo fac piissima: concilia mihi apud dilectum filium convenientiam morum cum lumine rationis: impetra donorum Spiritus S. abundantiam: impetra puritatem mentis & corporis. O clemens, o pia, o dulcis Virgo MARIA!

Pro die VIII.

Punctum 4^{um}. Sexaginta sunt Reginae; octoaginta concubinae, & adolescentularum non est numerus. Una est columba mea, perfecta mea. Cant: 6. Per Reginas intelliguntur animæ iustæ: per concubinas animæ penitentes: per adolescentulas animæ infantium baptisatorum. Has omnes superat Virgo Beatissima iustas perfectione, penitentes mortificatione, infantes innocentia. Una est inter omnes quæ maxime

ximè Deo placet; vna dilecta; vna perfecta. Columba vocatur quia mansuetissima quia innocentissima. O columba, o perfecta, o Virgo Deo dilectissima! Tibi serviunt iusti, tibi penitentes, tibi innocentes. Non sum quidem de numero iustorum & Sanctorum, in quorum plenitudine detentio tua: non sum de innocentibus; saltem fac me tuis sacris precibus penitentem & penitentem finaliter; neo vnuquam amplius relabi permitte. Enim vero tu peccatores non abhorres sine quibus nunquam fores tanto clara filio.

Punctum 2dum. Benedicta tu inter mulieres, & Benedictus fructus ventris tui. Benedicta tu inter mulieres, hoc est præ omnibus mulieribus; quia sola omnibus benedictionibus divinis repleta usque ad refusionem in alios homines. Nec solum præ mulieribus, sed etiam præ viris omnibus benedicta. Dicitur tamen inter mulieres benedicta respectivè ob privilegium maternitatis divinæ, quod nulli præter Mariam datum est. Et *Benedictus fructus ventris tui.* hoc est, ideo tu benedicta quia benedictus, fructus ventris tui, qui tibi omnem benedictionem largitus. Ex fructu arbor agnoscitur: cogita qualis Maria, cuius talis filius. Cogita quâ gloria in cælis ista Virgo colitur, cuius filius tanquam Rex glo-

riæ, Dominus virtutum, triumphator inferorum sedens ad dexteram Patris in cælo adoratur.

Colloquium. O MARIA! o benedicta! o super benedicta! o quæ beata ab omnibus generationibus prædicaris: Magnificat anima mea Dominum & exultavit spiritus meus in Deo salutari meo, quia fecit tibi magna qui potens est. Benedictus Deus! benedictus fructus tui, quia fecit tibi magna! magna, o vere magna! magna in natura, magna in gratia, magna in gloria. Rogo te piissima, illos tuos misericordes oculos ad nos converte, & Iesum benedictum fructum ventris tui nobis post hoc exilium ostende. Tessera ex festo accipienda.

Pro alijs Festis Beatissimæ Virginis Mariæ, vt. pro Festo:

NATIVITATIS, VISITATIONIS, PURIFICATIONIS, &c. suis locis videndæ Meditationes.

Pro Festis Inventionis & Exaltationis S. Crucis ex Feria 6ta Dominicæ ultima post Pentecosten.

Pro Festo S. PAULI Primi Eremitæ.
Meditatio de Vita eiusdem Sancti.

Præludium imum. Constitue te per vi-

vam

vam fidem coram Deo ante quem procumbunt plurimi Sancti mittentes coronas suas & dicentes: *Benedictio, & gratiarum actio, Deo nostro in secula seculorum.* Atq, inter hos in Sanctum Paulum Primum Eremitam, de quo meditaturus es, peculiariter mentis oculos conijce.

Praeludium 2dum. Efflagita gratiam cognoscendi, quot quantisq; gratijs hic Sanctus præventus sit, & quàm strenuè ijs cooperatus, quàm gloriôsè coronatus.

P*unctum 1mum.* Expende quomodo Dominus Deus Beatum Paulum, què ab æterno in Primum Eremitam prædestinaverat, in tempore ad hunc statum ex gratia sua per mira & varia media duxerit. imo. mirabiliter ad fidem vocando. *Quibus*
2do. à gravibus peccatis præservando. *3tio gratijs*
3to. fororiorum adversus eundem exacerbari *præventus*
permittendo. *4to. S. Paulus.* aversionem à rebus
mundanis menti eius imittendo. *5to.* ad
vitam Eremiticam, in qua non salvari tantum, sed insignem gloriæ coronam posset promereri suaviter efficaciterq; trahendo. Similem Dei bonitatem in tui vocatione, hucusq; conservatione cole & admirare.

Punctum 2dum. Expende quàm graviter S. Paulus oblati sibi tantis gratijs cooperatus fuerit. imo. Angelicam mentis *Quomodo*
& corporis puritatem conservando. *2do.* *ipsis coo-*
peratus.

à mundo totaliter se abstrahendo. 3tio. solus cum solo Deo in Eremito vivendo. 4to. corpus inedijs, vigilijs, humi cubationibus, labore manuum, frigore, asperitate vestis palmaris, quæ vti credibile est illum cruentabat, & alijs macerationibus mortificando. 5to. veræ devotionis & divinæ contemplationis exercitijs avidissimè inhiando & constantissimè vacando. Has virtutes in Patre tuo tu suspice: & si non vis degener esse filius, imitari satage.

Punctum 3tium. Expende quàm superbè Deus pios labores Sancti Patris remuneravit in vita: 1mo. eripiendo eum ex insidijs persecutorum. 2do. offerendo ei speluncam contemplationi propositq; suo opportunâ. 3tio. dactylis primum dein de pane dimidio singulis diebus eum pascendo & palmæ spatialijs vestiendo. 4to. in tentationibus monstrosisq; demonum apparitionibus gratiâ speciali confortando. 5to. visitationes cælestes sæpius ei largiendo. 6to. spiritum propheticum & alias gratias gratis datas eidem tribuendo. In morte: suavissimè spiritum eius inter orandum ex corpore accipiendo; corpus exanime erectum extensis manibus, acsi vivum esset conservando. Post mortem animam ipsius inter Prophetarum & Apostolorum cætus in cælum ministerio Angelico

Quam copiose præmiatus. in vita.

In morte.

Post mortem.

gelico assumendo: corpus per leones non sine ingenti miraculo sepeliendo: famam Nominis eius per totum orbem divulgando: festum natalis eiusdem in militante Ecclesia constituendo: ordinem & templa sub titulo eius erigi faciendo: translationibus sumptuosis & solennibus ex Eremo Constantinopolim ab Emmanuele Cæsare, deinde Venetias, postremo Budam honorando: multa miracula ob invocationem eius sive ad sepulchrum, sive alibi, in quacunq; necessitate hominum patrando: insuper in cælo essentialis & accidentalis gloriæ præminentijs, nec non extraordinariâ laureolâ tanquam primum Eremitam beatificando. His expensis gratulare Sancto. Ora eundem vt pro te intercessor existat. Propone imitari virtutes eius.

Pro eodem Festo.

De perfectione virtutum eiusdem Sancti.

Punctum imum. Expende quas & in quam perfecto gradu virtutes habuerit S. Pater: 1mo. silentium: nihil non modo illiciti inutilis & otiosi extra tempus & locum, sed neo liciti & utilis proferendo. 2do. ieiunium: nihil conditi nihil costi comedendo, imo etiam crudis

cum parsimonia magna utendo. 3tio. Paupertatem: nihil exquisitum, nihil superfluum affectando, sed neq; commoda necessaria nimirum vestem lectum habendo; omnia mundana vt stercora arbitrando. 4to. Orationem: in qua totos dies & noctes traducebat. 5to castitatem: consortium, imò aspectum toto vitæ tempore fruarum, & in eis sororis vterinæ fugiendo. 6to. contemplationem: soli Deo insatiabili studio vacando. se seq; illi per affectus internos vniendo. Admiratio. Congratulatio. Imitatio.

Punctum 2dum. Expende quàm perfectè earundem virtutum actus operatus sit. Imo. non ex consuetudine, sed cum crebra renovatione rectæ intentionis eos frequentando. 2do non pigrè sed cum omnimoda virium mentis & corporis applicatione eisdem exercendo. 3tio. constanter vsq; ad mortem eos continuando. Si cum simili perfectione tuos actus vel vnica septimanâ perageres, quantum cumulum meritorum brevi haberes. Zelus imitandi.

Pro Festo Sancti cuiuscunq;

Meditatio de Sancto N.

Præludia vt supra in vita Sancti PAULI Primi Eremitæ.

P*unctum 1um.* Considera immensam gratiam

gratiam Dei quam erga hunc Sanctum ostendit. imo. quia illum præ multis alijs ex gratuita misericordia prædestinando in suum elegit. 2do quia electum ad fidem & Baptisma vocavit. 3tio quia à multis tentationibus, peccatis, & periculis salutis liberavit. 4to. quia ad statum in quo non salvari tantum sed & insignem Sanctitatem consequi posset eiecit. 5to. quia ei plurima salutis æternæ media sua via & efficacia cum perseverantiæ dono subministravit. His expensis recale & admirare quomodo & tibi indigno similem Deus gratiam præstitit, & ulterius paratus est præstare. Postea excita in te affectus congratulationis S. N. gratiarum actionis, laudis Dei, amoris, zeli cooperandi divinæ gratiæ.

Punctum 2dum. Considera quàm strenuè hic Sanctus acceptis naturæ & gratiæ donis usus fuerit iam proficiendo in dies in triplici via perfectionis, iam seipsum perfectè abnegando, iam Christi Domini virtutes imitando, iam ardenti zelo laudem divinam & salutem proximorum promovendo, iam demum exercitio certarum virtutum insistendo: ut mortificationis, castitatis, humilitatis, misericordiæ, &c. quibus maximè claruit. His ponderatis examina reipsum, an & tu talium

insignia virtutum in te habeas. Postea Sancto de strenua cooperatione congratulare. Deo gratias age, de tua socordia erubescere, imitari statue, media elige, gratiam pete.

Punctum 3^{ium}. Considera quàm copiose Deus, Sancti huius conatus, & labores præmiavit tam in hac quàm in altera vita: in hac quidẽ extraordinarijs gratijs, cælestibus solatijs & subsidijs, miraculis quoq; cum munerando; in altera verò in primis nomen eius memoria celebri peruniversam militantem Ecclesiam clarificando, templa sub titulo eius ædificari, miracula ad sepulchrum & ad sacras eiusdem reliquias fieri faciendo: deinde in cælo essentialis & accidentalis gloriæ beatitudine cum cumulando, insuper extraordinarijs laureolis vel Virginum vel Martyrum, vel Doctorum exornando, præter peculiare corporis gloriosi dotes & gaudia, quæ resurrectioni reservantur. His expensis congratulare Sancto, excita spem, desideriumq; similis gloriæ similibus medijs, quibus ille usus promerendæ.

PRO FESTO

SANCTI MICHAELIS ARCHANGELI.

Angelus
quid?

Punctum 1^{um}. Angelus (ex nominis significatione idem quod nuncius) est substantia

substantia creatâ intellectualis. Tres sunt Tres Hie-
 Angelorum Hierarchiæ, seu sacri princi- rarchiæ
 patus. Quia verò Hierarchia est sacra ali- Angelica.
 qua multitudo, sub Principis vnius guber- Hierarchi-
 natione: & quia multitudo non esset or- e quid no-
 dinata sed confusa, si distinctis non constar- minis?
 ret ordinibus: ideo quævis Hierarchia An- quid rei?
 gelica habet diversos ordines, secundum In singulis
 diversitatem officiorum & actuum, eosq; Hierarchi-
 tres, scilicet supremorum, mediorum, in- is tres or-
 fimorum spirituum, quæ etiam triplex di- dines dan-
 versitas in singulis datur ordinibus. Ex tur.
 his tribus Hierarchijs & 9. ordinibus An- In singulis
 gelorum, alij assistunt Deo, alij ministrant ordinibus
 iuxta Daniele: *Millia milium ministrabant tres clas-*
ei, & decies millies centena millia assistebant ses.
ei. Assistunt, qui præcepta & arcana Dei Angelis
 proximè percipiunt; & hoc modo soli alij assi-
 primæ Hierarchiæ spiritus, quibus pro- stēt alij
 prium est à Deo immediate illuminari, al- ministrā-
 sistunt: cæteri omnes sunt administratorij tes.
 spiritus: omnes tamen etiam ij qui in mi- Qua rati-
 nisterium hominum mittuntur, assistunt one omnes
 Deo eatenus, quatenus visione eius bea- in vniver-
 tificâ perfruuntur. Admirare & adora di- sum Ange-
 vinam providentiam, & sapientiam cæle- li assistūt
 stes Spiritus miro ordine disponentem. Deo?

Age gratias pro eorum creatione, & in
 ministerium hominum deputatione.

Punctum 2dum. Expende proprietates

Aaa 5

singulæ

Proprietates ordinum Angelicorum. singulorum ordinum, quæ ex nominibus
Ordo Angelorum. ipsorum nobis innotescunt. In prima Hie-
Ordo Angelorum. rarchia sunt: Seraphim, Cherubim, Thro-
Ordo Angelorum. ni; quæ nomina Deum respiciunt solum.
Ordo Angelorum. In secunda: Dominationes, Principatus,
Ordo Angelorum. Potestates; & hæc nomina communem
Ordo Angelorum. quandam gubernationem ac dispositionem
Ordo Angelorum. denotant. In tertia: Virtutes Archangeli,
Ordo Angelorum. Angeli. & hæc nomina significant operis
Ordo Angelorum. seu ministerij exterioris executionem,
Ordo Angelorum. inter se a. Quantum ergo ex nominibus singulorum
Ordo Angelorum. ordinum datur intelligi: Seraphim excel-
Ordo Angelorum. lunt in ardore, erga Deum: Cherubim
Ordo Angelorum. excellunt in cognitione Dei: Throni in
Ordo Angelorum. cognitione quâ immediatè cognoscunt ra-
Ordo Angelorum. tiones divinorum operum; vocanturq;
Ordo Angelorum. Throni per similitudinem ad materiales
Ordo Angelorum. sedes, quia Deum in se ipsis suscipiunt, &
Ordo Angelorum. eum quodammodo ad inferiores ferunt:
Ordo Angelorum. Dominationes proponunt & præcipiunt
Ordo Angelorum. ea quæ spectant ad divina mysteria; Do-
Ordo Angelorum. mini enim est præcipere de agendis: Prin-
Ordo Angelorum. cipatus bonis spiritibus principantur: Po-
Ordo Angelorum. testates malis: virtutes habent potesta-
Ordo Angelorum. tem supra res corporales in operatione
Ordo Angelorum. miraculorum: Archangeli nuntiant homi-
Ordo Angelorum. nibus magna: Angeli parva. Affectus qui
Ordo Angelorum. supra.

Magister
sententia-
rū 2. dist:
9. S. 2.

Punctum 3tium. Expende proprietates
 peculiare S. Michaelis Archangeli. ima
 est,

est, quia sicut ante fuit patronus, & tutor *S. Michael*
 Synagogæ; ita nunc Ecclesiæ. 2da. quia *Archange-*
 moribundis fidelibus auxiliatur & defun- *lus. imo.*
 ctorum animas repræsentat ante Thronum *Patronus*
 Dei; ac propterea vocatur Princeps super *Ecclesiæ.*
 omnes animas suscipiendas in cælum. 3tia. 2do auxi-
 quia quidquid mirabile evenit illius ope- *liator mo-*
 rationi attribuitur. 4to. Signifer Christi *rientium.*
 vocatur; quia signum filij hominis, cru- *3tio. Pa-*
 cem nimirum præferet ante Christum ad *trator mi-*
 iudicium ultimum procedentem. 5ta. quia *rabilium.*
 tabulum hostem humani generis devicit. 4to. Signi-
 præliando cum ipso. 6ta. quia apud Da- *fer Christi.*
 nielem vocatur Princeps magnus & vnus *5to. Triū-*
 de primis Principibus. O Princeps glori- *phator ho-*
 osissime, Michael Archangele! O Præ- *stis nostri.*
 posite Paradisi cuius oratio perducit ad re- *6to. Prin-*
 gna cælorum. O Dux prædestinatorum, *ceps ma-*
 assiste & attende mihi semper cum S. An- *gnus.*
 gelo Custode meo, vt ita vivam, ita mo-
 riar, quò hæreditatem capiam salutis. Su-
 scipe benignus migrantem hinc animam
 meam, & perduc eam in paradysum exul-
 tationis.

Meditatio pro Festo.

Sanctorum Angelorum Custodum.

Qui Ange-

li mittun-

tur in mi-

nistrium

hominum.

Punctum immum. Considera imo. quod
 omnes Angeli solis agminibus primæ
 Hierarchiæ exceptis item Dominationi-
 bus,

bus, quæ sunt quidem etiam inter ministrantes Angelos, non tamen sicut exequentes ministerium, sed sicut disponentes & mandantes quid per alios fieri debeat: omnes inquam alij mittuntur in exterius ministerium. Considera 2do, quòd etiam inferiores Angeli exerceant officia superiorum, in quantum aliquid de dono eorum participant, & in quantum sunt executores voluntatis superiorum atq; hoc pacto etiam Angeli infimi ordinis possunt & miracula facere, & demones arcere. Benedicite Angeli Domini Domino, benedicite cæli Domino. Adorate eum omnes Angeli eius: adorate pro me etiam & supplete vices infirmitatis meæ.

Punctum 2dum. Expende, quod singuli homines habeant singulos Angelos custodes. Magna est (ait S. Hieron: in Math:) dignitas animarum, quod una quæq; habeat ab ortu natiuitatis in custodiam sui Angelum delegatum. Et quidem ex infimo ordine ad custodiam particularem singulorum hominum mittuntur: veri simile tamen est, quod maiores Angeli ad custodiam eorum hominum deputentur, qui sunt ad maiorem gradum gloriæ electi. Custodia verò vniversalis pertinet ad alios ordines. Supra humanam multitudinem habent custodiam Archangeli: supra
corpo.

corporeas omnes naturas habent custodiam viventes: supra bonos Spiritus habent praesidentiam Principatus: supra daemones, Potestates. Adora divinam sapientiam ineffabili modo ministeria Angelorum & hominum disponentem. Adora & glorifica providentiam Dei pulchro ordine inferiora per superiora in hoc universo regentem.

Punctum 3tium. Expende versiculum illum angelis suis Deus mandavit de te. Quis, quibus, de quo mandavit, ut custodiant te in omnibus, vis tuis, in omnibus operibus tuis. Ne unquam offendas ad lapidem pedem tuum. O immensus amor Dei! O providentia Dei infinita circa nos! Age gratias divinae bonitati. Ora ad S. Angelos Custodes: *Sancti Angeli Custodes nostri defendite nos in praelio ut non pereamus in tremendo Dei judicio.* O Nobilissime, o Sanctissime Angele Custos protector, tutor, magister mihi assignate! gratias ago Deo meo, quod te mihi dederit, tibi; de me mandaverit, gratias pro omnibus donis, quibus te ornavit: gratias ago & tibi quod me hucusque rexeris & protexeris. Perge ita me custodire, illuminare, defendere, ut me immaculatum & absque querela servas usque ad adventum Domini mei JESU Christi
eius;

eiq; propitio me ad gloriam æternam
præsentēs.

Pro Festo Sanctorum Omnium &
sequentibus ad Octavam diebus
accipiantur meditationes de glo-
ria cælesti ex hebdomada Do-
minicæ infra Octavam Ascensio-
nis Christi cum tessera.

*O si quando videbo gaudium meum quod
desidero! O si inebriabor ab ubertate do-
mus tuæ ad quam suspiro! O si porabis me
torrente voluptatis tuæ quam sitio! San-
ctus Augustinus.*

Pro festo Commemorationis omni-
um Fidelium Defunctorum.

Meditatio.

*Salvandi per ignem purgatorij gra-
vissimum, quibus iuvantur modis?*

Punctum unum. Fundamentum aliud
nemo potest ponere nisi quod po-
situm est. Si quis superædificat supra funda-
mentum hoc, id est IESUM Christum, au-
rum, argentum, lapides pretiosos: ligna, fæ-
num, stipulam: vnius cuiusq; opus manifestum
erit. Dies enim Domini declarabit quia in
igne revelabitur, uniuscuiusq; opus qua-
le sit ignis probabit. Si cuius opus manserit,
quod superædificavit, mercedem accipiet.

Si

Si cuius opus arserit, detrimentum patietur: ipse autem salvus erit, sic tamen, quasi per ignem. 1. Corinth. 3. Supra fundamentum Ecclesiæ quod est JESVS Christus, opera nostra superædificamus, quando in fide & charitate Dei & vnione meritorum Christi operamur. Et quidem aurum argentum lapides pretiosos superædificamus quando in fervore charitatis divinæ perseveranter operamur: è contra lignum, fenum, stipulam, quando negligenter & tepidè aut ob vanam gloriam operamur. Etiam tunc aurum argentum & lapides pretiosos superædificamus quando discipulos & proximos nostros sedulo labore & ferventi animarum zelo facimus virtutibus & sanctiore vitâ fulgidos: è contra lignum, fenum, stipulam superstruimus, quando segniori opera finimus eoldem in ariditate & infirmitate atq; in relabendi facilitate manere. Dies Domini est dies mortis nostre, & quod sequitur iudicii Divini. Tunc manifestabitur vniuscuiusq; opus. Si opera nostra inveniuntur in igne examinis divini charitate fulgentia & firma; mercedem æternæ retributionis absq; ulla retardatione & castigatione recipimus. Si verò in igne iudicii divini non subsistent sed tanquam arida & gracilia

Tria genera bonorū secundū 3. gradus cōparationis. Similiter 3 genera malorum in Ecclesia.

Quasi per ignem. SS. PP. v. Ambrosius Augustinus Gregorius &c. accipiunt purgatorium.

cilia absumuntur & evanescent; tunc nihil exipsis lucrum & mercedem accipiemus, Salvabimur tamen ob fidem & charitatem: verumtamen non nisi per ignem purgatorium salvi fiemus. Si ille non nisi per ignem salvus erit qui iustus ex proprio est, & quia negligenter discipulos edificavit: quid de illis fiet qui & sermone non edificavit, & in super scandalizant exemplo. S. Hieron: Reflece te supra te qualia opera supra fundamentum quod est JESUS Christus superedificabas. Affectus congruos elice.

Gravitas
ignis
purgatorij

Punctum 2dum. Ignis purgatorij gravissimè cruciat quia idem est cum igne inferni nisi quod hic æternus sit, ille non, (ratione cuius æternitatis gehenna dicitur simpliciter ignis, purgatorium quasi ignis.) S. Gregorius lib. 4. dialogorum c. 8. ait: Eodem igne crematur damnatus, & purgatur electus. quia item gravior est secundum D. Augustinum in psalmum 37. quam quidquid homo pati potest in hac vita quia insuper ignis ille habet adiunctum sibi rædium ex dilatione visionis divinæ, quod ita affligit animas ut teste D. Bonaventura in 4tum. dist. 21. nullum consolationi earum indulgeat locum. Spes quidem roborat eas ad patiendum; non tamen penas alleviat.

quare

Quare stultè à nobis contemnitur ignis ille, eò quod Apostolus dicit, salvandos ex eo & per eum homines.

S. Barlaam esto tantæ vir perfectionis summè timuit purgatorium in articulo mortis. Et S. Eustratius ad martyrium pergens non cruciatus Martyrii sed purgatorij exhorrescebat; pœnasq; ipsius vt evaderet orabat. Etiam me Domine hîc potius examina hîc exure & excoque vt in die tuo in hora mortis meæ inveniar purus firmus & fulgidus fervore charitatis. Quodli opera mea omnino exigent cremari aut purificari per ignem: salva me citò ex igne illo, & tanquam terram eripe ex incendio.

Amos 4.

Punctum 3^{um}. Iuvantur autem anime in purgatorio per Orationem, Misericordiarum celebrationem, & eleemosynarum largitionem: hæc tria maximè sibi profuisse quædam anima è purgatorio liberata respondit S. Mechtildi. Iuvantur item mortificationibus, vt jeunijs, disciplinis, chaumenijs, & similibus asperitatibus applicando eas decetis in purgatorio. Apostolus enim resurrectionem simul & purgatorium svadens dicit 1 Corinth. 15. Alioquin quid facient qui baptisantur pro mortuis si omnino mortui non resurgunt: vt quid & baptisantur pro illis? vbi Baptis-

Modi iuvandi animas

mus accipitur pro afflictione voluntaria secundum illud *Baptismo habeo baptisari* ubi Dominus passionem suam vocat nomine baptisimi. Apostolus ergo adducit hoc loco consuetudinem Ecclesie primitivae baptisantis hoc est affligentis se pro mortuis per jeiunia fletus orationes &c.

*Theodorus
apud s.
Iho: opus
i. contra
Gracos.*

Credimus Domine JESU purgatorium ignem quo purgantur animae velut aurum in conflatorio. Libera eas de profundo lacu quas pretioso sanguine redemisti: quas in libro vitae scripsisti: & maximè eas pro quibus orare obligor. Fac per piissimam misericordiam tuam, ut citò à penis expeditae in te ipso in æternum respirent & requiescant.

Pro Festo Dedicationis Ecclesiae. Meditatio.

Punctum unum. Zachæe festinans descende, quia hodie in domo tua oportet me manere. ait Christus ad Zachæum ac si diceret: Nisi descenderis cum festinatione de hoc fastigio in quo te supra alios elevas, non ingrediar domum tuam; si descenderis, protinus me habebis bono tuo hospitem. Zachæus iste corpore quidem pusillus, sed spiritu altus erat. Divitem enim esse & superbum non esse, propè miraculum est. Domum ergo ipsius in-

us ingredi, salutemq; ipsi afferre noluit Dominus, priusquam se se per humilitatem deprimeret, qui per fastum supra cæteros se extulerat: quanquam hoc quod arborem conscendit, non ex damnable fastu fecit, sed ex salutari desiderio videndi Salvatorem. Detestare superbiam, precare humilitatem.

Punctum 2dum. Vide verò humiliatio-
nis fructum. JESUM manere facit in do-
mo peccatoris: è filio diaboli filium fa-
cit Abrahæ è fraudulento raptore, ju-
stum & liberalem dispensatorem: è pu-
blicano discipulum Christi. O humilitas
quam mira operaris! Quis autem da-
bit mihi hanc virtutem: Vox Christi con-
fringens cedros superbiæ.

O JESU rogo per humilitatem tuam *Colloquium*
inclina me grandi voce tua: *festinans de-*
scende. dic & jube vt qui supra alios ho-
mines me elevo; infra omnes me deici-
am, dic & fiet; sermo enim tuus ope-
ratorius est. Si nullū bonum Spiritūs ha-
bere possum nisi ex speciali dono tuo;
quomodo præstantissimam virtutem ab
te habere potero! Ita te rogo, ita te de-
precor per illam suavitatem tuam quia
Zachæum minimè sperantem de arbore
vocasti, latificasti, humiliasti, salvasti. Sum

enim etiam ego Zachæus staturus quoad interio-
rem hominem pusillus, quia nulli s. virtutis digni-
tate sublimis, sed superbiæ mole intumescens.

O si illud verbum audiam: *hodie huic domui sa-
lus à Deo facta est!* O felix hodie! felicissimum
hodie! fias aliquando, advenias mihi aliquan-
do, cui nullum prævæ mutationis *cras*
succedat.



(22)(+)(23)

INDEX RERUM

& Verborum.

A

Abominationem faciens quis?	18.
Abſtinentia proficua animæ & corpori.	236.
Abſtinentiæ motiva.	241.
Abraham ubi vidit diem Chriſti.	292.
Actus intellectus practici & prudentiæ, ac vitia utriq; opposita.	673.
Actuum amoris praxis.	389.
Acediæ peccatum contrariatur charitati Divinæ & eius filiæ.	570.
Acediæ reſiſtendi media.	575.
Aeternitas.	432.
Afflictio & affligens prodeſt nobis.	204.
Afflictio argumentum amoris Dei erga nos.	379.
Afflictio ſecurior quàm prosperitas.	380.
Afflictiones breves.	391.
Agonia in Chriſto ſecundum quid.	270.
Ager Eccleſia.	286.
Alimentum animæ duplex.	237.
Amor proprius fons arrogantia.	196.
Amoris cauſas in odia inſectimur.	288.
Amor gaudij cauſa ibidem.	
Amor Chriſti ad oves ſuas.	375.
Amor Dei erga nos qualis.	382. 446.
Amor noſter qualis erga Deum.	383.
Amandus Deus ex quatuor.	384.
Amoris	

INDEX RERVM.

Amoris causæ.	386.
Amoris actus interni.	388.
Amicitia qualis debet esse.	396.
Amor habet rationem primi doni.	438.
Ambitio perniciosa.	622.
Annunciatio Incarnationis, cur? & cur per Ange- lum? quâ specie? quo ordine facta?	47. 8. 9.
Ante significat aliquando præcedentiam honoris non temporis.	51.
Animæ pondera tria.	237.
Anima debet esse murus & turris.	393.
Anima & spiritus quid.	40.
Anima nostra aut à Rege legitimo regitur, aut à Tyranno vastatur.	602. 603.
Anima Iasari quos habet portitores?	681.
Angelus quid.	744. 745.
Angelorum officium quotuplex? & an omnes assi- stant Deo?	745.
Hierarchiæ quot? quid Nominis? quid rei signifi- cent & quot ordines in Hierarchia: ibidem.	
Ordo Angelorum quid?	746.
In ordinibus tres classes.	745.
Ordinum Angelorum proprietates.	746. 747.
Angeli qui mittuntur in ministerium? & qui non?	(747. 748.
Singuli dantur hominibus pro custodia.	748.
Proprietates S. Michaelis peculiæares.	746. 747.
Architecti duo.	396.
Arimathia quid?	383.
Arca Noë quales fabros habuit similes ijs qui do- cent	

INDEX RERVM.

cent & non faciunt.	168.
Ascensus in via spiritali per quos gradus?	168.
Asina quid?	307.
Asinæ pullus ibidem.	
Attributa Dei in particulari.	471.
Auiditas in comedendo & nimietas nociva.	244.
Auricula dextra & sinistra.	273.
Avaritiæ filiæ quæ, & quàm grave peccatum.	566.
Radix omnium malorū, & cur 677. & sequentibus.	
Nocumenta ipsius.	678.
Motiva fugiendæ avaritiæ quæ?	679.
Interitûs avarorum exempla.	680.

B.

Barthimæus quis?	223.
Balthazari Regis iudicium in convivio, quid significet?	649.
Beatitudines octo.	168.
Beatitudinis octavæ conditiones quinque.	169.
Benedictio Christi perpetua.	412.

C.

Celum clausum ante Christi ascensionem.	420.
In cælo est ne aliqua superficies?	423.
Caiphas.	278. 279.
Castitas eiusq; actus & motiva.	147.
Capharnaum quid & quare Christus ibi prædicare cepit?	137.
Calix duplex.	218.

Caput

INDEX RERVM.

Caput Ecclesiæ Chrius diversimodè respectu diver-	
sorum hominum.	55.
Centurionis virtutes.	164.
Cervical Christi.	176.
Cervical nostrum.	177.
Christus cur assumpsit corpus passibile.	50. 61.
Cur animam passibilem & quomodo?	62.
Quomodo ante Ioannem factus.	51.
Quare Mariæ filius non autem Spiritus S.	53.
Iussione & benedictione non generatione Spiritus	
sancti conceptus.	53.
Plenus omni gratiâ quantum ad perfectionem gra-	
tiæ, & quantum ad divisionem.	
Est universale principium gratificationis naturæ hu-	
manæ.	54.
Christi scientia, Divina, Beata, Infusa, experimen-	
talis.	ibidem.
Christi potentia naturalis, gratuita, instrumētalis.	59.
Christi passiones quomodo differunt à nostris?	63.
Christi tituli.	65.
Christi Nativitas & circumstantiæ ipsius, ac modus.	
74. & sequentibus.	
Virtutes Christi Domini.	90. & sequent.
Circumcisio & Nomen.	97. & sequent.
Epiphania & ipsius circumstantiæ.	107. & seq.
Fuga Christi in Ægyptum & cur?	114. & sequent.
Profectus.	119. & sequent.
Baptismus.	123. & sequent.
Christi excellentia, & vnde?	146. & sequent.
Prædicatio & ipsius circumstantiæ.	149. & sequent.
	Miracu-

INDEX RERV.

Miracula, ipsorum finis, causa, potestas, & mysteriũ
161. & sequentibus.

Dormitio Christi in mari, & cur? 175.

Transfiguratio & circumstantiæ eius. 247. &
sequentibus.

Passio & generalitas eius. 248. & sequen.

Mysteria miraculorum circa passionem Christi. 686.

Resurrectio, & causæ ipsius. 334. & sequent.

Ascensio, modus ipsius, circumstantiæ & emo-
lumenta. 414. & sequent.

Christus non fuit vnâ horâ absq; passione, quoad
vixit. 562.

Christus Dominus curaturus surdum & mutum cur
eum eduxit de turba seorsum? 565.

Christus crucifixus exemplar mortificationis 675.

Emollit saxea corda ad misericordiam & clementiã,
(683).

Christi Domini potestas iudiciaria. 625.

Cur? & quot nominibus convenit Christo? 626.

Unde conveniat Xsto supra Angelos? 639. & sequ.

Christus ad iudicium particulare veniet sicut fur,
& cur? 652.

Meruit sibi Christus iudiciariam potestatem. 725.

Abbreviandos dies in gratiam electorum prædixit,
& cur? 721.

Item mundi præcurrentia mala. 716.

Causæ mortis Xsti in cruce quæ? & quib? 722. & 723.

Charitas. 369.

Charitatis ordo. 370.

INDEX RERUM.

Cibum nostrum quid dulcorat?	243.
Cleophas.	337.
Columba representat Spiritum S.	127.
Cogitationes stultæ quæ?	180.
Confessionis obstacula quatuor.	586.
Inductiva ad eandem.	ibidem.
In corpore tria nocumento obnoxia.	686.
Correctio fraterna est remediū adversi peccatū.	677.
Est de præcepto.	ibidem.
Lenitate & severitate temperanda.	ibidem.
Correctio duplex: per coactionem, & correptionem; prima ad Prælatos, secunda ad quosvis fideles pertinet.	578.
Correctio fraterna debet esse secreta & cur?	579.
Crux, sponsa Religiosorum.	135.
Crux, navicula Christi.	177.
Crucem quis portat in angaria.	311.
In cruce mundus totus.	312.
Crucis tituli explicatio.	313.
Crucis signum crebro formandum.	451.
Creaturæ propter nos conditæ quorum nos monent.	
Crudelitas quid? & severitas.	681. (533.

D.

David idea patientiæ & mansuetudinis.	215.
Damnati ad mortem, imitandi in vita & cur?	682.
Deus probro afficitur, cum pauper despicitur.	682.
Deus dupliciter exit ab homine.	484.
Deus qualiter in anima iusti manet.	491. 492.
Deus arbor illa visa à Daniele bona & frugifera.	517.
Dei misericordia & alia attributa.	486.

Dei

INDEX RERUM.

Dei immensitas & præsentia ubiq;	ibidem.
Dei perfectiones omnes, unica perfectio.	496.
Dei manus quæ?	518.
Dei erga hominem qualis respectus, & amor. & eius causa.	547. & sequen.
Dei læsio est læsio omnium creaturarum.	559.
Desperatio vitium gravissimum.	184.
Dextera Patris.	1415.
Desertum, campus certaminis cum diabolo.	234.
Discipuli Christi qui primi. expositio nominis eorum.	152.
Dilectionis actus duplices.	368.
Dilectio proximi qualis esse debet.	581.
Quatuor diligenda.	1367.
Inimici diligendi, qualiter?	368.
Dimensiones 4. quomodo Deo conveniunt?	471.
Dives omnis, camelus, & cur?	680.
Doceri Christo non fuit conveniens.	1118.
Doctores & non factores quibus similes.	108.
Docendi autoritas perfectæ ætati congruit & vitæ.	1149.
Dotes corporis gloriosi.	429.
Dolor duplex, interior & exterior.	249.
Prioris, & posterioris causa.	ibidem.

E.

Eiaculatoriæ orationes.	11.
Electos cur Deus permittit tentari & tribulari?	177.
Ennatis.	7.
Eremitica vitæ fundator Christus.	235.

INDEX RERVM.

Eucharistia, & quis eam māducat indigne?	454. 650.
Eucharistiæ Sacra: quæ motiva ad gratitudinē?	512.
Evangelium quid?	156.
Euangelica perfectio in quo?	171.
Execrati qui?	185.
Exitus malus quorum!	286.
Esca spiritualis etiam animalē vitā conservat.	240.
Esuriētes iustitiā quo? & quomodo saturabūtur.	242.

F.

Favi mellei significatio.	359.
Fervorem pietatis, quæ exempla excitant in nobis.	103. 106.
Finis sciendi quis?	674.
Fidei dignitas.	121.
Fidelitas.	145.
Fidelis nemo stultus.	171.
Fiducia quid?	199.
Fidem & spem includit.	ibidem.
Figulus, Christus.	286.
Frater noster quis?	171.

G.

Gaudium Virginis Assumptæ vnde?	727. 728.
Gallus quid significat?	265.
Getsemane quid?	266.
Gratia naturam imitatur.	371.
Gulæ quæ filiæ? & eiusd. effectus.	568.

H.

Herodis turbatio vnde?	88. 89.
Hermopolis.	117.
	Home

INDEX RERVM.

Homo quomodo in imagine pertinuit?	601.
Hominis vilitas, & dignitas unde?	530.
Hominis ultimus finis in quo consistit.	531.
Homo quantis miserijs obnoxius.	538. & sequen.
Hominum omnium vnus & idem modus nascendi.	(540.
Homo nascens propriæ calamitatis Propheta.	545.
Horæ decimæ mysterium.	132.
Humilitas eiusq; actus.	192.
Necessaria ad salutem.	193.
Humilitas parvulorum qualis.	ibidem.
Humilitas Christi & Apostolorum.	196. 197.
Humilitas Virginis Beatissimæ	199.
Humilitas ubi, ibi dilectio mutua.	199.
Humilis vt sis, tria discce.	94.
Humilitatis fructus qui?	755.
Hypocrisis quid? constitutiva ipsius, & gravitas.	(697. & seqv.

I.

JESU Nomen, eius dignitas, novitas, virtus, suavitatis.	99.
Ignis purgatorij, gravitas eius, & differentia ab igne infernali.	752.
Ignorantia quotuplex?	317.
In Iudæis qualis? & in quibus?	ibidem,
Immisericordia cavenda, & cur?	686. 687.
Imago Dei in homine.	447. 453.
Incarnationis decretum, convenientia, utilitates, motiva, desideria, tempus.	30. & seqv.

INDEX RERUM.

Cur ex muliere facta?	38.
Infernus quid? natura inferni & ignis.	654.
Infernalis ignis à nostro differentia.	ibidem.
Inferni locus & tortores.	656.
Intentio recta quæ?	172.
Innocentia semper, celsæ ardore victrix.	280.
Inanis gloria.	311.
Quæ eius filia?	565.
Innocentes, tympanistræ.	413.
Inquinatus quis?	186.
Invidia vitium diabolicum, & quæ eius filia.	570.
Iosaphat quid?	630.
Ioseph ab Arimathia.	324.
Eius laudes	ibidem, 325.
Comparatio cum obsequio, & merito B.M.V.	ibidem.
Ira unde?	200.
Ira, quæ filia & media eam frænandi.	569.
Ira minuit utramq; vitam.	199.
Ira gradus 3.	203.
Reatus tres.	ibidem.
Ira gravitas.	204.
Iracundus non habet Deum directorem.	210.
Facilis ad peccandum.	210.
Iracundi exterminabuntur.	202.
Iudicij vniuersalis processus.	631.
Iudicium duplex.	635.
Iudicium vltimum terribile, & cur?	637. & 638.
Iudicij vniuersalis necessitas, & causa.	627. & seqv.
Iudicium particulare	641. 644. & sequenribus.

Examen

INDEX RERVM.

Examen ipsius, accusatores qui? & testes?	564. & sequentibus.
Rigôr, & modus evasionis.	646.
Exprobratio iudicis quæ? & quorum?	646.
Sententiæ pronuntiatio formidabilis, & cur?	647.
Iudæ pænitentia infructuosa.	285.
Iudæorum delictum salus mundi.	305.
Iudæus verus quis?	314.
Iumenta seu vt iumenta esse debemus.	81.
Iustitia falsa Phariseorum.	286.
Iustificatio magnum beneficium & multa bona adfert.	519, & sequentibus.
Iustus vnde dicitur?	498.
L	
Lepra peccatum.	165.
In lepra 4.	ibidem.
Lepra rerum inanimatarum.	166.
Leprosus qualiter in veteri testamento curabatur.	(164.
Leprosi à Christo curati opera.	167.
Leporis natura in quo imitanda.	609.
Liber apertus quis?	187.
Libido honoris vnde vitiosa?	624.
Luxuria quid?	183.
Luxuria quàm grave & fædum peccatum? & quæ eius filia.	567.
Eius mal.	183.
Intelligitur per. risum.	185.

M.

Mariæ prerogativæ, 38.

Ccc 4

Nomen

INDEX RERVM

Nomen. Parentes, & Præsentatio.	42. & sequen.
Affectus post conceptum Filium Dei.	69.
Plenitudo gratiæ, superplenitudo & Visitatio Eli- sabeth.	ibidem.
Virginitas illibata & expectatio partûs.	72.
Dispositio ad eundem.	76.
Maria Virgo turribulum aureum.	106.
Ubi Maria, ibi Iesus.	134.
Etiâ non invocata succurrit.	135.
Castitatis amatrix & conciliatrix.	189.
Dulcis, mansueta, modesta, & abstinens.	211. 232.
Pacifica.	364.
Virtutibus plena.	504.
Circa Deum præsentem semper occupata.	493.
Dolor eius auditâ filij captivitate.	283.
Mariæ privilegia iuxta S. Bonaventuram.	514. & 516.
Maria arbor bona juxta visionem S. Mechthildis.	526.
Mariæ prærogativæ ex varijs Sacræ Scripturæ locis.	728. vsq; ad 738.
Maria in hora mortis servis suis propitia.	711.
& sequentibus.	
Apparitiones ipsius moribundis.	712. & 723.
Inter vitiorum, otium & impunitas.	1.
Mammon quid significet?	594.
Mandata Dei contraria mandatis mammonæ.	595.
Effectus servitutis Dei contrarij effectibus servitu- tis mammonæ.	ibidem.
Mansuetudo honor animæ.	205.
Mansueti abundant spirituali lætitiâ.	207.
Quare? & quando?	ibidem.
Mansue-	

INDEX RERVM.

Manſuetudo pacem internam cauſat.	209.
Manſuetorum director Deus.	210.
Manſuetus non poteſt eſſe niſi humilis.	209.
Manſuetus Chriſtus, in Natiuitate, vita, morte.	208.
Magdalenæ expoſitio.	346.
Cur meruit viſionem Angelicam?	343.
Maſa mixta bonis.	3.
Magnificus quis?	497.
Meditationis vtilitas, & neceſſitas.	1. 2.
Medicina animæ quæ?	218.
Memoria porta animæ.	606.
Miſſio duplex.	446.
Miſeriæ omnibus communes, & quantæ?	545.
Monafterium Novitiatus ſub Claro-Monte.	3.
Modestia, eius actus, & motiva.	228.
Modestia lux noſtra.	229.
Modestiæ fructus.	230.
Modestia noſtra foris.	231.
Modus iuvandi animas in pugatorio.	753.
Mons.	410.
Mons oliveti.	ibidem.
Morborum duo fontes.	387.
Mors quotuplex?	614.
Mortis circumſtantiæ, locus, tempus, occasio, mo- dus.	612. 613.
Incerta quo ad tempus, locum, & modum.	688.
Semel tantum ſubeunda.	609.
Mortis proprietates & cautelæ pro bona morte.	667.
Memoria mortis retrahit à peccando, conſervat in gratia, contemptum mundi generat.	606.

In mor-

INDEX RERVM.

In morte peccator angustabitur, ex rebus præteritis, præsentibus, & futuris.	609.
Iustus non item.	611. 612.
Ad mortem semper esse parati debemus, & cur?	615. 616.
Mors malorum dira, & cur?	701. & sequent.
Mors peccatorum cur in plurali vocetur consumptiones?	702.
Mortis tempus tenebrosum & longum.	703.
Hora mortis vocatur dies multi & cur?	ibidem.
Per mortuos qui intelliguntur? & quid sit in Domino mori?	705.
A morientibus facienda, & quæ?	708. & sequent.
Mortem antecedentia signa, eademq; vniversale iudicium.	715.
Mortificatio quid? & quotuplex?	665.
Actus illius, qui? & motiva?	ibid: & 656.
Discreta debet esse & cur?	ibidem.
Necessaria mortificatio sensuum, & cur?	667.
Passionum itidem.	659.
Mundus terra sterilis.	591.
Mundani conspirant adversus servos Dei.	293.
Mundanis bonis, cur amara mixta?	546.
Mundanorum bonorum magna fallacia.	544.
Mundus est instar vrbis.	659.

N.

Nicodemus.	
Nova creatura quæ?	520.
Nubes testimonium Divinitatis.	411.
Nuptiæ quotuplices?	135.

INDEX RERV.

O.

Olivet. mons. quid significat.	265
Opera SSmæ Trinitatis. indivisibilia.	448
Opera carnis quæ?	448
Operum misericordiæ utilitas.	634
Horum mystica significatio in Christo.	632
Oratio qualis debet esse.	270
Orationis uirtus.	126
In occulto quis loquitur?	156
Oratio Thaidis penitentis quæ?	518
Osculum Christi quod?	188

P.

Passio. quid? propassio. quid?	63
Passiones quotuplices?	668
Pastor bonus, officia eius.	366
Pascua triplex.	
Pater noster Deus.	172
Patientiæ materia semper obvia.	216
S. Pauli 1. Eremitæ gratiæ quæ? & quàm perfectæ ipsis cooperatus.	739. & sequentibus
Perfectio virtutum ipsius.	141. 142
Quàm copiosè præmiatus in vita morte, & post mortem?	740. 741
Passiones, venti.	178
Paupertas.	143
Pax cordis ubi?	354
Impedimenta eius.	ibidem
Pax in pace apud quos non est.	350
Pæna sensuum.	658
Pæna damni, & unde pensatur?	660

Pæna

INDEX RERVM.

Pœna potentiatarum internarum.	657.
Utriusq; pœnæ acerbitas.	661. & 662.
Pœnarum æternitas in inferno finè vlla interpolati- one.	663. & sequent.
Pœnas loci mutatio non alleviat, sed aggravat. ibid.	
Vis sentiendi non minuitur.	ibidem.
Peccati mortalis descriptio, & quæ in se includit.	(550.
Peccati progressus à minori ad maius.	301.
Peccati maculæ quàm fœdæ?	552.
Peccati pœnæ quotuplices & quantæ?	555.
Peccata quando non nocent.	342.
Peccati gravitas cognoscitur ex supplicijs aliorum, quibus castigatum est.	556. & sequent.
Peccati malitia desumitur ex parte vilitatis humanæ & Maiestatis Divinæ.	558.
Peccati acerbitas cognoscitur ex parte Christi p. ssi.	(560.
Peccati venialis grave periculum quia disponit ad mortale.	563.
Peccata ob ingratitudinem reviviscunt.	584.
Eorum 4. genera reviviscentiam præteritorum ope- rantia.	586.
Peccata in Spiritum S. quæ?	642. 645.
Ad remissionem peccati 6. requiruntur.	643.
Peregrini, gentiles vocati ad fidem.	286.
Perfecta Dei opera.	135. 161.
Perfectio Dei, idæa nostræ.	171.
Perfectio Evangelica.	ibidem.
Perfecti non egent apparitione Angelicâ.	86.
Petrus	

INDEX RERVM.

Petrus cur ter interrogatus de amore?	342.
Pilati timor & pseudopolities.	301.
Plagæ Christi quid?	296.
Porta salutis angusta.	174.
Quid faciendum vt intrêtur per eam.	174.
Polypus in quo imitandus.	690.
Potestas omnis ordinanda ad Dei gloriam, & pro-	
ximi vtilitatem.	449.
Potestas ad vtilitatem proximi dirigenda.	345.
Præsentia Dei modestiæ author.	226.
Præsentia Dei modus triplex.	225.
Præsens nobis Deus tanquam spectator, tanquam Iu-	
dex, tanquam vltor.	227. 286.
Præsentia Dei exercitium.	489.
Processiones in Deo.	452.
Proprietates Patris æterni, Filij, & Spiritûs S. &	
peccata ipsis opposita.	643.
Præcepta Decalogi ad iustitiam pertinent.	583.
Prædestinatio quid est? & quot eius signa?	323.
& sequentibus.	
Proximi dilectio, actus eius.	273.
Puſillanimitas quid? & mala ipsius.	721.
Gravior quàm præsumptio.	ibidem
Impedit contemplationem & ad desperationem ad-	
ducit.	722.

Q.

Quadrīga Apostolica quæ?	152.
Quadraginta dies præsens sæculum.	409.
Quatuor ordines iudicandorum qui? & quorû.	635.
Quadruplex partitio inimicorum Christi.	ibidem
& sequentibus.	Quæ-

INDEX RERVM.

Quercus quid ?

222

R.

Ratio voluntari politicè præest. 45.

Regula discernendi inspirationes Dei à suggesti-
bus diaboli. 537.

Religio quid ? quibus comparatur, & bona i suis. 137. 138.

Religio vinea. 591.

Religionis vota, eorumq; actus, media, &c. 149.
& sequentibus.

Religio vel Monasterium Scala Iacob. 104.

Religio consanguinitati præferenda. 372.

Remuneratio SS. in cælo quæ ? & quanta ? 744.

Religiosorum regula ex Apostolo. 231. 232.

Resuscitatio Lafari. 587.

Requies Sanctorum quæ ? 706.

Risus quid ? 185.

S.

Sacerdotum dignitas quanta ? 521. & sequent.

Sacerdotij vestis quando laceratur ? 281.

Sacramenta baptismi & Eucharistiæ potissima. 322.

Fluxerunt ex latere Christi. ibidem.

Sanctitas in quo ? 499.

Sanctificatio Ieremiæ & Ioannis in utero ad quid ?
(70.

Sæculum præsens mare. 69.

Scala Iacob quid mysticè ? 104.

Scandalum quid ? & quotuplex ? 692.

Gravitas ipsius, & vnde ? 695.

Scanda-

INDEX RERVM.

Scandalum ubi non est.	397.
Scrupulus quid; & mala scrupulorum.	671.
Remedia scrupulosæ conscientiæ.	672.
Sequentium Christum duplex classis.	276.
Sepulchrum suum cur Christus non habuit?	328.
Sepulchrum Christi virgo.	327.
Sepulchri lapis quid?	347.
Sepulchrum guttur.	227.
Sensuum delectatio in cælo.	429.
Serpens imitandus in quo? & cur?	
Servitus Dei in quo consistit.	534.
Servus Dei quis perfectior.	536.
Malum servum dividit Dominus, hoc est: animam separat à corpore, & ponit inferno.	577.
Simoniacus omnis, avarus & iniquus.	279.
Sinapi quid?	190.
Sinus Abrahæ quis?	681.
Simulatio quid?	699.
Societas in cælis.	424.
Solicitudo quid?	596.
Quæ illicita? & quæ motiva ipsam fugiendi?	ibid.
Illicita redditur tripliciter.	ibidem.
Solicitudinis fontes & causæ.	598. 599.
Solicitudo circa temporalia est præcipuum impedi- mentum Christianæ perfectionis.	694.
Solicitudinis mala, & exempla eiusdem fugiendæ.	(604. 605.
Spiritus S. & eius nomina, pocula, dona, Fructus. 434. & sequentibus.	

In Spi.

INDEX RERVM.

Q	In Spiritum S. non cadit fictio.	126.
	Cur in columbæ specie descendit in Christum.	127.
R	Spiritus nomen in corporeis, quid significat?	437.
R	Spiritus quilibet facit loqui quæ sua sunt.	440.
	Spiritus boni, & mali unde discernendi?	87.
R	Spiritus integritas quid?	440.
	Stulti qui?	188.
R	Subfannare quid apud Deum iuxta S. Thomam?	293.
R	Superior, Angelus.	87.
	Superbia quid? & quotuplex?	616.
R	Eiusdem species.	617.
R	Superbiæ signa & gradus ac humilitatis.	618.
R	Media refrenandæ superbiæ.	622.
R	Gravitas peccati superbiæ ex directa aversione à Deo.	619.
R	Ex eo quod Deus illi resistat, & quod in remedium illius carnalia permittat peccata.	ibid: & 620.
R	Initium omnis peccati & signū reprobationis.	ibid.
3a	Superbus alijs exosus ac stultus.	ibidem.
3a	Inquietus, rixosus, & iracundus, similis diabolo, ac proximus ad peccandum.	621.
Fl	Superbi esse non debemus sed humiles exemplo Christi.	91.
3a	Superbiam excludit mensa Christi.	622.
	T.	
3a	Talenta nostra, ad solius Dei honorem, & utilitatem proximi referenda.	622.
Sc	Tedium, timor, tristitia describitur.	269.
G	Templum Dei Virgo Beatissima.	106.
	Tem-	

INDEX RERVM.

Templum Dei vivum iustus homo, & thurribulum aureum.	106.
Temporis excellentia & pretium.	101.
Tempus variè nobis datur. Menses, hebdomadæ, dies, horæ, quot in anno.	
Tentatio quid? quotuplex? causa ipsius, & modus.	(688.
Utilitas ipsius.	689.
Triples tentationum classis.	ibidem.
Modus generalis, & specialis ipsas superandi.	690.
Tentatus Christus, & quomodo?	688.
Tentari & tribulari, cur permittuntur electi?	177.
Trepiditas noxia & proxima lapsus.	102.
Eius mala.	103.
S. Thomas Aquinas, oliva, candelabrum Ecclesiæ, Angelus, Propheta cui datus calamus.	9.
Tiberias, quid mysticè?	275.
Timoris Dñi natura, divisio, necessitas, & differentia à timore mundano.	717. 718.
Inductiva ad eundem.	718.
Initium sapientiæ quomodo?	ibidem.
Confertur cum spe, & præsumptione excludit.	ibid.
Timor filialis unde crescit, inde decrescit servilis.	(720.
Timens Deum beatus, quare?	406.
Timor vitiosus.	351.
Timor mundanus. vix illi.	300.
Timemus ad apparitiones Angelicas & quare?	87.
Torporem excutiunt exempla Christi, Beatæ MARIÆ Virginis, S. Pauli Primi Eremitæ, & aliorum.	

INDEX RERV.

rum Eremitarum, Fratrum viventium, seculari- um, irrationalium.	
Tria genera bonorum, & malorum.	751.
Tribulatio purgatorium huius vitæ.	214.
Tribulatio brevis & parva, sed gloria æterna & immenſa.	217.
Tribulationis calix duplex: medicinalis & non.	218.
Tribulatorum exempla & præconia.	221.
Tribulatis Chriſtus adest.	214.
Triftitia quid? mala ipſius, & quàm latè ſe exten- dat?	669. & ſequent.
Triftitia ſeculi quæ? & media contra eandem?	670.
Turbatio ſpiritualis quid? carnalis?	262.
V.	
Venter Dagon.	238.
Verbum Dei gladius.	147.
Veftimenta Chriſti quid myſticè?	314.
Veftimentum Chriſti duplex in Paſſione.	291.
Veftis ſeu tunica inconfutilis.	314.
Veftis ſacerdotij.	281.
Veftimenta hominis interioris quæ?	652.
Veftigium Sanctiſſimæ Trinitatis in creaturis irra- tionalibus.	448.
Villicus Dei eſt quilibet homo, & eiufdem obliga- tio.	525.
Vita præſens, biduum.	254.
Vita humana quàm brevis? & quare?	540.
Vitæ noſtræ finis quare incertus?	541.
Vita noſtra quàm fragilis?	542.

INDEX RERVM.

Vitæ nostræ quanta inconstantia.	543.
Vitæ præsentis miseriæ movent nos ad humilitatem.	
Vitæ activæ, & contemplativæ typi turtur & columba.	111.
Viam virtutis quæ faciunt amabilem?	174.
Unio perfecta cum Deo non datur nisi in cælo.	384.
Unitas amanda.	365.
Vnus Dominus, & ingratitudo mundi erga ipsum	(602.
Voluntas Divina quæ?	404.
Voluntatis Divinæ factor, Xsti consanguineus.	ibid.
Est mater Christi.	ibidem
Voluntas bonæ quæ? & quotuplex?	358
Actus voluntatis qui?	676
Mala propriæ voluntatis quæ?	677
Voluptas momentanea.	188
Voti fractio.	145


Z.

Zelus animarum.	376
-----------------	-----




Menda. Emenda.


Pagina. 16. versu. 16. meditatus l. mediatus. pag. 18.
 vel. 25. præparatio l. præparatio. versu 27. cer-
 tra l. certa. pag. 19. versu 11. præmedo l. promen-
 do. pag. 21. ver. 23. pro dilatione. l. pro dilatati-
 one. pag. 22. ver. 11. fieri. l. fieri. v. 12. simile l.
 similes. pag. 27. v. 21. luci l. luceri. p. 29. v. 5. infi-
 nuatis l. insinuati. p. 30. v. 20. reparationi l. repa-
 rationi. v. 23. d l. sed v. 26. apientiam l. sapientiam.
 p. 33. v. 9. difficilem l. difficillimam. v. 28. recte l. re-
 ctæ. p. 35. v. 3. & sapientia l. vt sapientia p. 36. v. 22.
 & remedium l. & ad remediū. p. 40. v. 4. alia l. alia
 p. 42. v. 8. inculcarer l. inculcarat. v. penul. Ange-
 lum l. Angelicum. p. 49. v. 20. age gratiam l. gra-
 tias. p. 51. v. 9. assumptionis l. assumpti hominis. p.
 59. v. 26. factus est l. factum est. p. 60. v. 7. potest me
 potes. p. 66. v. 21. Dominus l. Domine. p. 78. v.
 aliquas l. aliqua. ver. vlt. vagisti l. vagisti. p.
 80. v. 5. cur l. cum 84. v. penul. sigillatim l. singul-
 atim. p. 120. v. 2. jvidebatur l. videbatur. 136. v.
 4. ruminandum l. ruminandam. 139. v. 11. 8va l.
 van. 160. v. imittendo l. immittendo. 171. v. 12.
 l. fit. 175. v. 15. luctus l. fluctus. v. 21. valde l.
 ildeq; 184. v. 13. periculiosior l. periculosior. 180.
 26. charitatis l. auro charitatis. 195. v. 13. com-
 usionem l. combustionem. 199. v. 14. seruet l. ser-
 uat. v. 16. intencionem l. contentionem. 200. v.
 superiores bis ponitur. 205. v. 1. litogoliphus l.
 hogliphus. 207. v. 1. spiritualibus l. spiritualis.
 v. 25. patiunter l. patienter. 229. v. 26. omnem
 omne 289. v. 20. valds l. valde. 321. v. 4. Bea-
 tissi-



1
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44
45
46
47
48
49
50
51
52
53
54
55
56
57
58
59
60
61
62
63
64
65
66
67
68
69
70
71
72
73
74
75
76
77
78
79
80
81
82
83
84
85
86
87
88
89
90
91
92
93
94
95
96
97
98
99
100



1
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44
45
46
47
48
49
50
51
52
53
54
55
56
57
58
59
60
61
62
63
64
65
66
67
68
69
70
71
72
73
74
75
76
77
78
79
80
81
82
83
84
85
86
87
88
89
90
91
92
93
94
95
96
97
98
99
100



Q
1
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44
45
46
47
48
49
50
51
52
53
54
55
56
57
58
59
60
61
62
63
64
65
66
67
68
69
70
71
72
73
74
75
76
77
78
79
80
81
82
83
84
85
86
87
88
89
90
91
92
93
94
95
96
97
98
99
100

Biblioteka Jagiellońska



stdr0024984



PABULUM
ANIMAE
MEDITATIONES